

1599.





Dei christi  
auctoritate















PEABODY INSTITUTE LIBRARY  
BALTIMORE 2, MARYLAND

623

L767

1599

copy 2

R. B.



60





62

L



IUSTI LIPSI  
POLIORCETICON  
SIVE  
DE MACHINIS  
TORMENTIS. TELIS.

*Ad Historiarum lucem.*

*Editio altera, correcta & aucta.*



ANTVERPIÆ,  
EX OFFICINA PLANTINIANA,  
Apud Ioannem Moretum.  
M. D. XCIX.

*Cum Privilegiis Casareo & Regio.*



COLLEGE

LIBRARY

OF THE

UNIVERSITY OF

CHICAGO



AMALGAMATED

LIBRARY

OF THE

UNIVERSITY OF

PEABODY INSTITUTE LIBRARY  
BALTIMORE 2, MARYLAND



SERENISSIMO PRINCIPI

3

ERNESTO

ARCHIEPISCOPO ET

ELECTORI COLONIENSI,

EPISCOPO ET PRINCIPI LEODICENSI,

MONASTERIENSI, HILDESHEIMENSI,

FRISINGENSI:

COMITI PALATINO VTRIVSQ. RHENI,

DUCI VTRIVSQ. BAVARIÆ, VVESTFALIÆ,

ANGARIÆ, BVLLONII:

MARCHIONI FRANCIMONTANO:

COMITI LOSSENSI, LONGIENSI, HORNENSI:

SEDET ALIBI PRINCIPI AVT DYNASTAE:

IUSTVS LIPSIVS

LIBENS MERITÒ DEDICAT CONSECRATQ.

A 2

LIBENS





IBENS, inquam, meritò, hoc quidquid est operis, tibi SERENISSIME PRINCEPS consecro, & frontem eius splendore nominis tui illustro. Multa me impellunt: Beneficia tua, Dignitas & amplitudo, ipsum operis Argumentum. Sanè beneficia tua, imò & tuorum, expertus sum, ex quo pedem primùm intuli & posui in Eburonum vestro solo. Quidquid benignè dici fieriq. potest, à plerisque mihi dictum aut factum est: à te inprimis tali Principe, qui vltro vocare, noscere, sed & adsciscere & proprium habere tibi, honestissimo congiario, voluisti. Neque ego nolui, fateor: sed patriæ meæ amor aut miseratio, tum & nova cum eâ adstrictio, velut tribuniciâ quadam vi intercesserunt, & abesse me à vobis adegerunt, etsi corpore, vix animo seiunctum. Quoties illò ad vos redeo? quoties sermones & affectus vestros ruminor? tuam autem maximè incredibilem in illâ altitudine comitatem: quam nuper etiam regustaui, cùm à fontibus vestris (ad quos parum fausto pede ieram) reduci, Bona Fortuna mihi copiam fecit vultus sermonisque tui videndi obiter & fruendi.

Quod



5

Quòd si hæc priuata non essent; Dignitas tamen tua & gentis splendor, hunc talem cultum cur non sibi vindicent? cùm & tu inter sacri ordinis primos emineas, atque adeò à summo illo capite, si potentiam & latitudinem imperandi spectem, proximum te dixerim aut secundum. Tua est Archiepiscopalis Vbiorum dignitas; tua Episcopalis Leodicensis, Hildesheimensis, Frisingensis, Monasteriensis: & annexi istis tituli, Septemviralis imperij, Principatus, Ducatus, Comitatus, aut Dynastiæ. Atque hæc pro virtute aut meritis in te congesta: tum etiam pro splendore inclytæ & vetustissimæ tuæ gentis. Quæ est in orbe Christiano, imò & extero, quæ vobis vetustate & continuatis imperijs se præferat? Nam illa, si assensum famæ & traditionibus præbemus, ante Christi ortum orta est: aut si antiqua nimis & quæ fidem temporibus debent, seponimus, certis iam Annalium monumentis, ante Attilæ tempora opibus & potentiâ floruisse comperiemus. ADALGERIO Bojorum rex tunc legitur, qui cum Alemannis suis in Francos profectus, prælio insigni ad Tolbiacum vicum interfuit, atque adeò interiit. Ab hoc THEODO, qui magno Clodoueo belli in Burgondiones, itemque in Alaricum, auxiliator & consors:



iterumque THEODO alter, cui à rebus gestis cognomen MAGNI fuit, qui vindex propagatorque imperij, aquilis & gente Romanorum pulsus, fines suos Alpium iugis terminavit. Mox THEODOVALDA, vel hoc nomine memorandus, quòd primus salutari aqua & fide nostrâ tinctus, religionem in fines vestros intulit: atque arma deinde mouens in impios, Hunnos dico atque Abares, primùm victus, eos vicit: tum & à Narfete vocatus in Italiam, partem eius subegit, atque adeò Rex etiam audiit Italorum. Quid alios commemorare opus TASSILONES, VTILONES, GARIBALDOS, & tot illustria nomina? A re meâ, & decoro etiam abeam, si stemma tuum totum replicem: cui vel hoc ad gloriam satis sit, originis riuos communes habere cum fonte Carolino: id est cum PIPINIS & MARTELLIS, atque illis heroibus, qui leges, reges, & Imperatores dederunt in plerumque Christianum orbem. Ipsis adeò vobis Imperatorem propriè, & in scaturigine vestrà, video LVDÓVICVM BAVARVM, virum vndique summum, fatente inuidiâ: si tamen Principem illum sacrorum, in animum induxisset, paullo magis aut vereri, aut certè reuereri. Sed cum solâ eâ exceptione laudetur: & iam sine vllâ, eius pater LVDÓVICVS



7

SEVERVS, Septemuir Imperij: cui duo peculiaria & rara ad laudem sunt: prius, quòd in eà dignitate probitas & sapientia eius pariter sic enituit, vt in caligine summâ temporum, & desperatione Germaniæ, solus à collegis, solus inquam, ius acceperit legendi Imperatoris, & per eum res labentes aut lapsas restituendi. Fecit, prudentiùs nescio, an feliciùs: cùm eius voce ac renunciatione RUDOLPHVS primus ex Habsburgensi Comite sceptrum imperij suscepit, & fataliter deinde ad posteros transmisit. Alterum, quòd eadem prouidentia rebus suis & genti priuatim decus intulit, ductâ in vxorem MACHTHILDE eiusdem Rudolphi filiâ, è quâ mixtione & velut insitione vos istæ stirpes fruticatis. Ecce antiquitatem, ecce potentiam: quid prudentiam & virtutes? vtraque eximia. Vt in paucis exemplis doceam: LUDOVICVM cognomine DIVITEM, quàm verè diuitem atque vberem earum esse oportuit, cuius Aula velut Ara fuit, ad quam è Germaniâ vndique confluerent, & lites, imò bella, voce ab oraculo illo editâ, sedarent? Res ita est, solo interuentu suo (mira, nec nisi à magnis meritis auctoritas) Principum ac Dynastarum iurgia composuit, & strictos iam gladios inhibuit ac repressit. GEORGIVM item

DIVI-



DIVITEM, studiis ac sacris operatum addo:  
 qui vtrorumque amore & honore, Musæum  
 illud publicum exstruxit, quod hodieque  
 Ingolstadij floret, & vectigali ac pecuniâ  
 annuâ instruxit. ALBERTVM TERTIVM non  
 commemorem? Res iubet & vetat: quæ sic  
 rara, sic magna, vt fidem inuenire vix pos-  
 sit, etsi narranda ex fide. Ille virtutibus do-  
 mi & foris ita claruit, vt Bohæmi Rege de-  
 stituti ad eum miserint, ipsumque vocaue-  
 rint: vocauerint, sed non impetrauerint (quis  
 mihi credet?) cùm regno & sceptro omni  
 præponeret Modestiam & Quietem. O ti-  
 tulum nouum pulchrumque in vestrà imagi-  
 ne! & mihi certè super omnes Regū aut Im-  
 peratorum. Adeste ambitiosi, videte. en hic,  
 qui regnum oblatum altâ sapientiâ spernit  
 & reijcit, quod vos per preces, fraudes, en-  
 ses, impetratum itis aut ereptum. Nec ve-  
 rò ALBERTVM QVINTVM patrem tuum si-  
 leam: heroem, qui nisi in turbida hæc tem-  
 pora diuinitus datus fuisset; religio aut impe-  
 rium in Germaniâ vix esset. Ille furentibus  
 se opposuit, frena licentiæ dedit: linguâ, men-  
 te, gladio, cùm opus fuit, pugnauit. Et vo-  
 cauit in subsidium aut excitauit præstantis-  
 simos vndique viros: in his Patres SOCIETA-  
 TIS IHESV, quos ille velut Prætoria quas-  
 dam co-



dam cohortes, contra hærefes, in finibus suis  
 disposuit & collocavit. Dignus patre, &  
 æmulus superest, DVX GVILIELMVS tuus  
 frater: ipse tu, qui primum hoc semper in im-  
 perijs habuisti, fulcrum imperiorum serua-  
 re, religionem & pietatem. Ista sunt in Di-  
 gnitate tuâ & gentis splendore, quæ me in-  
 citarunt: sed & operis, vt dixi, Argumen-  
 tum. Quale id est? MECHANICA sunt &  
 POLIORCETICA quædamus: id est, ingenia,  
 aut inuenta veterum, ad oppugnandum aut  
 repugnandum. Dupliciter tibi conueniunt:  
 siue quia delectaris, ductu ætherij tui inge-  
 nij, acrioribus istis & subtilioribus: siue quia  
 tali Principi & tam latè imperanti, opus sci-  
 re hæc quoque arma aut tela, vel ad tuendum  
 vel ad vindicandum. Vtrumque enim in du-  
 plici hac purpurâ vsu tibi venit, fortasse &  
 veniet: vt conditio temporum, & situs re-  
 gionum tuarum est: quæ iunctæ aut adsitæ  
 ad nostram Belgicam, ex grandi & diuturno  
 eius incendio alibi ignescunt, aut scintillant.  
 Et quanquam fateor pleraque ex istis aboli-  
 ta iam aut desita, vnico inuento fulminæ  
 nostræ Bombardæ ( Lombardam Annales  
 superiores dicunt ) tamen & quædam vsum  
 etiam nunc habent, aut habere certè possunt,  
 si quis rimabitur: & illum sine controuersia

B

fructum



IO

fructum donant, intellegere res antiquas.  
Qui mihi maximè in oculis, professione,  
instituto, sed & recenti à Regiâ benigni-  
tate titulo, facto ad Historias veteres no-  
uasque illustrandas aut scribendas. Caussas,  
SERENISSIME, habes, consecrati operis.  
quod ipsum & me vnà nunc dono: felix il-  
lud, si in manum; & me, si in animum par-  
te aliquâ admittis. Louanij, xvi. Kalend.  
Mart. ∞. IO. xcvi.





# LECTORI.

II



**Q**UOD decrat MILITIAE plena, Lector, habes, MACHINAS, TORMENTA, TELA. Rem illepidam, subtilem, aut tricosam: Et idcò stilus & scriptio fortasse nostra alibi horrescit aut arescit. Sane uberem segetem dare in macie hac agri, difficile est: Nec istud sit ebur, è quo statuam Iouis Olympij Phidias aliquis effingat. Sciuntur tamen utiliter ad historiam Græcam Latinamque: in quibus quæ pagina propemodum est, in quâ non incurrant? Sed de stilo, parum est, rem modò si tetigi: quam ipsam vereor ut parçè aliquis à me dixerit, aut non datam. Id quoque consilio, non negabo: cum animus aut ratio me non impelleret, illa fabrorum aut tæctonum propria examussum proponere, aut omnibus membris deformare. Vidisse, & digitum intendisse, satis sit: alibi etiam non vidisse aut alucinatum esse, in rebus quas ademit fugitiva obliuio, veniam habeat. cum illud Varronis appositè hîc præscribam: Non mediocres tenebræ in siluâ, vbi hæc captanda; neque eò, quò peruenire voluimus, semitæ tritæ; neque non in tramitibus quædam obiecta, quæ euntem retinere possint. Sed lineas tamen aut rudes formas rerum operumque duximus: & siquid eò facit, ex antiquis mediisque scriptoribus con-

B 2                      duximus:



duximus: nec arduum, si quis tanti putabit, colores  
 plures addere & in facie istac proponere germanâ &  
 plenâ. Principum hoc opus & cura sit, fateor: tua  
 SERENISSIME ELECTOR ( iterum te com-  
 pello ) qui libris nondum vulgatis, aut formis quo-  
 que antiquis ( in Armamentariis latere arbitror )  
 conquistis, in claram ista des & sine nube aliquâ lu-  
 cem. Hortor te ut facias: & me quoque, si voles, im-  
 pendam, ut ista iterum certiora, auctiora, picturis  
 politiora, te auspice diuulgentur.





I. L I P S I  
 P O L I O R C E T I C O N  
 S I V E  
 D E M A C H I N I S ,  
 T O R M E N T I S , T E L I S ,  
 L I B R I P R I M I  
 D I A L O G V S I.

*Miscellanei sermones , & precipui semen atque occasio*



N Eburonibus cū essem , valetudini re-  
 creandæ , domus & hospitium mihi fuit I O-  
 H A N N I S F V R I I , primarij inter sacros ibi  
 mystas viri , & mei ac litterarum peramantis.  
 Multa mihi ab eo humanitas , sermones cum  
 eo iucundi & crebri , & fors fuit , vt die quo-  
 dam mensis Iunij iste. In horto eramus , atque inquit : Amicos  
 hīc , Lipsi , multos habes : quod audio cottidie , & gaudeo.  
 L I P S . Fateri debeo . & omnes enumerare ambitio sit , paucos  
 iniuria. F V R . Tamen inter eos vicini mei duo eminent , I A-  
 C O B V S C A R O N D E L E T V S vir nobilis , collega noster &  
 Cancellarius : tum P E T R V S O R A N V S Iuriconsultus , & Prin-  
 cipi à consiliis. Horum vterque quā ardentem te amat ? L I P S .  
 Et redamantem quidem . sed A R N O L D V M W A C H T E N-  
 D O N C K I V M cur omittis ? cur L A M P S O N I V M , imò L A M-  
 P S O N I O S ? cur plerosque , vno verbo , procerum vestrorum ?  
 Amare hanc urbem debeo , in quā sic amor. F V R . Facigitur , &  
 serio noster esto. L I P S . Nōne sum ? clamo & testor. F V R . Man-  
 sione dico noster , nec hinc aliò te ducas. L I P S . Enimuerò  
 amice iucundum sit , si possim . Præter vos , Fontes etiam ve-  
 stri me teneant , quos sensi equidem salutare . Sed patriæ quid  
 debeam , non ignoras : & hospitium mihi hanc urbem esse ,  
 non domum. F V R . O si aliter ! & si herum illum atque hero-



em nostrum audias, qui inuitat! sed is nunc abest, & Germania sua eum habet, doliturum cum audierit migrasse. Et bona fide Lipsi, in patriâ quid nunc est quod alleget? lacer & deformis est, aliarum quam tuarum artium, tota domicilium horridi belli. L I P S. Agnosco, & tecum (nam & tua hæc patria) doleo: sed vel misratio me inducit, ut pro parte virili subleuem, aut certè soler. Periclitabor? esto. ut Curtius ille in apertum hiatus terræ præcipitavit, amore quodam patriæ: sic ego vel in medium discrimen, eâ inuitante. F V R. Heu, non mihi, non amicis hoc placeat: sustine. Vides enim atque audis cottidie res aduersas: & iam de Zutphaniâ, de Dauentriâ captis, recens & certum est. L I P S. Audiui. sed ut Hectorem illum sui frustra ad portam retinent: sic tu me. Meministi' verbi quod Plinius in epistolâ quâdam ponderat, & in morituro miratur? \*Κέρπυρα. F V R. Parce, vel omnis causâ. L I P S. Quin tu parce, & omitte. at de Dauentriâ, dic fodes, quomodo sic subito capta? nam munita habebatur. F V R. Vi, ut aiunt, tormentorum: quibus non muri, non viri ulli restiterunt. Et profectò Lipsi, iam hac parte superamus veteres, quos tu atque ego aliâs miramur. L I P S. Fatendum est. etsi nec iis defuere Machinæ, ingeniosæ, variæ, quibus hæc talia patrabant. sed vnum hoc inuentum scilicet igneorum tormentorum, disscit aut diffiat omnia valida veterum, aut acuta. F V R. Ingenium haud frustra iis tribuis, sed nec varietatem. Pluscula enim talia in Historiarum libris lego: & cum lego, subsistere me fateor, nec formam aut modum satis videre. Nominum tenus ea nosco. Docēsne me semel Lipsi, quoniam casus aut Deus in hunc sermonem tulit? L I P S. Arduum petis. sessionis, non ambulationis, bibliothecæ, non horti hoc opus. F V R. Ergo ecce & bibliotheca ad manum, ineamus. L I P S. Quin ecce alij præ manu, maneamus. Nam fallor? an illi ipsi ad nos veniunt, quos antè nominauimus? F V R. Ij sunt, Carondeletus, Oranus, Lampsonius: miror quid tam manè velint. Saluete ô Tresuiri, sed non, ut opinor, Capitales. C A R O N. Imò venimus vos abductum. F V R. Quò, aut quid? C A R. Non in carcerem, sed in liberum locum, vbi benè vobis sit & iucundè. Imus Lipsi? L I P S. Dic clariùs: quò? C A R. Ad delicias tuas, hortos.

\*Decreni.



hortos. Nam ita inter nos conuenit, visere hodie S E R E I V M Principis ( Suburbanum eius sic vocant ) fabulari illic suauiter, & conuiuari. L I P S. O quàm per tempus aduenistis ! eamus. Nam Furius hic me ad machinas pænè alligarat : iam soluor. F V R. Laxaris, ne erra : cathena etiam mea te reducet. L I P S. Sed vbi A D A M V S noster L E E M P V T I V S est ? nōne is vnà ? O R A N. Ille verò vel maximè, fidus tuus comes. L I P S. Cuius officia & obsequia in toto hoc itinere, numquam plenè dilaudem. In eo didici, verum illud vetus : *Nihil homini amico est opportuno amicus*. Sed eamus: vbi Furius ? O R A N. Heus Furi, iamne moraris ? F V R. Iamne vt soles, & cales ? O R A N. Non negamus, Calor & Candor duæ notæ Eburonum. Sed quid tecum effers ? F V R. Viaticum, hos libellos. nam aliquid meditor. L I P S. Mene aspicias ? bene eueniat, si quid boni.

## DIALOG. II.

*De nomine & scripturâ Leodici urbis : tum initium sermonis Machinalis.*

I A M in viâ eramus, per urbem ad portam venimus, vbi flumen & paratæ cymbæ. Ad nos Caron deletus, An conscendimus, an in matutinâ istâ aurâ magis ambulamus ? O R A N. Imò ambulemus. nam paullula via est, nec plus passuum mille. F V R. Quid tamen Lipsio videtur ? O R A N. Ambulare. quò nos Licinij Crassi peruenerimus, facilè hic Licinius Macer. C A R O N. Poteris Lipsi ? L I P S. Admodum. nam à capite & pedibus satis valeo, media modò sunt in causâ. Tum & loca hæc magis videbimus, mihi hercules aspectu amœna, qui in æqualitate illâ delector. En colles, en valles, en alternatim prætata, pomaria, segetes, siluas. Quid dicam, amici, nisi tres Deos vos amare, Pomonam, Cererem, Bacchum ? Imo & quartum licet \* Vulcanum addam, qui sub his montibus, relictâ Liparâ, <sup>\*Ob fossilas carbonas,</sup> officinam suam habet. O apertæ opes, ô reconditæ ! & quid de <sup>quorum illic copia.</sup> est vobis, præter bonorum vestrorum sensum ? Nam, vt ille ait,

*Non est beatus, esse qui se non putat.*

O R A N. Hæc ita erant, Lipsi, ante infausta vestra bella, quorum ignis nos quoque amburit. O mali semper vicini ! & veterum



terum non sumus obliti. LIPS. Quid tibi vis? pungere Belgicos hos leones? vide ne iterum aliquis *Audax*. ORAN. O te audacem, qui nobis in solo nostro sic minaris! Gaude Leodium, quod non hic imperet. LIPS. *Leodicum* debebas dicere. ORAN. Quid? cum urbem non potes, nomen eius euertis? LIPS. Restituo euersum, ne criminare. ORAN. Nihil audio, apage has nouitates. LAMPs. Ego verò audio, & seriò Lipsi nos hoc doce. Nec enim metuo ne montes nostri subsidant, aut Mosâ cursum auertat, in litterulâ additâ aut ademptâ. Et suaue est, in minimis etiam vera scire. Dic, quid subsistis aut metuis? LIPS. Hunc, ne me incurrat. LAMPs. Amore facit, quod facit: & scin tu litigia inter amicos, aut cauillos?

\*Me bella  
semper conse-  
quuntur ta-  
lia.

\*Αἰτίαι ὅτι με πόλεμοι διώκουσιν.

LIPS. Pax igitur paullisper Orane esto: audite. A nouitatibus abhorre me fateor, si mortalium quemquam: præsertim in re feriâ, quæ mores aut vitam spectet. At in istis litteratis aut Musicis, sicubi error, ut solet, inoleuit; quæ culpa aut inuidia est detexisse, & remouisse? Tale in celeberrimæ urbis vestræ nomine, quod nupera negligentia aut imperitia corruptit. Dico nupera. & nego scriptum ullum paullò vetustius exstare ante hos trecentos fortasse, & minùs, annos, in quo *Leodicenses* non differtè exprimantur. Sigeberti Gemblacensis Chronica manuscripta (puto ab ipsius æuo) apud me sunt: semper ita lego. Tabula apud vos plumbea, non dudum eruta, sic præfert: NITHARDVS LEODICENSIS EPS. qui fuit anno Christiano M. XLII. Alia etiam vetustior: EGO REGINALDVS LEODICENSIS EPS SEPVLTVS SVM IN HAC BASILICA D. LAVRENTII QVAM ADIVVANTE DEO CONSTRVXI. Vetusita Caroli Magni vita: *Celebravit Pascha in Leodico, vicino publico*. Denique breuiter & fideliter, vestri sic Annales paululum modò vetustiores consensu habent. Ipsa etiam nostra lingua Germanica, an non fidem huic scripturæ facit? nam dicimus & scribimus palàm *Luydijck*: Germani superi paullò fortius, ut solent, *Luttich*. Quid etymon ipsum & deriuatio? assentit. Nam in communi illâ scriptione obscurum aut nullum est, in hac meâ clarum inquirenti. Vox enim composita profectò & nostrâs est, *Leode-dijck*: & compendio, *Leodijck*, & magis



magis vulgatè *Luy-dijck*. Quid significat? \**populi aggerem*, aut *limitem*: quæ primogenia scilicet appellatio fuit vici an opidi vestri, super Mosæ ripam aggeremve siti. Nam *Leodes* populi sunt: priscâ nostrâ dialecto: è quo fecimus deinde *Luyden* & *Lieden*. Credi hoc dicenti poterat: sed contra pertinaciam dabo & testes. Gregorius Turonensis: Ille à \**Leodibus suis defensatus* est. Et leuiter mutatâ litterâ, *Leudi*. Aimoinus: *Omnes Leudi bonitatem eius cernentes, vehementer amauerunt*. Idem: *Christi sacerdotibus humilem se præbens, Leudis suis beneuolum, gentibus externis pacatum*. Et ab hac stirpe illa sunt crebra nomina, *Leodeuicus*: quasi dicas \**refugium & asylum populi*. quem facimus & scribimus hodie *Lodouicum*, vel *Ludouicum*. Reperio eundem in Annalibus *Leudenicum*, & in Cæsaris Commentariis *Litanicum*. Item *Leodolfus* \**auxilium populi* ominatur & notat: aliàs *Leudulfus*, *Lodolfus*, *Luithulfus*, *Ludolfus*: quas varietates in libris est obseruare. Sed & \**Leonardum*, aut *Lienardum*, magis hinc & à populari indole, quàm à *Leonibus* petam. Prona hæc ad fidem sunt, & satis est signari: illud difficilior aut rarius, \**Theoden*, pro *Leoden* eosdem maiores nostros vulgò dixisse. Inde *Theodericus*, *gentium diues*, de cuius notione & scriptione frustra litigatur. Idem est *Theudericus*, & *Thiedericus*, denique molliùs, *Diedericus*, & abscisè *Diericus* noster. Sed & *Liedericum* in Chronicis, pro eodem lego. Quàm rideo qui *Θεοπλάσιον* hunc vertunt, & se ita inscribunt! Est ab eadem stirpe *Theodulfus*, \**Theodemarus*, qui sunt aliter *Liudulfus*, *Leodemerus*, *Luidomerus*, & *Liuianus* ille *Litomarus*. Quid hodie noster *Volcmarus*? Inde & \**Thieto*, siue molliùs *Diedo*: & nostra *Thiedonis villa*. Est in vrbe vestrà liber olim scriptus, haud longè infra Carolum Magnum: qui *Psalterium Davidis* Latinum habet, & suprâ cuique verbo appositam interpretationem nostrate linguâ. Seruat eum ARNOLDVS WACHTENDONCKIUS Decanus collegij D. Martini, vir & bonus pariter, & doctus: atque vtinam adesset! CARON. Vellem, sed æger à pedibus est, non potest. LIPS. In eo libro igitur vox hæc crebra (nam nunc exoleuit:), *Thiado*, *gentium*, *Thiaddon*, *nationes*, *Thiade*, *gente*, *Thiat*, *gens*, *Thiede*, *gentes*. LAMP. Itane variè? LIPS. Ita. nam casibus & numeris suis (obseruari) magis ac nunc variabant ac discernebant: pænè ad

\*Id est, publicum aggerem.

\*Leodes, populi: sed, proprie humiliores & subditi.

\*Liedetijck.

\*Luydhulf.

\*Qui idem est, Volcarius.

\*Sicut T & L. solent aliter.

\*In famâ populi.

Id est popularis.



Latinum ritum. Sed ad vrbis vestrae etymon ut redeam, faciunt & firmant, *Leodegarius*, collector populi: *Leodepoldus*, & brevius *Leopoldus*, tutor assertorque populi, qui aliter etiam est *Thieboldus*, vel *Thiebaudus*. Nonne & hic illud *Thiede* agnoscis, sed, quod amat nostra lingua, curratum? *Theodabaudus* etiam ille Gothorum, siue *Theodatus* (populi benefactor) nomen habet isthinc. Hæc magis vera Lampsoni, quam Becani nostri commentum, *Leodienses* à *Leiode* Homérico deducentis. Et iocos etiam miscet: illum sacerdotem, eundemque vinum alienum fuisse: & addit (ignoscite aliena recitanti) utrumque in mores esse & conuenire huius vrbis. ORAN. Ah, omitte illum, pænè dixerim, παντοφύη φλέδονα: dic de altero magis etymo, quod *Legiam* à legione petit. Scis enim quâ re gloriemur Eburones, & nobis cecidit Titurius Sabinus, & Cottra. LIPS. Hem, quàm rideo! te quoque iudicij tam plebeij esse! non tamen soles in aliis mi Orane. At enim hoc tale, non nisi pullato circulo dignum. Vnde igitur *Legia* vox? inquires. Nescio, & libros paullò vetustiores *Lhetgiam* scribere audio. Ergo vide ne *Liet-*  
\* P. Pythæum  
edicti.*gia* vel potius *Lietgas* olim fuerit: cum in *Diuisione* vetustâ *Caroli & Ludouici regum* (ita inscriptio est) legam: *In Hasbanio comitatus quattuor, Masau superior, quod de istâ parte est; Liugas, quod de istâ parte Mosæ est, & pertinet ad Velsatum.* An non illinc vestrum *Lieges*? quasi dicas *Lin-gas*, compositâ voce, id est *Platêa*, siue *transitus publicus*, aut *popularis*. Sanè *Gassas* etiam hodie credo appellari *Vias*, *Coloniæ Agrippinæ*. Ita alludat ad *Leodici* nomen; & hoc viam, illud aggerem publicum notet. Sed hæc per viam & lusum sic dicta sunt. Quid autem tu *Carondelete* substitisti? CAR. Nam ecce hic flumen, & è regione horti: transmittendum est. Intra in hunc pontonem: vos item alij. Iam transuimus: en Prætorium, en hortus. LIPS. Prætorium, vulgare negotium, & vix pro nostro hoc Principe, horti in aspectu primo arrident. FVR. Magis hoc dices, si ascendas & ab aggere isto lustres. LIPS. Quis hic agger? FVR. Vide, sequere, horto circumiicitur, sepes in eo ut lorica aut murulus; infernè ad pedem fossa: quid nisi munitio aliqua militaris aut castrensis? Et hercules Lipsi, ac vos amici, cum otium est, cur non peragimus sermonem militarem de



*Oppugnatione & Machinis* à Lipsio affectum? LIPS. Amē? nego. FVR. Tunegas? LIPS. Pernego. FVR. Quémne hodie in horto meo oisi, cū hi interuenirent? LIPS. Nullā memoriā sum in hoc morbo: nescio. CAR. Hem Lipsi, caue fallere. LIPS. Nam Carondelete quid eā causā huc venerim? ego verò ad remissiones & iocos, & nolo quod intendat. CAR. Negare non possum, me quoque auidum huius sermonis esse. ORAN. Et faciet. LIPS. Quæ hæc factio est? ORAN. Factiosi non sumus. LIPS. Si ausim. ORAN. Quid? LIPS. Solent sic audire tui ciues. ORAN. Furi, hæc ferimus? vel ob hanc culpam Lipsi dicere damnas esto, aut in vincula ire. Iudicem me scis? LIPS. Et quidem perpetuum. quid ad me? à culpā cū sum innoxius, non sum vlli obnoxius. CAR. Extra cauillos aut iocos Lipsi, valde velim te hoc velle. Dies enim adhuc multus ad cibum: quid vtilius aut iucundius agamus? Pendebimus & pascemur à tuo ore. LIPS. Mella non loquar: ad machinas & bellica me vocatis, quid hæc ad delicias aut horum? nisi quia nouus hic architectus munitionem & castra subitò ex eo fecit. Sed quis iste qui huc intrat? & quidem rectā ad nos. an Salus aliqua mea est, quæ seruabit? CAR. Profecto CAROLVS BILLEHEVS hic est, vir genere & virtutibus nobilis, cura & tutela apud nos rerum. Obuiam eamus: Billéhee salue. gaudeo aduenisse. BILL. Ego vos tales inuenisse. O commodum sodalitium! sed vultisne vnā mecum? CAR. Quò? BILL. In urbem. mox ad conuiuolum, si videtur. Nam ne dissimulem, Lipsiū hoc sine quærebam. Sed & vos grati, quos Deus iunxit. LIPS. Deus à machinā Machinis me eripit: eamus Billéhee, non moror. BILL. Quò libentiùs facias, aderit cognatus meus MARTINVS DELRIVS, quem scio quā ames, & quā te ille. LIPS. Eamus, moram tibi creas. CAR. Billéhee, non tuo modo hoc fiet, edico, & ius hīc habeo. BILL. Quod? CAR. In Lipsium & istos, qui additi mihi in hunc diem congerrones & conuiuæ. BILL. Serio? CAR. Admodum. quin tu potiùs, ne quid turbes, noster esto. Quod te alliciat, hic Lipsius de *Oppugnatione & Machinis* sermonem habebit: & iam habebat, nisi interuenisses. BILL. Eo quidem pretio maneo. heus pueri, capite hoc pallium: da ma-



num Lipsi, sedeamus. Commodum hīc v̄mbraculum, & scamna sessui sunt. Lips. Heu Spes & Fortuna, quā̄m luditis! Qui adiutor sperabatur, auditor erit, & hoc quoque ad molestiam accedet, quōd coram te tali dicam. Quod de Phocione olim Demosthenes, de te vsurpem: *Securis aduenisti meorum sermonum*. Nam apud istos peccato meo alibi latebra esse poterat; apud te tantū̄m venia. qui veterem & nostram militiam non lectione tantū̄m, sed vsu & peritiā̄ calles. Sed venia tamen hoc faciliū̄s impetranda, quōd non voluntate peccabo, sed imperio: & isti me adegerunt dicere nihil minus nunc agentem aut cogitantem. Hoc quoque excusabit, spero. CAR. Faciemus, ordire: mites nos tibi non iudices, sed amici.

## DIALOG. III.

*Nomen Machinae, Machiones, Mangana. Origorei tota inquisita.*

**O**RDIOR igitur, & quidem ab ipso nomine: quod Græcis est μηχανή, ὡς τὸ μηχανή, μηχανή, vt vult auctor Etymologici, ab inueniendo aut sapiendo: siue ὡς τὸ μηχανή, vt Eustathius: ἢ μὴ ἐῶσα χαίρειν τῷ ἑαυτοῦ, διὰ τὸ ὅτι μηχανή, ὡς ἐν τῇ χειρὶ αὐτῆς: *quæ hīscere scilicet aliquem non sinit, neque reprehendendi causā os soluere, ob efficaciam in eā & artem*. Sanē ab ingenio consensu deriuant, quod interuenit: & posteriores scriptores Latini hæc ideō Ingenia, & eorum architectos Ingeniarios dixerunt. Asconius: *Machina est, vbi non tam materiae, quā̄m ratio artis atque INGENII ducitur*. Itaque fraudes, doli, infidiæ, in hoc nomen apud Comicos, aliosq̄ue, passim venerunt. Sed & molitiones altiusculæ, Machinae. vnde Isidorus: *Machiones, qui machinis insistant, propter altitudinem parietum*. Intellegit nostros hodie & Gallorum Masfones (Originem vocis discite) siue fabros cēmentarios, qui olim à machinā Machinones, postea Machiones, pronunciatu illo Hispanico & Gallico, quo \*ch. pingue. s. valet. Veteres Græci μάχια, & ita Hesychius: μάχια, μηχανήματι: atque alij Scholiastæ Græci videntur. Hegesippus vsurpauit libro III. cap. XX. de Nerone: *Manganum sibi quoddam de ligno parauit, quo se necaret*. Sed & Constantinopoli Mangana, locus à Constantino exstructus: vbi (ait Glycas) omnia bellica instrumentare.

\*vti China, Sina, & talia.



reposita, & libri de Mechanicis. Nam mansit vox ad infinitum æuum, etsi corrupta aut flexa variè: de quo \*infra videndum. \* Lib. III. de Ballistis. Priusquàm autem de Machinis dicam distinctiùs, Origo earum & progressus videtur indagandus. Res enim incertior, vt solent hæc talia, & alij aliis adscribunt. Vetustissima mentio, quam reperio, est in libris sacris, & ipse Moyses in Deuteronomio nominat cap. xx. *Siqua autem ligna non sunt pomifera, sed agrestia & in ceteros apta vsus, succide, & instrue MACHINAS, donec capias ciuitatem quæ contra te dimicat.* Etsi alij recentiores hîc Propugnaculum aut Munitionem, non Machinas vertunt. At enim certò postea de machinis in eadem gente, 11. Paralip. cap. xxvi. de Oziâ rege: *Fecit in Hierusalem diuersi generis machinas, quas in turribus collocauit & in angulis murorum, vt mitterent sagittas & saxa grandia.* Sed & in Ezechiele, atque alibi, mentio: vt nihil ambigam cum Eusebio asserere, à Moysse pleraque armorum reperta, & machinarum. Sanè illud sagax & curiosa mens deprehendet, sacra, imperia, artes, ab Oriente ferè in reliquum orbem & in Occasum paullatim defluxisse. Hæc ita nobis visa: aliis aliter, & Græci, vana sæpe gens, tribuunt sibi. Homerum tamen & id æuum machinas ignorasse, ipsi Scholiastæ Græci tradunt: & res in eo clamat. Quod enim earum vestigium? nisi quòd disputant, an *κρόσσει* in eo scalarum quoddam genus sit: quod negant alij, & malunt pinnas murorum esse. Iliad. 6. Non igitur illi prisci habuère. nec Statio absque alio auctore, temerè accesserim, qui in Achilleide suâ, cùm facit Græcorum varios populos Achilli ad bellum contribuere & conferre: addit,

*Murorum tormenta Pylos Messenæque tradunt:*

siue vt alij libri, \*tendunt. Sed an tunc igitur muralia tormenta? nemo alius dixerit, eorum quos hodie legimus, nisi fortè Plinius, qui \*Equum siue Arietem (vt ipse interpretatur) inuentum vult Troiano bello. Sed communiter ita nemo, nec ratio aut exempla vlla suadent. Athenæus quidem vetustam satis rem facere in Græcis videtur, sed non equum tamen definit: tantum, Romanos hausisse & sumpsisse ab illis, sine libri vi. *Ὡς ἔστιν ἡ ἐκ τῶν ἑλλήνων μηχανὴς καὶ ὄργανα πολιπορευτικὰ μακρόντες, τέτοις αὐτῆς κατεσκευασμένηται:* A Græcis machinas & instrumenta bellica cùm didicissent, ipsis eos aggressi sunt. Hæc ita ille, me valdè assensionis dubio & suspenso.

\* Quod spectaret ad tormenta-rum funes.  
\* Vide infra lib. 11. de Ariete.



penso. Nam Romanos quidem iam olim machinis vſos reperio, imò sub regibus ipsis. vt in Liuiο, de censu Seruij: *Centurias etiam fabrum duas ordinauit, quæ machinas in bello ferrent.* Et statim post reges exactos Dionysius, anno urbis CCLII. agnoscit: apud quem Consul Romanus Camerinos oppugnaturus, *χειρὸς προσέφερε καὶ κλίμακας, καὶ πάσαις πολιορκίας ἐχρήσθαι ἰδέσθαι arietes & scalas protulit, & omni genere oppugnandi est vſus.* Iterum, decennio infrà, Consul in Corialanos, *χειρὸς τε, καὶ γέρεα, καὶ κλίμακας ἐπέπλετο: arietes, & crates, & scalas apparabat.* Quò magis miror eundem Dionysium vacillare, & postea anno CCXCIII. scribere: *ἔτε χελώνας τὰς χροεῖδας κατὰ σκιδάζων ἐδόντων ἤν' τότε ἀνθρώπων, ἔτε τὰς καλυμέναις ἐλεπόλεις: cùm nec testitudines eius aui homines parare nossent, nec eas quæ Helepoles dicuntur.* Nisi eâ mente id scribis (& opinor) quòd quædam machinarum olim quidem reperiæ, magisq̃ue necessariae, non tamen illæ subtiliores & exactæ, *Testudines & Helepoles* nominatæ. Quis autem de Helepoli miratur, quam Demetrius denique, aliquot post sæculis inuenit? At de Testudine magis, cùm Liuius eam palàm celebret in obsidione Veiorum: *Quid turres, quid vineas, testudinesq̃ue, & alium apparatus oppugnandarum urbium loquar? Quæ omnia illic adhibet, imò & Aggerem mox adiungit.* Sed & Propertius iamantè agnoscit Vineas, sicut ipse Dionysius γέρεα, in Cossi opimis, libro III.

*Dumq̃ue aries cornu murum pulsabat æneo,  
Vineaq̃ue inductum longa tegebat opus.*

Sed quidquid huius sit, veteres, vt videmus, Romanis machinæ: atque adeò ante Græcos, si fas ab Athenæo (sed fas) dissentire. Nam alij ferè consensu, ad Periclem auctorem, in eâ gente, Machinas referunt. vt Diodorus libro XII. *κατεσκεύασε μηχανὰς ἀπὸ τῶς πορὶ αὐτῆς: τὰς τε ὀνομαζομένους χειρὸς, καὶ χελώνας, Ἀρτέμωνος τοῦ κλαζομήνιου κατὰ σκιδάζοντος:* *Struxit machinas PRIMVS omnium ante se, & eos qui Arietes dicuntur, & Testudines, Artemone Clazomenio fabricante.* Ipsum hoc in Plutarchi Pericle leges: *captum nouitate rei, vſum machinis, & habuisse apud se fabrum inuentoremq̃ue Artemonem Clazomenium.* Sed addit tamen, de Artemone dissentire quosdam, & vetustiore eum facere. Enimuerò sub ea tempora Machine certò iam reperiæ, & Thucydides Pelopon-



Ioponnesiaco bello palàm miscet. Quod Aristoteles quoque dat intelligi, cùm suadet magis opida muris claudi, additque:

ἄλλως τε καὶ νυνὶ ὁρμημένων τῶν πολεμικῶν καὶ τὰς μηχανὰς εἰς ἀνέλκεσθαι τὰς πολιορκίας: *maximè cùm nunc reperta sint exactè, quæ ad tormenta* Lib VI r.  
Polit. cap. x.

*aut machinas faciunt, Urbibus oppugnandis.* Ait, nunc, id est, illo proximè æuo. Fuit autem Pericles circa annum vrbis CCCXX. cùm Seruius Tullius vixerit anno eiusdem CCXX. id est, sæculo toto antè. Non ergo Romani à Græcis: nisi quis censer à finitimis Græcis in Italiâ habuisse. Quid si ab Etruscis, aut à se? quis abnuat, vel adfirmet? in nocte hæc talia, nisi tuba aut lux aliqua prodat litterarum. B I L L. Tu tamen curiosè indagasti: sed, quod miror, Diodori locum omisisti, de Sardanapalo: quem ait, libro II. Niniuen frustra obsedisse, inopiâ machinarum. ὃ δὲ inquit, οἱ περὶ πόλιν, ἢ χαλῶναι χωρεῖσθαι, ἢ κελὶ ἀνὰ τὴν μεμηχανημένοι τειχῶν, ἔπειτα κατ' ἐκείνους τῆς καὶ οὐδὲς εἰσέρχοντο: *Non enim Ballista aut Testudines, aut Arietes murorum eversores, illis temporibus adhuc reperta erant.* Si autem Moyse habuit, & deinceps Iudæi: nōne probabile peruasisse in propinquum Orientem? L I P S. Probabile, nec tamen necessarium: sed & Diodori assertio an firma, aliquis ambigat; & an non Græcus ille tempora & inuentiones adspexerit Græcorum.

## DIALOG. IIII.

*Diuisio operis, tum de Oppugnatione Subita & per Coronam.*

**S**ED de Inuentione, tantùm est: distinctè ad ipsas imus. Quod vt ordine magis possit, triplices eas facio, *Machinas* pressè magis & restrictè, *Tormenta, Tela.* Liuius mihi præit ad distinguendum, lib. XXVII. *Naues partim MACHINATIONIBVS onerat, apparatuq. mœnium oppugnandorum, partim TORMENTIS & saxis, atque missilium TELORVM omni genere instruit.* Tria istæc habetis, de quibus dicam: sed iterum cum discrimine, quia duplex Oppugnatio est, *Subita & Diurna.* Illam præmittam, & quæ vsui esse solent adiungam. Est *Subita Oppugnatio, cùm impetu, nec circumvallatione adhibita, incurrunt.* Ad hanc rem *Coronâ* primùm vsi, tum *Testudine*, sæpè & *Scalis, Cratibus, Musculis*, & quæ leuiores sunt Machinarum. Si placet, istoc ordine




ordine videamus. *Coronam* primùm adhibeo: & ita solent, ad terrendum aut claudendum, sed & ad distinendum. Sæpè occurrit, *coronâ cingere urbem*; *coronâ capere, expugnare*: & valet in hunc sensum. Silius:

*Mœnia flexa sinu, spissâ vallata coronâ*

*Alligat, & telis in morem indaginis ambit.*

Facit *spissam coronam*, id est duplicem, triplicem, aut suprâ, ut numerus militum, aut magnitudo loci oppugnandi erat. In Ammiano: *Armatorum triplici coronâ muris circumdatis*. In Iosepho: *Διπλῇ τῇ φάλαγγι κυλῶνται τὸ πόλιν, καὶ τριτλῇ ἔξωθεν αὐτοῦ ἀσπίδων ἵππων*: *Duplici peditum coronâ urbem (Iotapatam) cingunt, & tertiam seriem equitum exterius ponunt*. Bonus ordo, notate. introrsum pedites, quorum inuadere, extrorsum equites, quorum inspectare & tueri. Et eminus quidem series ita duplex aut triplex, sed cùm appropinquabant, ratio vult magis arctatos multiplicatosque item fuisse, in gyro scilicet assidue angustiore. An non & corpora alibi militum & cohortes relictæ, ad subita belli, & subsidium aut præsidium? opinor. Hoc etiam amplius, primos ordines peditum scutorum grauiorumque fuisse, qui cominus assultarent, inuaderentque: retrorsum leues aut velites, ut funditores, sagittarios, qui eminus pellerent telis, & deturbarent propugnatores. Nec in hac re aliud monendum.







## DIALOG. V.

De Testudine militari, quid & quotuplex ea?  
eius vis & robur.

\*Coronam  
& hic nota.

\*Cōfentatio.

SE D Testudo sequebatur, quā statim sub muris vfi, vt tecti & conferti succederent, ascenderentque. Cæsar libro II. Gallorum atque Belgarum eadem est oppugnatio. hi vbi circumiectā multitudinem hominum totis mœnibus, vndique in murum lapides iaci cæpti sunt, murusque defensoribus nudatus est, testudine factā portis succedunt. Et quāquam Gallis hoc tribuit, Romani etiam vfi sunt, & vulgò quidem vfi: sed facit ideò, quia illi haud aliā machinatione, operum ferè expertes: Romani autem & ista adhibebant, cū opus. Quid autem Testudo, siue *κατακλις* Græcis, aut *συνασπισμός*? Iunctio corporum armorumque, & scuta partim lateribus applicita, partim capitibus superlata. Ab Homero exemplum esse volunt:

Ἀσπίς ἀπ' ἀσπίδος ἔπειθε, κόρυς κόρυι, ἀνέεα δ' ἀνὴρ.

Scutum scuto hæret, galeæ galea, atque viro vir.

\*Curriculum, fortè

Sed tamen Homerus, nil nisi densationem & confertam aciem notat: scuta elata super caput (propriū Testudinis) non notat. Sed vndeunde, passim Romani vfi: & in triplici quidem discrimine, vt accuratè euoluam, Oppugnando, Pugnando, Repugnando. In Oppugnando fuit, cū scutis super capita elatis muro succedebant, primis altioribus, & ordine paullatim, tecti simplicis in morem, decrescente. Causa, vt tela iniecta per proclive laberentur, & minùs insidere possent aut infigi. Optimè Liuius describit libro XLIII. Iuuenes quidam Romani, ludicro Circensi ad vsum belli verso, partem humillimam muri ceperūt. Mos erat tum, nondum hac effusione inductā bestiis omnium gentium Circum complendi, varia spectaculorum conquirere genera: nec semel quadrigis, semel desultore misso, vix vnius horæ tempus vtrumque circum complebat. Inter cetera sexageni ferè iuuenes, interdum plures, ab apparitoribus ludi, armati inducebantur. Horum inductio in parte simulacrum decurrentis exercitus erat: ex parte elegantioris exercitiij quàm militaris artis, propiorque gladiatorum armorum vsum. Cū alios decursu edidissent mo-



sent motus, quadrato agmine facto, scutis super capita densatis, stantibus primis, secundis submissioribus, tertiis magis & quartis, postremis etiam genu nixis, fastigiatam, sicut tecta aedificiorum sunt, testudinem faciebant. Hinc quinquaginta ferme pedum spatio distantes armati duo procurrebant, comminati que inter se, ab imâ in summam testudinem per densata scuta cû euasissent, nunc velut propugnantes per oras extremæ testudinis, nunc in media inter se concurrentes, haud secus quàm stabili solo persultabant. Huic testudini simillimâ parte muri admotâ, cû armati superstantes subissent, propugnatoribus muri fastigio altitudinis æquabantur. Id tantum dissimile fuit, quod et in fronte extremâ, & ex lateribus, soli non habebant elata super capita scuta, ne nudarent corpora, sed\* prætectâ pugnantium more. Ita nec ipsos tela ex muro missa subeuntes læserunt, & testudini iniecta, imbris in modum lubrico fastigio innoxia ad imum labebantur. Pulcher locus, & quid potest addi? In quo extremo, imbricis in modum, legi aliquando volui: sed nihil opus: & Ammianus quoque ab istâ scripturâ stat, qui velut imbrem è tecto, delabi facit tela. Verba eius huic rei, libro XXVI. Coniunctis tribus nauigiis, Testudinem hac specie superstruxerunt. Densatis coherentes super capita scutis, primi transiris instabant armati, alij post hos semet curuantes humilius; tertiis gradatim inclinatiss submissè: ita ut nouissimi suffraginibus insidentes, formam aedificij fornicati monstrarent. quod machine genus contra murales pugnas idè figuratur hac specie, ut missilium ictus atque saxorum, per decursus cadentes labiles, instar IMBRIVM, euanescant. Tamen hec de imbrice, ineptè. & cum regulari tecto comparat quicumque scriptor apud Suidam: *Κεραυωτόν, τακτικὴν διατάξιν, ὅτι ἐπὶ τοῖς πολεμικοῖς ἐπιχειρήμασι μέγας*: Tegulare, ordinis quedam instructio, quod Romani faciebant in loco ludicri. Quis auctor, nescio: suspicio est, Polybium ipsum scripsisse in hac re, quam Liuius denarrat. Ait autem Patauinus, sexagenos ferme iuuenes fuisse. Cur illo numero? palàm est, ad Ordines Romanorum aspectum, qui tanti erant. Itaque manipulatim aut centuriatim in Testudines se conglobabant, nequis confusionem putet, aut ordinem vel hîc neglectum. In Ammiano: Alacris miles, & legionibus in testudines varias conglobatis, paullatim tutò progrediens, subruere mœnia conabatur. Is autem vnus è finibus, succedere & subruere. vt in Cæsare, de Belgis: Testudine factâ, portis succedunt,



*murumque subruunt. Alter, succedere & ascendere, qui in Li-  
uio hîc expressus. nam testudine parti muri admotâ, cûm armati  
superstantes subissent, propugnatoribus muri fastigio altitudinis equa-  
bantur. Itaque ex æquo pugnabant; aut transcendebant, si  
amouissent. Tacitus III. Historiar. iteratam id Testudinem  
appellat, & quasi duplicatam: Non iam sanguis neque vulnera  
morabantur, quin subruerent vallum quaterentque portas, innixi  
humeris, & super iteratam testudinem scandentes. Imò indicat &  
tertios super duplicem illam seriem ascendisse, si quis verba  
ruminatur. De tali ascensu iterum Tacitus III. Histor. Ap-  
positis plerique scalis, alij per Testudinem suorum, scandebant iam qui-  
dam, cûm gladiis & armorum incussu præcipitati sunt. Hæc prima  
illa testudo, Lucani versibus, aut pigmentis potius, clauden-  
da, libro III.*

*Vt tamen hostiles densâ Testudine muros  
Tecta subit Virtus, armis innexa priores  
Arma ferunt, galeamque extensus protegit Umbo;  
Que prius ex longo nocuerunt missa recessu,  
Iam post terga cadunt. nec Graius flectere iactum,  
Aut facilis labor est longinqua ad tela parati  
Tormenti mutare modum.*

Ostendit nec Catapultas aut Ballistas nocuisse, quia iam vi-  
ciniores erant, nec facile attemperare tormenta ad hos ictus.  
Cæsar in eâdem Massiliæ obsidione (nam de eâ Lucanus) ita  
capiendus: Cûm penè inædificata in muris ab exercitu nostro mœnia  
viderent, ac tela manu coniicerentur, suorumque tormentorum vsum,  
quibus ipsi magna sperauissent, spatium propinquitatis interire. At Te-  
studo altera in pugna est, cûm globo facta, & tecti scutis, sic  
inuadebant ac per rumpebant. Variæ gentes vsurparunt. vt  
Germani, de quibus Florus libro III. Elatis super capita scu-  
tis, cûm se veluti testudine Barbarus tegeret, super ipsa Romani scu-  
ta salierunt. Cæsar de eâdem re, libro I. Reperti sunt complures  
nostri milites, qui in phalanga insilirent, & scuta manibus reuelle-  
rent, ac de super vulnerarent. Idem: Germani celeriter, ex consue-  
tudine suâ, phalange factâ, impetum gladiatorum exceperunt. Idem  
de Heluetiis: Ipsi confertissimâ acie, reiecto nostro equitatu, pha-  
lange factâ, sub primam nostram aciem successerunt. Et notetur den-  
satio



fatio ea firma vtilisq̃ue esse, in equitatum repellendum. Sed & Romani vsi, etsi haud nimis sæpè, quia ordines non diuellebant. Tamen vsi. & Ammianus: *Alemanni nexam scutorum compagem, quæ nostros in modum Testudinis tuebatur, scindebant gladiorum ictibus crebris.* Atque hæc secunda illa Testudo, in quâ nec latera semper tecta, nec item subseffio illa & inclinatio per gradus. Tertia in *Repugnando*, cùm ab equitatu aut leui armaturâ cincti, huc decurrunt vt in orbem se muniant, mediis altioribus, extremis vndique desidentibus: & fit ea verè tunc testudo. Accuratissimè Dio Cassius descripsit, in M. Antonij rebus, libro XLIX. Parthieum premebant in recessu, & iam instabant Romanis legionibus, aliquoties victores. Illi hoc commenti, vt vniuersi testudinem facerent, contra impetum scilicet sagittarum, equitumq̃ue ipsorum. At Parthi, quibus hoc insolitum & aspectu nouum, arbitrati eos defatigatione & vulneribus concidisse, omissis arcubus, & ab equis desilientes, gladiis nudatis inuasunt, quasi ad certam victoriam & cædem. Tum Romani, signo dato, omnes insurrexerunt: & hostem nihil tale expectantem alacriter adorti, fuderunt fugaruntq̃ue, non vltra molestum. Addit Dio: *Porro testudo talis est, & fit hoc modo. Impedimentis, & leui armaturâ, & equite omni in medium acceptis; grauis armaturæ pedites, illi qui oblongis & in tubi dimidiati modum factis scutis vtuntur, in extremis partibus, tanquam in latericio opere, pro muro ponuntur, & reliquos omnes ipsi extrâ spectantes ambiunt. Ceteri, qui latiora scuta gerunt, in medio densi locantur, & scuta cùm super se, tum super alios attollunt; vt in totâ phalange non aliud sit quàm scuta cernere, & à telorum iactu omnes tutos esse, ob densitatem instructionis. Adeò enim valdè firmant, vt & super eam homines aliquot ingredi possint,* <sup>\* Vt in iteratâ testudine, supra.</sup> imo etiam equi & currus agi, quoties in cauo & angusto aliquo loco constipantur. Hæc est forma eius instructionis, & nomen à Testudine cepit, ob firmitatem, & quia optimè tegit. *Usus autem duplex est.* <sup>\* Illum</sup> Nam & in oppugnandâ munitione aliquâ subeunt, & sæpè in ipsum <sup>Pugna omittit: quia raro Romani.</sup> murum quosdam attollunt: aut circumuenti fortè à sagittariis, <sup>\* Notetur.</sup> inclinant se omnes simul (nam & equi docti sunt in genua submittere se & inflectere) & sic opinionem hostibus defatigationis suæ præbentes, iis appropinquantibus, statim terrore iniecto, consurgunt, atque incurrunt.



Dio ista; & Plutarchus in Antonio haud dissimilia: Οἱ θυρεο-  
φοροὶ συνέκλεισαν ἐς τὸ τῆς ὀπλῶν τοὺς φιλούς. αὐτοὶ δὲ καθέντες εἰς γόνυ, πρὸς  
ἐαλλόντο τοὺς θυρεούς, οἱ δὲ ὀπίθεν, ὑπερέχον αὐτῶν τὰ ὅπλα, κακύνων ὁμοίως  
ἐταροί. τὸ δὲ χῆμα πρὸς ἀπλήσιον ἐρέπει γινόμενον, ὅθεν τε διατρικὴν παρέχει, καὶ  
τῆς προβλεμμάτων τετανώτατον ἔστι πρὸς οἰστούς ἀπολιθαίνοντες: *Qui scuta fe-  
rebant, intra sese leuem armaturam concluserunt. Ipsi autem in genu  
se submittentēs, proiciebant ante se scuta: & qui post eos, scuta  
super eos tenebant, atque super istos alij similiter. Quæ forma tecto  
ædificiorum simillima, & speciem theatro ac spectaculo dignam præ-  
bet, & munimen firmissimum est contra iacula, quæ scilicet delabun-  
tur. Habetis de triplici Testudine, in quâ plurimum subfessus  
aliquis aut inclinatio: ideoque Tertullianus scitè dixit, Testu-  
dinem desiderare, ut nos quidem legimus, non desudare. Facit eò  
Isidorus: Testudo, scutorum connexio, CURVATA in testudinis  
morem. CAROND. Hæc habemus: sed de Dionis assertione,  
quatit animum. Et an tanta firmitas, ut iumenta, ut currus tu-  
lerit? vereor ut bonis humeris sit, qui hoc suscipit & portat.  
LIPS. Imò firmum verumque equidem puto. Quod pretium  
Dioni mentiendi? quæ latebra etiam, in re cottidianâ & om-  
nium tunc oculis promptâ? Sed nempè restrinxit, si in cauo &  
angusto loco stipati. Scilicet ibi lateribus arctatis ne diffuerent,  
vis maior & subsistentia: non nimis miranda, si scuta lata &  
longa, si perpetuam seriem cogitabis. Iuncta enim sic valida,  
& præsertim à lacertosissillis viris sustentata, ut à columnis. Sic  
cenſeo, alius pro suo animo demat aut addat fidem. LAMPs.  
Imò & Oppianus his addat fidem, qui ubi equum militarem  
describit & laudat, in Cynegetico primo:*

Πολλάκι καὶ δῆτων ἀνδρῶν ἐπελάυνετο πύργους  
Ἡρεμῶ, ἀσπίδας ὑπὸ πτερῶν εὐτα βροτῶσιν  
Ἀσπίς ὑπὲρ κεφαλῆς ὀπίσσω ἀσπίδ' ἐρείδει,  
Ὅπως ἐέλδοντα δῆτων πόλιν ἔξαλαπάξει,  
Καὶ πιδίον τέχῃσι μετῆροσιν ἐπαβόειον,  
Δαιδαλέον, πυκινόν, πολυόμφαλον.

Quæ ad verbum ita licet reddere:

Sapè & hostilium virorum fertur in munitiones,  
Quietus, scutatum, pinnatum, quando hominibus  
Clypeus super caput elatus transversum (nam ὀπίσσω ibi le-  
gerim) sustentat. Quando



*Quando cupiunt tentantque hostilem urbem exscindere,  
Et campum exstruunt sublimem clypeorum,  
Varium, confertum, vmbonibus multis constantem.*

Testudo hæc manifestò describitur : & facit equum super eam scandere, & ferri in muros. LIP S. Opportunus locus. qui tamen eò fortasse duci potest, vt equi equitesque in mediâ testudine habeantur, à pedite vndique tecti & clausi. Clarior itaque iste Aristidis, in Romanæ militiæ laudatione : *Viri in limitibus constituti, ad tutelam imperij : quorum scuta in caput sublata vel currus sustineant, atque etiam equitibus sint vehendis.* Certa & liquida ea affirmatio : & quæ me quidem Dioni iungit. Sed quidquid est, magnum tamen robur Testudinis : ad quod allusit Ammianus, de rege Persarum : *Ipse rex sublimior ceteris, petitus ballistarum ictibus certis, & sagittarum densitate, operturâ armorum in modum testudinis contextorum abscessit innoxius.* Significat squammeo thorace munitum regem, cuius laminæ siue plumæ sic textu perpetuo superpositæ inuicem, vt in Testudine scuta. Nisi quis malit, milites conglobatos circa eum, testudinem fecisse. Sanè magnum robur hoc Thoracis, qui *Catapulticum telum* potuit sustinuisse : etsi & tales fuere, vt è Plutarchi Demetrio liquet.







## DIALOG. VI.

*De Scalis, & earum aliquot generibus. de Sambucis.*

**I**AM verò, præter Testudinem, *Scale* etiam communiter ad-  
motæ: atque earum varia genera fuisse, non credo vos nesci-  
re. Harum inuentio ad Capanea refertur, qui Thebas sic inua-  
dere conatus: sed à Ioue & fulmine repulsus. In istis parandis,  
Polybij dogma & præceptum commune est, lib. ix. *vt si (exem-  
pli gratiâ) murus decem pedum fuerit, altitudo scalarum largiter sit  
duodecim.* Tum etiam, *vt absistentia scalarum infra à muro, sit quasi  
dimidia, ad ipsas scalas respiciendo: id est, vt in dicto iam numero,  
pedes circiter sex remotæ sint à pede muri.* Hoc mihi videtur  
dicere, etsi verbis satis implicitis: quæ equidem dabo, & medi-  
tationi vestræ relinquam: τὴν δὲ ἀπόβασιν τῆς κλίμακας ὁρὸς τὴν ἀνα-  
βαίνοντων συμμετρίαν, ἡμίσειαν εἶναι δεήσει τὴν κλίμακα. ἵνα μήτε πλεῖον ἀφίς ἀρχῆς,  
διὰ τὸ πλεονάζειν τῶν ἀποβαίνοντων δουλεύειν γίνωνται, μήτε πάλιν ὀρθότερα  
προσπερὶ δόρυ, λίαν ἀπροσφαλὲς εἴς ὧς τοῖς ἀποβαίνουσιν: *Descensum & incli-  
nationem scalarum, ad conscendentium mensurationem, oportet dimi-  
dium scalarum esse. Ut nec longius absistentes, in multitudine ascenden-  
tium frangi faciles sint; nec item rectæ magis appositæ, lapsiles sint ascen-  
dentibus.* Varia autem scalarum genera, & quædam ex his *com-  
pactiles*: id est, quæ aut pluribus partibus constant, & plicari rur-  
sumque explicari possint, aut ipsi gradus remoueri & recondi  
quasi in vaginam, stipite coeunte. Appianus in Ibericis κλίμακας  
πηκτὰς appellat siue *plicatiles*, has tales: & Plutarchus in Arato,  
διαλυτὰς, *solutiles*. quas Aratum apparasse ait, cùm de Sicyonis  
arce inuadendâ cogitaret, & recōdidisse in arcis quibusdam the-  
cisque rusticis, quas *Achanas* dicebant. Nempe transferri huius-  
modi istæ sine suspitione poterant, & minore etiam molestiâ:  
atque is finis. Sed fuere prætereà *Coriaceæ*, itemq; *Reticulatæ*, aut  
*Stuppeæ*: de quibus in Herone, cap. xi. scriptum. Et illas ait esse  
*instar vtrium*, consutas è corio, & inunctas seuo aut adipe circa sutu-  
ras, ne euaporent: easq; erigi ad murum spiritu inflatas, & dare ascen-  
sum. *Reticulatas* autem format è stuppeis funibus, instar retis conte-  
xtas: ad quarum summitates hamos adicit, vt murorum pinnas appre-  
hendant. Sed & in eodem *Scalas nauticas* quas aliquoties lego, an

E

non



non has esse dicam? quia id genus scalis nautæ ferè nituntur. Palam ita appellat, vbi de Ariete, cap. xi. & iterùm de Turribus, cap. xiii. *Diadem turres mobiles, & terebram, et scalas nauticas* reperisse. Vitruuius, in eaipsâ re, incerti & laxi sermonis est: & *Machinam ascendentem* vertit, quam Athenæus dixerat *τὴν ἐνθάδε*. In fine etiam capitis: *De accessu, qui ἐνθάδε* dicitur: an non meliùs, *ascensu*? nam *machinam ascendentem* prædixit. Quod autem ex *Scale nauticæ* Heroni, stuppeæ sint: liquet vel ex imaginibus eius, quas deformat, & velim vos videre. CARON. Quî possimus? mihi quidê Heron iste ignotus & inuisus est. ORAN. Mihi pariter, librorum & bibliothecæ aliàs curioso. Quis autem fuit? LIPS. Sub Imperatoribus Græcanicis, & in Christianâ religione, quod ex scriptis innotescit, vixit: alius ab Herone illo Alexandrino, vetustiore, qui *Mechanica* item scripsit. Iste autem Latinè editus & versus est, à Francisco Barocio Patricio Veneto, anno ∞ . 10. LXXII. Titulus est *De machinis bellicis, & de Geodesiâ*. Græcè nâcisci (exstat tamen in bibliothecis) non potui: Latina haud optima sunt, sed nec scriptio tota nimis ad veteris historiæ lucem. Iuuat tamen, & vbi videbitur, excerpam. Sunt & aliæ scalæ, quas ipse *Speſtatores* vocat, basi accuratiori instructæ ita, vt erigi possint & attolli: & in supremis iis aliquis constitui, qui speſtet quid in vrbe agatur. Is enim earum finis, & inde *Speſtatorum* nomen. Agit de iis toto cap. xii. Denique in eodem, & *Scale* sunt rotis impositæ, iisque procedentes, quibus supremis pons adhæret: qui è propinquo iniicitur in muros. Tractat cap. xix. Nec grande fortasse in iis quoque momētum, aut fructus est, nisi scire. Sunt autem & alia, quæ etsi non formam, tamen vsum Sclarum habent: vt *Tollenones*, & *Sambucæ*. *Tolleno* est ait Vegetius, *quoties vna trabs in terram præalè defigitur, cui in summo vertice alia transversa trabs longior, dimensâ medietate, connectitur: eo libramento, vt si vnum caput depresseris, aliud erigatur. In vno ergo capite, cratibus siue tabulis cõtexitur machina, in quâ pauci collocantur armati. tunc per funes vno depresso attractoq; capite, alio eleuati ponuntur in murum.* Res facilis: & traxit originem ab instrumentis, quibus aquam haurimus, pondera nauibus educimus: quæ \**Grues* aut *Ciconias* dicunt. Agnoscit & has voces Heron in istâ re, cap. xxv. & paullò aliter deformat. Nam & canalem

\*Græci γὰρ  
καὶ τὸν καὶ  
καὶ τὸν καὶ



lem facit siue tubum clausum, antrorsus ostiolis aperiendum, qui in defixo stipite innixus, attollatur, vertatur; & vir aut viri in eo delitentes, transeant in muros. Facit & Torculari similem machinam, quæ ergatis voluta, deprimi aut exprimi & attolli possit, cum simili tubo aut instrumento. Hæc in imaginibus videnda. Sed dixi è Vegetio *Sambucam* quoque huc adhiberi: quid ea est? nam nominatur in historiis sæpiùs. Variè defingi video, sed vsum tamen eius esse maximè in aquis. Ita enim veteres consensu vsurpant, atque ipse Heron: nec alias intellegit *marinas machinationes* Vitruuius, quæ per nauim aditus habere possint, cap. xix. lib. iiii. Tamen Vegetius in terrâ etiam adhibet, sed, puto, solus. Describit ipse: *Sambuca dicitur à similitudine citharæ. nam quemadmodum in citharâ chordæ sunt, ita in trabe quæ iuxta turrim ponitur, funes sunt, qui pontem de superiore parte trochleis laxant, vt ascendat ad murum, statimque de turri exeunt bellatores, & per eum transeuntes mœnia urbis inuadunt.* Hæc bonus Vegetius, hîc & alibi solutus & negligens, & parùm ad genium antiquum. Longè autem aliter, vt dixi, de Sambucâ Heron, qui ad *maritimas ciuitates* admouet, & *nauibus imponit*, cap. xxv. In pluribus autem verbis summatim ita format, vt *duabus nauibus, iunctis firmiter, tigna imponantur: & super ea, aut inter ea, pons struatur: aliàs firmus & stabilis, si super, aliàs, qui attolli & deprimi per funes possit, si inter tigna.* Compendio hoc dicit, & depingit: sed minùs tamen totum hoc genus probat, vt labi aut euerti facile, vtique si ventus aliquis accedat aut tempestas. Et verissimè dicit: tamen quia pro magno veteres habuère, plenius etiam illustrabo. Liuius hanc in oppugnatione Syracusarum admotam à Marcello significat, & describit, etsi non nominat: *Iunctæ aliæ binæ ad quinqueremes, demptis interioribus remis, vt latus lateri applicaretur, cum exteriori ordine remorum velut naues agerentur, turres contabulatas machinamentaq; alia quatiendis muris portabant.* Obscurè hercules, & nisi Polybius hîc subueniret, Liuium vix esset explicare. Sed ille in totâ re, vt & in lectione iuuat: scribendumq; in Liuius monet, *binæ ad octo quinqueremes.* Sensus, fuisse binas & binas quinqueremes iunctas, vsque ad octo. Ita enim fuit. corpus erat nauium octo, quæ vtriusque quattuor dispositæ, & binæ in seriem ita iunctæ. Plutarchus in Marcello: ὁπὲρ δὲ μεγάλας ἑξήμας ὁκτώ

Lib. xxiv.



νεῶν, πρὸς ἀλλήλους συνεδεμένων, μηχανὴν αἰεὶ ἐπέπλει πρὸς τὸ τεῖχος. In ma-  
 gno ponte octo navium, simul iunctarum, machinam (Sambucam) tol-  
 lens, navigabat ad murum. Sed Polybius clarissimè & vberimè:  
 octo naues iunctas fuisse, quibus interiores remi ablati essent, relictis  
 exterioribus tantum: atque ita incitatas ad murum. Fuit ergo velut  
 vnum corpus, pariter motum & directum: ideoque in Livio le-  
 gendū, velut navis, singulari numero, nec ille multitudinis, men-  
 tem eius tangit. Tot igitur hinc naues, etsi Heron duas modò po-  
 suit, itemq; Appianus in Mithridatico, de machinis eius regis  
 ad Cyzicū: Σαμβύκη δὲ τετα, μηχανήμα μέγιστον, ὅτι δύο νεῶν φερόμενον, ἐποίησε.  
 Sambucam quandam, maximam machinam, duabus navibus latam &  
 inuectam fecit. Sed ideò illa Marcelli tanta, quia, ut Livius addit,  
 turres contabulatas, machinamentaq; alia quatiendis muris portabat.  
 Quod in suā nihilominus Appianus agnoscit: ἡ σαμβύκη δὲ ἐπαχθεῖ-  
 σα τοῦ τεύχους ἐφόβει μάλιστα, ὅτι πολλὰ ὄρεα, καὶ κριβε, & ἀκόντια ἀφείσα. Σε-  
 πτώται δὲ σκάρου πολλοῖς μετὰ κλιμάκων παρέδον, ὡς ἀναενοόμενοι δὲ αὐτῆς ὅτι  
 τὰ τεῖχη: Sambuca admota muris maximè exterruit. Ut quæ tela simul  
 multa, & arietes, & iacula funderet. Milites autem in scaphis circum-  
 cursabant cum scalis, tamquam per eā in muros ascensuri. Ita isti Sam-  
 bucam suam ornant: sed quod præcipuum in eā omittunt, de  
 Scalis aut Gradibus in prorā depositis, & in tempore alleuādīs.  
 Polybius verò nihil eorum quæ illi, tangit, sed Scalas modò has  
 accuratè & diffusè describit. Quæ quia interpret, ut solet (& quis  
 tandem Polybio manum & stylum commodat?) interpret, di-  
 co, perperam & imperitè pleraque vertit: summam ego verbo-  
 rum & sententiæ dabo, imò pænè ipsa. Scale fiunt, latitudine quat-  
 tuor pedum, altitudine quantamuris sufficit & pariare potest. Earum  
 duo latera pluteis muniunt, supernè loriculis tegentes. Has deponunt  
 in latus & reclinant super navium proram, longè super rostra eminètes.  
 In malis autem navium aptatæ trochleæ, & in eis funes: quibus funibus,  
 cū opus est, ad caput scalarum religatis, ij qui in puppe, attrahunt eas  
 & attollunt. Sed et in proris quidam adiuuant sublationem fulcris aut  
 tignis subrigentes. In supremis porro scalis est tabula, cuius tria latera  
 cratibus muniuntur: in quam veluti turriculam, viri quattuor conscen-  
 dunt per dictas scalas, & in muros insiliunt, cratibus remotis. Alij de-  
 inde consequuntur. Dicta autem hæc Sambuca, quia cū sublata sunt  
 Scale, fit cum navibus vnum quoddam corpus, & ad simile Sambuca.

Hæc

\* Ergo tri-  
 gonā aut  
 rostratā for-  
 mā fuere.  
 alioqui tria  
 munienda.  
 Et id exen-  
 tiē distelis  
 melius.


\* Nā quar-  
 tum navim  
 spectans,  
 non opus.




Hæc ferè Polybius. nec minutè diduco quæ malè interpretes, ego aliter: quid enim opus aut insultare, aut exsultare, in rebus haud maximis? vobis sufficiet ipsas didicisse In fine autem de causâ nominis est. quod ita etiam in Athenæo, ex Andreâ Panormitano, refertur: *ὡς δὲ πρὸ δύο ὄνων προσέγραπτο τοῖς ἐναντίων τέλεσι, καλεῖσθαι τε σαμβύκην, ἐπεὶ δὴ ὅταν ἴξασθῃ, γίνεται χῆμα νεῶς καὶ κλίμακος ἐν ποιεῖμενον*: quod duabus fuculis ad muros hostiles admoueatur, & dici Sambucam, quia cum sublata est, fit vnum quiddam in figurâ navis & Sclarum. Ipse *Suculas* (ita ὄνες vel ὀνίσκους reddimus) ponit ad attrahendum: nec negauerim commodum ita esse: sed cum Polybius nihil tale, videndum an non *δὲ πρὸ δύο νεῶν, à duabus nauibus*, veriùs legatur. De ipso illo musico instrumento, formâ trigoni, videatur Festus in Sambucâ, tum Suidas, Athenæus, Vitruvius libro vi. cap. i. Atque hæ Sambucæ sunt: in quas auxilium ferè à ballistis, & lapidum incussu. Archimedes ita fecit, narrante Plutarcho: atque illas Marcelli perfregit, & à compage diuulsas in mare abiecit. Vnde Marcelli iocus, *τὰς σαμβύκας αὐτῶν ῥαπίζομένας ἐν πόντῳ μετ' αἰχμῶνς ἐκπεπρωμένας*: *Sambucas suas*, colaphis malè acceptas, è conuiuio & compotatione eiectas esse. Ita vertimus, & adspexit, nisi fallor, ad conuiuantium morem, qui citharædos, sambuciftrias, & id genus, malè canentes aut non placentes, colaphizabant & eiciebant. Ita igitur sambucis suis factum, quæ lapidibus, vt colaphis, percussæ, in mare è naui eiectæ essent. Aliud in in eas commentum legere est, in Vitruuij lib. iiii. cap. ultimo, & in Heronis xxv. sed pergamus. LAMPs. Bonâ veniâ tuâ Lipsi, nihil aut parùm agimus, si auribus tantùm hæc machinaria subministras. LIPS. Quid ergo ampliùs? LAMPs. Etiam oculis: & ij vno aspectu celerius capiunt & diiudicant, quàm illæ multâ auditione. LIPS. Credo te verum dicere: sed quid fiet? manus mihi ad hæc non facta, nec ingenium aut curam vnquam eò flexi. Tu vicarius esse vis? potes, & formasti vel ipsos pictores; inter hos *Othonem Venium* nostrum, ad Musas & Gratias iuuenem factum. LAMPs. O si ille adsit! sed Principis in comitatu est, & illi vacat: ego delineare potero *ὡς παχύρεπον*, si tu dirigis & præis. LIPS. Fiat, pinge.

\*Vt antè in Appiano,









D. Tollenones. E. Sambuca Polybii, quarum alia et leuior forma in Herone.



## DIALOG. VII.

*Crates, Vineæ, Plutei, Spaliones, Leſæ, Catti, & totum  
hoc genus explicatum.*

**Q**UARTVM, quod in ſubitâ oppugnatione poſui, ſunt *Crates*. Hirtius mihi auctor, priore de bello Alexandrino: *Neque noſtri aut ſcalis, aut cratibus, aut reliquis rebus parati venerant ad oppugnandum. Duo iungit, noſtro ordine, Scalas & Crates: ſed & Ammianus. xx. Pars ſcalas vehentes, alij antepoſuentes vimineas crates, veluti caci pergebant antrorſus. Idem xx. Pluteos igitur præferentes oppugnatores, cratesque denſius textas.* Hæ autem *Crates* in duplici tunc uſu. ſiue ut tegerent, ſic antelatae, ſiue ut foſſas iis explerent, & mixto aggere, quaſi per pontes irent. Sic profeſſo Cæſar vii. Gallicorum, facit ipſos Gallos, oppugnatuſos Romana caſtra, magno cratium, ſcalarum, harpagonum numero effecto, ad campeſtres munitiones accedere: ac tum clamore ſublato, crates proicere, fundis, ſagittis, lapidibus noſtros de vallo deturbare. Item paullo poſt, iidem Galli, pari tentamēto, multitudine telorum propugnantes deturbant, aggere & cratibus aditus expediunt, ſalcibus vallum ac loricam ſcindunt. Vbi vetus etiā Fuluij liber, aggere & cratibus foſſas explent, clariùs pro ſententiâ dictâ. Tales autem *Crates*, quibus foſſas explebant, non cenſemus fuiſſe elaboratas, ad modum illarum ſtabilium, quas in obſidione deſigebāt: ſed leuiiores, fortasſe nec tecto aut lateribus, ſed ſimplici textu vimineo, quem ante ſe ferebant. Sanè aliæ accuratiores *Vineæ*: quibus in *Obſidione Diutina* maximè utebantur. Cur autem has differam? opportuna res eſt, ut ſimul confinia hæc explicentur. *Vinea* igitur à ſimilitudine veræ illius dicta, quæ iugata, & in tectum alleuata. Sub illâ quia conſidere fas, & latera ſic clauſa: hæc quoque Militaris nomen ſumpſit. Nugatores quidam apud Charifiſium pronuntiati diſcernunt: *Vinea*, inquit, *vuarum, & machinæ*, diſtinguēda quidam exiſtimant, ut aliud per ē breue, aliud per ē longum proferatur. Ineptè, & ipſe reiicit: nec magis hoc diſtinguimus, quā *Scorpium, Arietem, Muſculum, Canem*, & talia quæ *πολιόρκεται* ſunt. Quid autem ea, Heron ſic oſtendit cap. i. Appellat cum additamento *Teſtudinem Vineam*, quod & Apollodorus in

Turne-



Turnebo facit: cuius verba videre licet Aduers. xi. cap. xxiiii. Ad eorū & rei totius lucem, hæc Heronis sunt, excerpta à me pro sensu magis, quàm interpretis verbis, quæ sæpè sordent. *Ligna Testudinis (Vineæ) quæ milites ferunt, sunt eiusmodi. erecta in altitudinem, inæqualia, singula duodecim digitos circiter crassa, quinque pedum interuallo disiuncta. Connectuntur inter se, sic vt quinarium illud interuallum semper seruetur. Horum quæ altiora sunt, viri staturam & dimidiatam æquant, quæ humiliora, vnam tantum. Habent infernè cuspides, quibus terræ infixæ subleuant portantes. Coria appenduntur crassa, vel cilicia, superius autem rugosa, non extensa, vt in hoc tumidum aut molle tela incidentia frangantur & lenteſcant. Ita iste, quid Vegetius? verba eius recitari digna, sed & explicari, nequid notitiæ huic deſit. Libro iiii. cap. xv. Vineas dixerunt veteres, quas nunc barbaro militarique vocabulo *Causias* vocant. Elignis leuioribus machina colligatur, alta pedibus octo, lata septem, longa sedecim. Huius testum duplici munitione, tabulatis cratibusque contextitur. Latera quoque vimine ſepiuntur, ne ſaxorum telorumque impetu penetrentur. Extrinsecus autem, ne immiſſo concrementur incendio, crudis ac recentibus coriis vel centonibus operitur. Cum plures factæ fuerint, iunguntur in ordinem, sub quibus ſubſidentes tuti ad ſubruenda murorum penetrant fundamenta. Ait primò, è leuioribus lignis fuiſſe: crassitie, quæ in Herone. Sed cur leuiora? nempe quia transferri opus, & à militibus moueri. Qui hoc negant, quid oris aut mentis habent? Turnebus benè dixerat, malè illuſit ei Iuriſconſultus, qui ad Cæſarem ſcripſit. Agebantur, proferebantur, procedebant: & hæc talia verba in iſtâ re uſurpata: quid niſi ad indicandum eum motum? Cæſar: Caſtris munitis, vineas agere, quæque ad oppugnandum uſui, comparare. Salluſtius: Vineæ cum ingenti periculo fruſtra agebantur. nam cum hæc paullum proceſſerant, igni aut lapidibus corrumpebantur. Vides in tuto & eminus paratas, mox paullatim admotas. Lucanus:*

*Tunc adoperta leui præcedit Vineæ terrâ.*

Malim, procedit, vt in Salluſtio. Hirtius viii. Gallic. Non deterrentur tamen milites noſtri Vineas proferre. Atque ita paullatim ad opidum ipſum admoueantur: quod Liuius clarè indicat lib. v. Vineas tantum non iniunctas mœnibus eſſe. Et libro xxxvii. Vineas & aggerem muro iniunctum. Quod optabile ſcilicet, & finis pænè laborum: ſiue vt ſub iis Arietein tunc admouerent, ſiue (quod



hinc Vegetius) subruerent muros. Pergit Vegetius : *Alta pedibus oſto* ] Est ferè modus, qui in Herone, viri & dimidiati. Totam magnitudinem si consideras, dixeris duplicem virorum seriem sub eâ stetisse, quinos & quinos. Ea fuerit Decuria vna, & crediderim sic diuisos. Amplius : *Tectum munitione duplici.* ] Ipse ita munit, nec crates solùm sed & tabulas imponit : quod tamen tabulatum, magis propriè Pluteorum fuit. An Silij ea mens hoc versu? lib. XIII. *Tum grauida armato surgebat Vineâ dorso.*

An *dorsum armatum*, tectum permunitum est? an *Vineam grauidam* capimus *armato dorso*, id est milite? an denique, quia à tergo & dorso armatum militem reuelat & ostendit? Sed & Lucani versus nescio an huc faciat, qui prædictus:

— *adoperta leui præcedit Vineâ terrâ.*

An *terrâ adoperta vinea*? contra incendium scilicet, vt in alijs machinis aliquot audiemus. an sensus, processisse in leui & æquabili terrâ? Sequitur: *Laterâ quoque vimine sepiuntur.* ] Atque hæc præcipua eius materies & tegmen. Ideò Cæsar II. Ciuil. *Contextæ viminibus vineæ.* ideò Græci γέρρα dicunt. Iosephus III. Excidij : Οἱ μὲν πρὸς ἀλεώσαν τῆς ὑπερδυν ἀφιεμένων βελῶν, γέρρα διατείναντες ὑπὲρ χαλαρωμάτων, ἔχουν ὑπὸ αὐτοῖς : Illi quidem ad depulsionem incidentium supernè iaculorum, crates extendentes in stipitibus, sub iis fodiebant. In Festo: *Gerræ, crates vimineæ.* Athenienses cùm obsiderent Syracusas, & crebrò Gerras poscerent, irridentes Siculi Gerras clamitabant. inde factum, vt pro nugis & contemptu dicantur. Interdum tamen, si plura aut grauiora in opida tormenta, nec vim sufferrent hæ craticæ; faciebant è crassiore ligno. Cæsar II. Ciuil. præmissâ causâ iam dictâ, *Pedalibus lignis coniunctis porticus integebantur, atque hac agger inter manus proferebatur.* Notate autem *porticus* dici. erat enim longior species, & ipsæ quoque Vineæ in seriem solent iungi. Vegetius addit: *Cùm plures factæ fuerint, iunguntur in ordinem.* ] Non ergo sparsim & singulæ ita positæ, sed (nisi fallor) per manipulos, cohortes, & legiones, ordinatim diuisæ. Imò & duplicata aut triplicata, & pluries, ista series: præsertim vbi opus faciendum, vt iuxta Aggerem, Turrim, Aricem, aut tale. Cæsar clarè indicat II. Ciuil. *Asseres maximis ballistis missi, per QUATTUOR ORDINES CRATIVM in terrâ defigebantur.* Nisi quis malit, quadruplices illas crates in vnus vineæ



vineæ fronte fuisse. Vt volet: tamen quod dixi, probabile est, & ex re sumptum. Pergit Vegetius: *sub quibus subsidentes.*] Alij malunt, *obsidentes.* Sed de subseffione nec absurdum, quia latentium cauentiumque is ferè habitus: & sub eas subibant, vnde & *modicus* obseruo à Iosepho dictas. Denique, *Ad subruenda murorum penetrant fundamenta.*] Varij vsus vinearum. Tegere, primus, qui & aliter paullò in Cæsare expressus, III Ciuil. Pompeius noctu additis magnis munitionibus, reliquis diebus turres exstruxit, & in altitudinem pedum xv. effectis operibus, Vineis eam partem castrorum obtexit. Puto esse, vt Vineæ in supremo vallo fuerint locatæ, vbi tutò miles excubias egerit: & cautum item à iactu telorum interioribus castris. An aliquis extra castra positas arbitrabitur, & sic iis obtecta? Tale quid eodem libro: cum Cæsar receptui suorum timens, crates ad extremum tumulum contra hostem proferri, & aduersas locari, intrà has, mediocri latitudine fossam, tectis militibus obduci iussit, locumque in omnes partes quammaximè impediri. Statimque addit: Pompeianis ad recipiendum crates directæ, longurijque obiecti, & institutæ fossæ, magno impedimento fuerunt. Ista in Vegetio, de Vineis: Plutei adfident, quos & dictione coniungo. Fuere olim è tabulis & asseribus, quod ipsa vox dicit: nam id Plutei Latinis. Distinguit palàm à Cratibus Cæsar III. Ciuil. Scaphas magnarum nauium cratibus ac pluteis contextit. Sicut à Vineis Plautus: *Adeum vineas pluteosque agam.* Et Liuius: *Segesticam ciuitatem vineis pluteisque cepit.* Iterum à Cratibus Q. Curtius: *Casâ materiâ cratibus ac pluteis faciendis, vt qui Turres admouerent, extrâ teli iactum essent.* Nec olim, opinor, aliter: postea planissimè aliter, & ex cratibus pluteos faciunt, corio intentos. Multa exempla sunt, & confusionem fuisse video in materie, formâ tamen leuiter diuersâ. Dixi olim aliter. eoq; miror Verrium Flaccum scribere: *Plutei, crates corio crudo intentæ, quæ solebant opponi militibus opus facientibus, & appellabantur militares.* Nunc etiam tabulæ, quibus quid præsepitur, eodem nomine dicuntur. Facit Nouitium de Tabulis, vetus de Cratibus: quod putabamus esse contrâ. Certè nouitij semper pro craticio opere. vt Ammianus XIX. Inquies Persa vimineis ciuitatem pluteis circumdabat. Isidorus: *Plutei, sunt crates corio crudo intentæ, quæ in opere faciendo hosti obii- ciuntur.* Abbo quidam obsidione Lutetiæ:



Mille struunt etiam celsis tentoria rebus,  
 Tergoribus collo demptis tergo ve iuuentium,  
 Bis binos \* tres sive viros clypeare valebant,  
 Quæ Pluteos calamus vocitat Cratæ sive Latinus.

\* Fortè  
 tres bisus.

Miscet apertè cum Cratibus, & vsum sermonis adfert. Quid Vegetius? Plutei dicuntur, qui ad similitudinem absidis contextuntur è vimine, & ciliciis vel coriis proteguntur, ternisque rotulis, quarum una in medio, duæ in capitibus apponuntur, in quamcumque partem admouentur, more carpenti. Formam videtis, diuersam à Vineæ; quia hæc in absidem curuata: tum etiam quia rotis innixa, quod non in illâ. Hi sunt quos Lesas appellat Georgius Cedrenus, bello Sultani in Romanos, & sic format: *Διελὼν δὲ δῖχα τὴν δυνάμιν, καὶ τὴν μὲν σήστας ἐπὶ τῇ ἀναστήματι, ἐπιμόνω χεῖρα καὶ λείπει Τζεία. αὐτὸς δὲ σκηνὰς ἐκ λύγων ἔχον πεπλεγμένας, βοείαις βύρσαις ἀνωθεν ἐσπεπασμένας, & πρόχεις ἐχούσας ὑπὸ τὰς πρὸς βασίλιντας κίονων βάσεις, λέσας τὰς τοιαύτας κατονομάζει οἱ μὲν χανὰς. λαὸς πλήσας, διέκλινας φέροντι. καὶ σκεπτάνας, καὶ ἄλλα γεωργικὰ ὄργανα, ὥστε κατὰ μικρὸν ὑποδεῖν τὰς λέσας καὶ τοῖς τέχεσι προσαρμόσαι, καὶ ἕτοιμος ὑποδύττειν ἀνέπτος, καὶ ἀδεῶς τὰ δεξιὰ: Sultanus diuisis bifariam copiis, alteram partem stare in editiore loco iussit, nec aliud quàm sagittare: cum altera ipse, \* tabernacula quædam habens ex viminibus texta, & supernè bouillis coriis operta, quibus & rota erant subiecta basibus columnarum (vocant autem id genus machinas, Lesas: ) has inquam machinas habens, impleuit eas copiâ militum, quos iussit bidentes, dolabras, aliaque agrestia instrumenta ferre. existimans scilicet paullatim admouere muris Lesas, atque ita suffodere assiduè & securè ipsa fundamenta. Video & Spaliones appellari sub id æuum, sed magis Vineas ipsas. In Suidâ: Spaliones, sunt machinæ apud \* Menandrum. tentoria quædam, bouillis coriis extensis facta, quæ lignis ad hominis longitudinem sustinentur. Ea armati milites subeunt, atque ipsis muris appropinquant, & secum fabrorum ac lapicidarum instrumenta, suffodiendis muris ferentes. ita sub terrâ specus faciunt, terram ipsam egerunt, & muri partem prosterunt. Illa ipsa, sed paullò vberius, in Agathiâ III. Histor. quem licet videatis: atque is quoque Spaliones appellat: an quasi Papiiones, quia tentoriis assident? ita essent Italorum aut Gallorum, Pauilliones. An ab eorumdem Spallis siue humeris? quia nempe subibant, & protrudebant iis, aut & portabant. Nisi Orientalis aliqua vox sit: quod earum linguarum periti nos docebunt.*

\* Ita & Abbo, tentoria.

\* Histori- cum dicit.

Sed



Sed hæc igitur inferioris æui nomina: res & finis haud nimis diuersa. Omnes enim de *suffodiendis muris* dicunt: quod & Vegetius suprâ. Idem Lucanus:

*Mox adoperta leui procedit vinea terrâ,  
Sub cuius pluteis, & tectâ fronte latentes,  
Moliri nunc ima parant, & vertere ferro  
Mœnia.*

Tacitus III. Hist. *Vitelliani pluteos cratesque, suffodiendis muris, & protegendis oppugnatoribus expediunt.* Idem intrâ: *Legionarius pluteis & cratibus tectus, subruit muros.* Nec plura opus huic rei dici. LAMPs. Vnum etiam opus, de nomine. An de industriâ *Causias* Vegetij omisisti, an distulisti? LIPS. Diuinas, de industriâ. Nam in voce eâ hærebam. Curenim *Causia barbarum ac militare vocabulum*, vt ait? atqui Græcum probumque est, & Macedonicum capitis tegmen. Quæ etiam similitudo *Causiæ* cum *Vineâ*? non magis quàm *Galeri* aut *Pillei*: nec video cur sic vocarint. Sed & libri scripti valde variant: scribuntque, *Cautias*, *Cautus*, *Cattos*. An à cauendo *cautia*? an potius *Cattos* veram vocem habemus? Ego arbitror. primum quia barbarica ea vox, & nempe Germanica nostrâs, qui *Fellem* sic vocamus. Vt autem id animal in subfessis aut insidiis est, ad capiendum: ita sub *Vineâ* milites, & hinc nomen. Facit, quod ipsa vox ita in scriptoribus posteris. vt in Appendice ad Othonem Frisingensem, de rebus Friderici Imp. cap. XXIII. *Cæsar omnem reliquum apparatus, quem ad oppugnationem ciuitatis fecerat, Talpas, Vulpeculas, Eri-cios, Cattos ( talibus enim censentur nominibus ) iussit exuri.* Vides pluscula ab eiusmodi animalibus nomina: & inter ea *Cattos*. Idem in Radeuico lib. II. cap. LX. *Cremenses magnâ audaciâ super muros cum suis machinis, quas Gattas appellant, operiuntur.* LAMPs. At enim Lipsi, vide ne *Catti* isti nostri sint, quos hodieque vocamus, montes & aggesta quædam è terrâ. Nam collocat in mœnibus, quod aliter in *Vineis* solet. LIPS. Scio de nostris *Cattis*: sed te quoque scientem facio aliter ibi fuisse. Idem Radeuicus quippe subdit: *Tum Cremenses callidè se intra suas machinas occultantes, primos quidem & de subtus & suprâ callidè excipiunt.* Vides latibula quædam & tegmina fuisse: quo sensu & Annales Germanici, in rebus Rodulfi primi Austriaci:



\*Fortè  
Mangas,  
Vide infra  
de Ballistis.

\*Id est in-  
strumenta.

Quapropter rex Boëmiæ copiis contractis, nouis quibusdam instrumen-  
tis, quæ Catti vocantur, omnes munitiones expugnauit. Vis clariùse  
dabo & qui describat pro meâ mente : sed risum tu atque isti  
tenete, in Latinitate horridioris illius æui. Chronicum quod-  
dam Colmariense exstat, in quo sub annum Christi MCCXC-  
III. narratur : Dominus de Berckheim duas machinas \* magnas, lapi-  
des proiicientes, & Cattum, videlicet instrumentum quo turres de-  
struuntur, accepit. Idem Chronicum, quinquennio inferiùs, de-  
scribit hoc modo : Expugnauit rex hanc ciuitatem per duo \* vasa  
concaua, quæ faciebant artifices sapientes. Vnum vas Cattus vocaba-  
tur, aliud Cancer. Erant hæc vasa longa, quadrata, demissa, ex omni  
parte laterum clausa. Versus terram nullum munimen habebant, sed  
versus cælum de tabulis fortibus ac spissis tectum, machinarum lapi-  
des minimè metuebat. Cattus leue vas erat, & faciliter trahebatur.  
Cum hoc vas ad ciuitatem fuisset perductum, ligna quædam pro pedibus  
sibi fecerunt, vt ad murum per fossatum faciliùs possent peruenire. Cum  
ad murum peruenissent, iuuenes de ciuitate egressi succiderunt Catto pe-  
des, & in fossatum cadere coëgerunt. O Mulam, ô lepôrem! & na-  
res non nemo vestrùm ducit. Ah quantum interest puriter ali-  
quid & scitè dici, aut sic spurcè & ignauè! Et sunt tamen, qui  
sermonis omnem curam spernunt, & susque deque habent  
quid scribamus, quid dicamus. Ipsis hæc inertia: nos bono æui  
melioris fruamur, & Latine loquamur, aut nec loquamur. Sed  
vt abeam à meo Catto, addo etiam in Vincentio Beluacensi  
Vineas has dici Cantibulas vel Chartos. Sed pariter fortasse emen-  
dandum Cattos. Nec tamen negauerim, alibi paullò aliter Cat-  
tos dici, & pro Testudine aut machinâ aliâ, sed nostræ ferè vi-  
cinâ. Tu Lampsoni, pinge.








*Testudines triplices, Aggestitiæ, Fossoria, Arietarie.*

**H**is dictis *Testudines* vicinæ sunt : imò eo nomine inferiores scriptores etiam Vineas & hæc talia comprehendunt. Faciunt generale *Testudinum* nomen in machinas omnes has tegentes. Fortasse & Plinius , cùm de Inuentoribus scripsit : *Artemonem Clazomenium primùm Testudines repperisse*. Simile in Græcis : & probabile est , primò exiguas quasdam leuesque repertas , paullatim ornatas & auctas , donec genera plura facta sint & formæ. Quæ recenset aliquot Heron , in Præfatione suâ : sed præcipua sunt tria , in iis quæ propriè *Testudines* dicuntur. Prima , quæ Græcis *χελώνη χροσεῖς* dicitur : Vitruvio reddita , *Testudo ad congestionem fossarum*. Crebra huius mentio , præsertim apud Græcos : Latini vulgò non sic agnominant , etsi haud dubiè eâ vsi. Cæsarem puto hanc intellexisse 11. Ciuil. *Antecedebat Testudo , pedum sexaginta , equandi loci causâ facta , ex fortissimis lignis , inuoluta omnibus rebus quibus ignis iactus & lapides defendi possunt*. Dat ei pedes L X. sed an in toto ambitu , an ad latera ? Vitruuius quidem *quadratam* eam facit , *habentem quoquouersus latera singula pedum x x v. & reliquam structuram addit*, non hîc , non alibi , curiosè nimis mihi scrutandam. Quid enim opus ? alia aliis , & nobis finis , hætenus machinas tangere , non vt fabricemus , sed vt historias illustremus. Ipsum igitur , si vultis , videte libro x. cap. x x. De hac Testudine , ita Polybius libro x. cùm Antiochus rex obsideret *Syringem* , validam Hyrcaniæ urbem : *Ὡς δὲ τὸ πλεῖστον μέρος τῆς ἐπιβολῆς ἐν ταῖς χροσεῖσι χελώναις. τὰ περιγὰ ἦσαν τετραγὰ , πλάτος μὲν ἐπ' ἑλκτὸν ἔχουσαι τετράκοντα πήχων , βάθος δὲ πεντεγείδην. ὅτι δὲ τῆς χείλεσσι ἐκείνοις χροσώματα διπλὰ ἐπέκειτο , καὶ τελευταίων πορείᾳ δυνατὸν :* Erat certamen ferè omne & conatus in *Testudinibus* aggestitiis. *Fossæ enim erant triplices , latitudine quidem haud minore triginta cubitorum , profunditate verò quindecim. In labris autem earum singulis Vallum siue Sudetum erat , & in ultimo validus murus*. Ita hæc reddo equidem , & capio. vt fuerint in fossarum margine quoque , defixi valli robusti & fudes , iique ligati:



gati : non tamen terrâ aut cespite adstructi , quia sic visum omnem adimere opidanis , & tueri poterant ipsos oppugnantes. Est planè hoc , quod \* alibi doceo , Vegetij *Sudetum*. Sed <sup>\*Lib. v. de Milit.</sup> notate & obiter validam munitionem , fossæ triplicis , prælargæ & profundæ : tum & muri in vltimæ eius orâ. Hæc ipsa Testudo est, *quæ* ( vt Vitruuius ait ) *accessus etiam ad murum potest habere* : & sub eâ igitur murum subruebant. Liuius XXXIIII. *Iam testudinibus admotis murus subruebatur, iam arietibus quatiebatur*. Altera Testudo est, quam ὀπυζα Græci agnominant : & Vitruuius vertit , *Testudinem ad fodiendum comparatam*. Leuiter à priore abit : tamen abit , & frontem eius struit, *quemadmodum angulos trigonorum , ut à muro tela cùm in eas mittantur , non planis frontibus excipiant plagas , sed ab lateribus labentes , sine periculoque fodientes , qui intus sunt , tueantur*. Tertia denique *Arietaria* agnominata , in quâ Aries suspenditur : quam mihi commodius videtur Tormentis reseruare. Lampsoni, fac quod soles : me vide, pinge.







## DIALOG. IX.

*De Musculo, & Cæsaris locus in eo examinatus.*

**A**T enim ego ad Musculum eo, quem dixi inter Subitæ oppugnationis instrumenta fuisse. Cæsar me docuit in III. Ciuil. cùm Gomphos oppugnare ex itinere tentaret : *Cæsar castris munitis, scalas musculosque ad repentinam oppugnationem, & crates parari iussit.* Idem de Gallis, qui Alexiæ inclusi, cùm subito percurrere Iuliana castra vellent : *Vercingetorix opido egreditur, è castris longurios, musculos, falces, reliquaque, quæ eruptionis causâ parauerat, profert.* Vbi transiens moneo, malè è castris scribi. Quomodo enim & opido egreditur, & profert instrumenta è castris? Nulla iam verò ipse castra habebat, & in opidum copias reduxerat : sed nec petere à sociis potuit, Romanis interiectis. Vocula (è) abest libro scripto optimo : atque ita reformandam sequentem censeo, in *Crates*. Verissimum est : & mox in re narrandâ Cæsar : *aggere & cratibus aditus expediunt.* Solent enim aggerem, id est virgultorum fascies, in fossam coniecere, longurios protendere à labro ad labrum, & super eos cratibus iniectis, velut ponte transire. Sed de Musculo, video & in Alexandrinâ vrbe cùm Cæsar rem gereret, & subito deprehensus, conaretur varia vrbis loca sua facere, sic Hirtium scribere : *Interim munitiones cottidie operibus augentur, atque omnes opidi partes, quæ minùs firmæ esse viderentur, testudinibus atque musculis aptantur.* E sequentibus liquet, Cæsarem hæc fecisse, vt munitiones suas proferret, & plus loci occuparet. Itaque sententia, Testudines & Musculos admotos ad opidi minùs firmas partes, easque deiectas. At enim vox *aptantur* satîsne hîc apta? non videtur : *quatiuntur, captantur*, aut tale mallem. Quid autem Musculus? in Isidoro lego : *Musculus cuniculo similis fit, quo muris perfoditur, ex quo & appellatur quasi Murusculus.* Quid dicam de iis verbis, nescio. An cuniculo similis? cui? animali, an fossorio? Sed & murus, inquit, eo *perfoditur* : quæ verba induxêre vulgò nostros Mechanicos aut militares scriptores, vt putent & forment Musculum acuto rostro, & eo ipso muros perfodientem. Nihil tale olim : & esset hæc



*Terebra* potius. sed tamen Isidoro quid faciam, ignoro. An *Musculus Cuniculo similis*, sub quo? id verum esset: & est velut specus ligneum, in quo milites constituti deruunt murum & demoliuntur. Differt à Vineis, Pluteis, cum formâ, tum modulo & firmitate. Exiguus enim est, & muris quasi facie oblongior: sed lignis validis structus, & ne perfringi desuper possit. Credo equidem Musculum dictum, quia instar eius animalculi foderent sub eo terram: aut quia milites, ut mures, cauum id subirent. Græci hoc tale nomen non habent, & sub communi illo *Testudinum* comprehendunt. Atque ita etiam Vegetius planissimè: *Musculos dicunt minores Machinas, quibus protecti bellatores, si lutum obfuerit, ciuitatis fossatum etiam apportatis lapidibus, lignis ac terrâ non solum complent, sed etiam solidant, ut turres ambulatorie sine impedimento iungantur ad murum. Vocantur autem à marinis belluis Musculi. nam quemadmodum illi, cum minores sint, tamen balenis auxilium adminiculumque iugiter exhibent: ita ista machina breuiore, deputata turribus magnis, aduentui illarum viam faciunt.* Ista Vegetius: qui, ut verba & descriptio sunt, cum *Testudinibus* miscet, quarum finis, æquare. Quod in eo est *si lutum obfuerit*, legendum *Sudetum auferunt*, alibi docemus. Sed de Musculo, alium à Vegetiano Cæsar præit, & sub eo muros dirutos, ut diximus, ostendit. Describit accuratè Ciuilium secundo, in obsidione Massiliæ: atque utinam liber ad manum! Verba enim intricata, & plura sunt, nec commemini. FVR. Quin liber ecce hîc ad manum: cape. LIPS. Tunc istum? unde in hoc rure? FVR. Nempe hoc viaticum erat, quod instruxi: & præsagiebam eo opus fore. LIPS. O te argutum, an malum! & hoc iam tunc agitas? sed cedò librum. Ait:

„ Ubi ex eâ turri, quæ circum essent opera, tueri se posse confisi sunt,  
 „ Musculum sexaginta pedes longum, ex materiâ bipedali, quem à tur-  
 „ ri latericiâ ad turrim hostium murumque perducerent, facere insti-  
 „ tuunt. cuius Musculi hæc erat forma. Duæ primùm trabes in solo  
 „ æquè longæ, distantes inter se pedes quattuor collocantur: inque eis  
 „ columellæ pedum in altitudinem quinque desiguntur. Has inter se ca-  
 „ preolis molli fastigio coniungunt, ubi tigna quæ musculi tegendi caus-  
 „ sâ ponant, collocentur. Eò super tigna bipedalia iniciunt, eaque la-  
 „ minis



minis clavisque religant : ad extremum musculi tectum trabesque ex-  
 tremas, quadratas regulas, quattuor patentes digitos defigunt : quæ  
 lateres, qui super musculo struantur, contineant. Ita fastigiato at-  
 que ordinatim structo, ut trabes erant in capreolis collocatæ, lateri-  
 bus lutoque musculus, ut ab igne qui ex muro iaceretur tutus esset,  
 contegitur. Suprà lateres coria inducuntur, ne canalibus aqua im-  
 missa lateres diluere possit. Coria autem, ne rursus igni ac lapidibus  
 corrumpantur, centonibus conteguntur. Hoc opus omne tectum vi-  
 neis, ad ipsam turrim perficiunt, subitoque inopinantibus hostibus,  
 machinatione nauali, palangis subiectis, ad turrim hostium admo-  
 uent, ut edificio iungatur. Quo malo perterriti subito opidani, sa-  
 xa quammaxima possunt vestibulis promouent, precipitataque muro  
 in musculum deuoluunt. Ictum firmitas materiæ sustinet, & quid-  
 quid incidit fastigio musculi delabitur. Id ubi vident, mutant con-  
 silium. cupas tædæ ac pice refertas incendunt, easque de muro in mus-  
 culum deuoluunt. Inuolutæ labuntur; delapsæ, ab lateribus longu-  
 riis furcisque ab opere remouentur. Interim sub musculo milites ve-  
 stibus infima saxa turris hostium conuellunt. Compluribus iam lapi-  
 dibus ex eâ quæ suberat turri subductis, repentinâ ruinâ pars eius  
 turris concidit.

Haftenus Cæsar, sed an Cæsar? ORAN. Ambigere te, vtrum  
 clarâ luce lux sit? LIPS. Non est simile. Cæsaris nomen præ-  
 scribi, hoc scio: sed & veterem famam & fidem esse, de Cæsare  
 auctore. cùm tamen curiosè scriptum ipsum examino & in-  
 tueor, cogor dubitare, aut dissentire. LAMPs. Ah Lipsi, hæc  
 illa sunt, ob quæ studia ista & vos alibi malè auditis, quia am-  
 bitiosè sic innouatis. In re tam receptâ, tam testatâ, ambige-  
 mus, ob tenuem aut leuem causam? desiste, & antiqua. LIPS.  
 Si vis, facio. sed liceat tamen obiter dicere, multa in Cæsare  
 isto legi, Cæsare veteri parùm digna. Plurcula notauit: sed vni-  
 uersè, quàm frigida aut hians & supina sæpe tota scriptio est?  
 quàm conatur potius aliquid dicere, quàm dicit? Itaque obscu-  
 ritas & intricatio: denique nomen Cæsaris nisi esset, in tanto  
 pretio fortasse liber non esset. Quod ad verba, dico: nam res  
 certè bona est, & Cæsaris ipsius, nec sugillo. Vt in aliis quo-  
 que libris, manus aliqua pruriens, colorem suum pulcherrimæ  
 huic tabulæ illeuit: corpus tamen & statum non mutauit.



CARON. Atenim, Lipsi, disertissimi etiam viri hunc librum pro exemplari eloquentiæ habent, & studiosè imitantur. LIPS. Hoc ideo, quia præsumptio de Cæsare accessit. Quis illum virum non æstimet, quem constat alterum à Cicerone fuisse, imò ambiguum ei palmam fecisse? & alia quædam fragmenta eius hoc clamant. Sed tale in istis libris conspici, nos qui aures & animum (ne superbum sit) subactum lectione & Latinitate veteri habemus, non fatemur. ORAN. O quàm hoc iudicium offendat multos! LIPS. Sed multos. non tam benè cum humano genere agitur, ut bona & vera pluribus placeant: sed nos mittamus. Dixi hæc in occasione, quòd ista Musculi descriptio longa & copiosa est, sed parum lucida: proprium in eo scriptore vitium, dicere multis nec multa. Verba videamus, & appendamus. Ait: *Musculum LX. pedes longum.*] Liceat dubitare super numero: *Sexaginta* pedes multi mihi videantur, ut Musculus sit, & dicatur. Deinde quæ analogia latitudinis ad hunc numerum? nam ponit *quattuor* modò pedes latum. Enorme hoc opus sit, & informe, pro meo quidem sensu. Amplius, materia vniuersa Cæsari *bipedalis* est (in quadrum, opinor:) idque ob firmitatem, quæ præcipuè hîc quæsita. Si igitur talis, age, quis mihi dabit trabem sexagenum pedum, & eâ vbique diametro? rara aut nulla silua. Quartò, quis vsus huius machinæ, sic longæ, sic angustæ? Muro admouenda est. à fronte igitur, an à latere? Si à fronte, palàm est, inutilem totum illum tractum à tergo, & porrectum corpus. Si à latere, plures tum viri utiles, fateor: sed quî stabit, quod Cæsar mox dicit, *Quidquid supernè incidisset, fastigio musculi delapsum?* Nam tectum duplex, siue displuuiatum in Musculo isto fuit, ex Cæsare: ergo si pars in murum dependet, quidquid iniicitur, inter murum & ipsam hæret. Postremò, tanta & tam grauis moles (ita fuit, si omnia examinatis) quomodo vectibus tam facile & citò propelli ad murum potuerit, id quoque videndum. Ergo inclinamus numerum arguere, & inuerrere in nouenarium, *Musculum IX. pedes longum.* Omnia sic consentiant, & consistent. Verè Musculus, & exiguus: intervallum in longo & lato analogum, & suâ symmetriâ: columellæ non nisi quattuor, quarum etiam numerus ideò non expressus: atque eæ in singulis

\* Columellæ enim facit paritudo pedum & eas capere iungit. Dispar autem altitudo opus, in simplici recto. Sed nec Capreo licet conueniât.



singulis capitibus singulæ. Denique facile admouendum opus, & impellendum. Atquin exiguus tunc eius fructus & efficacia, inquires, quia pauci subibunt. Respondeo, pro hac magnitudine viros denos aut duodenos potuisse latere: sed opus facere, ex successione, binos & binos. Nec moueat, si exigua pars muri ita diruta: transferre enim machinam suam iidem illi subseffores leuiter poterant, & ad infracta admouere. Sanè hoc videndum, & caput est: non in magnitudine Musculi milites innouasse aut accurasse, sed in robore & firmitate: utque aduersus quoscumque ictus validè staret. Hæc ita dubitantes dicimus: alibi nobis factum in scriptis: & tamen vel sic carpi-mur: quæ ratio est? Ab Aristotele didiceram: *εἶναι τοῖς ὑπορῖσται βελονμένοις ἀπὸ ἑργῶν τὸ διαπορῆσαι καλῶς*. *Esse vtile vobis doctrinâ abundare, aptè dubitare.* Per bona quædam, sed calida ingenia, nec hoc licebit? At vident aliquid, quod nos minimè: scilicet nihil nos, in quo eorum oculi Homerici: & tamen exemplum nunquid præbeo illusionis? Oro vos per communes Musas, rem communem agamus, bono more, bonâ modestiâ: & si quis alibi cautior vel acutior, sciat & esse vbi neutrum ei adest. In iuuentute primâ aliquis nobis fortasse feruor fuit, sed quod omnes fateantur, sine liuore: & ætas, valetudo, sapientia mox temperarunt. Spero & in aliis, qui Palladis veræ proles sunt: siqui Saturni aut Martis, abeant, & clari magis, quàm boni, esse pergant. Quò autem ego pergo? à Musculis ad mures istos viuos, qui rodunt: sed ad illos iam reuertor. Est & in Cæsare: *Quadratas regulas, quattuor patentes digitos.* Regulæ, directæ sunt tenuiora \*ligna, quibus lateres suos cohibet & firmat. *Patuere, inquit, quattuor digitos: id est, tot illos lati fuere in latere quoque, nisi fallor.* An aliquis retulerit magis ad interual-lum, quod inter regulas singulas? non nunc ego. Mox: *Late-ribus lutoque musculus, ut ab igne tutus esset, contegitur.* Hoc qui-dem aliquoties legas. ut in Vitruuio, de Testudine: *Insuper ve-rò argilla cum capillo subacta, ad eam crassitudinem inducatur, ut ig-nis non possit nocere.* In Ammiano, de eadem: *Limo adsparguntur eius suprema.* Inferiore quoque æuo factum. & in Nicetâ Cho-niate scriptum, *Cùm Iohannes Comnenus Imp. Anazarbam urbem obsideret, atque Armenij defensores sæpius machinas exussissent: tan-*  
dem Im-

\*Latas ho-  
die dici-  
mus.



dem Imperatorem iis superduxisse ὡς περὶ σιματα καὶ ἱμαντάματα ἐκ  
 πηλίνων πλένδρων : tegmina & velamenta ex laterculis luteis : planè,  
 vt in Musculo hîc Iuliano. Mox: Interim sub Musculo milites  
 vestibibus infima saxa turris hostium conuellunt. ] Hîc Vestibus id  
 faciunt, è ferro scilicet: nec ignotum, quæ eorum vis aut for-  
 ma. Græci *μοχλία* vel *μοχλοῦς* vocant, & sunt pali è ligno, aut fer-  
 ro, ad onera subleuanda aut promouenda. Vitruuius & tor-  
 culari vertendo adhibet, eumque qui vecte immisso torquet,  
*Vectiarium* dicit. Si è ligno essent, lingula è ferro in altero ca-  
 pite addi solet, atque hostales *Lingulatos* dixere, siue *Rostratos*.  
 Vtebantur & ad muros subruendos, vt hîc, sed ferreis  
 haud dubiè. atque ita in Festo: *Vecticularia vita dicitur eorum,*  
*qui vestibibus parietes perfodiunt, furandi gratiâ.* Et in Glossis: *μο-*  
*χλὸς λιθέρου, Vectis.* In iisdem *Vectis, μοχλὸς σιδηρεὺς.* Quia au-  
 tem vsui sæpe in militiâ, utroque hoc sine: ecce inter milita-  
 ria exercitia erat, in vecte robur ostentare. Sallustius de Pom-  
 peio: *Cum velocibus cursu, cum validis vecte certabat.* Et vtilis  
 sanè isti ad lapides prægrandes emouendos emoliendosque,  
 vti sæpe in veterum muris: vbi minores aut infirmiores Do-  
 labris magis hoc peragebant. Liuius x x i. *Cum muros defen-*  
*soribus nudasset, tum Annibal occasionem ratus, quingentos ferme*  
*Afros cum dolabris ad subruendum ab imo murum mittit.* Distin-  
 guit à *Securibus* idem Liuius, x x v i i i. Et aliis partibus *securi-*  
*bus dolabrisque cædebantur & refringebantur portæ.* Tacitus i i i.  
 Histor. Mox conuersus ad singulos, num *securæ, dolabras, &*  
*cetera expugnandis urbibus, secum attulissent, rogabat?* Forma  
 Dolabræ in columnâ Traiani crebra est, quâ milites ligna  
 cædunt, ad muniendum. Eo sensu Corbulo apud Frontinum:  
*Hostem dolabrâ vincendum esse: id est, opere & munitionibus.* Iu-  
 uenalis item, de Mario:

*Si lentus pigrâ munisset castra dolabrâ.*

Forma est securis, sed vnicâ & simplici acie, parte alterâ in mu-  
 cronem acuminatâ, quæ seruiebat maximè muris deruendis,  
 vt prior illa vallo & lignis cædendis.





# I. LIPSI POLIORCETICON

SIVE  
DE MACHINIS,  
TORMENTIS, TELIS,  
LIBRI II.

DIALOGISMVS I.

*De Circumvallatione. Eius multiplicis & operose exempla.*

**A**BSOLVISSE me cenſeo quidquid ad *Subitam* oppugnationem: ordo me vocat ad *Diurnam*. Etſi quædam è iam dictis, vt *Teſtudines*, vt *Vineas*, etiam ad hanc adhibita, memini in loco monere. Diurna igitur oppugnatione ad mora ſcilicet, vbi prior non ſucceſſiſſet: & aut artibus ingeniisq̃ue vincendi hoſtes, aut longâ famē do-

H



me domandi erant. Sed hanc exspectare anceps, arduum: & ideo ad maiora Opera aut Tormenta conuersi. Inter Opera primum, *Circumuallatio*. Ea sollemniter olim adhibita Græcis Latinisque, cum premere obsidio munitionem aut locum vellent. Causa iustissima. claudere enim prius erat, ne nuncij, cibi, auxilia intrarent, tum & nequis exiret. sed etiam ut sese obsidentes munirent, contra subitas eruptiones. An & causa etiam aliqua, Terror? Certè enim metum, aut & desperationem, concipiant necessum est, qui vident sic arctè se claudi: & quamquam cetera adsunt, cogitatio tamen illius carceris nocet, tum & fiducia aut pertinacia hostilis. Ergo plerique olim circumuallabant, ij quidem quibus cura aliqua bonæ militiæ, aut artes. Græcis sepe nominatur ἀποτειχομός, & ἐπειχομός, hoc sensu: & ij quoque accuratè vsi. Veteres eorū historici, πάλιν τοῦ & πάλιν δια ad hos muros struendos adhibent: id est *lateres aut laterculos*, sed crudos scilicet, nec ratio aut otium fuisse videtur ad excoquendum. Et

\* In Plu-  
tarchi Age-  
silao.

si Figulos tamē alibi plurimos in eorum exercitu lego: sed non hoc fine, existimo, potius ad militandum. Fuere igitur, ut Romanorum cespes: etsi de modo aut magnitudine nescio, nisi equabilem tamen & uniformem fuisse. Docet Thucydides, lib. II. qui Plataenses obsessos à Peloponnesiis & muro clausos, *dismensos eminus dicit altitudinem iustam muri, ex numero & modulo laterculorum: atque ita scalas apparasse ad transcendendum*. Posteriores, etiam vallis & stipitibus interpositis vsi videntur, ex Polybij XVII. vbi Græcam Romanamq; militiam hac parte componit.

\* Lib. v. De  
Mil. Rom.  
Dialog. v.

In Romanorum porrò vallo quid fuerit, \* alibi dicimus: nunc addo, non simplicem sæpe hunc murum fuisse, sed duplicem, contra exteriorem etiam hostem. Si enim auxilia metuebantur, & vis aliqua maior: ipsi sese includebant, ne subito aduētu aut impetu possent superfundi. Hoc in obsidione illà Plataensium factum, Thucydides sic describit: *Circumuallatio tota Peloponnesiorum habebat duos ambitus siue muros. Vnum in Plataenses ipsos, alterum exterius spectantem, et si quis Athenis vellet adoriri. Distabant inter se pedes sedecim: interuallum mediū inædificabatur tabernaculis vigilum et custodum, per sua discrimina. Ea tamen ita crebra & perpetua erant, ut totū opus vnus murus videretur crassior, et qui pinnas utrimque haberet. Inter denas autem quasque pinnas, Turres erant magnæ, & aqua-*



& æquabili crassitie, quæ tangerent interiorem & anteriorem frontem  
 sic, dico, ut ambire eas non liceret, sed per medias ipsas transeundum es-  
 set. Nec obscura tota ea res, aut aliter illustranda. Atq; opus, fa-  
 teor, per se nec vile, nec improbum: sed quid ad Romana, si con-  
 tendis? Multa exempla sunt: sed quia eligere mos noster, nō col-  
 ligere, pauca dabo illustriora. Primum, P. Scipio minor, Cartha-  
 ginem cū obsideret, ita eam & se cinxit, in Appiani Libyco:  
 Isthmo potitus in quo vrbs sita, fossam inibi duxit à mari ad mare: ipse  
 ab hoste semotus, quantum teli iactus esset. Atque illi quidem instabant  
 & impedire conabantur, sed Romani operantes simul & pugnantes  
 opus perfecere, quod stadia viginti quinque in fronte habebat. Eā fossā  
 absolutā, alteram haud procul inde duxit, pari magnitudine, quæ ad me-  
 diterranea spectabat: iterumque duas similes iis circumponens, totum  
 opus <sup>\*Vi solent</sup> quadrangulum fecit. Omnia deinde Vallis acutis muniit, & post  
 vallos, alias fossas duxit. Parte autem eā, quæ Carthaginem spectabat, <sup>Romani suo</sup>  
 murum vallumque struxit, in vigintiquinque stadia: altum, absque lo-  
 ricā aut pinnis, pedes duodecim; itemque absque turribus, quæ per spa-  
 tia interponebantur. Crassities autem muri quasi dimidiata, id est pe-  
 dum senum. In medio autem eius propugnaculum excelsum erat, & in  
 eo turris lignea, quattuor tabulatorum, unde prospicere erat, quid in  
 vrbe ageretur. Hac omnia spatio viginti dierum & noctium (breuitas  
 temporis notetur) absoluit, toto exercitu per vices pugnante & ope-  
 rante, ac vix cibum aut somnum capiente. quem deinde vniuersum in-  
 tra septum istud induxit, & locauit. Atque hæc ei simul & castra erant,  
 & munimentum: unde egressus & impetum faciens, commeatum au-  
 ferebat, qui terrā inuehebatur. Nam hac ceruice exceptā, reliquā par-  
 te, mari Carthago alluebatur. Hoc Scipionis opus, facile intellectu,  
 si quis situm Carthaginis veteris, pictum in tabulis, cum lectio-  
 ne istā confert. Nec contentus terrā sic clausisse, mare iis aufert,  
 portu per aggerem clauso & intersepto. quem ille duxit & iecit  
 à tenui illā velut terræ fasciā, quæ inter lacum & mare interiecta,  
 Lingua dicebatur. Progrediens autem illinc in mare, & rectā in os  
 portus tendens, firmavit opus magnis stipatisque lapidibus, ne à flucti-  
 bus auferrentur. Erat autem supernè latitudo Aggeris, pedum viginti-  
 quattuor; infrā autem & in aquis vel quadrupla. Id opus initio Pæni  
 irridebant, ut tardum & longum, aut potius nunquam absoluendum.  
 Sed cū tantus ille exercitus operas conferret, nec diu aut noctu inter-



mitteret; territi, parte aliâ portum sibi fodere, ad medium mare, cœperunt. Grande profectò & admirabile hoc quoque opus consideranti, & in quo pertinax labor naturam pænè vicit. At enim idem Scipio, cùm Numantiam, in Hispaniâ urbem nobilem, obsideret, grande quoque opus, & tale ( Appiano in Ibericis narrante) struxit. Erat ambitus Numantie stadiorum vigintiquattuor: circumuallationis quam parabat, supra eius duplum. Atque id spatium diuisum totum per partes operantibus fuit, & cuique parti præfecti quidam, operis exactores & probatores. Prædictum autem, vt siquid hostes impedirent aut turbarent, signum in eâ parte tollerent, de die quidem vestem purpuream in longâ perticâ, de nocte, ignem. vt ipse Scipio & Fabius maximus eius frater, in necessariis alibi intenti, possent succurrere. Vt igitur hæc perfecit, alteram fossam iterum duxit, haud longè ab illâ, & vallos in eâ defixit, & murum inædificauit. cuius latitudo erat, pedes octo, altitudo, decem, absque propugnaculis. Turres autem vbique interpositæ, per singula iugera, siue centenos pedes. Lacum autem contiguum cùm non liceret muro peruadere aut instruere, \* Aggerem ei iniecit, parem muro & altitudine, & crassitie, vt is esset loco muri. Cùm autem et flumen Durias, præter opidum fluens, vtile obsessis esset, tum ad emissionem & receptionem hominum, tum ad victum ( nam et vrinatores transibant, & scaphæ interdum, vento grandiore, aut & remis, adiutæ: ) nec iungere id ponte facile esset, latum & violentum: propugnacula duo in vtrâque ripâ constituit, loco pontis. et ex propugnaculis us, funibus suspendit trabes longas, & per totum flumen pertinentes, quibus infixi velut gladij & tela acuta erant. quæ trabes impulsæ à flumine, assidueq; rotantes, neque natantes, neque nauigantes, sed nec vrinantes patiebantur latere aut transire. Quod maximè Scipio volebat, vt nemine ingrediente aut transeunte, ignari essent omnium, quæ extrâ gererentur. Vt autem parata sic sunt omnia, & turribus catapulta impositæ, & ballistæ, & ad pinnas ac propugnacula appositi lapides, tela, & iacula, castella autem sagittarij & funditores habuerunt: tum nuncios disposuit per totum opus, qui die ac nocte, alij ab alijs dicta excipientes, significarent ei quidquid ageretur. In turribus autem iussit, si quod euenisset, signum tolli: in primâ, dico, earum, vbi periculum esset. Et sequi deinde atque attollere consequenter alias, cùm illud in primâ vidißent: vt per signum quidem celerrimè cognosceretur motus aut hostium molitio, sed certitudo rei per nuncios. Exercitus porrò vniuersus, cùm ad L x. millia pertingeretur,

\* Elapidi-  
bus & li-  
gnis scilicet.



ringeret, una cum incolis auxiliaribus: dimidium eius disposuit ad muri valli; custodiam, viginti autē millia oppugnationi reservauit, si quando ea esset, & subsidium istis reliqua decem millia. Locus autem et istis omnibus assignatus: nec mutare, nisi iuberentur, licebat. Ad mandata autem subito ibant, & parati erant, sicubi signum sublatum esset. Ipse etiam Scipio, uniuersum hoc opus <sup>\*Sunt miliaria sex, & duo itadia.</sup> quinquaginta stadiorum, quaque die ac nocte circuibat. Scipionis hæc opera, & circumuallatio, industriæ & curæ plena: atque omnia, tanto Imperatore digna. Sed Octauiani etiam Cæsaris, postea Augusti, circumuallationem adnoto, in Appian. v. Ciuil. paullò maiorem, & breuiter recensendam. L. Antonius, in dissensu illo ciuili, Perusiam se contulerat. quem insecutus Cæsar, cum omni diligentia, copius opus facere iussis, vallo & fossâ, quinquaginta sex stadia amplexus, clausit. sed & <sup>\*cuiusdam mura-</sup> brachia longa ad Tiberim vsque protendit, nequid in urbem posset inferri. Contra Lucius, ipse quoque simili vallo & fossâ, pedes collis muniebat. Cæsar deinde, cum copias aduentanti Asinio & Ventidio opposuisset, celeriter Perusiam rediens, fossas sudibus vallisque munivit, & latitudinem atque altitudinem earum auxit, ut hæc utraque triginta pedum essent. Sed & murum auxit & eleuauit, & turres in eo ligneas ad mille quingentas statuit, sexagenos pedes inter se distantes. Sed & pinnae crebre erant, & alius apparatus: eaque omnia duplicata, & velut bifrons circumuallatio; tum contra obsessos, tum etiam siquid externi auxilij aduentaret. Ita Augustus: in quo opere turres maximè miremur, tot & tam crebras. Sed quid hæc colligo? Cæsar ille Iulius, qui in omni re militari super omnes, etiam in istâ fuit. Commentarij eius variè ostendunt: sed adsumatur vna nunc Alesiae obsidio, in quâ res gestæ quantas audere (Velleij verba & iudicium) vix hominis, perficere, penè nullius, nisi dei, esset. Age verò, verba ipsa & narratio Cæsaris audiantur: quis legit? F. V. R. Ego libens, & tu paullum interquiesce. Ait:

Ipsum erat opidum (Alesia) in colle summo, admodum edito loco, ut ceteri nisi obsidione expugnari non posse videretur. cuius collis radices duo, & duabus ex partibus, flumina subleuant. Ante id opidum planities circiter milliapaassuum tria in longitudinē patebat. reliquis ex omnibus partibus colles, mediocri interiecto spatio, pari altitudinis fastigio, opidum cingebant. Sub muro, quæ pars collis ad Orientem spectabat, hunc omnem locum Gallorum copiae compleuerant, fossamque & maceriam sex in altitudinem



\*Leg. præd. titudinem pedum\* produxerant. Eius munitionis, quæ ab Romanis in-  
 stituebatur, circuitus vndecim millia passuum tenebat. castra opportu-  
 nis locis erant posita, ibique castella vigintitria facta.


Cæsar deinde, animaduerso Gallos in urbem copias reduxisse, bellum velle ducere, auxilia totius Galliæ expectare, augebat munimenta, & sic ait post pauca:

Quibus rebus cognitis ex perfugis, Cæsar hæc genera munitionis instituit, Fossam pedum XX. latam, directis lateribus duxit: ut eius solum tantum de pateret, quantum summa labra distaret. Reliquas omnes munitiones ab eâ fossâ pedibus quadringentis reduxit. id hoc consilio, quoniam

\*Libri qui-  
dam sum-  
ma.  
\*Lego, nec.  
niam tantum esset necessario spatium amplexus, ne facile totum opus coronâ militum cingeretur, ne de improviso aut noctu ad munitiones hostium multitudo aduolaret, aut interdum tela in nostros operi destinatos conijcere possent. Hoc intermisso spatio, duas fossas quindecim pedes latas, eadem altitudine perduxit: quarum anteriorem campestribus ac demissis locis, aquâ ex flumine derivatâ compleuit. post eas aggerem ac vallum duodecim pedum struxit; huic loricam pinnaeque adiecit, grandibus ceruis eminentibus ad commissuras pluteorum atque aggeris, qui adscensum hostium tardaret. & turres toto opere circumdedit, quæ pedes octoginta inter se distarent. Ad hæc rursus opera addendum Cæsar putauit, quod minore numero militum defendi munitiones possent. Itaque truncis arborum, haud admodum firmis ramis, accisis, atque horum delibratis ac præacutis cacuminibus; perpetuæ fossæ quinos pedes alta ducebantur. huc illi stipites demissi, & ab infimo reuincti, ne reuelli possent, ab ramis eminebant. quini erant ordines coniuncti inter se atque impliciti; quo qui intrauerant, sese ipsi acutissimis vallis induebant. Hos Cippos appellabant. Ante hos obliquis ordinibus in quincuncem dispositis, scrobes trium in altitudinem pedum fodiebantur, paulatim angustiore ad summum fastigio. huc teretes stipites, feminis crassitudine ab summo præacuti et præusti, demittebantur: ita ut non amplius quattuor digitis ex terrâ emerent. Simul confirmandi & stabiliendi causâ, singuli ab infimo solo pedes terrâ exculcabantur: reliqua pars scrobis, ad occultandas insidias, viminibus ac virgultis integebatur. Huius generis octoni ordines iuncti, ternos inter se pedes distabant. id ex similitudine floris Lilium appellabant. Ante hæc, talæ pedem longæ, ferreis hamis infixæ, totæ interram infodiebantur, mediocribusque intermissis spatiis, omnibus locis disserebantur. quos Stimulos nominabant.


DIALOG.






PLATÆNSIS OBSIDIO.









CARTHAGINIS OBSIDIO.



## DIALOG. II.

*Cæsar totus explicatus in verbis quæ suprâ. Brachia, Lorica, Cervi, Stili caci, & alia vicina.*

**L** I P S. Satis mi Furi, desine. audistis quid in totâ eâ munitione fuerit, & si mens ibi & attentio, mirati haud dubiè multiplex & pænè infinitum hoc opus fuistis. CAR. Audimus, sed hoc tantùm. Confusa alibi aut obscura narratio, & plenè capere si nos vis, per partes dispone, & illustra. L I P S. Age, fiat. Cæsari hoc detur, sed & Operi, quod, me iudice, meretur memoriam & vitam. Sunt in eo toto tres partes, *Interior munitio*, & *Exterior*, tum *Circumvallatio* his interiecta. Ego de *Circumvallatione* primùm dicam & excerpam: quia reipsâ prima fuit (Fossis dumtaxat exceptis) & reliquæ munitiones mox adiectæ. Ea habuit has partes, *Vallum*, *Loricam*, *Cervos*, *Turres*. Videamus singillatim: & primò

VALLVM. Id fuit *pedum XII.* vt ait: nec definit de latitudine aut altitudine: an quia idem fuit? Soler aliquoties: & in Hirtio leges, *Vallum decem pedes altum*, cuius agger tot pedes in latitudinem patebat. Et opus omnino latitudine fuit, ad insistendum & defendendum. Quid in reliquâ structurâ eius fuerit, curiosè dicimus in iis quæ de \* MILITIA. Nunc addo, nomen aliquando variare, & *Brachium* appellari. Hirtius in bello Hispaniensi: *Cæsar munitionibus Ateguam oppugnare, & brachia circumducere cæpit*. Idem in bello Alexandrino: *Castellum quod rex munierat, brachiiisque cum opere castrorum munierat*. Liuius xxxviii. *Nicodemus intempestâ nocte, superato brachio, in urbem penetrat*. Lucanus:

— fontesque & pabula campi

*Amplexus fossâ, densas tollentia pinnas,*

*Cespitibus crudaque exstruxit brachia terrâ.*

Apertè vallum ita nominat, & Cespitibus struit, & Pinnae etiam addit. Causa nominis, quòd eiusmodi valla in brachium & cubitum ferè curuantur: vnde & à Græcis ἀγκῶνες dicuntur, siue & αἰτῶν, *crura*, vt in Appiani suprâ verbis. Alioqui flexus illi etiam & sinus terræ, *Brachia* similitudinis, appellantur. vt in Curtio, libro vi. *Duo terræ eius velut brachia excurrunt,*  
media



*media flexu modico sinum faciunt, Luna similem.*

Ovidius:

— *nec brachia longo*

*Margine terrarum porrexerat Amphitrite.*

Pars secunda Valli, *Lorica*. Ea vox variâ significatione innotuit. pro tegmine pectoris militari: vt frequentissimè. pro tegmine aliarum etiam rerum, aut inductione: vt in Vitruuio, *Lorica ex calce (&) arenâ inducantur*. In Varrone: *Parietes opere tectorio loriciandi*. In Plinio: *Ichneumon limo se mergit & loricat*. Imago est & traductio ab illâ militari, quæ corpus amplectitur & regit. Paullatim longius etiam itum, & obiectio aliqua aut tegmen nobis antepositum, siue munitiuncula, *Lorica* dicta. Ita muruli in ambitu, minores valli minusque lati: sed & è cratibus, aut tabulis pluteisque sepimenta, in hoc nomen venêre. De murulis, in Curtio libro ix. *Angustamuri corona erat, non pinna, sicut alibi fastigium eius distinxerant, sed perpetua Lorica transitum sepeferat*. Significat muri eius, quem Alexander animosè conscendebat, *Loricam* non fuisse vt aliàs vulgò, Pinnis distinctam: sed sine apprehensione aut transitu, continuo structam. Eò ægrius fuisse, stare illuc aut hære. Ammianus: *Muros altius extollebat, hac lorica celeri diligentia consummata, in tuto locandam securitatem suam existimans*. Idem iterum, libro xxv. *Erat in hac regione extentum spatium & rotundum, loricae ambitu circumclusum, destinatas regis voluptatibus feras continens*. Viuarium fuit, & muro simplici circumductum. Sed & alia ambitio aut *Lorica* sic dicta. vt Apuleio libro vi. *Dum sic mecum iocatur comes, iam domus eorum extremam lorica peruenimus*. Itaque in Deuteronomij cap. xxi. vbi sicam Græci verterunt, quidam è Latinis *Loriculam*: structuram scilicet illam superam ædium, quâ Solaria sua ambiebant & cingebant, cōtra casum aut delapsum. Nam plana tecta eorum esse solebant, ad apticandum aut inambulandum: atque in orbem isti muruli, quibus innitentes fas erat despicere. Dauidi hoc factum, quem sacrae litteræ aiunt *deambulasse in solario domus regis*, & vidisse lauante illam, quam in omni vitâ pœnituit vidisse. Pro vallo autem aut terreo murulo, Tacitus iiii. Hist. *Loricam vallumque per fines suos Treveri struxere*. Iterum iiii. Annal. *Sabinus fœderis loricaque contexens, quattuor millia passuum ambitu amplexus est*. Florus de Scipione, ad Numantiam, libro ii.



cap. xviii. *Fossâ atque lorica, quattuorque castris circumdedit.* Idem de Cæsare, ad Gergoniam, lib. iiii. cap. x. *Octodecim castellis, ingentiq[ue], [quasi] lorica circumdatam fame domuit.* Dele inclusam à me vocolam, auctoribus libris. Sed & legitimum ipsum vallum, sudibus, turribusq[ue], instructum, Vegetius vult sic dictum, lib. iiii. cap. xx. *Obsidetes vltra teli iactum fossam faciunt, eamq[ue] non solum vallo et sudibus, sed etiam turriculis instruunt, ut erumpentibus è ciuitate possint obistere.* quod opus Loriculam vocant, & sæpe cum obsidio describitur, inuenitur in historiis, LORICA VRBEM ESSE CIRCUMDATAM. Ita Vegetius quidem: sed vetustiores tamen sic locutos, haud temerè dixerim, imò cum discrimine ferè, quod monui, & ut pars modò Valli Lorica sit. Illud tamen æuum solet, & paulò superius, ut ex Flori locis liquet. Iam de Cratibus & vimineâ sepe: ecce in Cæsare ipso v. Gallic. *Turres contabulantur, pinna, loricaq[ue], ex cratibus attexuntur.* In Hirtio, viii. Gallic. *Pontes constrati, quorum frontes vimineâ lorica muniuntur.* De Pluteis autem, in hoc loco Iuliano, quem legimus: *Ad commissuras pluteorum, atque aggeris.* putamus enim lorica intellegi putealem, locumq[ue] signari, quâ aggeri & vallo iungitur. Clariùs hoc in vii. Gallic. *Duabus retibus portis, ceteras obstruit, pluteos vallo addit.* BILL. Satis nouitia & inopinata me doces: nec ego de hoc ligneo genere loricarum suspicatus vniquam fui. Cæsaris illa, sic capiebam: quasi Pluteos additos, id est antepositos præfixosq[ue], vallo vellet, contra rescissionem eius & demolitionem; quam falcibus taliq[ue] apparatu solent moliri. Obstitisse igitur tunc Pluteos. LIPS. Nec absolum hoc, aut nimis futile: sed firmitus tamē nostrum videtur. ut sepes sic craticeas, aut & ligneas, struxerint, post quas tuti essent. Ita enim & Vineas, & Pluteos, ex hac materie struebant, & eodem fine: vnde, ut puto, exēplum. Tela sanè illa veterum, his aut inhererebant, aut frangebantur: denique facile, & nō in arduo, hoc opus. Pro eo autem & Hirtius mihi videtur, viii. Gallic. *Castra imperat vallo pedum XII. muniri, coronisq[ue]; pro hac ratione eius altitudinis inædificari.* Ita vulgò, nec pessimè: & possit Corona esse, quod secundum iam dicta in libris sacris. Sed libri tamen scripti consentiunt legere, Loriculamq[ue] pro hac ratione. Ergo teneamus, & quia INÆDIFICANDI verbo vitur, ligneam fuisse suspicemur. Hic suspicio, at in Suidâ assertio: *Δούρατοι, inquit, ἐὺ λυοὶ θάλασσαν, & ἐπὶ τῇ*



αὐτοφύκηματα τῶν νῦν ἑλκωτὰ καλέμεθα: *Dryfracti, lignæ Lorica*, que  
 nunc *Tabulata* vocantur. Nihil clarius: & nomen ipsum factum,  
 παρὰ τὸ ταῖς δρυσὶ φράσσεσθαι: ab eo, quod lignis munitio hæc fiat. In eodem  
 scriptore: Θωράκιον, τὸ τεῖχος. θωρακίους, προμαχώσι, θυφράκτοις λωρικοίς: *Tho-*  
*racium, ipse murus. thoracius, propugnaculis, Loricis ligneis.* Atque hæ  
*Lorica murorū vallorumq;* sunt, pinnis distinctæ; ἐπάλξεις Græ-  
 cis, προμαχώνες, & creberrimè Latino ritu θώρακες siue θωρακία, *Lorica*  
*aut loricule* dictæ. BILL. Maiores tenuerūt, & paullum modò ve-  
 rustiores muri nostri Europæi habent: idq̃ue cum distinctione  
 istâ Pinnarum. Hodie omitti placuit Pinnas, ob infirmitatem:  
 etsi *Loricas* tenemus, & nostro verbo *Parapettos*. Sed altitudo,  
 fodes, Lipsi horum talium quæ fuit? L I P S: Haud stabilis sem-  
 per aut exactè eadem: & in Hirtio audisti, *Loriculam pro ratione*  
*altitudinis inædificari.* In humili ergo vallo, humiliorem paullò;  
 grandiusculam, in altiore. In Iosepho lego, velut de more, sed in  
 amplâ Hierosolymorum munitione, *Loricas trium pedum altitu-*  
*dine fuisse, Pinnas, duorum.* Et sanè ea mensura ad viri modum sit,  
 atque abundè ei tuendo. Sint & quattuor pedes, in vniuersum:  
 suffecerint in castrensi vallo. Sed ad partē Valli tertiam venio,  
 qui sunt C E R V I. Non ij quidem in omni vallo, non: sed hîc à  
 Cæsare adtexti, maiori tutelæ & securitati. Quid ergo ij sunt?  
*Cerui*, inquit Varro, à similitudine cornuum cerui. Sūt igitur ramosi  
 trunci arborum, in eam faciem: atque ij firmiores aliâs, aliâs in-  
 firmi. Isti teneriores & infirmi, *Ceruoli* dicebantur, verbo dimi-  
 nuente. In Hygino: *Ceruoli, trūci ramosi. ad hos decurritur, si soli natu-*  
*râ, nimia teneritate, cespēs frangeretur.* Vtebantur his igitur in vallo  
 struendo, ad terram coërcendam adstringendamq̃ue, identidem  
 interiectis. Nos hodieq̃; facimus. & sic idem Hyginus: *Nec val-*  
*lum exstrui, nec fossa fieri potest, vt non ripæ decidāt, quoties Ceruoli de-*  
*sunt.* Quod tamen vbi legitimus densusq̃; cespēs, vix opus. De  
 his Ceruolis, Frontinus etiam, lib. i. cap. v. *Pelopidas vallum, cer-*  
*uolis & alio materia genere constructum, incendit.* Virgulta hæc fuisse  
 mixta copiosè indicat, tum & fudes, ac ligna. Et minorum hic  
 vsus: quis maiorum? diuersus, & ferè duplex. Receptissimus iste,  
 vt truncos illos firmiores in terram depangerent, & variè sere-  
 rent, itinere impedièdo aut obstruendo. Vt in Liuiο, XLIII. Ro-  
 manus ad Clitas quas vocant, munimēta Ceruis etiam obiectis, vt viam



intercluderet, à Macedonico ad Toronaicum mare perducit. Fuere fossæ & valli, & ante ea cerui isti: cōsimiliter vt in Cæsare Cippi, de quibus audiemus. Silius & hoc factitatum vult à timidis Cannarum reliquiis, quæ Canusium se receperant, & Annibalem in horas expectabant. Muniunt se igitur,

*Quaque patet campus planis ingressibus hosti,  
Cervorum ambustis imitantur cornua ramis.*

Obserues amburi solere, ad robur & duritiem, & simul acumen: vt in Sudibus præultis. Tibullus quoque sic adhibet, ad Messallam:

*Nam te non alius belli tenet aptius artes,  
Quà deceat tutam castris præducere fossam,  
Qualiter aduersos hosti defigere cervos.*

Nam sic viri docti rectè emendarunt: etsi quis *Nervos*, qui antea legebantur, ad Tormentorum dispositionem aptam rettulerit. sed renuit *Defigendi* tamen verbum. Atque is prior vsus, & creber: alter qui hîc in Cæsare, rarior, *Grandes cervos eminuisse ad commissuras pluteorum atque aggeris*, qui adscensum hostium tardarent. Puto igitur in exteriori vallo eminuisse, insertos inter Loricam ligneam, & Aggerem ipsum, simplicis coronæ in modum: & vidi agrestes nostros, spineas eiusmodi proiecturas, in Loricis terreis, eidem fini, vsurpare. In Virgilio Cerui etiam leguntur,

*Atque humiles habitare casas, & figere cervos:*

sed pro arborum truncis longioribus, iisque furcatis, opinor: quibus transfusa tigna iniici possent, ad sustinendum. Fit in Tuguriis, & rudi opere rusticorum. An hoc sensu Appianus v. Ciuilium *negias* dixit? Facit enim Brutimilites, cum Xanthiorum urbem oppugnarent, *alios scalas subitarias fecisse*, *alios negias* admonuisse, iisque pro *scalis* vsos. Et interprez quidem vertit *Cervos*, profectò haud ineptè, si \* tale aliquid fuit: ego voluisssem *Antennas*, quas ex nauibus scilicet sumpserunt, & per eas connixi in muros. Pars deinde quarta, *TURRES*. quas *toto opere circumdatas* scribit, intervallo inter se pedum LXXX. Atque hæ diuersæ turres erant ab iis, quas postea dicam, *Mobilibus*: fixæ enim istæ, & minùs operosæ, minusque etiam altæ. Iulianæ hæ sanè crebræ fuerunt, & calculus euincer,

\* Nempe  
truci arbo-  
rum, cū la-  
teralibus ra-  
mis, leuiter  
acutis: qui  
possint esse  
Scalarum  
loco.



euincer, fuisse in *undecim milliarium* ambitu, ad *sexcentas octoginta septem*. Quid in ambitu *Exteriore quattuordecim milliarium*? palàm est, accessisse ad dictum numerum, *CLXXXVII*. Ergo in *utroque* ambitu, insimul, *∞ . 10. LXI*. Haud longè ab hoc numero & Octavianus Cæsar ad Perusiam, cuius *lingneas* ibi turres Appianus numerat, *mille quingentas*. Quidquid dissimulemus, sunt hæc miranda; sed alia etiam restant, & sequitur

INTERIOR MVNITIO, quam dixi. Ea comprehensa est in latitudine pedum *CCCC*. ab opido castra versus, & habuit has partes: *Fossas, Cippos, Lilia, Stimulos*. *Fossae* fuerunt, tres. Prima, sub ipsum opidum ad radices collis, *pedum XX. directis lateribus*. Ab hac *pedum CCCC*. spatio, duas iterùm fossas duxit, sub ipsis castris, *XV. pedes latas, eadem altitudine*. Cùm autem hîc par altitudo, credibile & in primâ illâ fuisse, etsi non dixit: imò libri prisci nec latitudinem illuc exprimunt, sed scribunt, ut iam recitavi. Ex duabus autem istis vltimis, alteram *interiorem, campestribus ac demissis locis, aquâ ex flumine derivatâ, compleuit*. Fuere enim palàm duæ: non vna, ut prauo acumine, interpretes quidam dixit. Nam duas vult nominatas, aspectu sectionis quæ à flumine medio facta: atque ideò nec *interiorem* quidem legit, sed *inferiorem*. Quæ hæc mala libido innouandi est? certè pro tutelâ & reliquâ dignitate operis, magis facit, fuisse duplices: quod palàm hîc scribitur, & alibi simile obseruetur. Vna autem ex his fossis, eaque aquâ repleta, vallo adhæsit: altera quo interuallo ab eâ, non dixit. Haud magno tamen, id credam. Hæc cùm ita fecisset Cæsar, in spatio illo campoque medio *pedum CCCC*. opera hæc instituit, & totum locum variè impediuit. Primò, quos *CIPPO*s appellabant, defixit. Eorum quinque ordines ponit, in totidem perpetuis fossis, & infernè reuincit: re totâ in eo satis clarâ, nisi quòd verba aliquid tenent. Nam ait, *truncis arborum, haud admodum firmis ramis, ac cisis*, fossas confitas. An ergo ramî quæsi *infirmi*? ego contrà censebam, & operis ratio ac finis vellet. In veteribus consensu ferè, *aut admodum*, aiente siue alternante particulâ, itemque *absicis*. Retineo, hoc sensu. ut aut truncos ipsos totarum arborum



arborum captos velit, sed iuniorum; aut & maiorum ramos firmiores, qui cum suâ sobole idem præstabant. Hos enim sparsos & ad latera exstantes ramos, dolabrâ aptabant & exacuebant: quod in quibusdam veterum benè *dolabratis* legitur, non *Delibratis*. Quod autem est, *Cippos* dictos, nihil equidem muto: sine fraude tamen vacillationem optimi codicis indico, qui Torrentij antistitis fuit, in quo correctum *Cappos*. Incidebat & *Scapos*. & sanè militum lasciuia hunc velut Martialem hortum habuit & conseuit, & nomina etiam fortassis (vt mox *Lilia*) à re hortensi sumpsit. Alioqui *Cervos* licuisset, recepto verbo. Sed hoc in ventum dixerim: pergo ad ipsa *LILIA*. quibus fodit *scrobes*, *trium in altitudinem pedum*, *paullatim angustiore ad summum fastigio*. Nego, ad summum: nec qui considerat, admittet. Quid libri? meliores omnes, *ad infimum*: & defendendum est. *Scrobes* nempe ita factæ, vt patulâ rotunditate, paullatim angustarentur coërentque ad imum. Ni sic fuisset; quomodo terra exculcata commodè, quod additur? *Singuli ab infimo solo pedes terrâ exculcabantur*. Sententia est. è tribus illis pedibus altitudinis, tertium ab imo deperisse; terrâ aggestâ ad stabiliendum stipitem, & circa eum stipatâ & exculcatâ. Nam Hotomannum bona Mens non impulit duas voces inducere & auferre, *pedes terrâ*. Quid ergo reliqui duo pedes? ij vacui. & addit: *reliqua pars scrobis, ad occultandas insidias, viminibus ac virgultis integebatur*. Id, inquam, eo sensu. vt vimina ac virgulta summam oram foueæ texerint, ei superstrata: imò & herbidus cespes super ea, vt opinor, ad magis occultandum stilum. qui etsi quattuor digitos eminebat, vt dixit, tamen facilè hac tali materie celabatur. Festus id dixit, *Vallum cæcum*. Verba: *Cæcum vallum, in quo præacuti pali terre adfixi, herbis & frondibus occultuntur*. Hirtius in Africano bello: *Valli fossarumque altitudo, & extrâ vallum stili caci mirabilem in modum consiti, vel sine defensoribus, aditum aduersarius prohibebant*. Vocat *Stilos*, sicut & Silius:

*Et stilus occultitur, cæcum in vestigia telum.*

*Cæcum*, non quod non videt, sed non videtur: vt *caca vada*, *cæci scopuli*, *morbi*, & plura. Pompeius hoc tale vallum struxit, in ipsum Cæsarem, tunc cum Brundisio excederet: *Fossas trans-*



*fas transversas viis præducit, atque ibi sudes stipitesque præacutos defigit. hac leuibus cratibus terraque inæquat.* Vides herbam, terram, crates instratas : & dolus ita poscit. Quo scitissimè vñ in Romanos posteriores Lazi, barbarus populus. quod ita lego in Suidâ, nescio an ex Menandro : Οἱ δὲ Λάζοι βόθρεσι ὀρύξαντες, καὶ δόξα τοῖς βόθρεσι ἐγκαταπέζαντες, ταρσοῖς καλάμων καὶ ὕλην μὴ βελαν ἐχούσῃ βάσιν, ἀλλὰ πρὸς τὸ ὀπιφερόμενον ἀχθὲν ὀλισθαίνουσαν, τὰ σώματα τῶν ὀρυγματίων ἐκάλυψαν. καὶ χθὲν ἐμβαλόντες, τὰ τε παρ' ἐκείναις χωρία γεωργήσαντες καὶ πνεύρις ἀπέειξαντες, ἐπεσώσαντο τὰς Ῥωμαίους : Lazi scrobibus effossis, & stilos in iis defigentes, cratibus arundineis & tali materie, quæ firmitudinem non haberet, sed ad onus illatum cederet statim ac laberetur, ora scrobium texerunt. Tum & terram superiecere, & circa arauerunt, & frumenta in seminarunt : atque ita vicerunt fuderuntque Romanos. Tales igitur stipites hi Iuliani defossi, & quidem octonis ordinibus dispositi, in quincuncem. Sed claudit & dicit, *id ex similitudine floris Liliū appellatum.* Hic subsistunt, aut variè se mouent. Quæ enim in toto opere similitudo Lilij? inquiunt. Nec de nihilo dubitatio : & eò decurritur, vt dicant calycem ipsum Lilij designari, cū id clausum adhuc, nec se expandit. Is capite leuiter protuberante, & quadrato est : & talem fuisse volunt immissum stipitem, eoque aspectum. Hæreo, imò non hæreo. nōne enim Cæsar disertè scribit, *stipites teretes* fuisse? nec forma hæc quadrata, aut lilij clausi conuenit. Meo nunc sensu, adspicit similitudo totam foueam supernè expansam iacentemque in orbem : cui medius deinde stipes inferitur. atque id est velut Liliū patens, cum stamine suo aut stilo. Tu, aut tu, aliquid aptius? doce. In silentio vestro, pergo ad STIMVLOS, quartum in hac arêâ opus. Non contentus Cæsar dupliciter impedisse iter, hos quoque addit : & *Taleas, pedem longas, ferreis hamis infixas, totas in terram infodiebat, & per interualla modica spargebat.* Numerum aut ordinem non dicit : obtinueret totum spatium, quod reliquum ad primam fossam. Istæ autem Taleæ breues, nec nisi pedales : atque ita noteris, totum opus per gradus creuisse, primò minoribus Taleis, mox maioribus Liliis, maximis denique Cippis : creuisse, ad spectu dico eorum qui inuasissent. Dicit autem hos Stimulos nominatos : & approbo. quid tamen ita



longè abit & diuertit optimus Torrentij codex, qui *Famulos?* An *Hamulos?* nam hamis infixas dixit. An *Flamulas?* quod genus Violæ Latinis est, vt non abeamus ab horto. An nugas ago? cùm Cæsar ipse mox, cùm adfultasse castris Gallos facit, ita scribat: *Galli dum longiùs ab munitione aberant, plus multitudine telorum proficiebant. posteaquàm propiùs successerunt, aut se ipsi Stimulis inopinantes induebant; aut in Scrobes delapsi transfodiebantur.* Stimuli ecce repetuntur, nec vacillat ibi liber: sed & ordo exponitur harum depositionum, quem dixi. *Interioris munitionis omnia habetis: quid in*

*EXTERIORE?* eadem. Facies enim modò diuersa fuit, & hæc hostem spectauit, vt illa opidanos. Cæsar id ita dicit: *His rebus perfectis, regiones secutus æquissimas pro loci naturâ, XIII. millia passuum complexus, pares eiusdem generis munitiones, diuersas ab his, contra exteriorem hostem perfecit: vt ne magnâ quidem multitudine, si ita accideret, eius discessu munitionum præsidia circumfundi possent.* Oratorem si lubeat agere, diffundam & ostendam per partes, tot iterùm *Fossas, Vallum alterum, Turres, denique Cippos, Lilia, Stimulos:* omnia hîc, in aucto ambitu, auctiora. Ego non faciam: & magna admiratio silentium magis imponit. *BILL.* Certè admiramur. *CARON.* Stupemus. sed quàm magnâ manu, quo spatio, Cæsar hæc opera? *LIPS.* Non nisi *decem legionibus:* sed nempe illis veteranis, & quibus ipse elogium in Hirtio tribuit, Hispanos alloquens: *An me deleto, non animaduertebatis, decem habere legiones populum Romanum, quæ non solum vobis obsistere, sed etiam cælum diruere possent?* Superba mihi sæpe & improba visa dictio (& est:) sed si quis hæc opera talia considerat, nōne has veras molitiones gygantum dicat, nec nostræ sortis? Quæris & de tempore. non expressit quidem Cæsar: tamen ex eo colligas, haud longè supra *triginta dies* impensos. Nec abnue credere. Scipionis illud ad Carthaginem, *viginti dies* tenuit: & eiusmodi alia, nobis semper mira, quia desimus facere miranda. *LAMPS.*

*Hæ potuere manus adiungere Seston Abydo,*

*Ingestoque solo Phryxæum elidere Pontum.*

Sed tamen est quod quæram Lipsi, in totâ hac munitione. Clausisti introrsum, extrorsum egregiè: quid autem? nullæ


vix



viæ igitur relictae ad exeundum, aut ineundum? perpetui illi Cippi, Lilia, Stimuli? L I P S. Minimè. vel me tacente res id dicebat, exitus quosdam ad frumentationes, pabulationes, aquationes, aliosque vsus, relictos. Sed vbi? Quod oblitus eram dicere, *vigintitria castella*, id est parua quædam castra, in Circumuallatione eâ fuerunt: in quibus cohortes aliquot militum, & velut corpora essent, contra vim & incursum. Quod si tot illa, quot dixi, ponimus: fuerunt quasi medio milliari quoque interiuncta: etsi libri quidam scripti, *triginta tria* ea faciunt. Ad hæc igitur castella mi Lampsoni, opportunè vias & exitus nunc collocamus. F V R. Vnum etiam ego. Interuallum inter Exterius Interiusque vallum, quantum fuisse censes? L I P S. Si Interius in ambitu habuit x i. milliaria, Exterius x i i i i. vt hîc scribitur: ratio colligit, fuisse inter vtrumque, passus circiter *nongentos quinquagintaquattuor*. Magna latitudo, & propemodum milliari vno vallum à vallo abfuit: sed causa, credo, vt equi laxius haberentur, & pabulum etiam iis esset: tum denique ob calones, lixas, & id genus, quos probabile multos fuisse. Ratio quidem circularis hoc interuallum postulat: etsi iustum tamen exactè ambitum circularem fuisse, haud opinamur: sed pro locis procurrisse, aut se flexisse, quod & Cæsar indicauit.



1. Algea opudum in colle. 2. Fossa infra collem à Caesare ducta. 3. Stimuli. 4. Lilia. 5. Cippi. 6. Fossae duae ad vallum, interior aqua plena. 7. Vallum ipsum è terra, lorica è ligna. 8. Cervi, seu rami grandes et densi stipulatiq; eminentes, contra adscensum. 9. Castellum in orbem. 10. Turres lignae.





## DIALOG. III.

*Agger totus structus, & Caesaris de eo locus.*

**S**ED enim Vallum & adiuncta satis explicauimus: & clausum quidem hostem habemus, nondum oppugnatum. Ut id fiat, opera alia struenda sunt: inprimis AGGER. Is fuit, terreus quidam, & aliâ materie mixtâ, mons & eleuatio: quem paullatim versus urbem producebant & attollebant: ut ex alto pugnarent, & Turres ibi constituerent, sed & Tormenta. Agger vocabatur, ab ipsâ re: quia aggerebant & cumulabant: posterior ætas Aggestum dixit, sed & alio genere Aggestus in Ammiano lectus. Ordinem hunc operis fuisse, Cicero indicat, ad Atticum: *Opidū cinximus Vallo, & Fossâ, & Aggere*. Vsum etiam, idem in Philippicâ v. *Græcia vel receptaculum esset pulso Antonio, vel Agger oppugnande Italia*. Quare Græcia, Agger? quia finitima & mari velut fossâ diuisa, quia alta ad oras, eoque velut Agger, imminens ad oppugnandum. Hoc igitur Agger, & eo finc: struamus, si lubet. E terrâ, lapide, ligno congeriem struebant: & hæc tria, cum in aliis, tum in Suidâ iunctim sic legetis: Εἰς τὴν πόλιν, ἐφόρειν δὲ ὕλην ἐς αὐτὸ, καὶ λίθους, καὶ γῆν, καὶ εἴ τι ἄλλο ἀνύσταν μέλλοις ἐπιβαλλόμενον: Deinde Aggerem ad urbem struxerunt. inferebant in eum materiem siue ligna, tum lapides, terram, & quidquid aliud iniectum videbatur facere ad attollendum. Item Iosephus, in obsidione Hierosolymorum: Excisis vicinis montibus, & ingenti copiâ lignorum saxorumque collectâ, cratibus etiam oppansis contra venientia tela, Aggerem struebant: quibus alij, colles deruentes, terram sine intermissione suggeriebant. Hæc ita tria igitur miscebant: etsi Cæsar de terrâ alibi seorsim, Cesspitibus ad aggerem comportandis. Et de saxis Suidas: Καὶ χώματα δὲ ὑψηλότερα οὐκ ἔχον ὡς πρὸς τὸ τεῖχος. Συνδεσμός δὲ τῶν χώματων αἱ πλῆνδοι ἐγένοντο, αἱ ἐν τῇ ὀπισθίᾳ: Aggeres duos excitabant vtrimque ad murum. Vinculum autem aggeris lateres erant, qui ex adibus sumpti. Sed nescio, an lateres eos velit iniectos stipando aggeri,



geri, an ad latera positos, pro muris, ad coërcendum. Sed materiem vidistis, & præcipuè materiem, id est ligna. Virgulta enim & fasces maximè hîc vsui: siue ad implendum & attolendum, siue ad ligandum. Itaque & *Aggeris* voce, hæc sæpe intellegebant. vt Cæsar vii. Gallic. *Agger ab vniuersis in munitionem coniectus est.* Fasces & virgulta fuere, quod hodieque solet ad explendum. Idem: *Cratibus atque aggere paludem expleri iubet.* Iterùm: *Proximam fossam cratibus integunt, atque aggere explent.* Hirtius de bello Alexandrino: *Arboribus excisis, quæ longitudine vtramque ripam contingerent, proiectis, repentinoque aggere iniecto, flumen transferunt.* Cæsar ii. Ciuil. *Vimina materiamque, comportari iubet, quibus comportatis rebus, aggerem exstruit.* Imò videbatur vix strui, sine istis. Idem ibidem, cum iam incensus agger & opera fuissent: *Vnde agger comportari posset, rihilerat reliquum omnibus arboribus longè lateque in finibus Massiliensium excisis.* Incensus, inquam, ibi, vt sæpe: ergo ligneus. & arbores requirit ad reparandem. Itaque Pompeius Filius in Hispaniâ, ad Vrlaonem, *Vt eius opidi oppugnationem tutiorem efficeret* ( loquitur ita Hirtius: id est, difficiliorem oppugnari. ) *omnem materiem circum opidum succisam, intrò congeffit.* Atque ita cum Cæsar aduenisset, *Agger, materiesque vnde solita sunt Turres agi, propius milia sex non reperiatur.* Similis inopia, ad Hierosolyma, in Iosepho: *Romani plurimum in aggerendâ materie laborantes, tamen intra XXI. dies aggeres erexerunt, attonsis omnibus aut excisis circa arboribus, ad stadia nonaginta.* Ea verò vastitas fuit, ad milliaria circiter vndena. Et quidem vsui arbores, non ob virgulta solum, & tenuia ramorum, sed ob ipsos truncos: quia illa in molem mediam stipabant, hos & ad latera applicabant, firmando & coërcendo. Lucanus clarè, libro iii.

—tunc omnia latè

*Procumbunt nemora, & spoliantur robore siluæ.*

*Vt cum terra leuis mediam Virgultaque molem*

*Suspendant, STRVCTA LATERV M COMPAGE ligatam*

*Arctet humum, pressus ne cedat Turribus Agger.*

Struebant, inquam, latera, & cancellatim tignis directis transversisque, variè ligabant. quod iterùm poëta idem tangit, ibidem:

*Stellatis*



— *stellatis axibus Agger*

*Erigitur.*

Qui enim *\*stellati axes*, nisi hi laterales transfuerfi, & decussati, radiorum aut stellarum aliquâ facie? Et ita Silius quoque, imitatione si fortè Lucani, lib. xiii.

*\* Quo sensu & Balthei stellati in Capitolino.*

*Hic latera intextus stellatis axibus Agger,*

*Hic grauida armato surgebat Vineæ dorso.*

Thucydidem huc appono, libro i. de Peloponnesiis ad Plataeas: *ξύλα μὲν ἐν τέμνοντες ἐκ τῶν κινδυνῶν, παρρηχοδοῦμεν ἐκαστέον φορμυδόν, ἀντὶ τοῦτων πέντες, ὅπως μὴ διαχέοιτο ὅτι πολὺ τὸ χῶμα*: *Lignis ex Citharone monte excisis, struebant vtrunque implexim, ut canistri ac storeæ solent, loco murorum ea apponentes, idque ne terra longius funderet & laberetur.* Id enim vocat φορμυδόν: & Scholiastes inibi: φορμὸς, *ψιάθ*, ὅστις ἐναλλὰξ ἔχων τὸ πλέγμα ἐστίν: *Phormus, corbis vel storea, quæ alternò textu plexa est.* Notetur autem in Thucydide, loco murorum id fuisse. nam iamantè & muros notauimus latericios è Suidâ, in hunc finem. ADAM. Venia sermonis mihi erit? LIPS. Imò gratia. diutilè siluisti. ADAM. Nam scis me ex iis esse, de quibus Theognides:

*Οἷόν ἐστι γλώσση τε καὶ ὀφθαλμοῖσιν ἔπειτα Αἰδώς:*

*Quis tener in linguâ atque oculis Pudor incolit vnâ.*

Fronte aut linguâ parum ego audax. LIPS. Tanto mihi probior. & pauci boni *Quæstores*, vt idem poëta ait, *Linguae simul & Mentis.* Sed siquid vis, age. ADAM. Structio hæc lateralis parum mihi firma, si Agger vtique adsurgat altiùs: quid enim fulcra illa ipsa fulciant? LIPS. Vinculum aliquod internum scilicet: & cogitandum ad trabes alias, exterâs illas nexas. Sed & *\*erismæ*, vt Vitruuius appellat, extrorsum adinoueri potuerunt, & acclinando, vt in ruinosis videmus, sustentare. Tamen facile assentiar, inferiùs tigna hæc vsum habuisse, vix in altitudine, & tunc arctatam leuiter molem, & ad oras coercitam virgultis. Imò, quid si Thucydides de sepe, & craticeo modò opere capiendus sit? nec id improbum, per sepimenta quædam opus clausum, & sic φορμυδόν structum. Sed ego pergo: & claudo igitur, præcipuam materiem, ligneam fuisse. Itaque non mirum, etiam in aquis aut mari Aggerem iactum: permirum, si è terrâ. Quod in aquis autem, Appianus suprâ docuit, in Scipionis operibus

*\* erismæ.*



operibus ad Carthaginem: Vbi Aggerem duxit in ore portus, stipatis proiectisque grandibus saxis, latum in summo *xxiiii.* pedes, in imo eius duplum. Sed & Cæsar ad Brundisium, vt Pompeium includeret (ipse scribit) quâ fauces erant angustissima portus, molem atque aggerem ab utraque parte litoris iaciebat. Titus pariter, ad Hierosolyma, in Hegesippo, lib. v. cap. *xx.* Vnus Agger è regione munitionis, cui nomen Antonia, per mediam ductus erat Piscinam, quam Struthiam vocabant. Hunc Aggerem Quintus numerus triginta cubitorum in altitudinem fecerat. Vbi equidem de numero ambigo & controuerto. quia humilis mihi is Agger videtur, maximè Antoniaæ turri oppositus, cuius rupes & basis, cui imposita, alta erat cubitos quinquaginta, ait Iosephus; & ipsa deinde Turris, quadraginta. Cui vsui ergo tantulus Agger in tantam altitudinem? nam æquare aut superare debebat, mox docendum. Sed nec in Iosepho is numerus, à quo haud dubiè Hegesippus sumpsit. Ille ergo non aliud dicit, quàm Aggeres istos triginta cubitorum spatio inter se abiunctos: quod suspicari licet oculo parùm firmo aut hærente Hegesippum legisse, & ad altitudinem transtulisse. Sane Aggeres vulgò alti, & id ferè pro muris, in quos struebantur. Seneca communiter, de Constantiâ sapient. cap. *v.* *Æquaturum aditissimas arces aggerem crescere.* Silius:

—subit arduus agger,

Imponitque globos pignantum desuper urbi.

Cæsar *ii.* Gallic. Armorū magnā multitudine de muro in fossam iactā, sic vt propè summam muri Aggerisq; altitudinem acerui armorum adæquarent. Mens est, Aggerem pari admodū altitudine cum opposito muro fuisse, & iacta inter utrūque arma, vtrumq; æquasse. Iosephus *iii.* Excid. Εγχερμένος δὲ ἦδη τὸ χώματ' ὅσον ἔπ' αὐτὸ πλῆθος ἔσονται: Erecto iam Aggere, & ipsis murorum pinnis tantum non appropinquante. Ammianus *xix.* Pugna per Aggeres excelsos, muris proximos tentatur. Vbi notetur, & ad motos planè muris fuisse, vt è propinquo pugnarent. Tacitus *iiii.* Annal. Struebatur Agger, vnde saxa, hastæ, ignes, *PROPINQVVM* in hostem iacerentur. Liuius libro *v.* Cum agger promotus ad urbem, Vineæque tantum non iniunctæ mœnibus essent. Zosimus lib. *ii.* obsidione Byzantij: Εγκείμενον δὲ τῇ πολιορκίᾳ καὶ τῶν τείχεσσι, καὶ τῶν ἰσχυρίων ὅσον ἔπ' αὐτὸ πλῆθος ἔσονται: πύργους τε σήσας ὅτῃ τὸ χώματ' ἔσονται ὕψος.



ὑπολοίπων τῶν τείχεσσι, δι' ὧν τὰς τὸ τεῖχος φυλάττειν ἔδει κατετόξευον, ὡς ἀνέπαυ-  
 αδείας κρείς καὶ ἄλλας μηχανὰς τῶν τείχεσσι προσάγει, διανοεῖτο τὴν πόλιν εἰλεῖν : In-  
 cumbens oppugnationi urbis Constantinus, & Aggerem aequali altitu-  
 dine cum muris excitans, Turres in eo constituit ligneas, altiores ipsis  
 muris; ex iis, qui opidum defendebant telis sagittisque petebantur, ut  
 Arietes aliasque machinas tutò admouere liceret, atque ita urbem cape-  
 re. Vbi & vsum fructumque varium Aggerum, licet obseruare.  
 Sed de altitudine, expressam etiam alibi lego. ut in Cæsare ad  
 Massiliam, Agger altus pedes LXXX. legitur. In eodem, lib. vii.  
 ad Auaricum, Latus pedes trecentos triginta, altus pedes octoginta,  
 qui murum hostium penè contingeret. B I L L. Profectò mira hæc  
 magnitudo, & hodie quoque si struant, quæ non urbs infeste-  
 tur aut capiatur? L I P S. Atquin altiozem Billéhee reperio, in  
 Iosepho & Hegesippo. Nam Massada castellum fuit in Iudæa,  
 situ & opere mirificè munitum. Totum in rupibus & inaccessi-  
 sis locis erat, eminebatque super reliquam terram, cubitis trecen-  
 tis. Quid faceret in oppugnatione Sylua (Hegesippo Sila) Ro-  
 manus dux? Aggerem communem primò iecit, altum cubitos  
 ducentos: latitudo non est expressa, sed parem aut maiorem, ra-  
 tio est fuisse. Sed addit Iosephus: ἔμην ἔτε βέλαιον, ἔτε ἀνὰ τὰς ἐδὸναι τῶν  
 τὸ μέσον ἐπὶ τοῖς μηχανήμασιν εἰς ἐπιβάθραν, ἀλλ' ἐπ' αὐτῆς βῆμα λίθων μεγάλων  
 σωτηρομένων ἐποικίθη, πεντέκοντα πηχῶν ὅσον τε καὶ ὑψὺς. καὶ πύργος  
 ἐξ ἡκοῦς τέχνης σωτέρεθι, σιδῆρεσσι καταπεφραγμένον ἀπας: At enim cum nec  
 is modus efficax aut sufficiens videretur, machinis admouēdis ad ascen-  
 sum, aliud in eo Suggestum & tanquam tribunal exstructum est, ἐ  
 lapidibus magnis aptè iunctis, latum pariter & altum quinquaginta cubi-  
 tos, & in eo Turris imposita sexaginta cubitorum, quæ ferro undique  
 esset tecta. Eximium hoc opus, sed triplex: & tota altitudo, cubi-  
 torum trecentorum decem. Nempe denos illos cubitos, ex supera-  
 bat ipsum Massada fastigium: atque ita denique ceperunt.  
 C A R. Iuuat audire & discere ingenia, siue & opera veterum:  
 sed de admotione tamen aggeris ad ipsos muros, velim am-  
 pliùs, & quomodo ea facta? L I P S. Paullatim, & progredien-  
 dō. Nam latera quidem, ut dixi, vinciebant claudebantque li-  
 guis: sed antrorsus & urbem versus, pars ea manebat aperta.  
 Aggerebant igitur paullatim & promouebant, in fossas ipsas,  
 denique ad muros. Dum id fieret, nihilominus Turres in Ag-  
 gere



gere impositæ, quæ administrantes aut operantes ruebantur. Sed ex quoque cum Aggere paullatim procedebant. Adstruo ex Cæsare, vii. Gallic. *Nostrarum Turrium altitudinem, quantum* *has cottidianus agger expresserat, commissis suarum turrium* *\*aliis ad-*  
*\*Ita legēd.* *equabant.* Dicit, cottidiano aggere Turres exprimi: in altum  
*infra doce-*  
*mus, lib. v.* nempe, & id fiebat augmento illo & prolatione Aggeris, qui  
*Dial. v i r.* opidum versus crescebat. Scire enim, tergum aut caudam Ag-  
 geris humiliorem fuisse; & in clium, frontem versus, assiduè  
 iuisse. Quâ in re interdum factum, vt Agger, si parùm firmatus  
 aut densatus, prolaberetur in fossas. Narrat Liuius lib. x. *Fortè*  
*quodam loco malè densatus Agger, pondere superstantium in fossam pro-*  
*cubuit.* Sed cauebant scilicet, & virgulis aut lapidibus idemti-  
 dem adfirmabant. Isti Aggeres: satin' vt copiosè explicauit?  
 O R A N. Haud culpamus. tamen cùm opus sic grande, tardè  
 nōne oportuit strui? L I P S. Non oportuit, pro Romanâ dili-  
 gentiâ & more. Nam & plures in paucis diebus inuenio exci-  
 tatos, opere per legiones diuiso: idque ad diligentiam, & æmu-  
 lationem. Tacitus I I I I. Hiltor. obsidione Hierosolymorum:  
*Titus, quando impetum & subita belli locus abnueret, Aggeribus Vi-*  
*neisque certare statuit. Diuiduntur legionibus munia, & quies præ-*  
*liorum fuit.* Hegesippus in eâdem re: *Exstruebantur Aggeres, per*  
*numeros opere diuiso. Præcipui quattuor insurrexerant.* Numeri hîc,  
 sunt legiones: quod in eo scriptore sæpe. Dicit autem quattuor  
 Aggeres exstructos: quod ipsum scilicet Iosephus, qui & addit,  
 spatio septemdecim dierum omnes perfectos. Celeritatem igitur Ora-  
 ne vides: nec plura huic rei opus. F V R. Vnum etiam opus.  
 Nam noui generis aggerem in Cæsare lēgi, qui è lateribus: at-  
 que eum velim explicari. L I P S. Opus tu & Cæsar assiduè sug-  
 geritis: pænè vellem vterque domi hodie mansissetis. Sed age,  
 lege. F V R. Verba sunt I I. Ciuil.

„ Cùm iam nihil esset reliquum, vnde Agger comportari posset, omnibus  
 „ arboribus longè lateque in finibus Massiliensium excisis, Aggerem noui  
 „ generis atque inauditum, ex latericiis duobus muris, senum pedum  
 „ crassitudine, aquâ ferè latitudine atque ille è materiâ fuerat Agger.  
 „ Vbi autem spatium inter muros, aut imbecillitas materia postulare vi-  
 „ debatur, pile interponuntur, transversaria tigna inuiciuntur, quæ fir-  
 „ mamento esse possint; & quidquid est contignatum, cratibus consterni-  
 tur, cra-




tur, cratesque luto integuntur. Sub tectomiles, dextrâ ac sinistrâ muro tectus; aduersus, plutei obiectu; operi quacumque vsui sunt, sine periculo supportat. Porta, quibus locis videtur, eruptionis causâ in medio relinquuntur.

Legi, tu illustra. L I R S. Planè nouus, vt Cæsar ipse dicit, Agger. Infernè enim vacuus est, & eâ parte castelli aut receptaculi vicem habet. Supernè contignatio est: sed quod miremur, altitudinem non definiuit, tantùm latitudinem. & ait: *aqua fuisse, atque ille è terrâ Agger*. Atqui nec ea reperitur: & est modò initio libri, *altitudinem fuisse pedum LXXX*. Sed ibi variant scripti libri, & quidam *latitudinem* habent. Dicit autem fultum pilis in medio, *ubi spatium inter muros, aut imbecillitas materiæ postulare videbatur*. Cur hoc ambiguè? vbique verò, in tantâ latitudine, opus destinis fulcrisq; fuit: nec vlla vna arbor à latere ad latus potuit pertinere. Variè ergo interposita: idque *inter duos muros*. Nec enim plures fecit, & partem anteriorem reliquit apertam, de more. Pluteus dumtaxat, vt subdit, eam textit. Iste Agger pingendo magis se ostendet: qui structus materiæ inopiâ, & alioqui vtiliter etiam contra ignes. Nec enim hic periclitetur exuri: sicut nec ille magis nouitius, quem è terrâ merâ legi maiores nostros instituisse. Philippus Rauesteinus, vir nobilis, nostrâs, & militiæ clarus, scribit sub id suum æuum repperit *Aggerem* quemdam *Volubilem* (ita appellat:) qui scilicet, collecto monte terreo eminus, paullatim voluendo & lignibus superiaciendo, magnâ manu hominum vrbi admo-ueretur. Hanc pestem certam & inexplicabilem ipse habet: & Gallos, si meminî, auctores inuentoresque facit. Res intellectu facilis: tamen, vt cœpimus, ista pingimus: & ad *Turres* imus.

\* *Trenchix*  
voulant.







## DIALOG. IIII.

*De Turribus. Ignorata olim. quando reperta? Altitudo, Tabulata, Ferrea tegmenta. De eis Cæsar explicatus.*

**T** V R R E S ego, & ipsa res, addimus: quia ex in Aggere, & statim ab eo structæ. Imò & tunc, vt tetigi, cum is nondum perfectus; & tutelæ operis ministrorumque causâ, imponebâtur. Sallustius in Iugurthino: *Vineas agere, superq; Aggerem iacere, & impositis super Aggerem Turribus, opus & ministros tutari.* Vineæ primùm, vt sub iis commeari miles & aggerere posset; super eas (id est altius quàm ex) ipse Agger, & in eo denique Turres. Ridiculus mihi visus ille, qui hoc (*superque*) delendum censet: quis enim Vineis Aggerem iniiciat? inquit. Nemo hercule, nemo, scimus: sed nec verbi eam mentem hîc esse, pariter scimus. Quod dixi, id dicit, aut *super* etiam, *amplius, præterea*, liceat interpretari. Siquid mutandum, *subterque* aptissimè legatur: quia sub Vineis aggerem comportabant, & iaciebant. Sed ad Turres. ex igitur statim structæ, sed paullò ab vrbe longiùs, & ne tela vitarent aut impedirent. Cæsar. II. Gallic. *Vbi Vineis actis, Aggere exstructo, Turrim constitui procul viderunt, primùm irridere ex muro atque increpitare verbis, Quò tanta machinatio, ab tanto spatio exstrueretur? Quibusnam manibus, aut quibus viribus, homines tantulæ stature (nam plerisque omnibus Gallis, præ magnitudine corporum suorum, nostra breuitas contemptui est) tanti oneris turrim in muros sese collocare considerent?* Quibus postremis verbis Faërnus & Fuluius emendant, *in muro: nec assentior. qui scio nō in ipso muro Turrim locari potuisse, sed iuxta eos, & in eos.* Seneca autem hunc stuporem & inscitiam Barbarorum vniuersè exagitat, De vitâ beatâ, cap. xxvi. *Otiosi diuitiis luditis, nec providetis earum periculum. sicut Barbari plerumque inclusi, & ignari machinarum, segnes laborem obsidentium spectant, nec quò illa pertineant, quæ ex longinquo instruuntur, intellegunt.* Imò verò Galli illi, apud Cæsarem, cum moueri eas viderunt & occultè accedere; diuinum aliquid rati, ad eum miserunt legatos de pace, his verbis: *Non se existimare Romanos, sine deorum ope bellum gerere, qui tantæ altitudinis machinationes, tantâ celeritate promouere, & ex propinquitate pugnare possent.* Eadem simplicitas (nequis Gallis nostris insultet) Indorum:



quorum opidum Mazacas cū Alexander obsideret (auctor Curtius lib. v i i i.) *præcipuè rudes talium operum terrebant mobiles Turres, tantaſque moles, nullâ ope quæ cerneretur adiutas, deorum nomine agi credebant.* Et quid tu rides tecum Billêhee? BILL. Indorum illorum mentio, nouellos istos & ad Occasum repertos, auspiciis Caroli Quinti, mihi subiicit: quos equi nostri equitesque conspecti, & tormenta audita, in eundem deduxêre sensum, ut putarent celestes viros & copias esse: volare sic & currere noua & ætherea animalia, denique fulgurare illos homines, & tonare. Itaque simile prorsus olim in Machinis illis terribilibus, & non visis. LIPS. Simile. sic aliud fortasse post exorietur, quod pretium istis demet, & ignaros item dabit in stuporem. Sed pergamus in nostris. Adstupebant igitur ea Barbari. & sic Cæsar iterum de Sueſſionibus, lib. i i. *Celeriter vineis ad opidum adis, Aggere iactò, Turribusque constitutis, magnitudine operum, quæ neque viderant antea Galli, neque audierant, legatos ad Cæsarem, de deditione mittunt.* Hæc Barbari, & credimus: an etiam de Massiliensibus, quod Lucanus?

— *æquantès mania Turres*

\*Nempe  
Agger.

\*Accipit. hæ nullo fixerunt robore terram,  
Sed per iter longum causâ repsère latentî.  
Cū tantum nutaret onus, telluris inanes  
Concussisse sinus quarentem erumpere ventum  
Credidit, & muros mirata est stare iuuentus.

Non credimus, & lasciuiæ aut incogitantia poëtam notamus, qui Græculos & peritissimos machinarum, id facit mirari. In d. Cæsar omne tale genus, & tormenta, vbertim & præter ceteros, habuisse antiquitus Massilienses ostendit: ut alibi cantare Lucanus debeat, de credulitate eorum & errore, ac quasi terram tremere censerent in Turrium motu. Hæc sunt *μεγελόμενα*, ut vno verbo dicam. Enimuerò apud Græcos, aut certè Siculos, reperta primùm res. Ex Athenæo Mechanico, apud Turnebum, ubi de his atque aliis: *Επίδοτον δὲ ἔλαβεν ἡ Γαλιανὴ μηχανοποιία ἀπαντα κατὰ τὴν Διονυσίαν τὴν ἀρχαίαν τοῦ Περσέως, καὶ τὰ τὴν Φιλίππου τὸ ἀμύνον βασιλεῖον, ὅτε ἐπολιόρκει τὰς βουλαντίους*: Initium aut incrementum accepit omnis hæc machinalis fabrica, circa Dionysij Siculi tyrannidem, & Philippi Amyntæ filij regnum, cū is Byzantios oppugnaret. Iungatur ad ea etiam,



etiam, quæ suprà de Inventionem sunt dicta. Et cautiùs ita Athenæus, quàm ex eo deinde Vitruuius lib. x. cap. xix. Cùm Philippus Amyntæ filius Byzantium oppugnaret, Polyidus Theſſalus, pluribus generibus & facilioribus, Testudinem arietariam explicauit. à quo receperunt doctrinam Diades & Chareas, qui cum Alexandro militauerunt. Itaque Diades scriptis suis ostendit se inuenisse Turres ambulatorias, quas etiam dissolutas in exercitu circumferre solebat. Talia & Heron, cap. xiii. Diades & Chareas Polyidis Theſſali discipuli, qui unà cum Alexandro Macedone in militiam profecti sunt, mechanici primi cùm Terebras, tum Scalas nauticas, tum etiam eas quæ rotis feruntur Turres ligneas inuenerunt. Hæc cautiùs, dico, & circumſpectiùs Athenæus. nec enim dicit Diadem primum repperisse turres ambulatorias, simpliciter: sed τὰς φορητὰς πύργους, id est, eas quæ circumferri poterant, solutiles: vt equidem interpretor: atque ita Vitruuium opus est capi. Nam simplices Ambulatoria aut Subrotata, sanè iam antè inuentæ in Sicilia, & in Dionysij senioris rebus ponit memoratque Diodorus. Quas autem dicit portatiles Turres siue φορητὰς: puto easdem Appiano esse in v. Ciuil. de rebus Cassij ad Rhodum, ἐπιτομήνες, plicatiles: quia per partes scilicet tollebantur, ponebantur, reponebantur. Verba eius: Ελπίζων γὰρ πτοίσαν (ὁ κάσσιος) ἐπὶ τῷ περὶ πύργους ἐπιτομήνοισι, οἱ τότε αἰσάντο: Tale aliquid exspectans Cassius, tulerat secum (in nauibus) Turres solutiles, quæ tunc repositæ & erectæ sunt. Nec enim ad illas, quæ Pegmatum modo, deprimebantur attollebantur ue per cochleas, Appianum puto respexisse. Sed hæc igitur inuentio, non ipsarum Turrium (fixæ enim illæ, iam diu innotuerant, in opidis, in castris) sed Mobilium, & quæ rotis agerentur. De his Vegetius: Turribus plures rotæ mechanicā arte subduntur, quarum lapsu mobili magnitudo tam alta moueatur. Plures, inquit, & necessum est quattuor, vt minimum: sed & sex, aut octo etiam subditas, prout Turriū modus esset, in Herone lego. De hisce Rotis in Liuius, lib. xxxii. Cū Turris per Aggerem parum densati soli ageretur, Rota vna in altiore orbitam depressa, ita Turrim inclinauit, vt speciem ruentis hostibus, trepidationemq; insanam superstantibus armatis præberet. Et oportebat sanè humum equabilem densamque huic rei esse: eoq; & Curtius notauit, obsidione Gazæ: Humus mouendis inutilis Turribus, desidente sabulo, agilitatem Rotarum morabatur, & tabulata Turrium perfringebat. Ita & Iosephus pro-



phus prodidit, è tribus Turribus quinquaginta cubitorum, vnam vitio Aggeris concidisse: idque ad Hierosolyma. Actæ igitur Rotis, sed latentibus & internis, aut certè interiùs mouēdis. Hoc ideò, ne telis hostium, qui agerent, exponerentur, & Turris tueretur suos motores. A tergo tamen quosdam applicitos, qui propellerent, non ambigo: & licuit, quia non illinc metus. Peccauit in hac re Viriges Gothorum rex, & Romam obsidens (in Procopij 1. Gothicorum) *Turres etiam molitus est, quæ hostium muros adæquarent, ex lapidum interuallis verà dimensione sumptâ. Turribus autem ad angulos supposuit rotas, quarum volutione huc illuc, subiunctis bobus, traherentur. Accessere igitur ad muros, atque adeò Belisarius (vir alio Principe, quàm Iustiniāno, dignus) de industriâ & consilio passus est succedere: donec signo dato, boues telis certis periussit, & occidi. iisque labentibus, sterere immotæ turres, & hostes abiēre irrisi. An non simile tamen, quod ingeniosi illi Alexandrini fecere, cū bellum in vrbe esset, cum magno illo bellatore? Cæsarem dico. Ita enim Hirtius: *Præterea Ambulatorias turres decem tabulatorum confixerant, subiectisque eas Rotis, funibus iumentisque, obiectis, directis plateis, in quamcumque erat visum partem mouebant. Funes & iumenta admouet, quæ faciliè huc illuc agerēt, maximè quia directæ & sine multiplici flexu plateæ. An is sensus & lectio? nam alij libri aliter, & plateis non plateis habent. Tum dixerit, Pluteos obiectos, qui tegerent homines & iumenta: nec malè pro hac mente, obiectis. Hic igitur motus actioque turrium: quæ magnitudo? Vitruuius ex Diade breuiter: *Turrem minimam ait fieri oportere, ne minus altam cubitorum LX. latitudinem XVII. Contracturam autem summam, imæ partis quintam. Arrectaria in turris imo dodrantalia, in summo semipedalia. Fieri autem ait oportere eam turrim tabulatorum decem, singulis partibus in eâ fenestris. Maiorem verò turrim altam cubitorum CXX. latam cubitorum XXIII. s. contracturam item summam, quintâ parte. arrectaria pedalia in imo, in summo semipedalia. Hanc magnitudinem turris faciebat tabulatorum XX. cū haberent singula tabulata circuitiōnem cubitorum ternū, tegebat autem coriis crudis, vt ab omni plagâ essent tutæ. Hæc ita Vitruuius, & duplices modò Turres agnoscit, Minores Maioresque: sed Heron ex eodem Diade, Medias etiam addit, cap. XIII. *Minores quidem turrium LX. cubitorum in altitudine faciebat:****

*basim*



basis quadrabat, unumquodque latus xvi. cubitorum. Decem tectorum faciebat: supremum tectum, quintam partem basis habebat. Maiores autem & harum sesqui alteras, quindecim tectorum faciebat, in altitudine cubitos xc. Iterumque Duplas, quæ viginti tectis constarent, altas cubitos cxx. latas quaquaversum ferè xxiiii. Ex his Vitruvius satis lucis accedit: & quod ille obscurius, contracturam summam, imæ partis quintam dixit: clarum est, tabulatum fastigiumque summum intellegi, quod decrescit in imi quintam. Ea subtilius & distinctius, tum in Heronis isto & sequenti capite, tum in Barocij Notis explicantur. Non faciunt ad nostrum & Historicum institutum: notemus tantum, Turres in tot tabulata non æquabiliter surrexisse, sed instar Phari Aegyptiaci, paullatim & per ea singula decreuisse. Qui modus sanè aptior in speciè, in stabilitatem, in motionem. Sed quod etiam spatium inter ipsa tabulata fuerit, curiosus aliquis quærat? Id quoque inæquale. & Diades ac Chareas (ait Heron) infimum tectum cubitos septem attollunt, & digitos xii. superiora quinque, singula cubitos quinque, reliqua, cubitos quattuor & trientem. Hæc ita commensuratio & præcepta ex arte: an seruata semper in re & opere? Nemo opinetur, nec ad hæc præcepta astringebant se milites aut Duces. Itaque nec tabulata, ut illi volunt, minimè turris, decem: imò sex & infra sæpe. ut in Diodoro libro xiiii. ubi Dionysius Siciliae tyrannus, ὁποτέρῃ καὶ τὰς ὑπὸ τῆς τοῦ ἑκὸν πύργου τοῖς ταίχων, ἑπορώς ὄντας, & κατεσθλάσας ἀπὸ τοῦ ὀμιῶν ὑψ. & : admonuit & muris turres eas quæ rotis aguntur, sex tabulatorum, quas construxit ad altitudinem adium. Et in Latinis exempla. Sed nec temerè viginti tabulatorum, ut illi, in historiis iuuenio: nisi tamè quòd Mithridates ad Cyzicum, inter alia multa magnaque opera, turrim centum cubitorum struxit, narrate Plutarcho in Lucullo: quæ altitudine pænè æquat illas Diadis duplices, nec tamen plenè. At decem, sæpius. ut in Cæsare: Exstruitur Agger in altitudinem ix. pedum, collocatur in eo Turris decem tabulatorum. Moneo obiter, pedes illos nouenos corruptos videri: & næ ille pusillus Agger, cum Vxellodunum, cui adstruitur, in excelsio positum & prærupto. Fuit, ut minimum pedum Lx. ac sic ausim rescribere. In Silio autem, tanta item Turris, libro xiiii.

*Turris multiplici surgens ad sidera tecto*

M

Exibat

\*Et magis,  
si additur  
Athenæi  
fragmentū  
in Turne-  
bo, xxii. l.  
cap. xxx.  
Vide.



*Exibat, tabulata decem cui crescere Grains*

*Fecerat, & multas nemorum consumpserat umbras.*

In Vegetio, nihil definiti, sed vniuersè ita scribit: *Turribus pro modo altitudinis additur latitudo. nam interdum trigenos pedes per quadrum, interdum quadragenos, vel quinquagenos latae sunt. Proceritas autem ipsarum tanta fit, ut non solum muros, sed etiam turres lapideas altitudine superent. Notatis latitudinem maiorem, quàm in vllâ Diadis aut Apollodori est: videlicet quia hæc non ad normam artis adstricta, sed pro temporibus, & voluntate struētium mutata. Tabulata tamen plerumque plura: quo fine? ut defensores plures imponderent, tum & Tormenta, Scalas, Pontes, & talia adinuadendum. De Tormētis, in Ammiano est: *Erigi aggeres cœpti, turresque fabricantur frontibus ferratis excelsæ, quarum fastigiis ballistæ locatæ sunt singulis, ut à propugnaculis depellerent defensores. Singula fastigia, singula tabulata capienda vidētur: quos & Vertices idem appellat alibi: Operum variæ species cum turribus admouebantur ferratis, quarum in verticibus celsis aptatæ ballistæ, propugnatores agitatæ humilius disieciabant. An non nisi suprema Turrium aliquis acciperit? et si Liuius clarè aliter, x x i. Ipse Annibal, quæ turris mobilis, omnia munimenta vr̄bis altitudine superans, agebatur, hortator aderat. quæ cum admota, catapultis ballistisq; per omnia tabulata dispositis, muros defensoribus nudasset: tum Annibal quingentos fermè Afros, cum dolabris, ad subruendum ab imo murum misit. Ergo tormenta in turribus, sed non maxima: & disertim Iosephus aliquoties sagittarios & iaculatores in iis collocat, καὶ τῶν ἀποπέμψων ὀπρᾶν τὰ νοῦφότερα, & leuissima (notate) tormentorum. Sed & Scalas in iis condidi, opportunè proferendas. Ita enim Vegetius: *Præsens periculum ciuitatis est, si ad murum fuerit turris admota. plures enim accipit scalas, & diuerso genere conatur irrumpere. Videndum an non Sidonij versus huc faciant, in Burgo Leontij:***

*Sed nec testudo, nec vinea, nec rota currens*

*Iam positæ scalis, v̄nquam quassare valebunt.*

*Currentem enim rotam, liceat turrim mobilem accipere, & prolatas ex eâ Scalas. Etsi Sclarum etiam genus est rotis surrepentium, pontemq; suprà ferentium: quas Heron descripsit in cap. x i x. Tertium in eâ, Pontes. de quibus Vegetius: *In superioribus turris partibus contati & sagittarij collocantur, qui defensores vr̄bis**

*contis*



contis, missilibus, saxisq; prosternant: in inferioribus habet Arietem, cuius impetu destruit muros: circa medium verò pontem accipit, factum de duabus trabibus, septumq; de vimine, quem subito prolatum inter turrim murumque constituunt, & per eum egredientes bellatores in ciuitatem transeunt. Farcior mixtam cum Testudine Arietariâ hanc talem Turrim esse: sed tamen Pontem in eâ collocat, ex veteri vsu & more. Ammianus x x i: *Constructas veloci studio ligneas turres, propugnaculis hostium celsiores, imposuere trigeminis nauibus validè inter se connexis. quibus insistentes armati, uno parique ardore propugnatores dispellere, collatis ex propinquo viribus, nitebantur. subterque expediti velites, è turrium cauernis egressi, ponticulis eiectis, quos antè compaginarant, transgredi festinant.* Hoc ille in oppugnatione Aquileiæ narrat, & Ponticulos istos turribus manifestè imponit. In fixis quoque castrorum turribus, locat eos Hirtius: & quidem Vegetij ritu munitos de vimine. Octauo Gallic. *Turres crebras excitatas in altitudinem trium tabulatorum, pontibus traiectis constratisque coniunctas, quorum frontes vimineâ loriculâ munirentur.* Factum & inferiori æuo scitote. & in Radeuico De gestis Frederici Imp. scriptum, libro i i. cap. l i x. *Electis ergo de singulis agminibus viris fortissimis, intra machinas turrium eos collocat, variis quidem locis, alios superiores, alios inferiores: ut dum inferiores ciuitatem per murum ingressuri Pontes applicarent, superiores eos iaculis & sagittis, quò minus ab hostibus laderentur, defenderent.* Erant Turres ipsæ nimîâ proceritate mirabiles, supra centum pedes in altum erectæ, multorum hominum per singula diuersoria capaces. Ipsa eadem Guntherus poëta, spiritus & ingenij haud spernendus, imò, ut in illo æuo, mirandus:

Protinus ad muros, munitas undique turres  
Inuectasque rotis, & magno pondere firmas  
Ducit, & hostili celsas super aggere sistit.  
Harum summa tenent, quos vel ballista vel arcus  
Morte procul missa facit hostibus esse timendos,  
Qui iaculum valido longè torquere lacerto,  
Longius excussa didicere potenter \* habenâ.  
Inferiora viri sortes ex agmine toto  
Electi, promptique manu, tabulata tuentur.  
Qui dum trans fossas, porrecto ponte, patentes

\* armentis.



*Mœnibus assiliunt, & muros rumpere tentant,  
Qui loca summa tenent, iaculis leuibusque sagittis  
Infestant miseros per propugnacula ciues.*

Satis. ac cenſeo me Turres vbertim deſcripſiſſe. CARON. Fate-  
mur. vnum tamen deſidero, de frontibus turrium ferratis, quas  
in Ammiani verbis paulloantè notaui. Quid eæ, aut quare?  
LIPS. Munimen turribus contra ignes. Cùm enim præcipuum  
in eas remedium & repugnatio eſſet, per iacula ignita, faces,  
malleolos, murices: repertum, vt totæ ferro tegerentur. Totæ  
inquam, aut certè à triplici latere: etſi frontium modò Ammia-  
nus meminit expreſſè. Iosephus III. Excidij: Πύργους δὲ ξυγὰς πεντή-  
κοντα ποδῶν ἕκαστον τὸ ὑψὺ κατασκευάσας, πάντοθεν σιδήρεω κεκαλυμμένοις,  
ὡς ἰσραῖοι τε εἶεν ὑπὸ ἐρίδοις, καὶ δυσάλωτοὶ πρὸς τῶν χωμάτων ἐπέστητεν: Tur-  
res tres, singulas pedum quinquaginta altas, cùm struxisset, ferro vndi-  
que eas textit: tum vt stabiliores eſſent, ob pondus, tum vt igni incorrupti-  
biles: atque ita in aggeribus conſtituit. Addit ipse & alteram cauſ-  
sam, de pondere: quod miror. & ſatis id dediſſe cùm homines  
impoſiti videntur, tum tormenta. Sed iterat tamen idem, lib. VI.  
Καὶ τὰς πύργους ἦν ἀμύχανον εἶναι, μήτε αἰσθανομένην ῥαδίως οὐδὲ τὸ ἐρίδι, μήτε  
ἐμπαροδῆναι οὐδὲ τὸν σίδηρον διωκμένοις, ὃ κατακαλύπτοντο: Turres expugna-  
re aut capere difficile erat, sed nec euertere ob pondus, nec comburere ob  
ferrum quo tegebantur. Sed & vtrumque hoc in Radeuico, libro  
II. cap. LVIII. Turres in excelsum erectas, ferro variaque materiâ vndi-  
que teclas, vt & pondere stabiles eſſent, neque ignibus expugnaren-  
tur, super aggeres collocat. Qui & aliam variam materiam, vt ap-  
pellat, circumdat: ſcilicet centones, coria, & hæc de more. Am-  
mianus XX. Machinas Romanorum Perſæ exurere vi magnâ niteban-  
tur, & affiduè malleolos & incendiaria tela torquentes, laborabant in-  
caſſum: eadē, quòd humectis ſcortis & centonibus erant operta mate-  
ria plures, aliæ vinctæ alumine diligenter, vt ignis per eas laberetur.  
FVR. Etiamne Romanis in hac re vſus aluminis? Atqui, vt no-  
uum, narratum à Claudio Quadrigario memini, in turri aliquâ  
Archelai Athenis: Tum Sulla conatus eſt, & \* tempore magno eduxit  
copias, vt Archelai turrim vnā, quam ille interpoſuit ligneam, incen-  
deret. Venit, acceſſit, ligna ſubdidit, ſubmouit Gracos, ignem admouit.  
ſatis diu ſunt conati, namquam quiverunt incendere. Ita Archelaus om-  
nem materiam obleuerat alumini: quod Sulla atque milites mirabantur.

LIPS.

\* Fortè  
opere.



LIP S. O stili puritatem, & in compendio lucem! atque utinam scriptor ille exstet, vel in scribentium hodie exemplum! Sed de alumine tunc quidem nouum, postea, ut hæc talia, inueterauit. Atqui contra ignes noui generis Turrim Cæsar, aut eius miles, ad Massiliam struxit. Cedo librum Furi, legantur.

FVR. A me fiet, audi: II. Ciuil.


Est animaduersum ab legionariis, qui dexteram partem operis admi-  
nistabant, ex crebris hostium eruptionibus, magno sibi esse præsidio pos-  
se, si pro castello ac receptaculo, turrim ex latere sub muro fecissent: quam  
primò ad repentinos incursus humilem, paruamque fecerant. huc se refe-  
rebant: hinc, si qua maior oppresserat vis, propugnabant: hinc ad repel-  
lendum & prosequendum hostem procurrebant. patebat hæc quoquo-  
uersus pedes XXX. sed parietum crassitudo pedum V. postea verò, ut est  
rerum omnium magister vsus, hominum adhibitâ sollertiâ, inuentum est,  
magno esse vsui posse, si hæc esset in altitudinem turris elata. id hac ra-  
tione perfectum est. vbi turris altitudo perducta est ad contabulationem,  
eamque in parietes instruxerunt, ita ut capita tignorum extremâ parie-  
tum structurâ tegerentur, ne quid emineret, vbi ignis hostium adhære-  
sceret. hanc insuper contignationem, quantum tectum plutei & vinea-  
rum passum est, laterculo adstruxerunt: supraque eum locum duo tigna  
transuersa iniecerunt, non longè ab extremis parietibus, quibus suspen-  
derent eam contignationem, quæ turri tegumento esset futura: supraque  
ea tigna directò transuersas trabes iniecerunt, easque asscribis religaue-  
runt: has trabes paullo longiores atque eminentiores, quàm extremi pa-  
rietes erant, effecerunt, ut esset, vbi tegumenta perpendere possent, ad  
defendendos ictus ac repellendos, dum inter eam contignationem parie-  
tes exstruerentur: eamque contabulationem summam lateribus, lutoque  
constrauerunt, nequid ignis hostium nocere posset: centonisque insuper  
iniecerunt, ne aut tela tormentis missa tabulationem perfringerent, aut  
saxa ex catapultis latericium discuterent. storias autem ex funibus an-  
chorariis tres in longitudinem parietum turris, latas V. pedes fecerunt:  
easque ex III. partibus, quæ ad hostes vergebant, eminentibus trabibus  
circum turrem præpendentes religauerunt, quod vnum genus tegumenti  
aliis locis erant experti, nullo telo neque tormento transuci posse. vbi ve-  
rò ea pars turris, quæ erat perfecta, tecta atque munita est ab omni ictu  
hostium, pluteos ad alia opera abduxerunt: turris tectum per seipsum  
prehensionibus ex contignatione primâ suspendere ac tollere cœperunt,



» ubi, quantum storiarum dimissio patiebatur, tantum eleuabant. Intra  
 » hæc tegumenta abditi atque muniti, parietes lateribus exstruebant: rur-  
 » susque aliâ prehensione ad ædificandum sibi locum expediebant: ubi tem-  
 » pus alterius contabulationis videbatur, tigna item ut primò tecta, ex-  
 » tremis lateribus instruebant, exque eâ contignatione rursus summam  
 » contabulationem, storiâsque eleuabant. ita tutò, ac sine vllò vulnere VI.  
 » tabulata exstruxerunt: fenestrasque, quibus in locis visum est, ad tor-  
 » menta mittenda in struendo reliquerunt.

Plurcula verba sunt, & in speciem intricata: sed vix quod more-  
 tur intendentem. De *Storeis* tamen moneo, ubi scribitur, *tres fa-  
 ctas in longitudinem parietum, latas pedes quattuor*, perperam adhuc  
 acceptum: sed & vidi qui rescribere vellent, & in numero mutare.  
 Atqui res sic habet. *Storee* istæ è funibus anchorariis implexæ,  
 fortes, solidæ, densæ; tres fuere, tot quot latera scilicet intuta ab  
 hoste. Nam tergo, nihil iis opus. Eæ longæ fuerunt, vti ipsi parie-  
 tes, singulæ pedes xxx: latæ autem, nō nisi *quaternos*. Optimâ ra-  
 tione. cum enim non nisi operariis ipsis opponerentur, & Tur-  
 ris latericia inferiùs suo robore se tegeret, profectò sufficiebant  
*quattuor* illi pedes, ad homines tegendos, in opere necessario  
 se leuiter curuantes. Addo & de *Prehensionibus*, quas *Cochleas* aut  
*Præla* vulgò explicant, & eorum operâ subleuatū volunt hoc te-  
 ctum: nec abnuo commodè potuisse fieri, & hodie vsurpāt. Sed  
 an *Prehensionum* vox apta? liber Torrentij *prehensionum* præfert: nec  
 scio an faciam, *Pressionum*. Pressiones haud ineptè ad *Præla* &  
 elationem referantur: & adsimiliter Cæsar idem scripsit, *Turres  
 à cottidiano aggere expressas*. Sunt tamen & propriè *Pressiones* Vi-  
 truuio, ὑπομόχλια: siue id quod Vectibus subiicitur, ad eleuan-  
 dum. Videatur, an non & hîc similis pressio, & tum fulcra & de-  
 stinæ quæ sustentarent, tabulato inferiori nixæ. Ista de Turri-  
 bus. nisi etiam ex Nicetâ addo, Turres quasdam complendis  
 fossis, & ad scansionem fuisse. Narrat de Iohanne quodam, eum  
*Varuam* opidum obsedisse, & Machinam quadrilateram struxisse, quæ  
 latitudine æquaret fossæ spatium, & altitudine ipsa mœnia. Eum deinde  
 subiectis rotis ad fossæ labrum admouisse, et deinde subuertisse atque in  
 ipsam fossam impulisse. Hanc autem vtrumque labrum sub finem teti-  
 gisse, atque ita eadem illâ vsos milites, & ad fossam complendam, &  
 ad mœnia scandenda, vice scalarum.





A. Turris mobilis, cum gradibus suis ad tabulata singula, et ostensione velamentorum et tabularum ad latera, ex Herone. B. Turris vegeti, cum ponte et Ariete. C. Turris latericia Caesaris, cum funibus anchorariis praependentibus, dum sit opus. Tectum superne, mobile.



## DIALOG. V.

*Pontium pleraque ratio. Primum Naualis, tum in Vtribus, in Cuppis:  
& Caesaris in Rheno illustratus.*

**G**RANDIORES iam Machinas dixi, Tormenta me vo-  
cant & expectant. CAR. Ego reuoco, si pateris : & de  
Pontibus velim addi. Mentio eorum in Turribus, & Aggeribus:  
sed & in re militari, quàm sæpe intercurrent? LIPS. Nego has  
esse Machinas. CAR. Aio, & ingenium certè sæpe habent, &  
Tacitus hoc nomine ipso appellat, 1111. *Histor. Machinas etiam,  
insolitum sibi, ausi (de Germanis.) nec vlla ipsis solertia, perfugæ ca-  
ptiuūque docebant struere materias in modum pontis, mox subiectis rotis  
propellere.* LIPS. Rideo tuum acumen. Machinas istas in mo-  
dum Pontium fuisse dicit, siue in vsum, vt per eas transirent in  
muros : non tamen simpliciter Pontes. Atque istæ non aliud,  
quàm velut Turres vno tabulato fuerunt. Sed tamen, quod di-  
cis, tota res Pontium digna inspicere, & pro copiâ à me fieri. Vul-  
gatas notasque nunc eorum formas, quid opus adferri? scimus  
omnes : eligam rariores aliquot aut magis sepositas. inter eas  
hanc, quâ Romani sæpissimè vsi in fluminibus transmittendis,  
ponte è nauibus facto. Bella inuentio : & Eunapius scitissimè  
sic depingit, in Suidâ: Ζεύγνται δὲ ῥωμαίοις διαπορώτατα τῶν ποταμῶν τὰ ῥού-  
ματα, ἅτε καὶ τὸ τοῦ μελέτης αἰ τοῖς στρατιώταις ὄν, καὶ ὡς ἄλλο τι τῶν πολεμι-  
κῶν ἀσκεύησιν, ἐπὶ τε ἱσρῶ, καὶ ῥήνῳ, καὶ ὁφρατῇ. Ἔστι δὲ ὁ ῥόπος, ὃ καὶ δὴ πάν-  
τας εἰδέναι οἶμαι, τοῖς δὲ πλατείαις μὲν εἰσὶν αἱ νῆες δι' ὧν ὁ ποταμὸς ζεύγνται. ἀνορ-  
μίζονται δὲ ὀλίγον ἄνω τὰ ῥύματα, ὑπὲρ τὸν μέλλοντα ζεύγνεται τόπον. Ἐπὰν  
δὲ τὸ σημεῖον δοθῇ, ἀφίσσι μίαν πρώτην ναὺν φέρεσθαι κατὰ ῥὰν πλησίον τῆς οἰκείας  
ὀχθῆς. Ἐπὰν δὲ κατὰ τὸν ζεύγνεται τόπον, ἐμβάλλουσιν εἰς ῥύμα φορμὸν λίθων  
ἐμπεπλησμένον χαλωδίων δῆσαντες ὡς ἄν κεν. ἀφ' ἧς δεδεῖσα ἡ ναὺς πρὸς τῇ  
ὀχθῇ ἵσταται σάνισι καὶ ζεύγματος, ἅπερ ἀφ' ὅθεν αὐτοῖς ἡ ναὺς φέρει. Καὶ ὡς ἀρχὴ  
μέχρι τ' ἀποβάσεως κατὰς ῥώννται. εἴτε ἄλλην ἀφίσσιν ὀλίγον ἄνω ἐκείνης, καὶ ἄλ-  
λην ἄνω ἐκείνης ἕς' ὅτι τὴν ἀντιπέραν ὀχθὴν ἐλάσσωσι τὸ ζεύγμα. ἡ δὲ πρὸς τῇ πολε-  
μικῇ ναὺς καὶ πύργους ἐπ' αὐτῇ καὶ πυλίδας καὶ ὀξότας καὶ καταπέλτας φέρει. Ro-  
manis flumina pontibus facillimè iunguntur, & sine labore, vt in quo  
milites assiduè exercentur, & tanquam aliud militarium operum di-  
scunt, in Istro, Rheno, Euphrate. Est autem modus, quem non omnes scire  
opinor, iste. Latæ iacentesque sunt naues, quibus fluvius iungitur. Sursum  
autem



autem paulum in statione sunt, supra locum cum ubi potest facturi sunt. Atque ubi signum datum est, unam solam e nauibus demittunt prono flumine ferri, iuxta suam et amicam ripam. Ea ubi ad locum iungendum et Ponti destinatum venerit, corbæ plenum lapidibus in flumen iaciunt, alligatū fune quodam, velut anchoram. quo navis deuincta, iuxta ripam consistit, & sternitur tabulis tignisque, quæ adfatim ipsa navis vehit. Et statim ita ad finem descensumque in terram usque, constrata est. Deinde verò aliam demittunt, paulò ab ea remotam, aliamque ab ista, donec in aduersam ripam perduxerint pontem. Quæ autem hostili ripæ navis obiacet, eâ & turres habet, et portulas, & sagittarios, et catapultas. Hæc ita Eunapius: & prorsus eadem Arrianus in rebus Alexandri, cum ex occasione differit de pontium hac iuncturâ. Ambigit quomodo Alexander Indum fluuium transiniserit, & quo genere pontis: nec proditum id ait: tamen arbitrari se, usum eo quo Romani Danubium aut Rhenum Celticum iunxerunt, ac Tigrim et Euphratem, quoties usus fuit. atque addit, me vertente, libro quinto: Celerima & expeditissima Romanis est pontium constructio in nauibus: quam ego pretium scriptionis censeo referre. Naues iis demittuntur, lapsu fluminis, dato signo: idque non recte, sed ut solet in iis quæ inhibent, et à puppi remigant. Istas autem deorsum ducit, ut par est, fluminis cursus: retinet verò & sistit remigium obnixum, donec aduersa facta sit loco designato. Atque ibi demittunt crates vimineas, formâ pyramidis plexas, idoneis lectisque, ad id lapidibus oppletas: demittunt autem à prorâ cuiusque navis, ut sic obfirmant et teneant contra cursum. Simul autem una nauium ita firmata fuerit, & alia iuxta illam, cum intervallo quantum opus videtur ad firmitatem eorum quæ insternuntur, pariter prorâ obuersâ in fluminis cursum statuitur. & in utrisque, tigna statim in directum iniiciuntur, & tabule afferesque, transversarij ad connectendum. Ita mox per ceteras naues opus procedit, quanta opus sunt ad totum pontem. Vtrimque autem ad caput pontis gradus in terram depacti adiciuntur, quò facilius equis iumentisque sit ingressus, et simul ut quasi vinculum sint totius pontis. Breui porro spatium totum opus absoluitur, & cum magno ardore ac tumultu, nec tamen decorum et ordo abest. Adhortationes etiam per quaque nauim, & increpationes eorum qui segnius munus obeunt, nihil impediunt aut tollunt, vel edictorum audientiam, vel operandi celeritatem. Atque hæc sunt, quæ Romanis iam ab antiquo usitata. Pulchra & vulgarissima olim ratio, & quam miror ab iis qui harum rerum

N

fuerunt,



fuerunt, nondum hodie vulgatam. Verba altera cum alteris si confertis, quid opus luce meâ? quin clara sunt, & tota res partitè descripta. C A R. Haud negauerim. sed in rebus ipsis, aliquid est quod sistat. E nauibus pontes istos faciunt: vnde igitur ex sic subitò, & ad manû? præsertim in hostili aliquo fluuio, vbi probabile est amotas. L I P S. Respondeo, dupliciter tunc paratas: siue ab ipsis, in ipso ibi loco, siue curribus prouidè iam aduectas. Quod ibi & subitario opere, mirari non conuenit, imò pro Romanis moribus id fuit. Nónne fabri in legionibus, & Præfectus fabrûm? nónne vulgò ipsi milites in tirocinio hæc discebant? nihil ambigimus. Et Eunapius hoc significat, cùm ait *milites assidue in tali structurâ exercitos, & ut militare aliquod opus didicisse*. Struebant igitur ipsi rudes illas naues, siue alueos: quid quod & alias, quarum in mari vsus, operosiores? Certè Iulianæ naues, quibus Britanniam petiit, narrantur ab ipso (Commentario v.) *circiter sexcentæ, singulari militum studio instructæ*. Iterùm, idem Labieno scribit, *ut quamplurimas posset, iis legionibus, quæ sunt apud ipsum, naues instituat*. Itaq; tot manibus, incredibili celeritate hæc parabâtur. Apud Cæsarem, i. Commentario, *reliquas copias Heluetiorum ut consequi posset, pontem in Arari faciendum curat*: additque, mirantibus Heluetiis, *vno die eum factum*. Simile in viii. Commentario, cùm Gallos palus media seiungeret à suis castris: ipse *pontibus palude constrictâ, legiones traducit celeriter, & inopinatò se iis sistens*. Atque ea Romanorum diligetia fuit, sed veterum: posteriores fatiscere cœperunt & labare. Itaque curribus iam legas, vt dixi, hæc talia circumuecta. quod in nostrâ re apud Ammianum, lib. xxiiii. Iulianus Imperator *naues iussit exuri, præter minores duodecim, quas profuturas pangendis pontibus, disposuit vehi carpentis*. In Vegetio autem, hoc de more iam scribitur, lib. i. cap. vii. *Commodius repertum est, ut monoxylas, hoc est paullo laticus scaphulas, ex singulis trabibus excavatas, carpentis secum portet exercitus, tabulatis pariter, & clavis ferreis preparatis*. Ita absque morâ constructus pons, & funibus vinctus, lapidei arcus soliditatem præstat in tempore. Benè & sollicitè omnia præparantur, naues, tabulæ, clauui, funes: pro nouâ scilicet ignauâ, quæ iam valebat. Nunc Carondelete, satis feci? C A R. Satis, hac parte: aliud. Cur corbibus naues has firmant & ligant, non anchoris, vt solet? nam mihi de corbibus



corbibus hoc nouum est. LIP s. Ab eâdem, opinor, causâ, & iam dictâ. Omnia elegerunt, ipsis paranda: & tale in corbibus, quos facile è viminibus struere, & ad vsum hunc aptare. Non ita in anchoris: circumferendæ fuissent, & vehendæ. Quid, quod solo aliquo istæ nõ mordent, aut adherent; corbes in omni, boni vtilesq; sunt? Potuit & hæc causâ esse. ac sanè firmiter hæce nebant ac ligabant, pyramidalis eâ formâ sic demissæ. Ideò enim tali, vt aquæ impetus minùs pelleret, & ab acumine illo sensim & facilè laberetur. Cui rei puto & moneo, minuètem tenuemque partem illam, contra aquam sursum iniectam; crassam & grandio rem, deorsum, fune inibi alligato. CAR. Sed & terriùm rogo. Si tam vulgatus, & *ab antiquo*, vt aiunt, ille pons; cur rara aut nulla eius mentio? LIP s. Rara fortassis, non tamen nulla. Pompeium lego, (in Flori lib. III. cap. v.) *statim ponte nauibus factò, primum omnium Romanorum trãsisse Euphratem*. Habes clarè naualem hunc pontem: sed & sæpe rectè & celatim. vt cùm pontium in flumine mentio est, nisi aliter formantur, putamus accipiendo hos istos. Antamen origo non tam alta, nec longè vltra Pompeium? vix enim occasio fuit Euphratem, Rhenum, Danubium, & maiora illa fluminum transmittendi. Ita si est, tum in Arriano antiquitas illa, aptè restringatur ad hoc eui. Exemplum tamen, quod memini, & velut imaginem aut initium huiusce pontis, in Hirtij de bello Hispaniensi habes. vbi *Cæsar, cùm ad flumen Batim venisset, neque propter altitudinem fluminis transire posset, lapidibus corbes plenos demisit. ita insuper ponte factò, copias tripartitò traduxit*. Egregium inuètum: & corbes illi cùm lapides in strue coërceant, ne diffluant; ipsi lapides pondere hæreant & sistant: in facili est, statim pontem struere, tignis tabulisque superiectis. Sed hoc locum non habeat in altiore flumine, puta Rheno, Danubio: ideoq; corbes isti ingeniosè aliò aptati & versi, ad naues scilicet firmandas astringendæque. Naualem autem pontem in Traiani columnâ oculis vsurpare est, super Danubium: super ipsum Rhenum, struxit Alexâder Seuerus Imp. Herodiano breuiter (vt in re notâ) narrante: *τόν τε ποταμόν ναυσὶ διαλαμβάνων, ὡς πρὸς ἀλλήλας σπυδαεισῶν, γεφυροθέντα, ὁμαρῇ τὴν δέξασιν τοῖς στραπώταις παρέχειν ᾤετο: Fluvium ipsum nauibus amplectens, & inter se eas vinciens, ponte ita factò, putabat facilem transitum militibus præbiturum*. Hæc tertia &



in pontibus transitio: aliâs, & nauibus singulis transibant, iisq; sepe leuioribus, & verè naucellis. Cæsar Sicorim flumen in Hispaniâ sic transmisit (ipse narrat i. Ciuil.) nauesq; huius generis à militibus fieri iussit: *Carinæ primùm ac statumina ex leuiore materia fiebant, reliquum corpus nauium viminibus contextum, coriis integebatur: has perfectas, carris iunctis deuehit noctu, militesque his nauibus flumen transportat.* Sed nec tuta, nec ex dignitate satis ea transuectio est: ideò & nocte patrata. De eâ sic Lucanus:

*Primùm cana salix madefacto vimine paruum  
Texitur in puppim, cæsos induta iuencos,  
Vectoris patiens, tumidum superemicat amnem.*

Imitatus id Saluidienus, bello Siculo, in Pompeium (notat Dio Cassius:) sed parùm feliciter, turbido illo freto. At Hispani, ritu gentico, leuiore etiam operâ; & inflatis vtribus incumbentes, solent tranare. Passim exempla. quod & Romani interim fecere. certè Cæsar, de quo Suetonius: *Si flumina morarentur, nando traiciens, vel innixus inflatis vtribus, per sepe nuncios de se prauénit.* Cui rei exemplum vel ab Hispanis, vel à Græcis: nam & hi vfi. Arrianus de Alexandro, Istrum traiciente, libro i. *Τὰς δὲ διφθέρας, ὑφ' αἷς ἐσκήνεν, τῆς κάρφης πληρώσας, καὶ ὅσα μονόξυλα πλοῖα συναγαγὼν, διαβέβαλεν ἐπ' αὐτῶν τῆς σραπᾶς ὅσους δυνατὸν ἦν ἐν τῷ τοιῷδε ῥόπῳ:* *Pelles accipiens (Alexander) sub quibus tetenderant, easque stramento sarcians, sed & lintres quotquot ibi erant colligens, in iis quantas copias potuit traiecit, in tali apparatu.* Idem iterùm lib. iij. de Oxo amne ab eodem traiecto: *Συναγαγὼν τὰς διφθέρας, ὑφ' αἷς ἐσκήνεν οἱ σραπιῶται, φορυτοῦ ἐμπλήσαι ἐκέλευσαν, ὡς ἐνεργεῖτε, καὶ καταδύσαι τε καὶ συρράψαι ἀκριβῶς, τὴν μὴ ἐνδ' ὑέσθαι ἐς αὐτὰς τὴν ὕδατος:* *Colligens pelles, sub quibus milites egerant, stramentis aut & sarmentis quàm maximè aridis eas impleri iussit, & cum curâ ligari & consui, ne aquam possent admittere.* In eadem re Curtius: *Utres quam plurimos, stramentis refertos, diuidit. his incubantes tranauere amnem.* Vtrumuis huic rei, & stramenta, & arida sarmenta: quod item in Nicetâ de Scytharum moribus: *Σχεδιάζει δὲ τοῖς σκυθαῖς τὴν ποταμὸν τὴν διαβασίαν κάρφης πλήρης διφθέρα, λίαν ἐς τὸ ἀκριβὲς σὺσπαστος, ὡς μὴ δὲ βραχὺ λεβὰδιον ἐπισπρέων ἔστωθεν:* *Facilem transitum fluminis Scythis præbet, pellis stramentis repleta: eaque ita curiosè compacta, vt nec guttula aqua penetret.* Tum addit, *Solitos inscendere hunc vtrem, et equo ante se adto, eiusq; caudâ pro velo vsos, Istrum aliaq; flumina transmittere.*

Quin



Quin & pontem ex iunctis his vtribus fieri posse, docuit apud Xenophotem Rhodius quispiam, cum victrix illa manus Græcorum, insequentibus Persis, ad Pigretam amnem constitisset. Locus est in 111. Anabaseos: *Vtribus*, aiebat, *ad bis mille opus habeo, quas facile adipisci è capris, ouibus, bobus, asinis qui castra hæc sequuntur. Funibus etiam, ad vincendum: sed & hos iumenta vestra sagmaria satis dederint. Vtribus autem iunctis, lapides iis appendam, quos velut anchoras demittam. Denique toti operi sarmenta cratesque iniiciam, & terram supersternam. Vtris autem quisque duos viros facile feret, ne mergi vos arbitremini, contra lapsum autem, terra & sarmenta valebunt.* Hæc ille vir ingeniosè, ipso Xenophonte laudante, etsi Græci tunc non vsi, metu hostium in aduersâ ripâ. Sed vsi postea simili iuncturâ Romani, & *Ascogefrum* dixerunt voce Græcâ, quasi *pontem vtrinum*: quem libellus post Notitiam imperij aperit, & deformat: cuius verba, quia pluscula, abstineo nunc dare. Sed traiecerunt tali ponte iamantè Romani, sub Iouiano Principe, Tigrim fluuium, si Zosimo credam lib. 111: conati sunt magis, quam perfecerunt, si Ammiano. Sic enim iste libro xxv. *Vtribus è cæsum animalium coriis coagmentare potest architecti promittebant: sed addit, vanis conatibus id agitatum.* etsi quidam leorsim vtribus insidentes, postea transuere. Commentum simile in eodem scriptore, sed paullò diuersum, libro xxx. de Armeniorum rege fugitiuo: qui *lectulos in villis repertos, binis vtribus suffulciens, quibus singuli procures insidentes, & regulus ipse, iumenta trahentes, Euphratem transmisere.* Sed vsi ad hanc rem & cuppis interdum, siue inanibus vasis. In Lucano, lib. 1111.

*Namque ratem vacuæ sustentant vndique cuppæ,*

*Quarum porrectis series constricta catenis,*

*Ordinibus geminis obliquas excipit alnos.*

Quod ipsum Maximino Imp. factum ad Aquileiam, Herodianus vos docebit libro octauo. Satis de Pontibus. ORAN. Ludis. LIPS. Tu me. ORAN. Ludis, inquam: & nobilem illum scilicet Iulianum pontem, in Rheno structum, nec nominare tibi animus, aut memoria est? LIPS. Memoria, sed non animus. quid enim opus? summates viri ante me in hac curâ fuerunt: Turnebus, Hotomannus, Buteo, ipse Cæsar Scaliger: quid in scænâ hac post eos spectet? LAMP. At nobis placet. & clariùs aut



firmius fortasse aliquid, quam singuli illi, dices. FVR. Quid, quod promissisti? LIPS. Nunquam factum. FVR. Imò iam nunc, cum pontes in *Nauibus* struebas, *Vtribus*, *Cuppis*, *Sublicis*. Vbi ergo aliter subliceus? LIPS. Vincitis, habete. — \* *χαλε- πόν ὁ δὲ ποναχέειν ἐν αὐτοῖς πολλὰς.* Ait Cæsar:

\* Difficile est unum contendere multis.

\* Quidam libri, de- missa. \* Fuluij cod. prone ac fa- stigiate. \* Idem di- iuncta.

Cæsar his de causis Rhenum transire decreuerat: sed nauibus transi-  
 re, neque satis tutum esse arbitrabatur, neque suæ neque populi Romani  
 dignitatis esse statuebat. Itaque etsi summa difficultas faciendi pontis  
 proponebatur, propter latitudinem, rapiditatem, altitudinemque flumi-  
 nis: tamen id sibi contendendum existimabat. Rationem igitur pontis  
 hanc instituit. Tigna bina sesquipedalia, paulum ab imo præacuta, di-  
 mensa ad altitudinem fluminis, intervallo pedum duorum inter se iun-  
 gebat. Hæc cum machinationibus\* immissa in flumen defixerat, fistucisq;  
 adegerat, non sublicæ modo directæ ad perpendiculum, sed\* pronæ ac fa-  
 stigiatæ, ut secundum naturam fluminis procumberent. His item con-  
 traria duo ad eundem modum\* iuncta, intervallo pedum quadragenum,  
 ab inferiore parte, contra vim atque impetum fluminis conuersa statue-  
 bat. Hæc utraque, bipedalibus trabibus immixtis, quantum eorum tigno-  
 rum iunctura distabat, binis utrimque fibulis ab extremâ parte disti-  
 nebantur, quibus disclusis, atque in contrariam partem reuinctis, tanta  
 erat operis firmitudo atque ea rerum natura, ut quo maior vis aquæ se-  
 se incitauisset, hoc arctius illigata tenerentur. Hæc directâ materiâ inie-  
 ctâ contexebantur, ac longurijs cratibusq; consternebantur, ac nihilo se-  
 cius sublicæ ad inferiorem partem fluminis obliquæ adigebantur, quæ  
 pro ariete subiectæ & cum omni opere coniunctæ vim fluminis excipe-  
 rent. & aliæ item supra pontem mediocri spatio; ut si arborum trunci  
 siue naues deiciendi operis causâ essent à barbaris missæ, his defensoribus  
 earum rerum vis minueretur, neu ponti nocerent. Diebus decem, quibus  
 materia cepta erat comportari, omni opere effecto, exercitus traducitur.  
 Cæsar's verba habetis: lustremus. Ait: Nauibus transire non arbi-  
 trabatur satis tutum, neque suæ, aut populi Romani, dignitatis.] Causa  
 duplex facti pontis, Securitas & Dignitas. Et sanè singillatim  
 nauibus cum transitur, & hostis facile impediat, aut partem ex-  
 cipiat: nec dignitatem etiam habet, quia furtim & clam ferè  
 transitur. Tale Tacitus, de Germanico, II. Annal. Cæsar, nisi  
 pontibus præsidisque impositis, dare in discrimen legiones, haud Imper-  
 ratorium ratus. Ait: Etsi summa difficultas faciendi pontis propone-  
 batur.]



batur. ] Ob altitudinem fluuij, latitudinem, violentiam. Et hercules hodie si faciendum; valde, credo, cunctemur. Sed Cæsar, hîc Cæsar, & quæ per naturam fieri non posse videbantur, industriâ aut constantiâ perfecit. Struere cœpit: sed an non flumine prius auerso aliquantum, & sic minuto? Non dicit ipse: solent tamen Romani, & valdè è ré fuisse. Ita idem Cæsar, cum Pompeium ad Dyrrachium obsideret; aquæ inopiâ eum pressurus, omnia flumina, atque omnes riuos qui ad mare pertinebant, aut auerterat, aut magnis operibus obstruxerat. Idem in Hispaniâ, Continuatò diem noctemq; opere in flumine auertendo, eò iam rem deduxerat, vt equites possent atque auderent flumen transire. Itaque tale aliquid mitigando & maturando operi hîc factum, vt non assero; ita leuiter subiieio, & pono. Ait: *Tigna bina sesquipedalia.* ] Crassa hæc tigna, & capiendum æqualiter, & in omni latere, sic fuisse. Ambitus igitur sex pedum. Sanè opus robore, quia hæc & flumen excipiebant, & ferre totum pontem debebant. Ait: *Paul- lùm ab imo præacuta.* ] An ferro præfixo? quidam sic imaginantur & pingunt; sed imaginantur & simplicius è \* ligno mucronem sic fuisse. Ait: *Dimensa ad altitudinem fluminis.* ] Mensurâ quidem variâ, vti flumē in medio aut circa ripas variabat. Nec ea mens, quam Cardanus effingit, quasi non altiora fecerit, quàm ipsum summum flumen, æquâ cum aquis superficie: non: sed vt dixi, dimensio ad fundum spectat. Quis etiam ambigit, quin surrexerint paullùm extra flumen, ad reliquam fabricam capiendam: tum etiam in casum, si flumen fortè creuisset? Ego verò quinos aut quaternos pedes eminuisse, nihil dubito. *Fistucisque adegerat.* ] Quid *Fistucæ* & *Fistucatio*, velex Vitruuio diu notum, & palustres aut admaritimi populi, hodieque in ædificando & fundando, assiduè vtuntur. Ait: *Prona & fastigiata.* ] Hoc caput & arx inuentiunculæ est, & fabricæ Iulianæ. In istâ sibi placet, & satis explicat, iis quidem qui non sunt nubila aut varâ mente. Tigna, inquit, non recta demissa, vt in sublicis pontium vulgò solet: sed duo-prona & decumbentia secundum flumen; duo tum altera opposita, item iacétia & inclinantia, sed situ contrario, in aduersum flumen. Interuallum autem inter opposita hæc tigna, facit *quadragenûm pedum*, ab inferiore parte: quod est in fundo, & vbi defigebantur. Certum autem, cum sic infernè di-  
uancabant,

\* Siquis vo-  
let, præsto.




uaricabant, capita minùs paullò inter se abstitisse. Quantum igitur hoc spatij? Cæsar siluit; sed putet aliquis *αιαλόως* *triginta pedum*, aut paullum infrà: atque eadem ista latitudo iniecti pontis. Pergit: *Hæc vtraque bipedalibus trabibus immisissis.* ] Tigna illa bina ibant per spatium fluminis, quantum à ripâ ad ripam erat: sed quid in trāsverso deinde, & latitudine pontis? *Trabes*, inquit, *bipedales immisissæ*, inter ipsa bina tigna: bipedales, inquam, quantum scilicet interuallum inter tigna. Erant igitur hæc transuersariæ trabes, fundamentum mox & velut solum supremi pontis, cui leuior materia iniecta. Pergit, *binis vtrunque fibulis ea tigna distenta*. Quod sentētiam habet, tigna illa inclinata, distenta fuisse & obfirmata binis fibulis, in capite vtroque inmisissæ trabis. Sed quid *Fibula*? quod Scaligero rectè visum, taleæ, & velut ligneæ (sic appellem) anchoræ, immisissæ ad ligandum. Vitruuius: *Vtraque muri frontes inter se, quæadmodum fibulis, his taleis colligatæ*. Idem alibi: *Tigna tria à capite fibulâ coniuncta, & in imo diuaricata*: etsi & alia ea fibula esse potuit, non nego. Ergo in Cæsare, *vtrunque bina fibula*, sunt taleæ duæ duræ, firmæ, in caput quòdque trabis immisissæ. Duæ, inquam: interior vna, & altera exterior, ob causam mox dicendam. Quid autem *Distineri*? validè teneri, vt *distringi*. aut etiam seorsim teneri & abiungi, ne coirent; sed & ne abirent, duplici illo nexu. Ordo verborum Iulij: *Vtraque tigna, immisissis trabibus distinebantur*: quomodo? *binis vtrunque fibulis ab extremâ parte*. Pergit iam porrò: *Quibus disclusis, atque in contrariam partem reuinctis*. ] Tignis nèpe extrorsum & introrsum clausis: tum & parte alterâ pariter reuinctis. Et statim: *Ea erat rerum natura, vt quò maior aqua vis*. ] Planè rerū natura. & vult ex nexu illo & renexu fibularum consequi, vt trabs immissa contineat tigna, nec sinat sursum aut deorsum inclinare. Vt athletæ brachiis capitibusq; iunguntur, pedibus absistunt, & ita se firmannt contra lapsum: simile in hac pronitate tignorum, & mox reuinctiōe. Cogitandum autem, quod Cæsar de duobus tignis dixit: idem fuisse in aliis, & totum opus per iuga quædam, cum interuallò medio (vt in fornicibus arcubusq; pontium) iuisse. Hoc miror, interuallum id non expressum, cum cetera curiosè & minutè exsequatur. Fuit, cum incideret bina tigna in ordinem sic iuisse nullo interuallò: quod firmum sanè opus sit, sed laboris



laboris & materiæ multæ, tum etiam fluuius fortasse nimis sic coërcitus & clausus. Additur: *Hæc directâ materie iniectâ continebantur.*] Directâ nempe, in longitudinem pōtis, & quia transversariis illis trabibus tigna hæc iniecta. quæ ipsa, capita trabium in iusto interuallo suo retinebant & sistebant. Super hæc tigna autem iterum leuiores longurij aut perticæ, atque ij viminibus intexti: an & terra ac cespes super vimina? nihil absolum sit, imò pro Romano more. Amplius: *Sublicæ ad inferiorem partem fluminis obliquæ adigebantur.*] Duplex potest esse sententia. vel vt in superiore pontis parte siue & fluminis, sublicæ istæ fuerint; sed ex obliquæ & versæ ad partem fluminis inferiorem, vt loquitur, siue quâ flumen ibat & deuegebat. Eo sensu, iungendum illud obliquæ cum parte inferiore: non autem, vt ipsæ Sublicæ adaçtæ ad inferiorem partem. Hotomannus in eo turbat, & rescribendum ideò, ad superiorem partem censet. Nihil opus. Sed sententia altera esse possit, Sublicas illas reuera positas inferiori parte, & obliquas adaçtas contra flumen. quo fine? vt velut sisterent & fulcirent pontem ab impetu fortasse laborantem. Atque eò facere videatur, quòd cum reliquo opere eas iungit, vt solet in fulcimentis. Tamen quia dicit vim fluminis excepisse, videndum, an non prior sententia verior, magisque ex operis usu. Addit: *Quæ pro ariete subiectæ.*] Hoc iterum magis pro alterâ sententiâ, quia subiectas dicit, & pro Ariete. Sed vocem tamen Arietis, hoc sensu non ego, non alius fortasse lêgit: etsi haud inepta sit pro imagine arietis subsilientis & se attollentis. Nónne in simili sensu & Capreoli? Libri scripti ferè, pro pariete: nec capio. Addit: *Aliæ item supra pontem.*] An non hoc quoque inclinet, illas igitur fuisse infra pontem? sed inclinet, non cogat. Atque has remouet à ponte mediocri spatio: vt non probem, qui nobis depingunt vallum septumque contiguum, in V. litteræ formam, siue in trigonum, antepactum. Fit sanè hodie, & vtiliter, scio: sed an ideò necessariò ita Cæsar? Imò verba contrà eunt. Esto igitur potiùs ordo simplex aut duplex tignorum, quæ depacta in flumen, eo fine quem hîc dicit, nempe ad ligna, truncos, naues, & siquid aliud turbando operi immitteretur, sistendum & retinendum: vt spatium deinde esset ad deducendum & amoliendum. Iccircò Defensores appositè Cæsar dixit: & Plu-



tarchus hoc exprimens, *ποροβόλος*. E quo item notandum, mirabile hoc opus fuisse, & ut ait, *fide omni maius*, præsertim sic celeriter *in decem diebus effectum*. CAROND. In decem diebus? certè mirum laudandumque. At ego in fidis Chronicis lego: *Carolus Magnus, pontem item ligneum, ad Moguntiacum struxisse: longum passus quingentos: sed ingenti labore, & DECEM ANNO- RVM spatio*. LIPS. Vide æuum æuo, homo homini quid intersit. Sanè nostra hæc ætas rara eiusmodi exempla vidit, cum carpere aut deprimere, imò & non credere hæc talia malumus, quàm imitari. Eò tu laudabilior ALEXANDER FARNESI, magne Dux, qui Scaldim nostrum superbo ponte iunxisti: & eo opere pulcherrimam urbium Regi & corpori suo reddidisti, à quo utroque per turbas malè erat diuulsa. Macte animi. posteritas te dicet & mirabitur, tunc cum inuidiâ remotâ, glorię tuæ sol per nebulas istas emicabit & perrumpet.







Pons Emapij et Arriani



E. Pons Caesaris. eius partes 1. Tigna sesquipedalia in flumen dimissa. 2. Bipediales traves immixtae.  
 3. Fibulae binae. 4. Sublicae obliquae, et cum opere iunctae. 5. Defensores. 6. Directa materia ad construendum.





I. L I P S I  
P O L I O R C E T I C O N  
S I V E  
D E M A C H I N I S ,  
T O R M E N T I S , T E L I S ,  
L I B R I I I I .  
D I A L O G I S M V S I .

*De Ariete dissertio. quoniam ille, & qualis in quoque genere. De Helepoli, & Terebrâ breuiter.*

**D** I V nos Machinæ tenuerunt, neque nego me fatigari. Vicarium sermonis huius specto. C A R. Quis possit? aut quem illum? L I P S. Designabo, si admittitis, & omnium calculis aptum. C A R. Facito, ego quidem voto tuo sub signo. B I L L. Nos alij. fiat: Lipsius interiungat & quiescat. L I P S. Debeo benignitati huic gratiam. age ergo, tu Orahe exsurge. O R A N. Quid facturus? L I P S. De Ariete dicturus. Tormenta enim nunc sequuntur: & inter ea præeat iste, tum *Catapultæ* excipiant, & *Ballistæ*. O R A N. Cur autem ego electus, aut idoneus? L I P S. Nemo magis. Totum diem in me arietaſti: noſti uſum & artem. O R A N. O te pænè dixerim, \* *διπλὸν καὶ πῶτα*! ita iram recondis? L I P S. Et vindictam quoque: Domitianum vides. Extra iocum, ſubleua, & meam vicem de Ariete dicas. O R A N. Veruex ego, ſi fecero. L I P S. Imò niſi feceris. vos omnes appello, compellite. B I L L. Oranus faciat. O M N E S, O M N E S. O R A N. Certè compellor. ſed ex-temporaneus hic erit ſermo, nec pro tuâ, Lipſi, diligentia aut curâ. Tu tamen atque iſti, date manum alibi hærenti, arque artollite labantem. Arietis origo vetus, ſed parùm certa: cùm pars ad Græcos & Epeum referant, inter quos Plinius: *Equum, qui nunc Aries dicitur in muralibus machinis, Epeum inueniſſe ad Troiam*: pars ad Tyrios ſiue Carthaginienſes, inter quos Vitruuius: *Primum ad oppugnationes Aries ſic inuentus eſſe memo-*

\*Id eſt, κα-  
κα: malum



ratur. Carthaginienses ad Gades oppugnandas castra posuerunt. cum autem castellum antè cepissent, id demoliri sunt conati. posteaquam non habuerunt ad demolitionem ferramenta, sumpserunt tignum, idque manibus sustinentes, capiteq; eius summum murum continenter pulsantes, summos lapidum ordines deiciebant, & ita gradatim ex ordine totam munitionem dissipauerunt. Ego, si quis arbitrum capiat, Vitruuius magis, quàm Plinio accedam. Si enim Græcorum res, & iam inde à Troiano bello: cur Homerus non meminit, ille fons & thesaurus rerum artiumque? cur multis sæculis nemo postea? nec probabile est, rem tam præsentanei vsus, semel repperitam, subito deperisse. B I L L. Imò rem dicito. quid opus vel à Pœnis petere, quod ipsa ubique ratio, & pænè natura demonstrat? Certè qui impetum facere in fores aut obiectum aliquid vult, cubito id facit, aut pedis impulsu. Ab eo exemplo, tignum in auxilium assumptum: & nostri proterui aut ebrioli, in foribus perfringendis, cottidie vsurpant. O R A N. Haud abnuerim à naturæ ductu esse: sed alibi tamen initium. Vbi cumq; autem, sic dixere, à similitudine & reciprocatione ictus arietini. Dixit deterior ætas *Carcamusas*, opinor à sono. In obsidione Parisiensi Abbo:

*Arrietes, Carcamusas vulgò resonatos.*

Eadem autem sequens, etiam *Caucrum*, nescio an à similitudine aliquâ fabricæ, aut quia identidem retrò iret. Sed Aries iste non vniformis aut simplex, triplicem reperio. Est *Rudis*, & à primâ inuentione: quem manibus lacertisq; validi homines sustinent, & agunt. Talis in columnâ Traiani sic pictus exstat, & Daci eo vtuntur. Possit huc duci Lucani illud, apud quem miles iactat libro 1.

*Tu quoscumque voles in planum effundere muros,*

*His Aries actus disperget saxa lacertis.*

Et hoc Sidonij:

*Nec Pharij nunc regna precor, nec vt hisce lacertis*

*Frangat Hydaspeas Aries impactus Erithras.*

Lacertorum utrobique mentio: etsi ij quoque in *Composito* Ariete adhibiti, de quo addo. *Compositus* enim mihi est, qui trabem quoque alteram iungit & statuit, à quâ pendulus vi maiore, conatu leuiore, libratur. Hunc quoque Pœnis suis Tertullianus primitus



primitus repertum asserit. & *Arietem* (inquit libro de Pallio) nemini adhuc libratum, illa dicitur Carthago, studiis asperrima belli, prima omnium armasse in oscillum penduli impetus, commenta vim tormenti de bile pecoris capite vindicantis. Cum enim oscillationem ei tribuit, manifestè Compositum hunc demonstrat. Sed & Vitruvius idem cum eo, qui vult statim à rudi illâ inuentione, *Fabrum* quendam *Tyrium*, nomine *Pephasmenon*, hac ratione inductum, malo statuto alterum ex eo uti *trutinam* suspendisse, & reducendo & impellendo vehementibus plagis *Gaditanorum* murum deiecisse. Hic in plurimo usu, & inter Romanorum opera ex professo Iosephus Flavius descripsit, tertio excidij: Est, inquit, *Aries* trabs prægrandis, quæ malum navis adsimilat. Is solidatur in capite gravi ferro, in arietis formam, unde & nomen adsumpsit. Dependet medius, funibus suspensus ex aliâ trabe, velut *trutina*, quæ trabs tignis utrumque firmis munita est & fulta. Repulsus porrò magnâ virorum manu retrorsum, iisdemque antrorsum statim & cum impetureflectentibus, quatit muros prominulo ferro. Neque est vlla turris tam valida, aut mœnia tam lata, quæ, ut primas maximè plagas tulerint, sustinere & subsistere assiduas eas possint. Hæc Iosephus. nec pigebit per verba eius ambulare, & lucem aut fidem iis dare, Lipsij mei exemplo. Ait: *Trabs prægrandis, quæ malum navis adsimilat.* Imò ex ipsis malis navium interdum lecta & adsumpta. In Agellio, libro i. cap. xiii. P. Crassus, cum opus esset firmâ ac procerâ trabe quâ *Arietem* faceret, scripsit ad magistrum architectona *Moleatensium*, uti ex duobus malis, quos apud eos vidisset, uter maior esset, eum mittendum curaret. Ammianus materiem genusque arboris etiam distinguit, libro xxiii. Eligitur abies vel ornus excelsa. Sanè excelsa, & Plutarchus inter Antonij machinas, bello Parthico, memorat *Arietem* longitudine pedum LXXX. At Vitruvius ac Græci, formant & pedum CVI. imò & CXX. quos ex vno ligno fuisse vix putem. Porrò hæc prima Iosephi, Hegesippus laxè ita reddit: *Magnitudo arboris, in modum mali navalis, quem non ventorum procella, non velorum sinus flectant.* Pergit Iosephus: *Gravi ferro, in arietis formam.* Ita & Ammianus: *Cuius summitas duro ferro concluditur & prolixo, arietis efficiens prominulam speciem, quæ forma huic machinamento vocabulum indidit.* Hegesippus diffusius: *Nomen hoc species dedit. eò quòd valida*

ac no-



ac rodosæ arboris caput ferro vestitur, & quod ut frons arietis præ-  
tenditur, quæ obductis laminis turgescit & prominet: è cuius medio,  
quasi cornu procedit ferri solidioris. Notate. primum, caput arbo-  
ris ferro tegitur, & adfigitur laminis paullò longius: antrorsus  
in acumen producit, quod *Cornu* Hegesippus dixit. Nec enim  
aliter verba eius capienda censeo, neque res fuit. Ammianus  
alibi, hoc *Acumen* vocat: *Vicit* (inquit libro xx. omne prohibendi  
commentum acumen *Arietis*, coagmenta fodiens lapidum. Atque is fi-  
nis & opus præcipuum *Arietis* fuit, cum grandiores firmiores-  
que lapides, more prisco, muris inderentur, iuncturas penetra-  
re ac findere, & lapides emoliri. Lucanus:

— nunc *Aries* suspensio fortior ictu

*Incussus*, densi compagem solvere muri

*Tentat*, & impositis vnum subducere saxis.

Hoc acumen & ferrum, ἐμβολὸν siue *Rostrum* etiam Græci dixe-  
re, notante Suidâ: & fuit interdum trifidum, quadrifidum in  
mucrone, uti solent navium rostra. Idem communius & κεφα-  
λὴν siue *caput*, sicut Latini. In Iosepho libro 111. historiola huic  
rei est: *Quidam*, inquit, *Iudæus Eleazarus* nomine, periculum im-  
minens ab *Ariete* iam admoto muris videns, lapidem prægrandem ita  
violente iecit, ut caput machinæ d. fringeret (ὥς ἐπαρπάξαι τὴν κεφαλὴν  
τῆς μηχανῆς &:) quod cum vidisset, descendit etiam de muris, &  
magno stupore hostium, id secum in mœnia tulerat, nisi quod quinque  
sagittis confixus, vnâ cum ipso capite iterum decidit. Quod ita legen-  
dum exaudiendumque est, non ut totum caput (graue id fuit)  
sed decussam anteriorem eius partem, tulerit sic raptim in vr-  
bem. Addit Iosephus: *Dependet medius, funibus suspensus ex aliâ*  
*trabe.*] Quæ sic Hegesippus: *Ea arbor suspensa funibus, ad supe-*  
*riora atque robusta arborum nexis, multorum manu valide in murum*  
*impellebatur.* Sed mutat à Iosepho, quod ab arboribus necit, il-  
le ab vnâ arbore: sensus tamen est, vel ab vnâ mediâ transuer-  
saque arbore pependisse, quam duæ aliæ sustinerent, ut in Iu-  
go aut Patibulo: siue & à duabus reclinatis, & utroque capi-  
te coniunctis. Quod dicere Ammianus ita videatur: *Suspensa*  
*utrimque transversis asseribus, & ferratis quasi ex lance vinculis tra-*  
*bis alterius continetur.* Vbi ferratis etiam vinculis, siue catenis  
eum necit: at funes tamen Iosephus & Hegesippus dixere: sed  
quid



quid verat ad firmitudinem catenas etiam fuisse? Has trabes & ligaturam Lucanus intellexit:

— nunc coniunctas adstringere nodis

*Instabat ferroque trabes, quo frangeret altos*

*Portarum postes, quateretque morantia claustra.*

An non eandem Ammianus, libro xx. dum scribit *Arietem* *vetustum, dissolutum fuisse, ut facilius veheretur, iterumque instructum?* Magis hoc est, quam ut ipsam trabem solutilem intellegamus. Pergit Flavius: *Repulsus magnâ virorum manu.* ] Quantam manum scilicet admittebat longitudo. Nec enim nisi ordo virorum vnus vtrique admoeri potuit: & singulis ad ingressum & motum, minimùm dandi duo pedes. Sed recens scilicet manus manui succedebat, eratque perpetuus is ictus. Ideò Arietes non ita multi instructi, etiam in magnâ obsidione: & plures tamen adhibiti ad ministeria aut tutelam. Appianus in Punico, *oppugnandæ Carthagini duos vastos Arietes admouet, quorum alter à sex mille peditibus impelleretur, alter à sociorum navalium multitudine.* Titus ad Hierosolyma, tres Arietes habuit, ex Iosepho: tot quot legiones. Non quia tota legio in dirigendo aut impellendo occupata, sed in tuendo, curando, per vices administrando: Denique claudit Iosephus: *Neque est ulla turris tam valida, aut mœnia tam lata.* ] Obseruate vim machinæ. quæ magis elucescat, si cogitentur veterum muri, validi hercules supra nostram fidem. Atqui Aries tamen tractu & tempore discussit. Ideò *Exterminatorium instrumentum* Paullus Diaconus dixit, libro xvii. *Exterminatorio instrumento factò, quod Arietem vocant, ciuitatem adeptus est.* Sed & alio latere Exterminatorium, quia is admotus signum perdendæ vrbs. Vti hodie mos aut lex est, durius in eos consuli qui Tormenta expectarint; sic olim, qui Arietem. Cicero in Officiis: *Et cum iis quos deuiceris consulendum est; tum ij, qui armis positis, ad Imperatoris fidem confugiunt, quamuis murum Aries percusserit, recipiendi sunt.* Cæsar ii. Gallicorum: Respondit, se magis consuetudine suâ, quàm merito eorum ciuitatem conseruaturum, si, priusquàm Aries murum attigisset, se dedidissent. sed deditionis nullam esse conditionem, nisi armis traditis. Atque hic est *Compositus* Aries, circa quem tamen alius etiam labor aut cura. Nam & cratibus tegebant, & coriis, contra ia-



Etus aut ignes. quod sic in Iosepho libro 111. Περὶ τῶν κεινῶν γέ-  
 ροις τε δινυέοι, καὶ κατὰ τὴν περὶ τῶν δέρεων, πρὸς τὰ αὐτὰ καὶ τὴν  
 χαλκήν τε ἀσφάλειαν: *Produxere Arietem Vineis tectum, & super-*  
*nè corio munitum, ad suam & machinæ tutelam.* De Vineis, in Pro-  
 pertio etiam est, libro 1111.

*Dumque Aries cornu murum pulsabat aëno,*

*Vineaque inductum longa tegebat opus.*

Longa, inquit, vinea: & in Iosepho: δινυέν γέρεα, perpetuae crates.  
 Et si pro his tegumentis, receptum etiam, ut solidâ Testudine to-  
 tus Aries tegeretur: atque ea forma nostra tertia est, *Testudo*  
*Arietaria*, vel *Testudo Aries* dictus. Hunc quoque Carthago rep-  
 perit. Et Vitruvius ita libro x. *Cetras Charcedonius* (malè Chal-  
 cedonius) de materiâ primùm basim subiectis rotis fecit, supraque com-  
 pegit arrectariis & iugis varas, & in his suspendit Arietem, coriis-  
 que bubulis textit, ut tutiores essent, qui in eâ machinatione ad pul-  
 sandum murum essent collocati. Id autem, quia tardos conatus habue-  
 rat, *Testudinem arietariam* cepit appellare. Totam ipse eam defor-  
 mat, & minutè ac mensuratè, ut architecti: videatur. De eâ-  
 dem Vegetius: De materiâ ac tabulatis *Testudo* contextitur, quæ ne  
 exuratur incendio, coriis, vel ciliciis, centonibusque vestitur. Hæc in-  
 trinsecus accipit trabem, quæ aut adunco præfigitur ferro, & falx vo-  
 catur; aut certè ipsius caput vestitur ferro, & appellatur Aries. *Te-*  
*studo* autem à similitudine vera testudinis nomen sumpsit: quia sicut il-  
 la modò reducit, modò profert caput, ita machinamentum trabem. In-  
 tellegi à Claudiano aliquis dixerit:

*Tum tua murali libretur machina pulsu,*

*Saxa rotet præceps Aries, protectaque portas*

*Testudo feriat, ruat emersura iuventus.*

a Sed & se-  
 orsim alia  
 Testudo  
 capi potest.

Nam portas feriri à Testudine facit, quod non nisi ab istâ po-  
 test: nisi ουρανδοχῶς hi\* capiendi, qui sub eâ latent. At certò  
 eam adhibet ac describit Procopius 1. Gothicorum, in rebus  
 Virigis: & posteriore ævo Colmariense Chronicum, in quo  
 Cancer appellatur. Post hæc Cancrum ad ciuitatem perduxerunt. Fuit  
 Cancer instrumentum magnum, forte pariter, & ponderosum. In eo  
 erat TRABS magna, pariter longa, in vnâ parte grossa, in alterâ par-  
 te parua. In grossiori parte, siue in capite, fuit ferro forti circumda-  
 ta, & in fronte ipsius Cancri fortissimè colligata. Trabs hæc super que-  
 dam in-



dam instrumenta iacuit, quò faciliter moueretur. Postrema verba de Cylindris intelligenda videntur : de quibus & in Vitruvio legitis. Addit autem subinde, *quingentos homines in Cancro illo fuisse occupatos.* L I P S. Etiam in Herone, cap. XI. Illum eundem videte cap. XV. XVI. XVII. vbi plures item Arietes simul suspendit. O R A N. Credo, sed quid istis insistimus? subtilia, & hodie inania sunt, nec alio fine sciantur, quàm vt sciantur. L A M P S. Non hîc te moror. in nomine *Cancro* quæro, vnde id habuit? O R A N. Nempe à regressione & reciprocatione in ictu: an & quia in obliquum moueretur & peteret? An quia Testudo ignota Germaniæ, ipsi finitimum & testaceum animal supposuere? L I P S. Ego verò & de *Helepoli* à te exspecto, quæ vicina aut eadem est, ex Ammiani quidem descriptione. Ille enim sic, libro XXI. Pro his Arietum machinamentis, crebritate iam despectis, conditur machina scriptoribus historicis nota, quam *Helepolim* Græci cognominamus: cuius operâ diuturnâ Demetrius Antigoni filius, Rhodo aliisque Urbibus oppugnatis, Poliorcetes est oppugnatus. *Ædificatur autem hoc modo. Testudo compaginatur immanis, axibus roborata longissimis, ferreisque clavis aptata: & contegitur coriis bubulis virgarumque recenti texturâ, atque limo asperguntur eius suprema, vt flammeos detractet & missiles casus. Conseruntur autem eius frontalibus trifulcæ cuspides præacutæ, ponderibus ferreis graues, qualia nobis pictores ostendunt fulmina, vel fictores: vt quidquid petierit, aculeis exsertis abrumpat. Hanc ita validam molem, rotis & funibus regens numerosus intrinsecus miles, languidiori murorum parti viribus admouet concitis: & nisi desuper propugnantium valuerint vires, collisis parietibus aditus patefacit ingentes. Et sanè, quid hæc aliud quàm Testudo arietaria?* O R A N. Ipse ita dicit, vix alius: & magis ad Turris genera *Helepolis* hæc celebris referenda. Ipsam Demetrii describit Vitruuius in X. Plutarchus in Demetrio; Diodorus copiosissimè in XX. obsidione illâ Rhodiorum. Et variant quidem inter se ac dissident, sed consensus tamen est, Turrim fuisse, sed multipliciter & magno opere instructam. Quinimò disertè ab *Testudine Arietaria* separat Appianus in Mithridatico: *Χώματι δὲ πολλὰ ἤγειρε, καὶ μηχανὰς ἐπήγυτο, πύργους, καὶ χελώνας κειροφόρους, ἐλέποιν ἐκατὸν πήχεων, ἔξ ἧς ἕτερον πύργον ἐπήγυτο, κατὰ πέλτας, καὶ λίθοις καὶ βέλῃ τοικίλα ἀφίει:* Aggeres multos struxit (rex



Mithridates ad Cyzicum) & machinas confixit, Turres, & Testu-  
dines arietarias, & Helepolim centum cubitorum, è quâ & alia Tur-  
ris surgebat, catapultas, lapides, & varia tela emittens. Nec de  
hac ego plura: an aliquid magis de Terebrâ? quam Vitruuius  
nominat, & ex Athenæo sumpsit, qui descripsit. Græcis est Τέ-  
τραπύλον. L I P S. Clarissimè Heron, qui & Figuras donat. Est autem  
gladij aut mucronis quædam similitudo, quo muros perfodie-  
bant. Romanos vñtasse haud legi: an posteri, & inter eos vestri  
Leodicenses? Nam in Annalibus infimis ita scriptum: *Episcopum*  
parasse \* *Arietem, & duos gladios, ad muros diruendos.* O R A N. Ego  
nescio, nec quæro: desino, absolui.

\* Vñ mou-  
zon & deux  
glaines.

## A D T E X T V S.

VERBA Heronis, quibus Arietem in Testudine describit & suspen-  
dit, obiterque alia genera adiungit & tangit, libuit hîc addere è  
cap. x i. & tum venire ad figuras. Suadeam etiam legere & conferre vñâ  
Vitruuij in hac re caput, & Athenæi apud Turnebum excerpta, si quis  
in architecturâ inquirendâ studebit. Haud difficile erit è trium istorum  
collatione perrumpere: nos Heronis verba, à Barocio ita versa, nunc da-  
mus. Ait: *Verum Principis Byzantiæ familiares Arietem cubitorum cen-  
tum & viginti iuxta longitudinem faciebant: ab ipsius autem calce iuxta  
crassitiem quidem, pedalem: in latitudinem verò palmorum quinque: in an-  
teriori autem parte coarctabant ipsum in pedalem latitudinem, & trium  
palmorum crassitiem: Helicas ferreas quattuor, quæ sese in longitudinem  
vsque ad decem cubitos extendant, in anteriori parte clauis affigentes: to-  
tûmque Arietem tribus funibus, octo iuxta crassitudinem circumquaque di-  
gitorum existentibus, succingentes: ac loris eum circulariter ligantes, iuxta  
medium tribus quidem internalliis, quattuor verò sustetaculis constringebant.  
funes verò, qui ab aliis canabinis funibus ab Arietariâ Machinâ pendentibus  
Arietem ipsum sustinent, atque inferunt: à ferreis contextis catenis in-  
stita sumebant. At scalam etiam nauticam faciebant affere in Arietis elat-  
tione anteriùs clauis affixo, habenteg, rete contextum iuxta crassitiem suffi-  
ciens, & iuxta distantiam quattuor, vel etiam plurium digitorum foramina  
habens, vt facîle supra murum ascendatur. appendebant autem ipsum & mo-  
nebant in Testudine rotis octo pradiatâ. quippe quæ iuxta quidem infernam  
panimenti longitudinem, quadraginta duo: iuxta verò latitudinem, viginti-  
octo cubitos habeat. ipsa præterea quattuor crura, quæ in panimento ad alti-  
tudinem iuxta angulos affiguntur, ex duobus simul iunctis lignis singula fa-  
ciebant, longitudinem habentia singula cubitorum viginti quattuor, & cras-  
sitiem palmorum quinque: iuxta verò latitudinem vnius cubiti existentia.*


In su-



In superiori autem Arietaria machina parte Thoracium tanquam sepimentum struebant, ut in eo tutè stare possent spectantes ea, quæ aduersus Arietem ab aduersariis mittuntur. Huiusmodi autem Arietem sexies mouebant destruentes à septuaginta cubitis altitudinis, rursusq; ad latera ad septuaginta cubitos peruertentes. à centum autem viris allatus mouebatur. totum verò, quod mouebatur pondus talentorum ferè quadringentorum erat. Sciendum autem est quòd Arietum alij quidem à virorum multitudine reguntur, iuxta quorundam antiquorum mechanicorum opinionem: alij verò à contranitentibus lignis distenduntur: aliique demum super cylindros propelluntur: possunt autem quandoque etiam funibus circumuolutis adductionem, & reuersionem facientes, percussionem efficere. verùm ad artificem spectat iuxta magnitudines Arietum decentem quoque operationis vsum, ac mentionem excogitare.







B. Aries Compositus. C. Aries Testudineus, aut in Turri, ex Herone sumptus.



D. Terebra, item ex Herone.



## DIALOG. II.

*De Catapultâ: & primùm de nomine. Maiores, & Minores: tela earum, vis, & forma.*

**C**ATAPULTA nunc excipit: quis de eâ sermonem? Tu Furi, si mea electio sit, & votum. FVR. Homo incaute & calide, quid tibi vis? ORAN. Esse te, quod fui, & venire in has partes: FVR. Quin totum assem tibi habe, cohæres esse nihil moror. ORAN. Vetus verbum nosti? Attio quod Titio idem ius esto. Denique aduoco te consortem, non solum admitto. LIPS. Heus Furi, nobis quoque sic videtur. Tu ille tubicen & productor noster, non pugnes? CARON. Pugna, ego te in hunc ludum damno. FVR. Perillus fiam, ut video, & includar in meum bouem. ORAN. Non ut ardeas tamen, sed ut sudes: puta te ire in balneum aliquod Herculaneum. FVR. Facile in me istuc: corpusculum videtis. Sed verba perdam, si repugnem; & ad rem magis ea seruo. De Catapultâ igitur dicam: sed utrâ? quæ lapides mittit, an quæ hastas? nam video confundi. LIPS. De utrâque: non errabis, nec natabis in abiungendo & disparando. FVR. Hoc quoque ad molestiam? sed mox videro: nunc de nomine aliquid necessariò, quia ut scitè Tertullianus: *Fides nominum, salus est proprietatum*. Duplex instrumentum priscis quo in hostes emitterent & iacularentur: altero, tela vel grandiores sagittas; altero, lapides & saxa. Id prius Catapultam dixere, veteres quidem, & quibus cautus & electus sermo fuit. Nam alij postea, ut dicam, confudere. Sed Catapulta igitur talis machina, Græcum nomen καταπέλτης. Formatum ἀπὸ τῆς πέλης, quæ auctore Hesychio δόρυ ἢ ἀκόντιον etiam notat: id est, hastam & iaculum. Machina igitur quæ talia mitteret, compositione quadam sic formata: &, ut dixi, veteribus non nisi istæc iacit. Polybius non semel disiungit à machinâ, quæ lapides mittit, siue Latinorum Ballistâ. ut de Philippi Macedonis apparatu: Συμμάχων δὲ καὶ πελιδῶν μὲν ἑκατὸν πεντήκοντα, περὶ βολικῶν δὲ ὀργάνων τὰ τε καὶ εἰκοσι: Conductis in vnum catapultis quidem centum quinquaginta, petrariis machinis siue Ballistis viginti quinque. Eodem sensu Livius XXVI. Captus & apparatus ingens belli, Catapultæ maximæ ferme



CXX. *minores* CCLXXXI. *Ballistæ maiores*, XXXIII. *minores* LII: Et videre est in utroque scriptore *Catapultas* crebriores & magis vulgatas fuisse, quàm *Ballistas*. Quid ita? quia hæ operæ maioris, sed & molis. In Iosepho hoc ipsum suggeritur, de Romanis, libro v. Excidij: Εἶχον δὲ ὄξυβελεῖς μὲν τετρακοσίαις, πικραράκοντα δὲ τῆς λιθοβόλων: *Habebant catapultas trecentas, Ballistas verò quadraginta*. Valdè vincere has videtis in numero: quas ille, & alij item, ὄξυβελεῖς vocant, quia acutum ferrum telumque emittunt, aliter quàm *Ballistæ*, quæ lapidem obtusum. Plautus hoc ipsum discrimen palàm ingerit, Captiuis:

*Meus est ballista pugnus, cubitus catapulta est mihi.*

Ita enim ibi Parasitus minitabundus in obuios. & *Pugnū* suum, qui rotundus, cum lapide *Ballistario* comparat; *Cubitum*, qui longior, cum telo *Catapultæ*. Ita dico, *telo*. nec aliter in iis verbis utraque vox capienda, quàm pro eo quod *Catapultâ* emittitur aut *Ballistâ*. Ita idem alibi:

*Cui iam infortunij intenta ballista est probè,*

*Quam ego haud multo post emittam è ballisterio.*

Ita hæc interpreter, & *Ballisterium*, non locum, sed machinam ipsam. Mens poëtæ & sermo euincunt: sed & conformia exempla. Athenæus de Alexandro: ὅτεν ἀθήνας πολιορκηῖ μυσταῖς πανοπλίας, καὶ ἰσοῖς καταπέλταις καὶ ἄλλοις βέλεσιν εἰς τὸν πόλεμον ἱκανοῖς: *Cum Athenas obsedit decies mille armaturis, & totidem catapulis aliisque telis ad bellum idoneis*. Nisi quis ibi καταπέλτας accipiat *Peltastarum* leuia arma, aut homines ipsos. In Appiani Libyco: ξύλα παχέα διατμήσας ἐμείλλον, ὡς καταπέλτας, ἐκ χειρὸς ἀφίσταν: *Ligna crassa, bicubitalia, tanquam catapulas, è manu emissuri erant*. Sed hæc fortasse aliquis interpretando mollire malit: faciat: illud manserit, antiquis *Catapultam*, ligni-iaculam machinam esse, nec aliter ferè ad Augusti æuum locutos. Ibi aut circà, confusio: & sunt qui pro saxi-iaculâ etiam ponunt. vt Cæsar ipse in I. Ciuilium: *Ne saxa ex catapulis latericium discuteret*. Palàm saxa mittit: sed & Sidonius,

*Non quæ stridentes torquet catapulta molares.*

Nec de isto miramur: de Cæsare magis, quoniam & Vitruuius post eum disertè *Catapultam* describit, quæ spicula & hastas mittit, *Ballistam* quæ saxa. Nec memini in illo æuo quemquam aliter: vt hîc quoque verear, ne quid pro suo Celsus. Nam etsi vox

*Catapultæ*



Catapultæ tunc pænè defierat, certè obsoleuerat (nec in Am-  
miani aut Vegetij temerè inuenias : ) tamen video promiscuè  
vſos, qui ſunt vſi. vt Appianus in Iberico : καταπέλται μὲν ἐπέκειν-  
το τοῖς πύργοις ὀξυβέλοί τε & λιθοβόλοι : *Catapulta turribus impositæ, & quæ  
ſpicula mitterent, & quæ saxa.* Videtur commune hoc nomen  
vtrique ſpeciei facere. vt & in Libyco : παραλάμβανον καταπέλται ὀξυ-  
βελούς τε καὶ λιθοβόλους : *Acceperunt catapultas haſti- & ſaxi-iaculas.* Sed  
& in Diodoro ſic memini obſeruare. Ariſtophanis Scholia-  
ſtes pro hac comunione : Καταπέλτης, εἶδος μηχανῆς, ἀφ' ἧς ἀκόντια  
καὶ ἄλλα πνέοντες : *Catapulta, genus machinæ è quâ iacula & alia  
quædam mittunt.* Quæ alia? ſaxa aut & globos è plumbo, vt ſer-  
mo vltior dicet. An & hæc cauſſa confuſionis, quòd eadem  
machina vtrumque telum ſæpe mitteret? In Silio libro 1.

*Phocæis effundit vaſtos Balliſta molaes,*

*Atque eadem ingentis mutato pondere teli*

*Ferratam excutens ornum media agmina rumpit.*

In Iſidoro : *Balliſtam verberare neruorum torqueri, & magnâ vi iace-  
re aut haſtas aut ſaxa.* In Athenæo, libro v. λιθοβόλος describitur,  
τεταλάντων λίθων ἀφίεις, καὶ δωδεκάπηχυν βέλους : *Petraria machina, la-  
pidem iaciens trium talentorum, & haſtam duodecim cubitorum.* Hæc  
igitur ita facta : etſi vulgò & commodè magis, cuique telo ſua  
machina ſeorſim aptata. Nec ante Cæſarem fanè (imò nec ſta-  
tim poſt) nominum hæc confuſio : niſi quòd paullatim, vt di-  
xi, *Catapultæ* vox abiit, & rarò lecta in imis ſcriptis. Quid ergo  
eius loco? nam res manſit : *Balliſtæ* vox vênit. Valdè hoc no-  
tandum, niſi natæ ſemper aut falli volumus : & ea quæ anti-  
quis non niſi ſaxa iecit, poſteà plurimùm haſtas. Ita in Gloſſis  
ſub Iuſtiniani æuum explicatur, καταπέλτης, *Balliſta* : & in Am-  
miano ac Vegetio, haud alio ſenſu legetur. Exempla id mox di-  
cent. Sed adnoto, Βελος αὖς etiam dictas Græcis, has Catapultas.  
vt quidem Hieronymus reddidit, quod in Machabæorum 1. li-  
bro, cap. vi. ſcriptum : Καὶ παρενέβαλεν ἐπὶ τὸ ἁγίασμα ἡμέρας πολλὰς, καὶ  
ἐποίησεν ἐκεῖ βελος αὖς, καὶ μηχανάς, καὶ πνεύματα καὶ λιθοβόλα : *Et conuertit  
caſtra ad locum ſanctificationis dies multos, & ſtuit illuc Balliſtas,  
& machinas, & ignis iacula, & tormenta ad lapides mittendos.* Ea-  
dem Græca vox in Ezechielis Cap. 111. ſed ibi *Arietes* (quod  
miror) conuerſa. Reperio & in Diodori x x. de Rhodiorum

\*Didici me.  
ταφρικῆς,  
pro Duci-  
bus iſtis, &  
qui præerant,

Q

apparatu



apparatu contra Demetrium : Επέστησαν δὲ ἐπὶ τοῖς ὁρμῶσι τῶν φορηγῶν  
 πλοίων ἐν ταῖς λιμένι βελοςάσας οἰκείας τοῖς ὀπτιδίεσσι μέλυσιν καταπέλτας : sed  
 alio, vt mihi videtur, sensu. & interpreter, sic fabrefactas su-  
 pernè & adaptatas naues, vt in iis Catapultæ disponi possent.  
 Hæc talia loca & sedes iis idoneas, Βελοςάσας appellat : quasi *sta-  
 tiones telorum aut tormentorum*. Fortasse nec aliter in prioribus il-  
 lis capiendum. Sed de nomine satis : ad rem venio, quæ reper-  
 ta est, Plinio auctore, à *Syris* : cui facilè assentior, certus plera-  
 que artium orta ab Oriente. Græci tamen haud tam longin-  
 què petunt, & Siciliæ adscribunt. vt Diodorus in *XIIII*. Καὶ  
 τὸ κατεπελτικὸν ὄρεθι κατὰ τὸν τοῦ καὶ ἐν συνεχοῦσας : *Catapultaria ars  
 ἔσ' machinatio*, reperta circa ea tempora *Syraculis* : tempora scilicet  
 \* Dionysij senioris, cùm is bellum in Carthaginenses pararet.  
 Sed & Plutarchus refert, *Archidamum*, cùm telum catapultarium  
 \* vidisset, tunc primùm ἐς Siciliάν allatum, dixisse, ὄλετο ἀρετὰ : *Perijt  
 virtus*. Magnam enim consternationem hoc telum in nouitate  
 habebat, & nulla ei virtus visa resistendo. Quid autem dixif-  
 sent, si nostra hæc fulminantia vidissent, & verè Cyclopuum te-  
 la? Sed tunc igitur Siculis aut reperta, aut agnita : & non vno  
 etiam modo structa. Fuerunt enim, vt in Liuiο obseruare su-  
 pra potuistis, *Maiores Minoresque catapultæ* : illæ, quæ telum fe-  
 rè *trium cubitorum* emitterent ; istæ, quæ dimidiatum. Ita enim  
 obseruo. & in Appiani Libyco scriptum, cùm Scipio Vticam  
 oppugnaret, *tormentis emisisse τετραπλήνη βέλη, καὶ λίθους μεγάλους, tricū-  
 bitalia tela, ἔσ' lapides magnos*. Polybius item libro *V*. narrat, *Hie-  
 ronem ἔσ' Gelonem* reges misisse Rhodiis πεντήκοντα καταπέλτας τετραπλή-  
 νους, *quinquaginta catapultas tricubitales*. Non quòd totius machi-  
 næ modus talis, sed quòd eius tela. In Festo sanè ita lego : *Tri-  
 fax, telum longitudinis trium cubitorum, quod catapultā mittitur*. Re-  
 spondet planè huic modulo, quod *Minores Catapultas* feci di-  
 midiatas. Quid enim hoc aliud sit, quod Diodorus aliquoties  
 nominat & distinguit τὰς τετραπλήνους ὀξυβελείας, *trispithamas catapult-  
 tas*? Sicut libro *XX*. in apparatu Demetrii : φορηγῶσιν μὲν ἐποίησιν  
 τὰς μακρὰς ναῦς ἐχούσας ἐπὶ ταῖς πρῶταις τὰς τετραπλήνους ἢ ὀξυβελῶν. *Pra-  
 ire iussit longas naues, quæ in proris haberent catapultas trium spitha-  
 marum*. Iterùm, de eodem Demetrio : Αἰσίουσας τὰς ἀστροτάτους ἢ  
 χεῖρων, καὶ τὰς κατεπελτικὰς σαιίσιν, καὶ δουρίδας κλεισὰς κατασπινάσας, ἐνέδε-  
 το μὲν

\*Quod idē  
 Aelianus  
 Var. Hist.  
 VI. cap. XII.



Ἐ μὲν ἴσ' τελευτῶν δ' αὖ μὲν ὀφελῶν τὰς πορρωτάτω βάλλοντας, καὶ τὰς τὰς κατὰ  
 πόρον χρονομένους: Collectis firmissimis lemborum, eosque muniens tabulis,  
 & fenestellas quæ claudi possent inadificans, imposuit è catapultis  
 trispithamis eas quæ longissimè iacerent, & simul viros, qui vi  
 istis opportunè possent. Poneit expressè trium spithamarum fuisse, id  
 est triginta sex digitorum: qui ipse modus est medius, ad cubitos  
 ternos. Sed & ex postremis verbis discas, has tales leuiiores sa-  
 gittas longiùs permeasse. quod iterùm idem indicat, cùm paul-  
 lò post nominat τὰς ἐλαττονας ὀφελῶν, καὶ μακρὰν φερομένους: minores ca-  
 tapultas, & longè iacentes. Atque hæc ita plurimùm & vulgò  
 vsurpata: interdum tamen & machinæ & tela grandiora, imò  
 non tela sed tigna. Ita appellat Abbo in Lutetiæ obsidio:

— magno cum pondere nostri

Tigna parant, quorum chalybis dens summa peragrat.

Et sunt in Cæsare, Maxime ballistæ, i. Ciuil. iisquæ, missi afferes  
 pedum duodecim, cuspidibus præfixi. Imò in Athenæo lib. v. cubi-  
 torum duodecim, atque ij ad stadij spatium iacti. Nihil ergo miror,  
 si per plures homines simul penetrarint. vt in Lucano:

— neque enim solis excussa lacertis

Lancea, sed tenso Ballistæ turbine rapta,

Haud vnum contenta latus transire quiescit.



Ac tale Catapultæ telum est: sed ipsa qualis? E ligno, ferro, ner-  
 uis formatur Ammiano lib. xxiii. Ballistæ figura inquit (hæc ei  
 Catapulta est, vt dixi) docebitur prima. Ferrū inter axiculos duos fir-  
 mum compaginatur & vastum, in modum regulæ maioris extensum,  
 cuius ex volumine tereti, quod in medio ars polita componit, quadratus  
 eminet stilus extensius recto canalis angustī meatu cauatus, et hac mul-  
 tiplici chordā neruorum tortilium illigatus, ei que cochleæ duæ ligneæ con-  
 iunguntur aptissimè. quarum propè vnā ad sistit artifex contempla-  
 bilis, & subtiliter apponit in temonis cauamine sagittam ligneam, spi-  
 culo maiore conglutinatam. hocquæ factō, hincinde validi iuuenes ver-  
 sant agiler rotabilem flexum. cū ad extremitatem neruorum acu-  
 men venerit summum, percita interno pulsu à ballistā ex oculis auolat,  
 interdum nimio ardore scintillans. Pænè paria Ammiano dixerit  
 Notitiæ imperij libellus subiectus, qui sic de Ballistæ fabricā:  
 Arcu ferreo supracanalem, quo sagitta exprimitur, erecto, validus  
 nerui funis vnco tractus, eandem sagittam magnis viribus dimissus in



hostem impellit. Hunc tamen funem non manibus neque viribus militum trahi fabricæ ipsius magnitudo permittit, sed retrò duabus rotis viri singuli radiorum visibus adnitentes, funem retrorsum tendunt, pro difficultate rei viribus machinis acquisitis. Ballistam tamen ipsam ad dirigenda seu altius, seu humilius tela, cochleæ machina, prout vocet utilitas, nunc erigit, nunc deponit. Hoc tamen miræ virtutis argumentum, tot rerum diuersitate connexum, vnius tantum otiosi, vt ita dicam, hominis, ad offerendam tantummodo impulsioni sagittam, opere gubernat. Videlicet, ne si hominum turba huius ministerio seruiret, minueretur artis inuentio. Ex hac igitur ballistâ expressum telum in tantum longius vadit, vt etiam Danubij, famosi præ magnitudine fluminis, latitudinem valeat penetrare. Fulminalis etiam nuncupata, appellatione suâ virium testatur effectum. Breuius & magis neglectè Vegetius: Ballista funibus & neruis tenditur, quæ quanto prolixiora brachiola habuerit, hoc est quanto maior fuerit, tanto spicula longius contorquet, quæ si iuxta artem mechanicam temperetur, & ab exercitatus hominibus, qui mensuram eius antè collegerint, dirigatur, penetrat quodcumque percusserit. Vitruuius autem omnium plenissimè, in Capite proprio aut Capitibus: sed quid est? non intellegi hæc plenè à viris magnis video, & qui toti fuerunt in hac curâ: quid de me pudeat fateri? Formæ exstant in Notitiâ imperij, & ab aliis delineatæ: sed illæ obscuræ, hæ parum firmæ. quid tu Lipsi? L I P S. In architectis nomen non profiteor: suspicor hîc aliquid, non scio: & magis fortasse aperient libri Græcanici *De Machinis*, qui in bibliothecis latent. Sed & ipsas veteres Catapultas latere alibi in Armamentariis, non dubito: & vidi ipse Bruxellæ, in alterâ meâ patriâ, eius formam, ingeniosam & pulchellam, nec longè à priscâ. Sed pergendum est.


DIALOG.






A.A. Duæ figuræ, quas reperiri aiunt, aut certe alteram, in priscis monumentis, non mihi visam.





B. B. Vtraque haec in Notitiâ imperij exstat.





C. Hanc Bruxella in armamentario repperi, affabre factam: & in ea brachiola seorsim (non continuo ligno) intenta et retrorsum flexa suis nervis, quod valde in tota hac re notandum. Nulla enim curvatio in ligno, sed vis omnis in nervorum reatu.

## DIALOG. III.

De Ballistâ, & Manganicis. Varia item nomina: Lapidum moles & effectus: de Nervis, & Crinibus.

**F**VR. Nempe alium vis succedere, & ad alia nos ire? LIPS. In his morari etiam, & te pergere. Te dico, qui cœpisti: & de Ballistâ, quod debes, plenè dare. Stipulati ita sumus. FVR. Non ego restipulatus: sed age, ero Tigellius ille, & cùm cœpi canere, non desistam. Priscis, ut mea quidem observatio est, Ballista semper lapidem iacit: nec aliter ante Cæsarem legas: imò & post Cæsarem, Tacitus, Seneca, alij, prisco illo more vfi. Etsi tamen posteriores variant: sed de priscis, Cicero I I. Tusculanâ: Ut ballista lapidum, & reliqua tormenta eò grauiiores emissiones habent, quò sunt contenta atque adducta vehementius. Valerius de serpente monstroso in Africâ, sub Regulo: telorum iactu perforari nequisse, sed



sed ad ultimum ballistarum tormentis petitem, filicum crebris & ponderosis verberibus procubuisse. Et plura, quæ in ipsâ re mox dabo. At post Cæsarem, ambifariam vox sumpta, & sæpe (vt suprà dictum) pro Catapultâ. Græcanicâ autem stirpe videtur, ἀπο τῆς ἐλάμης, à iaciendo: & ideò Ballistam geminâ consonante, vel potiùs Ballistram, vt Glossæ, meliùs scribi. Sed quanquam ab iis vox; ipsi vix eâ vfi, & quiduis potiùs in eorum scriptis, quàm Ballistam in hac re lego. Dicunt λιθοβόλεις, περὶ βόλεις; περὶ βολικὰ ὄργανα: communiter magis ἀφ' ἐλάμης ὄργανα: itemq, μάγλανα: aut μαγλανικά: in quâ postremâ voce aliquid insisto. Valdè enim obtinuit, & Græci Latiniq; imi, sed & barbari eâ vfi. Manganium sanè communiter Machina, vt initio \* Lipsius dixit: sed huc transtulerunt, ad violentissimam machinarum. Abbo in obsidione Parisiensis:

\* Vide, &  
adde suprà,  
libro I.  
Dial. III.

*Conficiunt longis æquè lignis geminatis*

*Mangana quæ proprio vulgilibitu vocitantur,*

*Saxa quibus iaciunt ingentia.*

Liquet Petrarias intellegi, & in parte describi. Leo Imperator, cap. xv. de Apparatu bellico: Mangonica alacatia, quæ saxa emittunt. L I P S. Debeo interpellare. tu hæc à Mangano deriuas? F V R. Facio. L I P S. Atquin ex Herone liceat adstruere Monangonem. Nam ita ille, cap. xvii. Lignum longum interpositum, in figurâ reflexi angonis, quales sunt ij qui lapides iaciunt Monangones. quos nonnulli Fundas vocant. Nostros liquet intellegi, eò magis, quod de fundis addit. In sequenti etiã capite: Ipsa Monangonis constructio, ad catapulticam etiã contemplationem volentes instituet. Firmiùs hac de re dicerem, si aut Græca vidissem (nam Latina interpretatio vacillat alibi, aut lapsat:) aut si Athenæum, quem Barocius auctorem citat cōstruēti Monangonis. Sed aliàs ego, aut pro me alius hæc peruidebit: tu prosequere. F V R. Dixi ego Mangana, & ab eo Mangonica: quomodo Cedrenus: Βάλλεται δὲ ἐν τῇ μαγλανικῇ λίθῳ, ὅς σπινθηρὶς αὐτῆς τὴν κεφαλὴν καὶ τὸ πρόσωπον. quod ita Paulus Diaconus libro xxi. Deicitur lapide emisso ex Mangone, & contritum est caput eius & facies. Sanè ibi Manganicum, sed in Diacono Mangon est, vt tuus ferè Monangon. Nam hæc talia, vt fit, truncabant: atque ita Mangas posterior ætas appellauit. Otho Frisingensis, de gestis Friderici lib. ii. cap. xvi: Ferunt quodam die, lapidem vñ tormenti ex ballistâ, quam modò Margam vulgò dicere solent, propulsum ad superiora loca



locâ conscendisse. Aio verò legendum, *Mangam*: & benè illic notatur *Ballistam* olim dictam. Radeuicus de gestis eiusdem Principis, lib. II. cap. XLVII. *Tormenta quæ vulgò Mangas vocant*. Mansit hîc sincera vox, non item in Othone alio, qui Appendicem Frisingensi subiunxit, cap. XVI. *Mediolanum denuò obsidione cingitur, ac diuersis magnis totâ industriâ oppugnatur*. Puto veriùs, *mangis* fore. Sed & *Mangonella*, *Mangonalia*, *Mangatella*, in auorum aut pro-auorum historiis legimus: quarum studiosum virum vicinum, Lipsi, habemus *Ægydium Ruytium*, qui talia quædam exempla in Leodicensium Chronicis adnotauit. Turpinus etiam Caroli Magni æuo, in cap. IX. *Aptatis iuxta murum petrariis, & mangatellis, & troiis*: nec quisquam putauerit, nomine inductus, *Mantelletos* seu *Mantellos* nostros (Vinearum genus est) intellegi: errabit. In Chronico quodam Leodicensi exstat: *Episcopus misit Leodidum māgonalia, seu fustibula, siue tribuceta, vel arietes aut sues, vineas, biblias petrarias, siue cattos versatiles, nescio quæ ex his ingeniis, in signum quod intendebat castra solo æquare*. In alio: *Bibliam petrariam, et cetera bellica instrumenta*. Ex quibus dixeris *Biblias* quoque, hoc genus appellatum. BILL. Plurcula in prioribus iis verbis nomina, satis mihi noua: & quæ *Tribuceta*? FVR. Ingenuè nescio: tu Lipsi doces? LIPS. Ego quoque ingenuè, nescio. An ad illud accedit, quod *Trybock* (voce haud nimis diuertēte) Germani dicunt? Ita enim in Fragmento quodam Germanicæ historiæ: *Anno Domini MCCXII. Otto Imperator ab Apuliâ et Italiâ reuersus, obsedit opidum VVizense, quod similiter expugnauit vsque ad arcem. Ibi tunc primum cœpit haberi vsus instrumenti bellici, quod vulgò Trybock appellari solet*. Neque scio an Gallorum non etiam vox sit, quibus instrumenta aut machinulæ suspensæ & lapsiles, *Trebuchetz* appellantur. Legō & in aliis Chronicis *springalles*, tali aliquo sensu. Sed quid ista ad veterem historiam? nec diuertamus. BILL. Imò iuuat interdum hæc quoq; discere: & ampliùs peto. Quid *Troiæ* in Turpini suprâ verbis? LIPS. Dicam quod rideas. an non *Sues*, quæ in Chronico dicuntur, quando Gallica ea vox sic respondet? Fuerit instrumentum, quo muros fodiebant & deruebant, vt terram sus rostro. LAMP. Imò *Sues* in Britannicis alibi Chronicis, pro *Vineis* videor legisse. LIPS. Et ego, sed obscurè memini. Itaque seriò tibi dicam, seriò hæc nescio, nec nimis inquisiui,

R

non

Anno  
1313.Anno  
1233.\* In Leodicensi,  
L'Eusque  
sa faire des  
engens &  
mangonalia  
& espringalles.



¶ P. Py-  
thæus edi-  
dit.

non item quid *Clitæ*, in \* vitâ vetustâ Caroli Magni: *Præpara-  
runt Clitas, ad debellandum præ virtute castrum*. Ne hæreamus: tu  
Furi perge. FvR. Talia igitur & plura nomina, in nouellis histo-  
riis: atq; in eisdem *Petrariæ*, haud absurdâ voce, & quæ exprimat  
Græcorum *περὶ βόλῃς*. In vitâ Caroli Magni iam citatâ: *Petrarias*,  
quas parauerunt, in suo plus damno senserūt, quàm illi de castro. In Pau-  
lo Diacono, de gestis Langobard. libro v. *Iussu Imperatoris caput  
eius abscisum est, atque cum belli machinâ, quam Petrariam vocant, in  
urbem proiectum est*. Ex quo videre est, his talibus machinis alia  
etiam quædam in urbem proiecta, quàm lapides & saxa. Exem-  
plum haud dubiè à Fundis est: & vt illis minores lapides, ita istis  
grandiores repertum proiectare. Iaciebant autem vulgò, & Mi-  
noribus ballistis, lapides ferè centenium pondo: atque eo sensu Lu-  
cillio, ipsa *Ballista centenaria* dicitur, in Nonio: *Quid sit? ballistas ia-  
ctas centenarias*. Est enim idem ille sermo, qui antè notatus, cata-  
pultas tricubitales esse. Sic Sisenna, in eodem Nonio: *Ballistas quat-  
tuor, talentarias*. Græcè ille maluit dicere, quàm *centenarias*: quia  
talentum etiam paullò \* plus in pondere habet. At maioribus,  
amplius iaciebant, & vel talenta tria. Sic in Diodori x x. *Deme-  
trius in Helepolim suam εἰσένεικε περὶ βόλῃς παντοίας, ὧν οἱ μέγιστοι ἦσαν τε-  
τράλαντοι*: intulit varias *Petrarias*, quarum maxime trium talentorum  
erant. In Athenæi v. de Hieronis regis naue, cui faber Archime-  
des: *Τεῖχος δὲ ἐπ' ἀλγείας ἔχον, καὶ κατασρώματα δὲ νεὼς ἐπὶ καλλιβάτων, κατε-  
σιόρασθαι, ἐφ' ἧς λιδοβολῆς ἐφ' ἑστῆκει τετράλαντον λίθον ἀπ' αὐτῆς ἀφίει, & δωδε-  
κάπηχον βέλῳ*. ἐκὰς τερον δὲ τῶν βελῶν ἔβαλλεν ἐπὶ τὰ δίαυρον: *Murulus* siue lori-  
ca, & *tabulata super fulcris* & *sustentaculis*, edificata erant. In iis *Pe-  
traria*, quæ lapidem trium talentorum emitteret, et hastam duodecim cu-  
bitorum. vtrumque autem istud, ad stadij longitudinem. Ac Vitruuius  
quoq; hunc videtur habere, quasi summum ponderis modum,  
lib. x. cap. vii. vbi de Helepoli scribit: ita eam ciliciis & coriis crudis  
confirmatam, vt posset pati plagâ lapidis ballistâ immissi pondo CCCLX.  
Sunt enim ea tria Talenta, quæ singula Vitruuius pendunt pon-  
do c x x. Nostra ista fulminea hodie, non capiunt aut perue-  
hant hoc pondus. Ex his facile discere, & vim igitur magnam  
Tormento huic fuisse: quam Lucanus sic expressit, lib. iii.

*At saxum quoties ingenti verberis ictu  
Excutitur, qualis rupes quam vertice montis*

*Abscidit*



*Abscidit impulsu ventorum adiuta vetustas,  
Frangit cuncta ruens: nec tantum corpora pressa  
Exanimat, totos cum sanguine dissipat artus.*

Ita profectò est. grande hoc pondus non contundebat solùm, sed diffringebat omnia & dissipiebat. Hegesippus libro III. cap. XII. Alij telis, alij ballistis hostem vrgebant. Tanta autem erat huius tormenti vis quo saxa in hostem iaciebantur, vt percussus vnus ex sociis Iosephi, qui propter adstaret, comminuto capite rueret, & occipitium eius vsque ad tertium stadium excuteretur. Mulier quoq; aluo grauis, percussa vterum, supra dimidium stadij de intima sede genitalis secreti excuteret infantem. Hec ita Latinus ille, è Iosepho, vt solet, transscripsit: qui ipse & alibi auctor violentiæ huius teli. In libro VI. Excidij scribit: Ταλανταῖοι μὲν ἦσαν οἱ βαλλόμενοι πέτραι, δύο δὲ ἔπεισεν ἀπὸ πέντε σταδίοις, ἢ πληγὴν δὲ, ἢ τοῖς ἀποεντυχούσι μόνον, ὅτι πολὺ δὲ καὶ τὰς μετ' ἐκείνοις, ἢ ἀντιόσαι. Talenti pondere erant lapides qui mittebantur, duo autem & amplius stadia peruadebant. Ipse ictus, non iis modò quibus primis incidebat, sed & longè retrorsum stantibus, erat intolerabilis. Quæ certa & vera sunt: nec scio cur interpretes hoc loco, velut diffidēs & corrigens verterit de vno stadio, nō duobus. At prior ille locus nōne de tertio etiam adfirmat? LIPS. Credimus. nam & nostra hodie Formenta ad mille passus permeant, imò vltra. Iouius adserit Colubrinā (sic appellat) inuentam in arce Tolonæ à Ferdinando Daualo; quæ in Ischianā arce postea collocata, nauigia ab accessu, vel in triginta stadiorum distantia deterreret. FVR. Multum est, ipse viderit: sed ad nostra. Non rotundos solùm lapides istis iaciebāt: sed enormes & Sepulchrales: quibus scilicet domos & ædificia confringerent, & quidquid incidissent. Reperio & equorum hominumq; cadauera iacta, stercora fetoresq; alios, item plura, quorum partim in Chronico nostræ vrbs sic scripta: Leodicenses castrum de Argenteal fortiter impugnare cæperunt, iactis lapidibus magnis cum mangonalibus, et fuso metallo in vasculis terreis, ferroq; candenti proieceto, tandem stercoribus etiam iniectis. Nec verò ista solùm, sed & plūbeos globos emissos lego: quid nisi nouello isto pænè ritu, quo ferrei? Appianus in Mithridatico id clarè dicit: ὅτι ὁ σὺλλας ἐν καταπελτῶν αὐτὸ εἰκοσὶν ὁμῶς μοιβδαίνας βαρυτάτας ἀφέντων, ἐκτενε πολλὰς, καὶ τὴν πύργον ἀρχαλῶ κατέσεισε & δυσάρμοστον ἐποίησε: quòd Sulla ex Catapultis ad viginti simul, plumbeos graues globos emisit; multosq; interemit, et turrim Arche-  
R. 2. lai con-



lai concussit et planè viriauit. Quæ verba non sic capienda, meo iudicio (etsi fecit interpretes) quasi viginti globi ex vnâ machinâ simul emissi; id nō facilè potuit: sed quod assidue viginti Ballistæ (ipse Catapultas appellat, & notetur) simul iacerent & oppugnant. Sanè ingeminasse vel vnam crebros ictus, nō ambigimus. & Hispaniæ Chronicis notatur: *Ballistam magnitudine eximiam Oscâ allatam, ad arcis cuiusdam expugnationem. quæ noctu ingētia saxa quingenta iaceret, de die ad mille.* Discimus autem ex istis, & muros siue turres cōcuti iis solere: quod plura etiam firmant exempla.

Ouidij: *Quàm graue ballistæ mœnia pulsat onus.*

Senecæ in Thyeste:

*Admotis nihil est opus,  
Urbes sternere machinis,  
Longè saxa rotantibus.*

Eiusdem in Hippolyto:

*Nec torta clausas fregerat saxo graui  
Ballista portas.*

Statij, in v.

— quo turbine bellica quondam

*Librati saluant portarum in claustra molares.*

Diodori xx. Τοῖς δὲ πρὸς βόλοις τὰς τε μηχανὰς τῆς πολέμου, καὶ τὸ δὲ τῆς χαλματός τευχος, τῇ μὲν δέοσσε, τῇ δὲ κατέβαλεν, ἀσπίδες ὑπάρχοντες & ταπένων ἐκείνοις τοῖς καιροῖς: Petrariis et machinas hostium, et murum qui in aggere, partim cōcussit, partim deiecit, vt qui murus illis tēporibus debilis et humilis adhuc esset. Quâ extremâ additione ostēdit, in validū aliquem fortemq; murum parūm Ballistas potuisse. quod ratio etiam vult: & idē Diodorus adhibet alibi eas quidē ad pinnas & propugnacula detergenda, arietes verò ad ipsos muros deruendos. In eodē xx. τὰς ἐπὶ ἀλξείας μὲν ἀπέρριψε τοῖς πρὸς βόλοις, τὰ τείχη δὲ δέοσσε τοῖς κρητοῖς. Video autem & in pugnâ interdum iis vsos. vt Tacitus in iii. Histor. suggerit: *Magnitudine eximiâ quintadecimæ legionis ballista, ingentibus saxis hostilem aciem proruebat: lateq; cladem intulisset, nisi duo milites præclarum quoque. Vitelliani tormenta in aggerem via contulerant, vt tela vacuo atque aperto excuterentur.* Atque hæc super vi aut vsu Ballistæ dixerim. B I L L. Nobis quidem miranda. Quæ tormenta nostra pondus hoc iaciant tot librarum? nam ruminor quæ dixisti. Sed an ex fide? F V R. Si fides in vllâ memoriâ priscâ, in hac est: & confirmant

\* An termē  
so? nam de  
vno ics.



firmant Annales paullo antiquiores. quia nuper deniq; & auo-  
rum æuo desimus iis vti. Sed enim de *Forma* etiam videamus,  
quæ intricatior est, etsi vbertim satis Ammiano sic descripta, lib.  
XXIII. Scorpionis, quem appellant nunc Onagrum, huiusmodi forma est.  
Dolantur axes duo quernei vel ilicei, curvanturque mediocriter, vt pro-  
minere videantur in gibbas: hique in modum serratorie machine conne-  
ctuntur, ex utroque latere patentius perforati: quos inter, per cauernas  
funes colligantur robusti, compagem ne diffiliat continentes. Ab hac medie-  
tate restium stilus exsurgens obliquus, & in modum temonis iugalis ere-  
ctus, ita nervorum modulis implicatur, vt altius tolli possit & inclinari:  
summitatiqu; eius vnci ferrei copulantur, è quibus pendet stuppea vel fer-  
rea funda. cui ligno fulcimentum proster nitur ingens cilicium, paleis con-  
fertum minutis, validis nexibus illigatum, & locatum super congestos  
cespites, vel latericios aggeres. Nam muro saxeo huiusmodi moles imposi-  
ta, disiectat quidquid inuenerit subter, concussione violenta, nõ pondere.  
Cum igitur ad concertationem ventum fuerit, lapide rotundo funda im-  
posito, quaterni altrinsecus iuvenes, repagula, quibus incorporati sunt fu-  
nes, explicantes, retrorsus stilum penes uncinum inclinant. itaque de-  
mum sublimis adstans magister, claustrum, quod totius operis continet  
vincula, referat malleo forti percussum. Vnde absolutus istu volucris sti-  
lus, et mollitudine offensus cilicij, saxum contorquet, quidquid incurrerit  
collisurum. Et Tormentum quidem appellatur, quod ex eo omnis explica-  
tio torquetur: Scorpio autem, quoniam aculeum desuper habet erectus.  
cui etiam Onagri vocabulum indidit ætas nouella, eã re quod asini feri  
cum venatibus agitantur, ita eminus lapides calcitrando post terga emit-  
tunt, vt perforent pectora sequentium, aut diffractis ossibus capita ipsa  
displodant. Istæc Ammianus. è quibus formam aliquam & fabri-  
cam effingere, haud planè difficile, si quis erit in eã curâ. In Vi-  
truuiio pariter descriptio, sed profectò non conformis (pro meo  
captu:) nec ambigo, quin cum æuo alia & alia reperta. Sed mihi  
duo adnotanda in totâ hac paraturâ, de Nervis & Fundâ. Et Ner-  
uos quidem ad omnia hæc tormēta maximè requirebant, secun-  
dò, Capillos, si copia eorum non esset. In Vegetio gradus & boni-  
tas sic expressa, libro III. cap. ix. Nervorum quoque copiam summo  
studio expedit colligi, quia onagri vel ballistæ, ceteraq; tormenta nihil pro-  
sunt, nisi funibus nervinis intenta. Equorum tamen setæ de caudis ac-  
iubis ad ballistas vtiles asseruntur. Indubitanter verò & crines femi-



narum in eiusmodi tormentis non minorem habere virtutem, Romana scilicet necessitatis experimento cognoscitur. Nam in obsidione Capitolij, cum nervorum copia defecisset, matrona abscisos crines suos viris obtulere. Et nervos sanè primo loco approbat. vt & Vitruuius: *E neruo, capilloque tortis rudentibus.* Vt Polybius, inter apparatus bellicos, libro IIII. Τειχὸς εἰργασμένης τάλαντα τριακόσια, νερῶν εἰργασμένων ἑκατὸν τάλαντα: capilli elaborati aut facti talenta trecenta, nervorum factorum talenta centum. Quia plus pretij in nervis, quàm capillis, ideò pauciora eorum pondo. L I P S. Rectè dicis, & suggero ab Herone cap. xviii. expressum, qui nerui eligendi. *Ex animalibus, inquit, robustioribus & quamplurimum exercitatis. vt cerui quidem, ex iis qui in cruribus pedibusque, tauri, qui in humero sunt.* Hoc volui, nunc perge. F V R. Proximi igitur à Neruis Capilli, iiq; ex equis, vt Vegetius notat: sed maximè muliebribus, vt cum illo plerique. Vitruuius: *Contenduntur capillo maximè muliebri.* Ctesibius, ex quo video citari: ὁ δὲ τὸν Θ καὶ ἐν τειχῶν γίνεται γυναικείων. αὐταὶ γὰρ λεπταί τε εἶσαι καὶ μακρά, καὶ πολλῶν ἐλαφῶ ῥαφείσαι, ὅταν πλακῶσι, ὁποῖαν πολλὰν λαμβάνουσι, ὥστε μὴ ἀπὰρ δεινὴς εἶναι. ἥ δὲ νερῶν ἰσχυρὸς Θ: Funis etiam ex capillo confit muliebri. Ille enim cum tenuis sit, longus, multo oleo perfusus, cum plectunt, vires & intentionem validam accipit, vt nec dissonet multum à robore nervorum. L I P S. Ipsa totidem panè verba in Herone, qui ex Ctesibio descripserit, meminì obleruare. F V R. Historiæ etiam passim de hoc capillo. vt Appiani de Carthaginienfibus obsessis: Εἰς δὲ τὰς ὀππλόας καταπελτῆς ἀπικαίραντο τὰς γυναῖκας, τειχῶν ἰστέον ὑπορία: Ad catapultarum intentiones raserunt feminas, aliorum crinium inopiâ. Strabo de hoc ipso facto, lib. xvii. Ἔτι καὶ τοῖς καταπελταῖς αἱ δεξιπάραι παρῆχον: Capillum tormentis ancilla præbuerunt: sed ad ancillas tamen restringit. Salonenses, apud Cæsarem III. Civil. præfectis omnium mulierum crinibus, tormenta effecerunt. Aquileienses, apud Capitolinum in Maximinis, *Funes de capillis mulierum fecerunt, cum nerui ad emittendas sagittas deessent.* Et de Romanis, suprâ Vegetius. quod ipsum Capitolinus rettulit, & Veneri calua, ob hanc memoriam, templum vult structum. Sed alterum, quod dicturiebam, de Fundâ est. quæ in Ballistâ siue Scorpione ponitur ab Ammiano, stupea aut ferrea fuisse. Cui finis receptaculum scilicet lapidis, & in quâ firmaretur. Ammianus xix. Per scorpionum ferreas fundas, rotundi lapides subinde iacti.

Iterum



Iterum xxi. Post machinam scorpionis architectus fortè adstans, reuerberato lapide quem artifex titubanter aptauerat fundæ, obliſope-  
tore ſauciatus profudit animam. Cui ſimillimus euentus in Suidâ  
narratur, ab incerto ſcriptore: Ολοότερον λίδον ὁ ἀπὸ μηχανῆς εἰς  
τὸν ἀνέστη τὸ τεχνήματ' ἐξέσχε, καὶ τὰς ὀφθαλμοὺς ἔκλωσεν ἄμφω: Rotun-  
dus lapis à machinâ in eius architectum exſiuit, eique ambos oculos ex-  
cuſſit. Funda itaque ibi: & ideò ipſas Balliſtas ſiue Monangones  
ſcripſit Heron à nonnullis Fundas vocari. Sed & Græci commodè  
hîc vtuntur verbo σφενδόνην, vt Zonaras in Constantino: λίδον  
ἂν ἐκ μηχανῆς ταλανταίων σφενδονέων: Cùm lapides centenarij fundis ia-  
cerentur machinarum. Quin & ipſum instrumentum totum, Σφεν-  
δόνην dicta. vt in Gloſſis: Balliſtra, σφενδόνη, μάγανον πολεμικόν. In Ma-  
chabæorum i. cap. vi. inter machinas varias, σφενδόνας nomi-  
nantur: quas rectiſſimè Hieronymus Fundibala vertit. Ita enim  
illo xuo dixerunt. Iſidorus: Balliſta magnâ vi iacit aut haſtas, aut  
ſaxa. inde & Fundibalus, quaſi fundens & emittens. Hegeſippus  
v. cap. xlii. Fundibalo iſtus, in eadem voce amiſit ſpiritum.  
Hanc machinam intellegit: quia Iosephus in ipſâ illâ re, λίδον  
ἐκ τοῦ πετερόβου dixit, lapidem è petrariâ. Repetiuit hoc ipſum in  
Anacephalæoſi ſuâ Hegeſippus: Fundibulari iſtu amiſit ſpiritum.  
Roſuintha virgo Saxonica, & Chronica Hiſpanica: Pelagium,  
caſtiſſimum iuuenem, Abderamini tyranni iuſſu, fundâ machinali trans  
Betim fluuium emiſſum, & ſcopuloſis rupibus illuſum tradunt: quia  
ſcilicet impuro tentamini illius fuffragium non præbuiſſet. In  
Gloſſis etiam, Balliſtrarij explicantur, σφενδοῦνται: ſed, credo, mi-  
nores illos funditores intellegi, ab exemplo. Ammianus xv. i.  
Caſar, nequa interueniret mora, adhibitis cataphraētis ſolis & balli-  
ſtariis, ad Tricaſſinos tendebat. Funditores, inquam, puto eſſe, aut  
Fuſtibalatores. In Guntheri Ligurino. lib. ix. hæc ipſa machina  
Balearica dicitur, à cauſſâ iam dictâ, & quia Balearium Fundæ.


—— lapides agitata minores

Funda rotat, magnos Balearica machina muris


Incutit, & duro munimina verberat iſtu.

SEQUEN-






A. Figura, quam in Vitruvio Iocundus expressit.




B. E. Chronicis Basilaensibus sumpta, et alibi reperta.






C. Similis priori ferè, ex Valturio.




D. Bruxellæ exstat, exigua, nec nisi forma et exemplar ad fabricandum, providè à maioribus adseruatum. Iacet, et funes diffracti sunt: sed et alibi non dubito exstare.






SEQUENTES Figuras, Lector, Gabrius  
Busschius delineavit effinxitq; ex Veteri libro,  
qui Vrbinatum Ducis, nunc Allobrogum  
est. Curavit, & benignè submisit, incomparabilis heros  
IOANNES VELASCIUS, Comes Stab. PP. Ca-  
stella, Gubernator ditionis Mediolanensis, idémque  
per Italiam regia militia supremus praefectus. Illi gra-  
tia, tibi fructus esto.





















## DIALOG. IV.

*Scorpiones, quid, & quo telo?*

**P**EREGI, & te editorem, Lipsi, adspicio: ecquid mittis?  
**L**IPS. Ego editor? bellè. qui ipse depugnaui, & exercitus  
 sum plus satis. Sed tamen si sim, nec mittam quidem, numeris  
 nondum impletis. **F**VR. Omnibus, & largiter, aut fallor. **L**IPS.  
*Scorpiones* ubi sunt, vicini & adsimiles istis, adeò vt Ammianus  
 misceat, & *Ballistam* (à te dictum) sic appellet? **F**VR. Si miscet, be-  
 nè est: per me sic sunt, non disiungo. **L**IPS. Atqui debent Furi,  
 debent: hoc age. A Catapultis primùm Hirtius abiungit, in bel-  
 lo Africo: *Cæsar in castris Scorpionum, Catapultarum, magnā vim ha-*  
*bebat. Ille idem à Ballistis: Ballistis, Scorpionibusq; crebris, ante fron-*  
*tem castrorum collocatis.* Seneca *Quest. Natur. II. cap. XVI. Nam Bal-*  
*lista quoque, & Scorpiones, tela cum sono expellunt.* Denique Liuius  
 ab virisque xxvi. *Catapultas & Ballistas* Carthagine Nouā inuen-  
 tas numerat, & tum addit: *Scorpionum maiorum minorūq; et armo-*  
*rum telorumq; ingēs numerus.* Idem paullò pòst: *Scorpiones maiores*  
*minoresq; ad LX. captos scripserim, si auctorem Græcum sequar Sile-*  
*num: si Valerium Antiatem, maiorū scorpionum sex millia, minorum tre-*  
*decim millia.* Sed prior numerus LX. falsus videtur, & nimis ab illo  
 abire Antiatis. Et si enim hîc & alibi auctorem istumolationis &  
 vanitatis arguit: quis tamen credat sic insanè mentitum? & è se-  
 xaginta tantum, tot illa millia fecisse? Fuerit, v. ∞. id est, *quinque*  
*millia:* aut etiam ix. ∞. numeris non insolenter corruptis. Sed  
 tu, Furi, palàm discrimen vides, ediffere. **F**VR. Te loqui decebat,  
 ac vides istos magis erectos: quid me? pendeo à tuo ore. **L**IPS.  
 Dic, dic: apud nouercam verba fundis. **F**VR. Paucis, quia pauca  
 hîc scio. Describit Tertullianus initio libri, quem de hoc nomi-  
 ne inscripsit: *Bellicam machinam, et retractu tela vegetantem, de Scor-*  
*pio nominant. Id spiculum et fistula est, patulā tenuitate in vulnus et vi-*  
*rus quā figit, effundit.* Significat clarè, & mucronem, & ad eū ca-  
 naliculum fuisse, qui infunderet venenum. Alij non dicunt. sed  
 Vegetius ita de eo: *Scorpiones dicebant, quas nūc Manuballistas. ideò*  
*sic vocati, quòd paruis subtilibusq; spiculis mortem inferant.* Parua ta-  
 men adeò fuisse spicula, præsertim in Maioribus, haud dicam:  
 cùm in Cæsare legam, *Quidam ante opidi portam Gallus, scorpione*  
 ab la-



\*Fortè  
operis.

\*Fortè  
opera.

ab latere dextro traiectus exanimatusque concidit. In Hirtio: Scorpione accuratiùs misso, Decurio percutitur, & ad portam Decumanam defigitur. Cùm traieci iis homines, cùm Defigi dicant - certè nō nimis ij pusilli. Ex Vitruvio tamen certum haud sic immanes fuisse: & cùm Machinam ab Organo distinguit (lib. x. cap. i.) Machinas pluribus\* operibus ait effectus habere, vt Ballistas aut torcularium praela: Organa autē vnus\* opere, prudenti tactu perficere quod propositum est, vt i Scorpionis & anisocyclorum versationes. Ergo vir vnus dirigebat, & utebatur. Polybius in obsidione Syracusarum à Marcello, facit Archimede[m] cauos palmares in muris disposuisse, iisq; sagittarios & scorpiunculos (τὰ σκορπίδια) apposuisse. Liuius in eadem re, & ex eo fumens, cauos cubitales fecit: ò negligentiam aut παράεμα! cùm ille παλαιστὰς, clarè scripsisset. Plutarchus in Marcello, de iis iipsis dixit, σκοπίες βραχυτόνους: breui tensione scorprios. Vt illi ergo parui, sic proportionē & foramina illa accaui. In Sisennæ fragmēto apud Noniū est: Longiùs scorprios catapultas concitat. Legendum: Longiùs scorprio catapulta se concitat. Et plura dicere prohibeor, non ignauia, sed imperitiā, iterum missionem peto, aut ipse mihi dono.

## DIALOG. V.

*Muri veterum cuiusmodi? seorsim & Gallorum.*

**L**IPS. Videtis hunc Arenarium, planè ad legem? ipse Rudem sibi donat. O si meum hīc merum imperium! aut si plura etiam dicenda! sed video finem, & de Tormentis ad assē credo expunctum. BIL. Haud negito. tamen aliquid etiam reliqui video, si plenè & firmirer vis Tormentorū est noscenda. FVR. Et tu quoque telum mihi iniicies? BIL. Imò munimentum in omnia tela: Muros opidorum suggero, & velim describi. Hos enim quatiebant aut diruebant Arietes illi & Ballistæ: hos sub Musculis aut Vineis deruebāt: & nescimus quo robore ij aut viribus? Caligat omnis Machinalis & Oppugnatoria ista res: nisi hæc illustratur. LIPS. Tecum censeo sciscoque: sed hoc ampliùs, Furium istum meritò dicere, qui dictorum omnium causa. Caput sermoni struxit, adstruat & hunc pedem. FVR. Quod Oranus nec Græcè ausus, ego Latine & Romanè dico, Lipsi es malus. Sed nihili tamen tua argutia: nec enim adhuc finis, Tela restant. LIPS. Fortasse te & illa velle addere? Si sapis, hoc depropera,



pera, ne & alterum onus accedat. F v r. Fiat. nam isti, vt video, peramici sunt, quod tu vis volunt. Muri igitur veterum (de Vallo à Lipsio dictum) validi & operosi fuerunt: & vt distinctè ac propriè dicam, *Firmi, Magni, Alti*. De Firmitate primùm, Vegetius lib. iiii. *Murus vt numquam possit elidi, hac ratione perficitur. Intervallo pedum vicenùm interposito, duo intrinsecus parietes aedificantur: deinde terra, quæ de fossis fuerit egesta, inter illos mittitur, vestibulq; densatur. ita vt à muro primus paries parùm inferior, secundus longè minor ducatur. vt de plano ciuitatis, ad similitudinem graduum, quasi cliuo, molliusq; ad propugnacula possit ascendi. Quia nec murus ullis potest Arietibus concuti, quem terra confirmat; & quouis casu destructis lapidibus, ea quæ inter parietes densata fuerit, ad murivicem ingruentibus moles obsistit.* Vegetij munitio satis firma, negari nō potest, etiam in hodierna ista fulmina: sed magis paullò illa Vitruuij, libro i. cap. v. *Interiore parte substructionis fundamentum, distans ab exteriori introrsus amplo spatio, constituendum est: ita vt cohortes possint, quemadmodum in acie, instructæ ad defendendum supra latitudinem aggeris consistere. Cùm autem fundamenta ita distantia inter se fuerint constituta, tunc inter se alia transversa, coniuncta exteriori & interiori fundamento, pectinatim disposita, quemadmodum serræ dentes solent esse, collocentur.* Hæc, dico, structura firmior, & validè vi tormentorum repellendæ, pro meo quidem sensu. Iam quòd *Magni & Alti*, ab exemplis aliquot videamus. Appianus scribit, in Mithridatico: *Pyrei muros Athenis (Periclis opus) altitudine fuisse quadraginta circiter cubitorum, siue pedum sexaginta, saxo quadrato exstructos.* Thucydides in i. de iisdem: *Latitudine fuisse tantâ, vt duo currus iuncti inter se, vel obuij, per murum transirent. introrsus autem, neque cæmentum neque lutum interpositum, sed iunctos & coagmentatos grandes lapides, qui secti quadratiq; essent, eorumq; exteriora ferro & plumbo reuincta.* In quibus vltimis notare est, grandes lapides, pro more illo, in opera hæc iniunctos; & contra Arietes, ne extrahi possent, ferro aut ære nexos. Dio Cassius in Seuerò, *Byzantijs veteris muros fuisse firmissimos, quorum frons exterior grandibus lapidibus constructa, qui crassi quattuor pedes erant, lato ferro aut ære inter se vincti.* Nota crassitiem lapidum, quos quadratos fuisse certum est, & vndiq; pares. Herodianus lib. iiii. de eodem isto opido: *Murus Milesio quadrato lapide exstructus, adeò tenui & inconspicuâ iuncturâ, vt nemini*



compositum opus, sed ex vno perpetuoq; lapide videretur. Et addit, nunc quoque reliquias cum miraculo conspici, vel artis eorum ingenijque, qui primi struxerint, vel roboris eorum, qui deiecerint. Nota hîc & alibi coagmenta subtilia, ad excludendum scilicet Arietis acumen. Sed de ferro, est & in Iosepho, atque Hegesippo (lib. v. cap. xi.) pleraq; murorum Hierosolymis, ferro aut ære operta fuisse: pro mente scilicet iam dictâ. Atqui *Altos* etiam cur sic volebât? nam nos hodie despiciamus. Causa ipsis proba, & contra turres, machinasque ligneas ad adscēsum. Nam muri quamdiu super eas, tuti erant ab hac peruatione. *Firmi* igitur, contra Arietes, *alti*, contra Turres. Tangit scriptor Panegyrici, ad Maximianum: *Quenam vnquam mirabimur valla castrorum, post hoc nouū in mari vallum? quid erit mirum, si qua murorum aut Arieti non cesserit FIRMITAS, aut machinas despexerit ALTITUDO?* Quam altitudinem & Seneca inter laudes murales habet, in Epistolis: *Multi inueniuntur, qui ignem inferant vrbibus, qui inexpugnabilia seculis et per aliquot ætates tuta prosternt, qui æquum arcibus Aggerem attollant, & muros in miram altitudinem adductos, Arietibus ac machinis quassent.* Imò & maiores nostri Galli sic struxerunt, aut certè in Galliâ ipsâ Romani. Omitto alia. sed Aimoinus refert, *murum Diuionensis castri edificatum lapidibus quadratis, de super minores superpositos habentem, in altitudinem pedum triginta, in latitudinem pedum quindecim.* idq; ab Aureliano Imp. nec tamē opidi appellatione dignatum. Vbi autem hodie tales muri? quia nos, vt dixi, contemnimus: & meritò fortasse ob nouitium hoc fulmen, quod edita magis quassat. Sed nō illud etiam despiciamus (quod inter artes munitionum habemus) flexus & sinus in muris facere, vt pateat ad ictus accedens hostis. Id enim à veteribus. & Vegetius prodit: *Ambitum muri directum veteres duci noluerunt, ne ad ictus Arietum esset dispositus, sed sinuosis anfractibus clausere vrbes.* propterea, quia si quis ad murum tali ordinatione constructum vel scalas, vel machinas, voluerit ad mouere, non solum à fronte, sed etiam à lateribus & propè à tergo, veluti in sinum circumclusus, opprimitur. Obseruesque, non solum Turres prominuisse ad hunc finem & propugnacula, sed ipsos muros sic sinuosè factos. Tacitus de Hierosolymis: *Duos colles immensum editos, clauserant muri per artem obliqui, aut introrsus sinuati, vt latera oppugnantium ad ictus paterent.* Eâ mente & Ammianus, x x. *Virtha, munimentum in extrema*



extremo Mesopotamiae situm, sed muris velut sinuosis circumdatum & cornutis, instructioneque, varia inaccessum. Nec verò hæc tantum, sed & ~~ædificatio~~ <sup>ædificatio</sup> quædam habuere, siue Antemuralia. ut in Isidoro: Promurale, eò quòd sit pro munitione muri: est enim murus proximus ante murum. Ammianus XXI. Erumpentibus recursus ad mœnia tutior, vallumque; antemuranum cespitibus fultum, insidiantes ab omni discrimine defendebat. Quod credo fuisse quasi Loriculam, ante præcipuum murum ductam. Sed enim uerò, non solum lorica ista, sed veri magnique, muri plures ducti, ut vno diruto aut capto, alter & alter superessent. Labet exempla duo dare splendoris atque operis prisci: ad quæ nescio an alia ætas adspirauit, aut & dicam, adspirabit. Prius ex Appiano, de Carthagine, quæ à Romanis capta & diruta. Murum ait fuisse triplicem. quorum quisque altus triginta cubitos esset, absque loricis & turribus. Quæ turres ducetorum pedum spatium inter se distabant, & quattuor contignationes singula habebant. Ipsi muri fornicati, & capaces: & duplici quasi contignatione facti in quorum parte imò elephanti trecenti stabulari poterant, & adiunctæ iis cellæ ac repositoria ad cibos: super eos, quater mille equi, item cum receptaculis pabuli hordei que. Viris ipsis ibidem diuersoria & habitacula, peditibus viginti mille, equitibus quattuor mille. Atque hic bellicus apparatus & instructus, in solis mœnibus erat. Hæc ille. nec negari potest, hoc de equitibus & peditibus, ipsisque equis, magnificum & commodum pariter fuisse. Alterum ex Iosepho, de Hierosolymis, superbâ & validâ urbium, quas historiæ celebrarint. Nam vana aut ignota, haud moramur. De eâ Tacitus breuiter: Urbem arduam situ opera moleque; firmauerant, quæ vel plana satis munirentur. Nam duos colles immensum editos, claudabant muri per artem obliqui, & turres, ubi mons iuuisset, in sexaginta pedes; inter deuexa, in centenos vicosque; attollebantur, mirâ specie et procul intuentibus pares. Quorum sententia est, Turres ubi mons esset, in sexaginta pedes elatas; ubi vallis, in centenos aut & vicos: sic ut altitudo inter se omnium responderet, & æqua videretur. Sed munimenta hæc diffusè & pulchrè Iosephus exsequitur lib. VI. è quo libabo, & decerpam. Murus triplex erat: exterior, altus viginti cubitos, lorica eius ternos, pinna binos. In totum viginti quinque. Lapides in eo plerique viginti cubitos longi, et decem lati. In muris Turres erant, quæ super ipsos eminebant cubitis viginti: atque eadem erat latitudo. Hæc omnia

\* Pande fidem  
superas.

quæ manus  
aut machina

na construxit: Intrâ  
solidâ



solida, & iisdem lapidibus, quibus muri, structa. At super hanc turrium altitudinem, cubicula & cenacula erant, & cisterna, & lati ad hæc omnia gradus. Eiusmodi turres erant in eo muro nonaginta: intervalla au-

\* Adde Tur-  
res, & Por-  
tas: fiet am-  
bitus circi-  
ter sex mil-  
liarium.

tem, \* cubiti ducenti inter singulas. Sed admirabiles in primis erant turres quattuor, quas Herodes edificauerat. Psephina una dicta, quæ septuaginta cubitis eminebat: & ex quâ, sole orto, Arabia prospici poterat, & ipsum mare. Octangula structa erat. Huic ex aduerso Hippicos, dicta de nomine cuiusdam amici regis; & iuxta Phaselos, et Mariamne, illa in fratris, hæc in coniugis memoriam & nomen dedicata. Hæc magnitudine,

\* Notetur.

pulchritudine, firmitate, omnibus quæ toto orbe sunt, præstabant. Hippicos quidem quadrangula erat, & quisque angulus vigintiquinque cubitorum, altitudo triginta: sed hæc omnia ex solido, & nihil inane. Supra soliditatem, & saxis illam adunatam compagem, imbris excipiendis puteus erat altus cubitos viginti. Super istum, duplici tecto domus, vigintiquinque cubitos alta, et in varia membra diuisa. Iterum super eam, propugnacula & pinna, ad quinque cubitos. Atque ita tota altitudo, cubiti octoginta. Tertia, Phaselos: lata ac longa fuit æqualiter, cubitos quadraginta. Totidem cubitorum, densa et solida eius altitudo. Super eam porticus ambibat, alta decem cubitos, loricis & propugnaculis instructa. inque eâ media, turris alia assurgebat, in membra magnifica et balneum diuisa: ut nihil à Regiâ penè differret. Suprema eius loricis et pinnis, sicut ipsa porticus, ornata. Tota altitudo, cubiti nonaginta. & referebat specie turrim, quæ Pharos dicitur, & apparet Alexandriam nauigantibus. Quarta, Mariamne, viginti cubitis solida fuit, totidem lata et longa. Supernam autem adificationem longè magnificentiorem & distinctiorem aliis habebat;

\* Herode.

decorum censente rege, ut ea quæ ab uxore et feminâ diceretur, ornatior comptiorque virilibus illis esset. Huius altitudo omnis, quinquaginta quinque cubiti. Sed altiores etiam multo videbantur omnes hæc turres, ob loci situm. Nam murus ipse in quo erant, in colle fuerat conditus: atque is collis eminebat ad cubitos triginta. Mirabilis et lapidum moles. Non enim ex latere vulgari, aut saxis quæ homines ferrent, structæ erant, sed è candido marmore: quodque saxum viginti cubitis longum, decem latum, quinque altum. Ita autem iuncta erant, ut vnum saxum omnia videretur, sed manu artificum in angulos & figuras diuisa. Hæc ita Iosephus, & plura de reliquo opere: quæ talia sunt, ut mirer hæc publicitus non proponi & pingi, in omnium (quibus cor & sensus) admirationem aut voluptatem. At nos vana quædam malumus, & prauâ vilique libidine



libidine, animum pascere iuuat falsis. At enim dicent, Hodie hæc non vsui: dissiliant isti lapides, istæ moles, vno ictu. Esto. sed dabo ab antiquo etiam rude, sed robustum opus, pro suffragio istorum. Muri Gallorum veterum videantur, qui in Cæsare sic descripti, Comment: v. i. Gallic.



*Muri autem omnes Gallici hac sunt ferè formâ: Trabes directæ, perpetuæ in longitudinem, paribus interuallis, distantes inter se binos pedes in solo collocantur. Ea reuinciuntur extrorsus, et multo aggere vestiuntur. Ea autem quæ diximus interualla, grandibus in fronte saxis effarciuntur. Iis collocatis & coagmentatis, alius in super ordo adiicitur, vt idem illud interuallum seruetur, neq; inter se contingant trabes, sed paribus intermissæ spatiis, singulæ singulis saxis interiectis arte contineantur. Sic deinceps omne opus contextitur, dum iusta muri altitudo expleatur. Hoc cum in speciẽ deforme non est, alternis trabibus aut saxis, quæ rectis lineis suos ordines seruant: tum ad vtilitatem & defensionem vrbium suam habet opportunitatem. quòd & ab incendio lapis, & ab Ariete materia defendit: quæ perpetuis trabibus, pedes quadragenos plerumque, introrsus reuincta, neque perrumpi neque distrahi potest.*

Hæc Cæsar, quem per partes listro. Ait: *Trabes directæ, perpetuæ, in longitudinem.* ] Hoc dicit, trabes directas in solo positas, in longum non in altum: id est, planas iacètesque, & quidem perpetuas solidasque, nõ è partibus factas, tot pedum. Quòd autem sic accipere oporteat, non de ordine trabium recto & alto: verba sequentia mox euincunt, qui opus aggeratum ait, & creuisse, dum iusta muri altitudo expleretur. Atqui si trabes rectæ positæ, iam à principio altitudo iusta fuisset. Hoc firmiter tenendum est, aut à Cæsare abeundum. Ait: *Distantes inter se binos pedes, in solo collocantur.* ] Hoc interuallum inter singulas trabes, porrectas sic in solo: iterumque tale in aliis & superiectis. Quod ait, *collocari in solo*, est deponi, non defigi: & sic in descriptione Musculi. *Ea reuinciuntur extrorsus.* ] Libris melioribus adheremus & scribimus, *introrsus*. Reuinctio illa sub caudam facta: id est trāsuerfis trabibus series quæque ligata, contra motum, & ne ab Ariete percussæ emouerentur. In quibusdam etiã libris est: *Ære reuinciuntur*: sed falsum putamus, nec hîc admittimus. *Multo aggere vestiuntur.* ] Iniecto inter trabes medias, & stipato. *Intervalla gradibus in fronte saxis effarciuntur.* ] Intervalla nempe binorū pedum inter trabes singulas. Tan-










A. Muri Vegetiani.

B. Vitruvij.





C. Muri Carthagenenses, ex Appiano. D. Gallicani, ex Cæsare.



## DIALOG. VI.

*Qui, & ubi machinas fecerint, tulerintque.*

**L**IPS. Biléhee, & tu noster hodie rex Carondelete, sermonibus istis sit modus: pausa interponenda est, & vt sic dicam, strigandum. **BILL.** Non equidem teneo, & Sol ad meridiem abit: sed vnum breue quæsitum lubido erat iniecisse. Ausim Lipsi? **LIPS.** Lege dictâ, breue, & vnum. **BILL.** Non mutabo. De *Machinis & tormentis* pleraque omnia dicta: nondum à quo quibûsve, & ubi ea sunt facta. An in loco sic subito struebant an domo potius secum, & ex præparato adferebant? **LIPS.** Duo quæris, præter legem datam: sed tu mihi esto vel super legem: dicam. Ad prius, aio, Milites ipsos pleraque fabricasse: sic tamen, vt certi iis mixti, qui fabrilem omnem artem scirent. In **Liui**o, huic rei, lego: lib. i. *Seruium Tullium regem, qui censum instituit, eundem instituisse duas fabriûm centurias, quæ sine armis stipendia facerent. datumque munus, vt machinas in bello ferrent. Quæ* leuiter tamen suspecta lectio. quid enim ferrent? ipse sine suis humeris? haud potuit: dixisset, *veherent, curarent*, aut ad simile verbum, ferrem. Sed profectò legendum ibi potius *facerent*: & hoc eorum munus, vt fabricarentur machinas, cum ijs opus. Aduoco **Dionysium**, qui in ipsâ hac re *centurias duas* ὀπλοποιῶν καὶ τεκτόνων facit: id est qui armorum fabri, itemque architecti essent. Hi tales, & postea in exercitu: atque ij scilicet præformabant dirigebantque opera, etsi milites quoque vulgò adiutarent. **Cæsar** v. *Gallicorum, cum naues subito reficiendæ essent: ex legionibus fabros deligit, & ex continenti alios arcescit.* Erant igitur per legiones sparsi, atque aliter etiam militabant. His caput vnum, & operibus curator exactorque, qui *Præfetus fabriûm* in historiis crebrò nominatur. Eum **Plutarchus** alibi ἐπὶ τὸν τοῦ τεχνίτου appellat. Hi igitur, cum validâ illâ manu militari, subito opera pleraque destinabant, & in loco faciebant. Vbi interdum & prouincialium auxilio, eorumque, ad materiem subuehendam, iumentis. **Cæsar** ii. *Ciui. C. Trebonius magnam iumentorum atque hominum multitudinem ex omni prouinciâ vocat, vimina materiamque comportari iubet.* Sed ferè, vt dixi, ad subuehendum: vix fuit vt inter opera mili-



\* Numerū  
aduerte: er-  
go multæ  
fuerunt.

tibus miscerentur. quod autem ad *Iumenta*, in Plutarchi Sullâ etiam scriptum, cum Athenas obsideret, & mirifica opera moliretur ad Pyræum: *decem millia iugorum mularium habuisse*, quæ supportaret ad hunc usum. Sed & in agmine ac viâ horum opera, cum machinas aliquas secum ferrent. Idem Plutarchus in Antonio notat, euntem ad bellum Parthicum, *secutas in\* trecentis plaustris machinas, idoneas ad urbium oppugnationes*. Eodem illo tempore & *Arietem deuexit LXXX. pedes longum*, quod illa regio (ad- dit idem scriptor) *sterilis talium esset, & materiem pusillam ferret*. Quâ ipsâ causâ Cæsar iam in Africâ, *litteras in Siciliam nuncios- que misit, ut crates materiesque congeri posset ad Arietes, cuius inopia in Africâ esset*. Ita Hirtius, in illo bello. qui ostendit & ante tor- menta, & talia quædam, consultò aduecta: *Tormenta machinas- que & aduexerat secum, & ex Sicilia cum commeatu missæ erant; & nouæ in armamentario, multis talium operum artificibus inclusis, fie- bant*. Bello etiam Alexandrino, Cæsar tormenta vndique conquiri, & frumentum mitti iubet. Et ex eo mādato, paullò post, *Legio xxx- vii. ex dediticiis Pompeianis militibus, cum frumento, armis, telis, tor- mentis imposita in naues appulit*. Quin & Iosephus disertè scribit, Vespasianum in Iudæam venientem, *habuisse in agmine suo machi- nas & tormenta, ciuitatibus expugnandis*. Conquiri igitur hæc ta- lia & præparari interdum iamantè solent, aliàs non solent, & in loco, pro copiâ, parari. At ego, ô boni, non diutiùs sedeo; & surgere decretum, etiam si omnes teneatis. O R A N. Decretum? L I P S. Et quidem scis quàm amem virilem eam sectam. O R A N. Atqui de *Telis* totum restat. L I P S. Restet, postea videro: tu valetudinem hanc nosti? O R A N. Non tam commodam hercules, ac vellem. L I P S. Incommodissimam autem, cum fa- tigratio aut fames accessit: nunc vtrumque. L A M P S. Latum ti- bi hoc scutum valetudinis: sæpe & variè vteris. L I P S. Nisi fa- cerem, non viuerem: ita multi, ut lacum, me & exhauriunt, &

\* Esurienti  
haud ob-  
uius esto.  
\* Hic ani-  
mus in mē-  
sam magis  
nunc immi-  
net.

\* πεινῶντί γε μὴδέ ποτ' αὐτῆς. L A M P S. Silco, & ne mentiar,

\* Οὐδὲς μὲν ἐστὶ τῆς τρεπτοῦς πᾶσι.



I. L I P S I  
 P O L I O R C E T I C Ō N  
 S I V E  
 D E M A C H I N I S ,  
 T O R M E N T I S , T E L I S ,  
 L I B R I I I I I .  
 D I A L O G I S M V S I .

*Conuiuium, & in eo Apri, olim solidi: pluscula in hanc rem dicta.*



D H V C loquebamur, & ecce pueri qui nunciant mensam & cibos nos exspectare. Surreximus, in cænaculum iuimus, ducente Carondeleto, qui inquit: Amici, ego hîc parari iussi ad illud Comicum,

*Non ampliter, sed munditer conuiuium.*

Rure sumus, & suaues etiam diuitibus interdum *Timoneæ* illæ cænæ. B I L L. Non *Timoneæ*, ne dixeris: sermones & lepôres concident: atque ego hanc malo, quàm omnem illam nostram aulicam & purpuream vitam. Lauimus, sedimus: Billehei puer adstitit, & ferinam obtulit inclusam, more nostræ gentis, in panem. Suspeximus, & Carondeletus: Tuus etiam splendor & munificētia, Billehee, hîc nos deprehendit? fruemur, opportunum est donum. B I L L. Exiguum, nec pro splendore illo prisco. C A R. Quo prisco? B I L L. Romano, dico. qui non particulas has apri, sed ipsos totos, sollenniter apponebant. Nōne ita lêgi Lipsi? vos qui in libris estis, meliùs hæc scitis. L I P S. Tu quoque, etsi dissimulas, cui nullum tantum negotium est (ô laudabilem morem!) quod planè abstrahat à lectione. Reficis eâ exhaustum actionibus animum, & pabulum hoc scientiæ & prudentiæ ei præbes. Sed de Apro, quod dicis, ita est: totos solidosque apponebant in vnâ cænâ. Suetonius in parcimoniâ & sordibus Tiberij Imp. habet, quòd *dimidiatum aprum* apponeret, affirmans eadem habere *quæ totum*. Sed *totum* ex more oportuit: & ita Iuuenalis,



— *quanta est gula, quæ sibi totos*

*Ponit apros, animal propter conuiuia natum?*

Plinius apertius, qui & originem rei ponit: *Solidum aprum primus Romanorum in epulis apposuit P. Seruilus Rullus, qui Ciceronis consulatione agrariam legem promulgauit. Tam propinqua origo nunc cottidianæ rei est.* Et addit, rem cottidianam suo æuo iam fuisse, & in communibus etiam epulis vsurpatam. Sed hoc magis mirum, quod sequitur: *Et hoc Annales notarunt, horum scilicet ad emendationem morum, quibus notatâ quidem cænâ, sed in principio bini pariter ternique mandantur apri.* Plures ostendit simul appositos, binos ternosque; & quanquam notata ea cæna & reprehensa sit, tamen factum. Is elici sensus è vulgatâ istâ potest: sed videte ne verior lectio, quibus ne totâ quidem cænâ. Auxerit factum & indignationem, quod tot apri nec in totam quidem cænam, sed in partem eius, nec nisi principio apponerentur. Ita rem fuisse, vel ex Senecâ discamus. qui in epistolâ LXXIX. *luxum sui sæculi castigans, & disparitatem vitæ suæ ingerens: Non iacebit in conspectu aper, ut vilis caro, à mensâ relegatus.* Ostendit, ostensum modò fuisse, & quasi in pompâ illâ mensali traductum, statim sepositum & fastiditum. BILL. Capiat me emendatio, & Plinij cetera verba inclinant: sed res nōne arcet? Estne credibile, tot apros simul, eosque solidos? & vnde autem in tot cænas parandos? LIPS. Tecum ego hæc miror: sed cum boni fidi que auctores asserunt, quid diffidam? In Athenæo lego, conuiuio Carani cuiusdam celebri, *illatos apros Erymanthæos, eosque argenteis venabulis transfixos, & in quadratis quibusdam lancibus singulos singulis conuivis appositos.* Primùm Erymanthæos facit, ne exiguos quosdam aut porculos suspicere. tum, *venabulis transfixos*, quasi non domesticos, sed in siluâ & venatu captos. Postremò, quod ad rem, *singulos singulis.* Nōne hoc paulò amplius, quàm in Plinio *binos dūtaxat aut ternos?* Certè enim grandis ibi numerus conuiuiarum. Iam, ne de Plinij æuo miremur, cum luxuria in pleno suo regno: veteri magis, & sub ciuilia bella, M. Antonius Triumuir, septem aut octo apros in cænam vnā parat. Plutarchus huius rei testem dat & citat, auum suum Lampriam: quem ait ex Philotâ medico sic audisse, qui *autòτῃς. Veni, aiebat Philotas, Alexandriam, cum An-*



tonius illic cum Cleopatrá suá deliciaretur. Audiebam de mensâ, de epulis : cupido me subijt corâ arbitrandi & videndi. Cùm ergo innotuissem unicuiquam ex Antonianis coquis, is me in culinam & in ipsam illam officinam ciborum induxit. Vidi cùm alia multa, tum APROS FEROS ASSARIOCTO. Miratus fui, & ad coquum, Ergone hodie tam frequentes conuiuia apud Antonium? Ille risit, & ô bone, inquit, conuiuia non nisi\* duodecim erunt : sed quia incertum, quâ ipsâ horâ cenaturus Antonius (celerius enim aliâs, aut tardius:) id refert, ut apricalidi & in vigore adferantur, atque ideò plures sic assantur. <sup>Qui solennis ferè numerus in pleno trichnio.</sup> Ecce ingenium gulæ, & iactantiam! & tamen ex illis octo, duos trêsvē in cœnam illatos, faciliè persuademur. Atquin vnde habuerint, quæris. B I L L. Meritissimò quæro. nec vllæ siluæ Europæ totius fuerint ad cottidianos hos apros. L I P S. Si feros semper & verè siluestres, tecum sentio : sed aliud etiam ingenium gulæ vide. Commenti sunt huic rei apros quosdam rure & in villis habere, quos faturâ propagabant, & saginabant deinde ad culinam. De talibus Iuuenalis:

*Atilis, & flauī dignus ferro Melæagri,*

*Fumat aper.*

Nota Atilem : atque ibi Scholiastes vetus, *Pasta, vel aprugna*. Benè, à pascendo enim, hoc genus *Pastos* vocabant, & carnem ipsam *Pastam* : voce quæ\* hodie in ferinâ hac, pane clausâ obtinet, nec peccem fortasse si hinc petam. Martialis:

*E caueâ fugiat ne malè PASTVS aper.*

De hisdem Seneca epistolâ C X I. *Animalia diu PASTA & coacta pinguescere, & quæ vix saginam continent suam*. Ostendit præpingues fuisse (vt solet id animal, in somni & cibi copiâ) & magni rarique ponderis: imò & *Milliarios*, vt appellabant. Idem Seneca, eâdem epistolâ: *Non magnam rem facis, quòd viuere sine regio apparatu potes, quòd non desideras milliarios apros*. Varro de re rust. lib. I I I. *Num pluri nunc tu è villâ natos illic verres lanio vendis, quàm hîc apros milliarios Senis?* Nihil muto, etsi alij *macellarios* volunt: & tamen auxesim aliquam productionemque agnosco, nec iustè fuisse mille librarum. Simile, quod in Plinio *Milliaria olea* in Africâ appellantur, à pondere (vt ait) olei, quod ferunt annuo prouentu. Hos in Palæstrâ cibum cepisse, Varro idem addocet: *Vidistis ad buccinam inflatam, certo tempore, apros & ca-*

\* Belgis & hisque Galis *Pastén* dicitur.



preas conuenire ad pabulum: cū ē loco superiore in PALAESTRAM  
apris offunderetur glans, capreis vicia. Inde aper palæstrita Martiali:  
—— & concubinis

*Partitur apri glandulas palæstritæ.*

Atque hi non in siluâ, sed in culinâ cæsi. eoq̃ue facit Seneca,  
de Breuitate vitæ: *Conuiuia mehercules istorum non inter vacantia  
tempora posuerim, cū videam quā sollicitè argentum ordinent, quā  
suspensi sint, quomodo aper à coquo cæsus exeat. quomodo exeat, ē  
culinâ scilicet, & satīne assus & calidus, & in suâ anxietate.* Et fe-  
ri haud dubiè meliores. eoq̃ue Martialis in laudibus vitæ Ru-  
sticanæ ponit:

*Ibi illigatas mollibus damas plagis*

*Mastrabis, & vernos apros.*

si tamen mecum legitis: & veros apros. Illi enim domestici,  
vix legitimi: isti ē siluâ, germani & veri. Nisi cui magis placet  
quod in Iunij vetusto codice: *vernas apros*, quasi peculiares &  
in fundis siluisq̃ue eius natos. CAR. Gratia Billeheo, qui huc  
te traxit: placent hi sermones, & decent quoque in mensâ. Sed  
scire aueo, simplicitérne assi hi apri, quod ē dictis obseruasse  
videor, an aliter, & ritu hoc nostro, conditi? LIPS. Nil nisi de  
assis lêgi, nec aliter opinor. LAMP. Mirum autem totos sic, &  
tam pingues, grandes, potuisse. LIPS. Potuère, sed in longo fir-  
moq̃ue veru aut cuspide, vt Martialis appellat:

*Parua tibi curuâ craticula fundet ofellâ,*

*Spumens in longâ cuspide fumet aper.*

*Fumare* eum dicit, & in cuspide: ergo assari. idq̃ue de more.  
Hac mente & Iuuenalis suprâ, *Fumat aper*: & Plutarchus clarè,  
vt audistis. Ponebantur autem in grandibus quadratisq̃; lanci-  
bus (ex Athenæo) & pomis, glandibus, aut strue tali fructuum,  
cingebantur. Quid vt indicarent? captos in siluis esse? an stra-  
gem hanc talem dedisse? Verba quidem Senecæ, De prouiden-  
tiâ, cap. IIII. *Ingenti pomorum strue cingeret primæ formæ feras,  
captas multâ strage venantium.* Sed verba ambigua. cū quibus-  
dam libris, *augeret* legatur, non *cingeret*: quod alio norsum tunc  
traxerim, & infarctos apros capiam, ad augendam speciem ac  
molem. Talis in Athenæo *sus assus*, cuius *venter ficedulis, tur-  
dis, ouorum vitellis, & id genus edulis, plenus esset.* Sed & nunc  
in por-



in porculis assis ( qui vicem aprorum mansere ) farto hoc pomorum, aut castanearum gaudemus. Sed & crudo pomo in os inserto, insignimus. Pro vulgatâ scripturâ tamen, exemplum de Squillâ, in Iuvenale:

*Quæ fertur domino squilla, & quibus vndique cincta  
Asparagis?*

Secundum hos sermones, alij plusculi fuerunt, & varij, iocosi, ferij, plerique oblectantes. Et noster Furius, Heus Lipsi, inquit, viuamus, imò & bibamus. — *recepto Dulce mihi furere* Horat. *est amico.* L I P S. Pro nomine hoc tuo sit, an etiam decoro? Sed tu, quod dicis & audis, minimè omnium mortalium facis. O R A N. Imò pro decoro. quidni in conuiuio? & inter tales? quorum mens niue candidior, & crystallo purior, nec suspicatur, nec liuet. Denique quo fine huc venimus? iocandi. Curæ & seria domi este, cras vos recipiam. A D A M. Amote Orane. quis scit, quam diu licebit? Imò non diu licebit, & alius aliò diuellemur. Ego ad meos, alius ad manes: fortasse & ego. ô ancipitem & anxiam semper nostram sortem!

*Quapropter edulcare conuenit vitam,  
Curasque acerbis sensibus gubernare.*

vt poëta ille ait. Age, bibe hoc Lipsi: en exemplum. L I P S. Sed cum affusâ aquâ. F V R. Minimè. non amamus nymphas, & lege vetamur. L I P S. Mihi fas & ius, vel ob vnas Spadanas. O illa salutifera! quòd spiro, quòd ambulo, quòd scriptito, huic acceptum refero.

*Quas tibi grates  
Nympha reponam?  
Quas mea Musa  
Et Genius dabunt.  
Donec spiritus  
Hos reget artus,*

*Ego te verso  
Ego te prorso  
Carminè dicam:  
Et te numeris,  
Et non numeris,  
Collaudabo.*

## DIALOG. II.

*Ad Tela ventum, & de Fundis primò dictum. Inuentio, forma, excussio.*

**S**VAVITER hæc & talia fabulati surreximus, & visum consensu prodeambulare. Iuimus extra hortum ac Prætorium, & processimus in ripâ secundum flumen. Lipsi, inquit Furius,  
ego



ego & Oranus vos sistimus : cuiusvis sectæ potiùs, quàm Peripateticæ sumus. Sedendum est, sudare incipio. L I P S. Imò & vobis exercitium magis conueniat, eamus. F V R. Non imus, sedemus : ecce hîc sub hac quercu, vmbrosum est. B I L L. Placet Lipsi, adsideamus. F V R. Auris tuæ operam posco Billêhec, inclina. B I L L. Habes. hem ! iam teneo, memorem mones. Enimuerò Lipsi, cùm sic sedimus, & ventrem habemus factum, tamen aures vacant, & appetunt gustatam illam dâpem. L I P S. Quam ? etsi propemodum scio quid agatis. O Furi, Furi. B I L L. Reliquum illud matutinæ epulæ, *de Telis*. Nónne res & fides tua exigunt ? illa manca est, nisi addeas, tu infidelis, nisi promissum præstas. L I P S. Amici, non vos fallam, dirigere possum, dicere non possum : utique nunc à cibo. An non medici & valetudo vetant ? C A R. Vetant, & ego tuus ductor, etiam hîc ero tutor : Affatim satis, si præis alicui dicturo. L I P S. Liberaliter hoc fiet : & iusergo mihi partes adsignandi ? C A R. Per me ius, & Billeheus adnuit. F V R. Etiam ego : cum lege, ut eximij sint, qui operam iam nauarunt. L I P S. Nescio, videbo : hoc agite. *Tela*, quorum in oppugnando aut repugnando vsus, duplicia ferè : *Lapides*, aut *Ligna*. Illos dupliciter iterùm mittebant, aut *Manu*, aut *Fundâ*. De manuario iactu, parùm est, & natura ac mos docent : nec moneri aliud opus, quàm plerosque veterum vsurpasse. Sed de *Fundâ*, is accuratior, & explicandus est. à quo ? nam circumspicio : à te Lampsoni. L A M P S. Quid in me tibi placuit ? L I P S. Corpus strictum, agile, manus mobilis (in stilo scimus :) & planè bonus es pugnare fundâ. L A M P S. Etsi parùm honestum hoc telum bonis, tamen quò me transcripseris Imperator, eo & pareo : ac dabo operam, ut velimum ordinem honestem. L I P S. Placet obsequium, perge. L A M P S. Ut à nomine ordiar, *Funda* Latinis dicta, quòd ex eâ fundantur lapides, ait rectè Isidorus. De inuentione variant. & Plinius Phœnicibus tribuit, Strabo Ætolis. Pro Strabone Pollux videatur, qui Acarnanibus assignat : & Thucydides etiam de istis, libro 11. *δοῦναι δὲ ἀγαπᾶντες καὶ ἰσχυροὶ σφενδοῦναι* : videntur Acarnanes optimi funditores. Et sanè Acarnanes finitimi Ætolis. At pro Plinio, communis opinio & Vegetius : *Fundarum* usum primi *Balearium insularum habitatores* & inuenisse, & peritè exercuisse dicuntur.



tur. Quin Diodorus βαλιαρεῖς ἄπὸ τῆς ἑτέρας ταῖς σφενδόνας: dictos putat: *Baliares, quod fundis iaciant.* Hæc, dico, pro Plinio. quid ita? quia ipsi Phœnices olim ibi coluerunt, & artem intulerunt. Ipse Strabo transire huc videtur, libro III. Σφενδονήται, inquit, αἰετοὶ λέγονται. καὶ τὸ ἥσκησαν, ὡς φασί, διαφέροντως, ἐξ οὗ τοῦ φοίνικος κατέχον τὰς νήσους: *Baleares optimi funditores habentur, & hoc maxime exercuerunt, ut fama est, ex quo Phœnices insulas eas obtinuerunt.* Sanè, quod ad præstantiam, plurimi iis testes. Florus, libro III. cap. VIII. *Tribus quisque fundis præliantur. Certos esse quis miretur ictus? cum hæc sola genti arma sint, & vnum ab infantiâ studium. Cibum puer à matre non accipit, nisi quem ipsâ monstrante percussit.* Ait primùm de tribus fundis. Vbi eæ? in capite omnes, si Straboni credis. Σφενδόνας, inquit, οὗ τῇ κεφαλῇ τρεῖς ἔχουσι. τὴν μὲν μικρόκωλον, πρὸς τὰς μακροβολίας. τὴν δὲ βραχύκωλον, πρὸς τὰς ἐν βραχυβολίαις. τὴν δὲ μέσην, πρὸς τὰς μέσας: *Tres fundas circum caput habent. vnam longioribus habenis, ad longiores iactus, alteram breuibus, ad breuiiores, tertiam mediis, ad medios.* De discrimine & causâ, benè & verè: ambigo an de positu. & an non meliùs Diodorus, qui disponit vnam circa caput, alteram ventrem, tertiam in ipsâ manu? Commodius hoc videatur, aptiusque. Et de capite, non nouum: cùm etiam Mardis, genti Persicæ, simile Curtius scribat factitatum. Fundâ vinciunt frontem. hoc & ornamentum capitis, & telum est. Sed fundâ, non fundis: & vidi imaginem in columnâ veteri Antonini, in quâ Balearis capite, & ventre, & humeris eam gestat. Sed addit Florus de peritiâ, & de cibo. Ipsa illa Diodorus, & Strabo, & Lycophron plusculis versibus, atque ad eos Tzetzes. Quid opus apponere, cùm de re constat? Magis materiem & formam fundæ quæramus: etsi materiem Strabo promptè suggerit, & fuisse ait μελαγχραῖνας, ἢ τεχνίνας, ἢ νολείνας: aut è melanchrenâ, aut è pilis, aut neruis. Triplex igitur materies. prima Melanchræna. quid fuit? spartum, opinor, & hoc sic nominat: cuius copiam in Hispaniâ fuisse, omnes scimus. Plinio quidem Melancranis est species iunci acuti; & Hesychio μελάγκρανις, ὁξύχων: quid aliud Spartum? atque eo nomine linum aut cannabin etiam comprehendo. De lino, in Vegetio mox audies: de cannabi est in Suidâ: ἢ γὰρ σφενδόνη ἄπὸ κανάβου γίνεται. Funda enim è canabi fit. Totum hoc genus Virgilius tangit:



*Stuppea torquentem Balearis verbera fundæ.*

Altera materies, pili. & hanc priori, de quorundam sententiâ, Vegetius antefert: *Fundæ ex lino, vel setis factæ. has enim dicunt esse meliores.* Tertia materies in Strabone, nervi. nec exempla repperi alibi, etsi ratio non abdicat. Accipite nunc formam. quæ in monumentis obuia, nec aliud est, quàm funiculus in medio latior, ouali formâ, & paullatim in strictius abit. An non cauitas & foramen in medio? non opinor. Etsi in Ciceronis tamen \*versiculo est:

\*Apud  
Quintil.  
lib. ix.

*Fundum Varro vocat, quem possis mittere fundâ,*

*Nil lapis exciderit, quâ caua funda patet.*

Sed intellegit cauam fundam, sic manu strictam; & quod patet in eâ, est ipsum latus. Sententia etiam Varronis, posse meritò fundum vocari (totum illud, quod agro & ædificio constat) qui tam grandis, vt fundæ iactum æquet. Is autem modus est ferè *sexcentorum pedum*, quod in Vegetio clârè scriptum. Sed de formâ, Dionysius Alexandrinus hanc terram nostram comparat cum fundâ, hisce versibus:

Οὐ μὴν πᾶσα διαρὲς περὶ δόρυ, ἀλλὰ διαμυρ-

Εὐρυτέρη βεβαῖα τὸς ἡλίοιο καλὸς δὲς,

Σφενδὸν ἑοικῖα.

Quos Rhemmius Fannius benè & scitè olim vertit:

*Non tamen assiduo teres vndique margine circum-*

*Clauditur hæc, bifido sed brachia litore pandens*

*Arctatur rapidos cursus ad Solis vtrimque,*

*Assimilis fundæ.*

Nec alia mens, quàm τὴν γῆν (Eustathij interpretis verba) ἵφ' ἐνά-  
τερα εὐρυέσθαι, ἐπὶ δ' ἄτερα δὲ καὶ ὁμοίοντα τῆς περὶ βόλε σφενδόνος σιδά-  
ρεια εἰς ὅξυτες: *terram ad latera latiore esse; in partes superas &*  
*imas, ad similitudinem fundæ quæ lapides iacit, arctari & constringi.*  
Talis enim illa antiquis nota: etsi hodie nauigatio aliter osten-  
dit. At medium & fundus, vt sic dicam, fundæ, circinat: eoq; Sta-  
tius respexit: — *teretes pars vertere fundas*

*Assueti, vacuoque diem præcingere gyro.*

Ideò enim *teretes*: siue etiam ratione rotationis in iactu. Nam rotabant circum caput, & vires ita dabant: ter, vt videtur, ex arte aut more. Virgilius de Mezentio:



*Ipse ter adductâ circum caput egit habenâ.*

Statius, libro I.

*Terque leui ductâ circum caput ætus habenâ*

*Permissum ventis abscondit in aëre telum.*

Vegetius tamen abnuitt de ternario, & simplicem numerum præfert. *Semper adsuendum est*, inquit, *ut semel tantum funda circum caput rotetur, cum ex eâ emittitur saxum.* Sed de saxo disertè addit, nunquid aliter in glande? non est ratio. Certè & Achilles apud Statium, ubi gloriatur hæc & illa se didicisse, II. Achill.

— & *flexæ Balearicus ætor habenæ,*

*Quo suspensa trahens libraret vulnera tortu,*

*Inclusum quoties distringeret aëra giro.*

dat' intellegi, sæpiùs intortam fundam, & variè pro destinatione iactus. Sed iam nunc tetigi, duo fundis missa, *Lapides & Glandes*: id quoque docendum est, nequid de his fundis sine auctore & fundo. Quod ad *lapides*, est in Diodoro libro VI. τὰς βαλεαρπεῖς βάλλειν τοῖς σφενδόνας λίθας μεγάλας καὶ λίαν τῶν ἀπάντων ἀνθρώπων: *Baleares fundis lapides magnos iacere, optimè omnium mortalium.* Sed quàm magnos? in Suidâ scriptor aliquis exprimit: οἱ τῶν βαλεαρπεῶν νόστον σφενδονῆται μεγάλας λίθας ἔβαλον: *Balearium insularum funditores lapides minæ pondere iaciebant.* Intellegit Minam Atticam, quæ est drachmarum centum. Huc quadret, quod in Cæsare habes, *Fundas librales*: si tamen ita legis. Ad hos igitur lapides, & ut frequentare ictum possent, sacculos pelliccos ferebant iis implendos. Xenophon libro V. Anab. παρήτελε τὰς θυμῆτας λίθων ἔχειν μετὰ τὰς σφενδέας: *Iussit funditores lapidum plenos habere sacculos*: instante scilicet iam pugná. Sed & Strabo scribit, in singulare certamen Pyræchmam Ætolum, cum recens funda tunc inuenta esset, venisse μετὰ σφενδόνης, καὶ πήρας λίθων: *cum fundâ, & perâ lapidum.* Ita igitur ferebant, & magis expeditè, quàm (quod in lapidibus tamen video) ut sinu etiam præ se ferant. Telum alterum, *Glandes*: atque ex è plumbo. ideò μολύβδινες Græcis, & *Plumbeæ* simpliciter Spartiano. Iungit vtrumque Sallustius: *Pars eminus glande, aut lapidibus, pugnare.* Vti & Liuius, libro XXXVIII. *Consul ingentem vim sagittarum, glandisq̃ue, & modicorum qui fundâ mitti possent lapidum, parauerat*: parauerat nempe contra Gallos. quia reuera leuia hæc omnia tela, bona in pu-



gnatores cominus validos, præsertim non ex tuto armatos. *Sphæ-  
rulas*, istas appellat scriptor incertus apud Suidam: Οἱ καρδῆχοι  
σφαιροῦνται ἀριστοὶ λίθοις τε καὶ μολύβδιναις σφαῖραις, ἀς ἐξακοντίζων ἐπισηοῦσι:  
*Carduchi optimi funditores lapidibus & plūbeis sphaeris, quas eiacularan-  
tur certò & destinatò.* His inscribi aliquando solere, & occultè  
sic ad hostem mitti, memini legere. In Hirtio, de bello Hispa-  
nienfi: *Per idem temporis glans missa est inscripta, quo die ad opidum  
capiendum accederent, sese scutum esse posituros.* Appianus ad istam  
rem, tesseras quasdam plumbeas adhibet. cū narrat in Mi-  
thridatico, seruos duos, Athenis à Sullâ obsessis, omnia quæ ge-  
rerentur, hoc dolo ei perscripsisse (περασὶς, inquit, ἐν μολύβδῳ πεποιη-  
μένους ἐν τῇ σφαιρῷ) & in tessèris plumbeis, fundarum iactu deinde misisse.  
Tangit hoc iterum Hirtius dicto libello, *Indicium glande scriptum  
misit, per quod certior fieret Caesar, quæ in opido ad defendendum com-  
pararentur.* Reuera autem non istæ communes Glandes fuerunt,  
sed tabellæ magis productæ, & huic rei aptatæ. Atque hæc Fun-  
da, eiusque tela: quæ non temerè variis gentibus in usu, quia  
prompta, iteratu facilis, tum etiam quia longè & fortiter feriret.  
Exempla siue testimonia plura sunt: recenseo nunc hoc Vege-  
tij, libro 1. cap. xvi. *Sæpe aduersum bellatores cassidibus, catafractis,  
loricisque munitos, teretes lapides de fundâ vel fustibalo destinati, sagit-  
tis sunt omnibus grauioribus: cū membris integris lethale tamen vulnus  
importent, & sine inuidiâ sanguinis, hostis lapidis ictu intereat.* Osten-  
dit per ipsa arma interfecisse, etsi, ut ait, sine sanguine: quia con-  
tusio plerumque & confractio ex ictu lapidis. Sed ipse de lapide:  
*glans profectò penetrabat, & Liuius indicat libro xxxviii. cū  
Gallogræcos maximè his telis victos à Manlio ostendit: Præ-  
mittit, eos patentibus plagis non tam moueri; sed ijdem, inquit, cū  
aculeus sagittæ, aut glandis abditæ introrsus, tenui vulnere in speciem,  
vrit, & scrutantes quæ vellant, telum non sequitur, tum in rabiem &  
pudorem tam parua perimentis pestis versi, prosternunt humi corpora.*  
Quod cū ita sit, telum tamen hoc, ut initio tetigi, parum ho-  
neltum habitum, & iunioribus aut vilioribus assignatum. Quin  
Xenophon refert, v 1. *Pædias, Cyrum, cū Lydos deuicisset, ius-  
sisse fundis exerceri: νομίζων, inquit, τὰς τὸ ὄπλον δειλιώτερον εἶναι: ex-  
istimans hoc telum seruile quiddam esse.* Itaque ipsi Romani rarò vsi,  
inter Auxilia habebant.

\*Videlib.  
v. de Mi-  
lit. Dialog.  
vltim.



## DIALOG. III.

*Triplex aliud genus Fundæ explicatum.*

**A**T QVE hæc est communis illa funda, & vulgò in vsu: et si distinctas quasdam species etiam lego, vt *Achaicam*, *Cestrophendonem*, *Fustibalum*. Rei toti clarandæ, & hæc addam. De *Achaicâ* igitur fundâ, in *Liuiio* ita est, lib. xxxviii. *Samæi in Græciâ à M. Fulvio oppugnabantur. cum saepe erumperent, vna ad coercendos inuenta haud magna memoratur esse. Centum funditores ab Ægio, Patris, & Dymis acciti. à pueris ij more quodam gentis, saxis globosis quibus ferme arena immistis stratalitora sunt, fundâ mare apertum incessentes exercebantur. Itaq; longius certiusque, & validiore ictu quàm Balearis funditor, eo telo sunt vsi. & est non simplicis habena, vt Balearica & aliarum gentium funda, sed triplex scutale crebris suturis duratum, ne fluxâ habenâ volutetur in iactu glans, sed librata cum sederit, velut neruo missa excutiat. Et monet primùm, laudatos istos funditores, Ægio, Patris, Dymis accitos: id est ex Achaïâ, quæ gens hac laude clara. Suidas hoc illustret, & illustretur: Αχαϊκὸν βέλος, ὅπλιν τῆς εὐσόχης βαλλόντων. παρόσον πάντων ὀπιτηδεύτατόν ἐστιν τὸ τοῖσιν βέλος πρὸς πολιορκίαν, τὸ τῆς εὐσόχης αἰτίας τῶν σφενδόνων βέλος: *Achaicum telum, de iis qui peritè et feliciter iaculantur. quoniam optimum inter omnia aptissimumq; ad obsidiones est tale hoc telum: dico telum funditorum ex Achaïâ.* Addit *Liuius*, longius, certius, validius iaculatos, quàm Baleares: quod notetur ad vim teli. Describit deinde, & ait, non fuisse simplicis habena: id est, nō ex vno simpliciq; fune. Nam id *Habena* est, vt in exemplis sparsim licet videre: *Græcis* κῶλον. *Suidas*: κῶλα, τὰ τῆς σφενδόνης ἐκάτερον μέρος: *Cola*, fundæ vtrunque membra siue partes. *Ammianus* id *Amentum* dixit, libro xxxi. *Res Romana stetit superior, nullo ferme alio telo, vel fundæ amento, incassum excusso.* Pergit *Liuius*, triplex scutale. ] Quid sit, disputant. *Glareanus* de *Scytale* suspicatur, & sic rescribit: frustra, cum iam olim *Priscianus* locum hunc ita laudet. Alij fundum, vt sic dicam, fundæ, & reticulatum illud, quasi scutulis (inquiunt) distinctum. Mihi cum pressius examino, non aliud scutale, quàm habena fundæ videtur. Quid enim ea verba volunt, non simplicis habena esse, sed scutali triplici? Fallor, aut pro habenâ habet, ac miscet. an ideò, quia pars ea fundæ, cui lapis imponitur, quasi scuti formam palàm refert? Ergo *Scutale*, quod ab cā depēdet: fortasse,*



quod ipsa Scuta loris reuincire solent, quæ ὀχέαι Græci vocant. Dixerit ergo Liuius, istā Achaicam triplici habenâ aut colo fuisse: siue distinctè triplici; siue iunctim & confertè, ad robur. Ita & Scutale pro Scutulo aliquis retineat: & ex consequenti, triplicem habenam addat. At communis & Balearica, simplicem modò habuit. Sed dicatur: Lycophron nōne de Balearibus scribit,

Τετρααῖς δὲ πάλαι σφενδόναις ὀπλισμένοι;

*Fundis tribus reuincti sunt bimembribus?*

Bimembres ecce, siue duplici habenâ eas vocat; nō ergo simplici. Respondeo. alio id ibi sensu esse, & funem quidem vnum, sed videri & nunc capi vt duplicem à poëtâ, quia geminatur stricta & adducta ad iactum. Expandè, simplex rursus erit. De Achaicâ hæc noui: de Cestrosphendone, est in eodem Liuiio, lib. XLII. Maximè Cestrosphendonis vulnerabatur Romani. hoc illo bello (cū rege Perseo) nouum genus teli repertum est. Bipalme spiculum hastili semicubitali infixum erat, crassitudine digiti: huic ad libramen pinnae tres, velut sagittis solent, circumdabatur. Funda media duo funalia imparia habebat: cū maiore sinu libratiū funditor habenâ rotaret, excussum velut glans emicabat. Tenebrosa descriptio, & nisi aliunde lucem accipit, diu talis. Sed iuuat, aut potius dissipat nubem, quod in Suidâ super hac relêgi. Nam apud eum aliquis (an non Polybius? puto, ipse) aliquis dicit scriptor ita: Κεστρός. ξένον ἦν τὸ τὸ ὄψημα κατὰ τὴν περσικὸν πόλεμον. τὸ δὲ βέλος τοῖσιν διπάλαισιν ἦν, ἴσον ἔχον τὴν αὐλίσκον τῇ προβολῇ. τέτταρξυλον ἐν ἡρμοσῷ, πρὸς μὲν μήκει αὐθαμαίαν, πρὸς δὲ πλάτει δακτυλίαν ἔχον δέξμενον. εἰς δὲ τέττα τὸ μέσον ἐσφηνώτο πτερυγία ἑξία ξύλινα βραχέα παντελῶς. τὸ δὲ δυεῖν κάλων αἰίστων ὑπαρχόντων τῆς σφενδόνης, εἰς τὸ μέσον ἐνηκυλίζετο τῆς \* κάλων ὀλύτως. λοιπὸν ἐν μὲν τῇ σφραγωγῇ τεταμένων τέττων ἔμενεν. ὅτε δὲ ὠδραλυθεῖν θέατο τῆς κάλων κατὰ τὴν ἀφῆσιν, ἐκπίπτον ἐκ τῆς ἀγκύλης καὶ πατερὶ μολυβδὶς ἐκ τῆς σφενδόνης φέρεται, καὶ πρὸς αἰπίον μετὰ βραδείας πληγῆς, κακῶς διετίθει τὰς συγκυρήσαντες: Cestrus. nouum hoc inuentum bello Persico. Ipsum spiculum bipalme fuit, tubulum habens æqualem mucroni. Huic hastile ligneum insertum erat, longitudine spithame mensuram æquās, crassitie digiti. In huius medium tres pinnae à ligno infigebantur, planè breues. Hoc in fundâ, quæ duo funalia imparia habebat, in medio vtrorumque, amēto leuiter et vt solui posset ligatum, imponebatur. Tum igitur in circumactione fundæ, intentis funalibus manebat, cū verò alterum solueretur in emissionē, excidens amento suo, velut glans à fundâ, ferebatur et cum impetu incidens, quidquid incurris-

\* Possis & πάλαι.

set va-



set validè ladebat. Ita Polybius describit, & ex eo non dubiè Liuius noster, de suo more. Conferamus inter se paullùm & componamus, ad rei lucem. Ait Liuius, *Cestrosphendonem* hoc telũ dictum: rectè. etsi in Suidâ, pars vna vocis modò est, *Cestrus*. Arqui solitaria ea, nō nisi *veruculum* & breue telum notat: compositio Liuiana mixtum hoc complectitur, & cestrũ è fundâ missum. In Plutarchi Sullâ lêgi *ἑλαιοσφενδονας*: neque scio an idem hoc genus sit. Videatur. nisi si eâ voce *tela* intellegit *amētis religata, ijsq; velut fundis emissa*. Ait ampliùs Liuius, bello cum Perseo rege Macedonum, id repertum: ergo is est Polybij *πόλεμος περσικὸς*, bellum Persicum, nequis aliò ducat. Iterùm Liuius, *bipalme spiculum*: quod in Polybio *διπάλαισον*. ergo palmus minor (id *παλαιστῆ*) intellegendus, qui est digitorum quattuor. Sed in Græco hoc distinctiùs additur, ipsum mucronem palmi fuisse, auliscum siue tubum item palmi. Mox in Liuiio, *Hastile semicubitale*: in Polybio, *ἡμιδαμναῖον*, qui sunt digiti duodeni. Cùm igitur cubitus communiter dictus sit sesquipies, siue digiti vigintiquattuor: rectè Liuius *semicubitum* vertit. Atque hic est *Palmus maior*, siue *Dodrans*: ita in toto telo digiti viginti, id est, pes & quadrans. Adduntur deinde *pinnae tres*: sed ex ligno, quod Græcus monet. ne aut pluuiâ scilicet, aut in valido circumactu violaretur. Illæ ipsæ lignæ, iuuabāt tamen faciebantq; ad volatum & directionem. Mox etiam: *Funda media, duo funalia imparia* habet. Quæ est funda hæc media? ipsum fundæ mediũ: id est latius illud, cui telum sedet. Imparia autē funalia habuit, (siue habenas, vt diximus, aut *κῶλα*) vtrimque duo: cur imparia, & quo situ? Credo, ob teli mutati modum ita factum. quod, ne excideret in circumactu, sedem paullò maiorem voluit, eamq; aptam excussioni. Esto igitur fundus latior, duo funes vtrimq; contineant: sed prior, & vbi ferrum est, paullò longior laxiorq; strictior & breuior posterior ille, vbi pinnae. An hoc modo vult, vtrimque vnum fuisse, sed alterũ breuiorem? Neq; nego natate me in his talibus, quæ vsu abierunt, & vsu ac periculo tamen constant. Extremum in Liuiio, *Cum maiore sinu libratum*. quod eò obscurius, quia nihil tale in Græco. Hadr. Turnebus vir laudatissimus, lib. xxx. cap. xxxii. vult fuisse duas fundas & duplicem sinum, sed inter se eas nexas: & in maiore libratum telum. Ipsum videte. Ego vix assentior, nec video cui vsui duplex hic sinus, vtrique

si in



si in altero modò telum. Quin sententia simplicissima sit, *maio-  
re sinu libratum*, quàm vulgatæ fundæ habere solent: ex compa-  
ratione maiorem dico, non quia ibi duplex. Nec plura Liuius.  
qui neglegenter (in aliis etiam solet) totum hoc de Amento omi-  
sit, quo telum vtiliter illigatum: tum necaderet in rotatu, tum vt  
violentius emitteretur. At Polybius disertè, & bis, hîc expressit,  
monuitque amentationem illam in medio duorum funium fa-  
ctam. Hęc mihi visa super *Cestrospendone*, vobis intentius viden-  
da. Tertiū erat, *Fustibalus*. Vox est nouitij æui, nescio an res ipsa.  
Appellant ita, fundam fusti alligatam, quo incusso, lapidem scitè  
& robustè emittunt. Vegetius describit, lib. III. cap. XIII. *Fusti-  
balus*, inquit, *fustis est longus pedibus quattuor, cui per medium ligatur  
funda de corio, & vtraque manu impulsus, propè ad instar onagri dirigit  
saxa*. Et qui eo vtuntur, sunt eidē Vegetio in melioribus libris *Fu-  
stibalatores*: non sanè *Fundibulatores*: & *Fundibalus* diuersus est, vt  
Furius \*suprà dixit. Hoc genus an veteribus in vsu, quæri potest:  
puto equidem fuisse. Ex Festo: *Librilia* appellantur, *instrumenta  
bellica, saxa scilicet ad brachij crassitudinem, in modum flagellorum loris  
reuineta*. Videtur hoc esse, quod Vegetius expoluit, aliâ voce. *Li-  
brilia* enim tunc dicebant: & sic libri scripti in Cæsare, VI. Gal-  
licorum: *Fundis, librilibus, sudibusque*. vbi alij iunctim legunt, *Fun-  
dis libralibus*, quasi eas dicat, quæ lapides libræ pondo emittant.  
At malo *Librilia* discretè: & fortasse inde *Libratores*, qui vtuntur.  
Tacitus II. Annal. *Sensit dux imparem cominus pugnam, remotisque  
paullum legionibus, funditores libratoresque excutere tela, & proturba-  
re hostem iubet*. Nam ait eos excussisse tela, quod profectò in lapi-  
des manu solâ iactos non quadrat. Iungit iterum idem cum Fun-  
ditoribus, XII. Annal. *Libratoribus funditoribusque attributus lo-  
cus, unde eminus lapides ac glandes torquerent*. L I P S. Cetera haud  
damno, Lampsoni, in Festi *Librilibus* hæreo. Nam ecce loris re-  
uincit, *in modum flagellorum*: videturque emissum telum fuisse, &  
reductum. Tale aliquid in monumento Antonini obseruo, &  
lapidem aut ferrum catenæ illigatum, quæ stipiti deinde nexa.  
In Cæsaris tamen verbis (si vetus recta lectio) longinquum, non  
propinquum id est telum. Multa sanè hîc coniecturalia, vt ver-  
bo vno dicam. Ad manuarios etiam lapides cur non aliquis ap-  
tet, qui in vsu vulgò? Vegetius, libro II. cap. XXI. *Sed & manus  
solâ*

\*Dial. de  
Ballistâ.



*solâ milites meditabantur libralia saxa iactare, qui vsus paratior creditur, quia non desiderat fundam. Atque vides, saxa etiam libralia agnoscit, vnde nonnemo scripturam vulgatam Hirtij tueatur. Vetus autem hoc de manualibus lapidibus, & quid nisi naturâ ducet? Imò simplicissimum est inter arma. Liuius classi quartæ cûm hastam & verutum assignasset; quintæ & infimæ dat lapides missiles fundasque. Manu nempe missiles, & ideò sic discernit. Apud Thucydidem similis distinctio, libro VI. καὶ πρῶτον μὲν αὐτῶν ἐκείνων οἷοι λίθοβολοὶ καὶ σφενδονῆται καὶ ῥέοται παρεμάχοντο: Et primùm quidem vtrîmque & qui saxa manu, & qui fundis iaciebant, itemque sagittarij, propugnabant. Xenophon v. Anabaf. λόγχοι, τοξόμοι, σφενδοναί, πλείστοι ἐκ τῶν χειρῶν λίθοι: Lanciæ, sagittæ, fundæ, plurimi manuales lapides. Ipsi equites etiam alibi, in Cæsare, lapides manu mittunt. Itaque tu atque isti, Lampsoni cogitate. LAMPS. Nihil vltra ego. leuia hæc arma leuiter tracto atque habeo, & vt solent iussi.*





*Iaculorum diuifio, & genera. Sudes, Faces, Præpilata, Lanceæ, & adiuncta.*

**S**ED iam an non munus meum impleui Imperator? **LIPS** Implesti, abi, in hunc diem immunis esto. Succede tu Adame noster, & de *Iaculorum ligneorum* genere (nam ea sequuntur) nobis edifferta. Audis? **ADAM**. Verecundia me cunctari facit, & imperitia. **LIPS**. Iterum de verecundiâ? heustu,

\*Cōmonifi  
anīmū mi-  
hi nūc in pe-  
ccare caro.

\*Ονειρας μοι θυμὸν ἐνὶ στήθεσι φίλοισιν:

pare subito, aut mox serò. Disciplinam ignoras? ego reuocabo, si vnum etiam verbum. **ADAM**. Heu *Manliana imperia!* at vos salte suggerite & iuuate. *Iacula* igitur (vt in re confusâ ordine aliquo incedam) duorum generū sunt, *Rudia*, & *Ferrata*. *Rudia* appello, quæ simplici ligno constabant, non aliâ materie ad lædendum. In eo genere *Sudes* sunt & *Faces*. *Sudes*, lignum in capite acutū leuiter, & igni duratum. Vetus id telum, & plerisque gentibus sic vsitatum. Propertius, de priscis agrestibusq; Romanis:

*Miscebant vstâ prælia nuda sude.*

Virgilius quoque inter agrestia numerat, lib. vii.

— non iam certamine agresti,

*Stipitibus duris agitur, sudibusve præustis.*

Sed tamen meliore etiam æuo, & in legitimis bellis, vsurpatum.

\*Fortè,  
horrebant.

Apud Curtium, lib. iii. inter Darij milites sunt *Derbices*. ij quadraginta millia, inquit, peditum armauerant. pluribus \*hærebāt ferro præfixæ hastæ, quidam lignum igni durauerant. Apud Arrianum: λόγχα δ' εἶχον ἑξαπώλεας, ἀκωνὴ δ' ἐχ' ὑπὲρ σιδήρεν, ἀλλὰ τὸ ὄξύ ὡς αἰς πεπυραϊσμένον τὰν τὸ ἐποίησεν: Hastas habebant senū cubitorum. mucro autem illis è ferro non erat, sed caput igne duratum eundem vsum dabat. Apud Silium lib. iii. inter Annibalis copias quidam recensentur,

*Contenti parcâ durasse hastilia flammâ.*

Quin & in Catilinæ exercitu (Sallustius) pauci militaribus armis instructi; ceteri, vt quemque casus armauerat, sparos, aut lanceas, alij præcutas sudes portare. Et quanquam ex his non certò liqueat, inter missilia has fuisse, imò quasdam contra ad statariam pugnam: tamen etiam eminus vsurpasse, omnino probabile est, & Cæsar dixerit, vbi cum leuib. armis iunxit: *Fundis, librilibus, sudibus*. Istæ *Sudes*: at *Faces* etiam reperio, id est nō adultas, sed vrentes quasdam ha-



dam hastulas, è piceâ, tædâ, larice, & siquod tale genus. Statius

lib. v. ——— *vastæque sudes, fractique molares,  
Spiculaque, & multa crinitum missile flammâ.*

\* vllaq;  
fortasse.

Silius in pugnâ Cannensi:

*Ullum nec desit teli genus. hi sude pignant,  
Hi pinu flagrante cient, hi pondere pili.*

Lucanus in Pharsalicâ:

——— *inde sagittæ,*

*Inde faces & saxa volant.*

Xenophon de suis Græcis: Τοξόματα, σφενδόναι, λίθοι. ἦσαν δὲ οἱ καὶ πῦρ  
καὶ σφενδόναι: *Sagittæ, fundæ, lapides. erant autem qui & ignem præferrent.*

Iam in Virgilio vobis hoc notum:

*Iamque faces & saxa volant, furor arma ministrat.*

Vt appareat obuium & popolare fuisse telum. quod item ex He-  
liodori Æthiopicon primo, de Ægyptiis: ἕτερος ξύλῳ κατεργάζετο, ὁ δὲ δα-  
λῶ κατέφλετο: *Alius ligno percussus, iste face adustus erat.* Transeo ad  
Ferrata. L I P S. Imò nequid nimis properes, paullùm te sufflami-  
no: *Præpilata missilia* aliquoties lego, quæ ea sunt? an non *Rudia*, &  
sine ferro? ADAM. Profectò occupas. nam ego ad *Ferrata* reduce-  
re volebam, etsi ambigēs, sed video alios sic fecisse. Tua quæ sen-  
tentia? L I P S. Tua quæ exēpla? prome, & tum viderimus. ADAM.  
Quòd è ferro, videatur vox astruere, quasi pili instar præfixa. Sed  
& Ammiani hic locus è libro XXIII. *Romani leuius procedebant,  
& præpilatis missilibus, per procuratores principis pugna tētatis.* Hoc  
ille in pugnâ cum Persis: & nōne credam vera ea & ferrata tela  
fuisse? Idem scriptor, in pugnâ cum Germanis, lib. xvi. *Præpila-  
bantur missilia, & Germani agmen nostrorum equitum inuasere.* Liuij  
etiam locus est, lib. xxvi. de ludis funebribus Scipionis Africani:  
*Tertio die rudibus inter se, in modum iustæ pugnae, concurrerunt, præpila-  
tisq; missilibus iaculati sunt.* Nam etsi ludicra ibi res, & ipsi gladij  
lignei, hebetes, tamen missilia è ferro fuisse, Polybius induxerit,  
qui hoc dixit γρόσφοις ἀκοντίζεσθαι: *hastis velitaribus iaculati.* Ita enim ip-  
se ferè appellat γρόσφοις: & hastas eas cum ferro fuisse, quis nescit?  
Hæc pro istâ sententiâ: tu Lipsi contrâ? L I P S. Habeo, & magis  
robusta. Dico *præpilata* sine ferro esse, nec aliud quàm pilæ instar,  
obtusæ acumine, rotunda. Vocem sic explico: & fitimo ex Plinio,  
libro ix. cap. xxx. vbi de Locustarum marinarum cornibus, dicit



ea propria rotunditate præpilata. De re, ex Quinctiliano satis liqueat, libro v. Institut. *Declamationes, quibus ad pugnam, velut præpilatis, exerceri solebamus.* Opponit veris micantibusque telis, præpilata: sicut Declamationes, quæ scholæ & exercitij sunt, forisibus orationibus & pugnae. Sed & in Hirtij, de bello Africo, cum Cæsar elephantos suos exercet, ipsosque milites & equos aduefacit ad eorum aspectum: Equites in eos pila præpilata coniiciebant, atque in consuetudinem equos <sup>\*Lego, patientia.</sup> patientiâ bestiarum adducebant. quis ibi censebit veris ferratisque pilis petitos? Sed etiam cum à Pilis seiungit, & restrictè præpilata pila dicit, ostendit, non ut vulgata, cum ferro fuisse. Simile in Plinio lib. viii. cap. vi. item de elephantis: L. Piso introductos dumtaxat in Circum, atque ut contemptus eorum cresceret, ab operis hastas præpilatas habentibus, per Circum totum actos. Profecto ibi quoque obtusas accipere est, in ludiciâ modò insectatione & exactiōe. Ipsa quæ tu adduxisti, non pro te videntur pensitata. Nam Liuij locus, planissimè contrâ est. & in ludicro illo concursu commilitonum, quis tribuet hastas ferratas? imò ad exēplum gladiatorum (quod fateris) obtusas. Ad Polybij, dico. nihil ob stare verbum ibi *χρόνος* accipi pro telo aut hastulâ communiter, etiam sine ferro. Iam ad Ammianum, ille verò aliter, hoc fateor, sed nō pro tuo sensu. Quin *Præpilare* ei scriptori nō aliud videtur, quàm *præiaculari*: etsi *Pilare* idem vsurpat, pro prædari, vacuare. Scribit lib. xxxi. *Castra inimica pilare*: & paullo pōst, *Pilare villas & incendere*. Aliter quàm Seruius, cui *Pilare* est cogere, premere: & ita interpretatur *Pilatum* agmen, densum: & *Pilatas* ætheris oras: ac plura quæ ad Festū eximius Scaliger notauit. Sed tu mi Adame perge: hæc ita dixerim, acrius examinanda. A D A M. Ad *Ferrata* igitur iacula dixi me venire: quæ plura & multigena sunt, nec aliâ in re fecundius Martialia ingenia luserunt. Ego quædam crebriora tangam, & quæ opus, explicabo aut discernam. Primum sit,

H A S T A, Græcorum *δόρυ*. Etsi commune ferè id nomen est, & in plura valet: diciturq; tam de grandi illâ, quâ cominus vtuntur, quàm de leuiore quam eminus iaculantur. Simile in Lanceâ & Conto: ac Strabo semel audiatur, lib. x. *Διττὴ γὰρ ἡ τῆς δόρυ καὶ τῆς ἰσθμίου, ἡ μὲν ἐκ χειρὸς, ἡ δὲ ὡς παλτοῖς. καθάπερ κὶ ὁ κόντος ἀμφοτέρως τὰς χεῖρας ἀποδίδωσιν, καὶ γὰρ οὐτὶς αὐτὴν χροῖται, & κόντος βολῶντες. ὅπερ & ἡ σάβρα δύναται, & ὁ ὑσός.* Duplex enim Hastarum vsus, alia cominus, alia eminus & tamquam iaculo-



*iaculorum. sicut & Contus vtrumque vsum præbet. nam & statim utimur, & iaculantes: quod & Sarissa potest & Pilum.* Notabilis locus ad hunc ritum veterem, & plerisque gentibus communem; hodie desitum ferè, nobis quidem Europæis. Sed de Hastâ missili, multa testimonia passim: & inde *Hastati*, iaculatores olim in legionibus, ac plura passim legēda. Alterum communius nomen,

**LANCEA**, Græcorum λόγχη: atque adeò ab hac deriuat Festus. *Lancea dicta*, inquit, à Græco, quam illi λόγχην vocant. Argutè, haud verè. & est Hispanica ipsa vox, vt Varro & Agellius testificantur; Gallica, vt Diodorus. De Gallis enim scribit libro vi. *οὗτοι δὲ ἄλλοι τὰ λόγχας, αἱ δὲ ἐκείνοι λαγύλας καλεῖσι: Iaciunt hastas, quas ipsi Lanceas appellant.* Sed possunt esse, Hispanicâ stirpe, in Galliam tamen post traductæ, vti & in Latium ipsum. Vox quidem *Lanceare*, quod est iacere, mittere, ipsis Hispanis Gallisque & hodie est in vsu. Tertullianus vsurpauit, aduersus Marcionem libro i i. cap. x i i. *Aliud est, si penes Ponticos infantes in prælium erumpunt, qui antè norint lanceare, quàm lancinare.* Pulchrè ludit. & mirum, inquit, ni vestri pueri à natiuitate robusti & militares, qui possint priùs lanceam iacere, quàm mammam trahere. De hac autem iaculatrici, passim scriptores. vt Curtius de Horatâ Macedone, libro ix. *Igitur Macedo haud dubius eminens interfici posse, lanceam emisit.* Lucanus de Craustino Centurione:

*Cuius torta manu commisit lancea bellum.*

Vbi poëta pro Pilo vsurpat, vt est profectò nomen iaculis commune. Itaque in Actis Apostolicis λογχοφόροι, benè redduntur *Iaculatores*: & sunt ista, quæ *Menaula* posterior & deterior ætas dixit. In Leone Imp. cap. vi. *Alij quidem habebant contaria, id est hastas, quas nunc Menaula, olim antiqui Lonchas nominabant.* Reperio in Cedreno vocem, sed paullo aliter scriptam. nam dicit μοναύλας. Vbi de Belisario in Persas misso, qui coram legato Persico dissimulabat consilium, & quasi venandi modò gratiâ venisset, misit suos, inquit, in siluas, *παλέκεις τε καὶ μοναύλας βασίλῳστας: secures & lanceas ferentes.* Neque enim calamos cum interprete viro docto reddiderim, magisque etiam scripserim μοναύλους. Nam sic & in *Tactis Leonis Imp.* (Excerpta Vulcanij habent) μέναιλον, εἶδ' ὅ ἐστιν αἰκοντίς: *Menaulum, iaculi genus est.* Litteram muta, Latinam vocem feceris *Venabulum*: & credo ipsam esse. Nam variè tunc depraua-



bant: & sic *ταυλωτά*, *Tablata*: & *μαρζομαρβελον*, quod est *Mart sobarbulum*, ipsâ nostrâ litterâ item mutante. Sunt quidem Lancee venatorum: & sic in Ammiano xxiii. *Feras nostri lanceis venatoriis & missilium multitudine confecerunt*. In Valerij i. cap. vii. *Lanceam petenda fere gratiâ missam*. Herodianus de Afris, lib. vii. *παρ' οἷς ἐδὲν πλέον δοξατίων, οἷς πρὸς ἀνέλα μονομάχοισι*: *Apud quos nihil admodum præter exiguas lanceas, quibus aduersum feras præliantur*. Tertium, sed magis strictum

VERVTVM. cui nomen & formatio ab ipso Veru, quod refert. Festus: *Veruta, pila dicuntur, quòd veluti verua habeant præfixa*. Itaq; alij *Veruinam* dixerunt, quæ vox in Plauto: & Isidorus explicat, *Veruina iaculi genus longum, quod aliqui Verutum nominant*. Nō nemo etiam *Veru* dixit, vt Sidonius: — *ruit acilde fossus*

*Ille, Veruque alius.*

Ait *fossus*. benè: est enim spiculum tenue & longum, aptum forare. Silius, iii. — *tenui pugnax instare veruto*. Virgilius vii.

*Et tenui pugnant mucrone, veruque Sabello.*

Qui velut proprium Samnitium facit, imò Grammatici nomen eorum hinc petunt. Festus: *\* Samnites ab hastis appellati sunt, quas Græci σαινία appellant. has enim ferre assueti erant*. Propius Græcanicâ dialectum tangit etymon, qui *Σαινίτας* dicunt & scribunt. Et Saunia rectè *Veruta* reddi, discamus è Dionysio: qui vbi Liuius in classibus armandis *Verutum* scribit, ipse *σαινίον*. Alibi etiam *σαινίον διαπερνέει* *saunio transfossus*, quod huius est teli. Etsi Samnites, igitur (ij cum Sabellis iidem) primò & propriè vñ, tamen & alij Itali: tribuitque Volscis poëta idem, i i. *Georgicôn*:

*Assuetumque malo Ligurem, Volcosque verutos  
Extulit.*

Miror hætenus sic legi, cum *veruto* verissimum sit: dicatque, Ligurem malo siue labori suetos, Volscos iaculationi & bello. Hoc equidè malo, quàm *Verutos* dicere, veru armatos. Liuius leui armaturæ tribuit, sed veteri, vt initio belli Punici secūdi: *Romani pedites verutis coniectis auertère elephantos*. Etsi *Hastæ velitares* haud longè iuerunt ab istis, si non eadem. Meminerunt Verutorū alij, inferiore etiam æuo. vt Plinius, lib. xxxiii. cap. iiii. *Ferasq; arctetis verutis incessere tunc primū visum*. Ita enim libri aliquot scripti: haud dubiè veriùs, quàm *vasis*, quod vulgò editur. etsi alij etiam scripti,

\* Trāscri-  
psit. P. Dia-  
conus, lib.  
ii. De gest.  
Langob.  
cap. xx.



scripti, *hastis*: pariter rectè. Significat autem Plinius, tantam abundantiam & profusionem Cæsaris in venatoriis ludis fuisse, ut in cetero apparatu argenteo, feras etiam peti interficique iusserit lanceis ex argèto. Vtitur & Ammianus lib. xxvii. *Verutis hostilibus forabantur, et pilis*: tribuitq; Romanis. Seruat ipse discrimen, ut videtur, quod Vegetius suggessit lib. ii. cap. xv. Duplex Romanis esse Pilum, Maius & Minus: quorum illud *Pilum* vulgò, istud (inquit) tunc *Verriculum*, nunc *Verutum* dicitur. Ambigimus. & itane olim *Verriculum*? non conuenit ea vox in telum: magis *Veruculum*, quâ voce Plinius vsus. Sed nec id verum puto, & nonne clarum est priscos *Verutum* dixisse? & valdè quidem priscos, quod exempla euincant. Dubito an non scripserit Vegetius: quod tunc *Verutum* nunc *Veruta* dicitur. Genus enim ætas immutauit. atque ita in Glossis: Βερύττα, εἶδος ἀνορέας: *Veruta*, genus iaculi. In Leone Imp. Βερύττα, τὰ πρὸς τὰ ἐλα λέγονται: *Virutta*, *Rhiptaria* dicuntur. Seruile hoc telum putet aliquis à Silio dici, in libro xvii.

*Qui nobis, memini, ad Cannas, latissimus \*iræ,*

*Seruili fers ora ducis suffixa veruto.*

\* Ita lego:  
vulgò, *iræ*.

Quod non ita est, sed illuc *Seruill*, longâ & duplici extremâ litterâ scribendum, capiendumque de Seruilio Proconsule ad Cannas occiso, cuius caput hastæ præfixum. Quartum nunc

GESVM, quod alij GAESVM scribunt, & sæpius sic Græci. Liuius lib. viii. in Hastatorum manipulo leues videnos milites locat, & addit: *Leues autem, qui hastam tantum gesa que gererent, vocabantur.* Gesa nempe bina. ex Varrone apud Nonium: *Qui gladiis cincti, sine scuto, cum binis gesis essent.* In classibus Seruianis Gesa nō nominantur, & vox ac telum peregrina videntur. Athenæus quidem Romanos petisse ab Hispanis vult, lib. vi. ὅς τις σκευὴς θυπέος ἔχων, παρὰ δὲ Ἰβηρῶν γαστρὶν: à Samnitibus scuti vsum, ab Hispanis gesorū. At alij magis dixerint à Gallis. Nonius: *Gesa*, tela Galliarum. Et Virgilius de iis:

— duo quisque Alpina coruscat

*Gesa manu.*

Propertius etiam de Virдумaro, eorum rege:

*Nobilis è \*rectis fundere gesa rotis.*

Claudianus etiam quasi propriis insignibus Galliam ornās, lib. ii. de laud. Stilic. *Gallia crime ferox, euincta q; torque decoro,*

*Bina que gesa tenens.*

\* *An rectis*  
*rotis*: id est,  
cincto.

Coma-



Comatam facit, Torquatam, Gefatam. Et in Polybij libro II. videndum, an non verius sit Gallos illos, quos *Gefatas* dictos ostendit, ita à telo potius quàm à mercede (quod ipse vult) agnominatos. Staius & Macedonibus tribuit, I I. Achilleidos:

— didici quo Pæones arma rotatu,

*Quo Macetæ sua gesa citent.*

Sed ibi quidam scripti libri, *tela*. Parum est, poëtæ hæc confundunt. Quale autem fuit? Suidas ita: Γέσοι, ὅπλον ἢ κόντος μακρόθεν κεντῶν, ἢ κυῶτος κόντος ἐχραφεν ἐν τοῖς γαπκοῖς: *Gesi, telum vel contus longè feriens, ut Q. Crito in Geticis scripsit.* Vertit & sic interpres Bibliorū, libro Iudith cap. IX. ἡλπίσαν ἐν ἀσπίδι & γαίσω, καὶ τόξῳ: vertit inquam, *contos, scuta, sagittas.* Et grādus fuisse iaculum, etiam Festus indicat: *Gesum, graue iaculum.* & Diodorus, de armaturâ Gallorum: τὰ μὲν ξίφη τῶν παρ' ἐτέροις σπανίων εἰσὶν ἐκ ἐλαττω, τὰ δὲ σπανία τὰς ἀκμὰς ἔχει τῶν ξίφων μέλλω: *Gladij eorum non sunt minores aliorum hastis, hasta ferrum habent maius aliorum gladiis.* si tamen de Gesis hisce, ut videtur, sentit. Pastoriciu telum Liuius id facit, lib. IX. Iul. e pastoralis habitu, agrestibus telis, falcibus binisque gesis armati. Silius ita ornat Pastorem Afrum, lib. II. — omnia Pænum

*Armenti vigilem, patrio de more, sequuntur,*

*Gesaque, latratorque canis.*

Quintum, I R A G V L A. dicta, ait Festus, quòd scuto infixâ trahatur. Silius de Choaspe quodam Afro:

— cui tragula semper

*Fulmineam armabat, celebratum missile, dextram.*

Plautus: Iam istam aliquo vorsus tragulam deiecero. Idem: Tragulam in te iniicere parat. Hispani vsi, & Annibal obsidione Sagunti, apud Liuium, aduersum femur tragulâ igitur. Apud Sallustium Metellus in Hispaniâ, ictu tragulæ sauciatur. Sed & Galli, apud Cæsarem: Monet ut tragulam, cum epistolâ ad amentum deligatâ, intra munitiones castrorum adiciat. Ab iisdem (quinto Gallic.) T. Baluentio utrumque femur tragulâ traicitur. Vsi & Romani, in Suidâ: Κόντας ἐχρήσαστο τῶν ὀπλῶν, ὃ τεσθόλας ἐλέγετο, μετ' ἑ ἔτω βιάϊαν ἀφίει πληγὴν, ὥστε τὸν βληθέντα δεξιὰ τε καὶ ἀριστερὰ καὶ τῶν πλευρῶν διεπείρει καὶ τῇ γῇ προσηλώσται: *Cotta utebatur telo quod Tragula dicebatur, quo tam validam plagam inferebat, ut percussus per loricam, per latera, transfigeret, & velut clauo terræ affigeret.* Validum igitur telum: sed quale, haud aliter scio, nisi quòd hama-



hamatum fuisse suspicor, ob etymon illud à trahendo. Sunt & Vegetio, lib. ii. cap. xv. *Tragularij, qui ad manuballistas vel arcuballistas sagittas dirigebant*, significatione paullò diuersâ. At sextò,

SECVRIS etiam in hoc numero, quam & missilem reperio; etsi cominus pugnasse eâ non nego. Sidonius de illâ, Panegy. ad Maiorianum.

*Excussisse citas vastum per inane bipennes,*

*Et plagæ præscisse locum, clypeosque rotare,*

*Ludus erat.*

Hoc ille de Scythis. & idem de Sigimere iuvene regio, eiusque comitibus, libro iii. epist. xx. *Lanceis vinctis, securibusque missilibus, dextræ refertæ.* Horatius Rhætis etiam donat, nec exprimit tamen missiles:

— quibus

*Mos unde deductus per omne*

*Tempus Amazoniâ securi*

*Dextras obarmet, querere distuli.*

Atque etiam nunc habent & sic vtuntur Boiemi, & vicini. Veteres item Galli, ex Ammiani xix. *Galli morarum impatientes, securibus gladiisq; succincti, patefactâ sunt egressi portâ.* Procopius de Francis: *Gestât ensem, clypeum, et securim, cuius ferrum crassum est, et vtrimque acutum.* Hanc Franci securim in primo ipso congressu iacere in hostem consueverunt eo impetu, vt scuta perfringant, & ipsos simul interimant.

Vim teli aduertite. quod ipsum an non est, quod *Haggones* patriâ <sup>Haecken</sup> <sup>nostrâ lin-</sup> <sup>guâ.</sup> linguâ dixerunt? In Suidâ: *Ἀγῶνες, ὀπλῶν ἐκ δόξα τῶν ἀγῶνων: Ag-gones, patria iacula apud Francos.* In Eustathio describitur: *Ἀγῶς, εἶδος δόρατος περὶ μὲν, ἔτε λίαν μικρὸν, ἔτε μεγάλη, ἢ τὸ πλεῖστον σιδήρεον ἀεὶ ἐλέχεται: Angos, genus hastæ Fræcicæ, neque longæ admodum, neque magnæ, quæ plurima ferro tegitur.* In Agathiâ etiam clariùs: *Breuiâ tela, quæ ipsi Anconas vocant, cuius pars maior ferro obducta est, ita vt ex ligno aliquid, præter manubrium, vix exstet.* In superiori ferro, tanquã hami vtrimque sunt, et deorsum vergunt. Non est planè Hallebarda nostra: etsi hæc potest inde nata esse. Sûntne Græcorum *διβόλια*? Plutarchus de Cimbris & Teutonis, in Mario: *ἀκόντισμα δὲ ἦν ἐν ἑκάστῳ διβόλια: Iaculum cuique erant, secures, siue bipennes.* Ita equidem verterim, nec aptius video, vel ad morem gentis, vel ad vocē Græcam. Quæ item in Herodiano, sed corrupta, lib. ii. Seuerus Imp. inquit, iussit militibus suis (ex Illyrico venerant) cingere & claudere Prætoria-



nos, τὰς τε διαβολίας καὶ τὰ δόξατα ἐπινοήσω: & *secures*. & *hastas intentare*. Nam *δ'βολίας* scribendum: sicut & in Euripide est, *δ'βολος ἀνών*. Politianus tamen doctissimus, illuc *Pila* maluit vertere: in oculis habens, credo, morem telumque Romanum. Et fateor milites istos legionarios esse: sed nempe ex Illyrico reduces, ubi talia tela in usu. Imò cur non ipsis tunc Romanis in usu? Tacitus dicit II. *Histor.* *Omisso pilorum iactu gladiis securibusque galeas & loricas per-rumpere*. Hoc ille civili inter se Romanorum pugnâ: Ammianus, inter Romanos & Gothos, lib. xxxi. *Mutuis securium ictibus galea perfringebantur atque lorica*. Martiobarbuli fortasse originem habent istinc. de quibus in Vegetio libro II. cap. xvii. *In Illyrico dudum duae legiones fuerunt, quae sena millia militum habuerunt: quae quòd his telis scienter & fortiter utebantur, Martiobarbuli vocabantur*. Nota, quòd in Illyrico: fortassis istae Seuerianae, & securigeræ. Iuvat quod in Leone Imp. est: *Martiobarbulum, quod nunc Saliba vel Tzicurim dicunt*. Retinuit enim ecce & appellationem *Securis* (id enim *Tzicurim* puto: ) etsi facies leuiter mutata. Describuntur & depinguntur isti in Notitiâ Imperij, atque inde aliquis petat. Ad-do finiens, Cantabros quoque securibus usos, more patrio. de quo Silius libro xvi.

— sic fera, gentis

*More, securigerâ miscebat praelia dextrâ.*

Sed & Campanis idem adsignat, libro viii.

*Aclidis usus erat, factaeque ad rura bipennis.*

Sunt plura nomina & formæ, sed rariora: omnia persequi cur lubeat, exiguo fructu? CARON. At de *Aclide*, quam nominasti è Silio, adde. ADAM. Vix aliud scio, quàm exiguum & teres quoddam missile fuisse: ut in Virgilij v. ii.

— teretes sunt aclides illis

*Tela, sed hæc lento mos est aptare flagello.*

Plures ferebant. ut in Valerio Flacco, lib. vi.

*Nec procul albentes, geminâ fert aclide, parmas.*

Sed quid ita Virgilius *Flagello aptat*? quo sensu? Seruius ait, esse *clauas*, cubito semis factas, eminentibus hinc & hinc acuminibus quibusdam: quæ ita in hostem iaciuntur, religatæ lino vel loro, ut peractis vulneribus possint redire. Neque certius dixerim: nisi quod teli eius mentio etiam inferiore æuo in Claudio Vopisci: *Lancea Herculianæ duæ, aclides,*



*acides dua.* LIP S. Ego quoque in Virgiliano sensu hæreo. De receptione teli, simile antè dictum, & apud Isidorum legi, in *Cateia* describendâ: *Cateia*, inquit, quam Horatius *Caia* dicit. Est enim genus genus Gallici teli, ex materiâ quammaximè lentâ, quæ iactu quidem non longè propter gravitatem euolat, sed quò peruenit vi nimîâ perfringit. Quod si ab artifice mittatur, rursus ad eum redit, qui misit. Huius Virgilius meminit, Teutonico ritu soliti torquere cateias. Vnde & eas Hispani & Galli Teutonos vocant. Ait ab Horatio *Caia* dictam: ubi ab illo? nusquam hercules, scribendumque reor, *Dorcatio*, quem & alibi Isidorus citat. Sed & pro *Caia*, liber scriptus (à te Carondelete habui) *Caua* benè refert, à formâ nimirum sic agnominatam. vnde & Silius libro IIII. *pandam* dixit: — *pandâ manus est armata cateiâ*. Nam *Panda* & *Caua* eadem, diuerso situ aut aspectu. Quod etiam est, *Teutonos* dictas eas esse: idem liber *Teatanos* habet, nec memini vtrâ legere, nisi quod Valerius Flaccus libro VI. nominat:

*Et puer è primo torquens temone cateias.*





## DIALOG. V.

*Amenta quid fuerint, & quo fine.*

**A**DAM. Magister, te aspicio, & tacitus posco. LIPS. Quid?  
 ADAM. Missionem. LIPS. Iustam quâ possum, vix ex-  
 pletis primis stipendiis? ADAM. Da gratiosam. LIPS. Indul-  
 gebo, si addideris de *Amentis*, quæ nexa esse huic iaculatoriæ rei,  
 non ignoras. ADAM. Nec ausim, nec ius est refragari. Pars enim  
 mei sermonis sunt: & iacula aliâs manu solâ missa, aliâs loro  
 reuincta, & eo excusso adiuta. Id dicebant *Amentum*. Glossæ:  
*Amentum*, ἀμυα ἀκοντίων: vinculum iaculorum. Eadem: *Amentum*, ὁ δὲ  
 κατέχεται ἡ λόγχη: id quo tenetur hasta. Festus: *Amenta*, quibus ut emit-  
 ti possint vinciuntur iacula. ex Græco, quod est ἀμυατα, vel quia aptan-  
 tes ea ad mentum trahunt. Latini & Nodum vocant. ut Silius, l.

*Huic impulsæ leui torquetur lancea nodo.*

Statius in III.

*Fræna tenent, duplexque inserto missile nodo.*

Item *Ansam*. ut Latinæ glossæ: *Amentum*, corrigia Lanceæ, quæ etiam  
*Ansula* est, ad iactum. Inde *Ansatæ* Ennii:

*Ansatæ mittunt è turribus---*

Iterum:

*Postquam sese sunt stantes, spargere sese  
 Hastis ansatis.*

*Habenam* etiam alij. ut Guntherus poëta lib. x.

*Qui iaculum valido longè torquere lacerto,  
 Longius excussâ didicere potenter habenâ.*

Græcorum id inuentum est Plinio, qui *Ætolum Martis filium*,  
*iaculum cum amento repperisse*, libro VI. tradidit. Fuit autem non  
 aliud quàm lorum reuinctum in hastâ mediâ circiter, quod ma-  
 nu deinde & primoribus digitis illigabant leuiter, in emissu  
 cum impetu soluendum. Quod in mediâ, Seruius: *Amentum*, lo-  
 rum quo hasta mediâ religatur. Imò Isidorus Lanceam hinc format,  
 quia æquâ lance, id est æquabili amento ponderata vibratur. Habet  
 enim, ut præmisit, *amentum in medio*. Et profectò hæc Græco-  
 rum μεσάμωλα, nisi fallor: etsi quasi teli certum genus Gramma-  
 tici proponunt. Hesychius, μεσάμωλα ἀκόντια. Festus, *Mesancylum*,  
 teli



*teli missilis genus.* Poterant & debebant explicatiùs, *telum amentatum.* Certè Græcis ἀγκύλη *amentum* est, & ἀγκυλίζεσθαι, *amentare* propriè; etsi interdum pro iaculo & iaculari vsurpant. Strabo libro IIII. Εἰ δὲ πηρὶ γρόσφω ἑοικὸς ξύλον, ἐκ χειρὸς ἐκ δὲ ἀγκύλης ἐφέμενον, πλεονώτερον δὲ βέλος: *Est etiam (Gallis) ligneum telum, hasta velitari simile, è manu non ex amento missum, quod longiùs peruat di sagittâ.* Nescio an Gesum intellegat, an aliud leuius telum. Xenophon libro v. Anabaseos: τὰς πελταστὰς ἀεὶ παρήγγειλε διηγκυλισμένους ἶεναι, ὡς ὁπότεαν σημήνη, ἀκοντίζεν δὲ ἴσον: *Peltastas iussit amentis aptis tensisque incedere, vt cùm signum daret, iacularentur.* Itaque etiam ante pugnam, prompti scilicet & parati sic incedebant, strictis illigatisque amentis ad digitos primores. Seneca in Hippolyto:

*Amentum digitis tende prioribus,*

*Et totis iaculum dirige viribus.*

Contrà, vbi ignauia aut metus, laxè ea habebant & solutè. Statius libro XII.

—— *stat debilis altera pubes,*

*Summissos enses nequidquam amenta que dextris*

*Laxa tenent.*

In alacritate & promptitudine bellandi, surrecti enses sunt, & amenta intensa: vtrumque hîc contrà. Quod etiam in pluuiâ fiebat, & humor resolvebat. Liuius libro xxxvii. notat, Antiochi copias minùs vtilis factas, quòd humor arcus, fundasque, & amenta iaculorum molliuerat. Quia amentum igitur roborat & incitat hastam, inde metaphora Tertulliano, aduersus Marc. lib. IIII. *Christus amentauit hanc sententiam, Non potestis Deo seruire & Mammonæ.* quod est fortiter & seriò edixit, & velut amento intorsit. Ita Ambrosius vii. epistolar. *Intorquenda est illa amentata, non manipularis sententia.* Nec Manipularis ibi gregarium militem signat, aut eum respicit; sed ipsam comprehensionem, quæ fit manu. Inde *Hasta amentata* Tullio & Fabio, fortes & sic ligatæ: denique in Lucano id verbi:

*Cùm iaculum parua Libys amentauit habenâ.*



## DIALOG. VI.

*Arcus & Sagittarij descripti.*

**D**IXI, nunc alius. CAR. Quin tu idem : decet te, & placuisti. ADAM. Nónne missus sum? CAR. A Tribuno, non à consule: meum hîc autem primarium imperium, quod nec Lipsius negat. ADAM. O fraudem! CAR. Imò sine fraude, tu perage incceptum. *Sagittæ* tibi restant. LIPS. Nam hercules Adame hoc exciderat : non misissem, si in mentem fuisset. nunc reuoco iterum sub signa. ADAM. Vos traditis operas mutuas : denique verbo veteri, *Magniparuos*. Atqui parendum, aut flendum est. *Sagittæ* igitur nescio an ab antiquo Romanis. ego quidem vix legere memini in historiâ veteri, & Liuius aut Dionysius vbi classes armant, *Sagittas* nusquam dedere. Quid Polybius? minimè: nec Graues eius aut Leues his vtuntur. CAR. Vide quò vadas Adame: ego memini. Non crebra, fateor, mentio : tamen est. & ecce in Dionysio lib. IX. sub prima tempora libertatis, *Æquos* narratur *castra Romana oppugnasse, neque absteritos* ἔτε πάλτων, ἔτε τοξοτῶν, ἔτε χειρῶν δὲ σφειδόνος ἀφιεμένων βολαῖς: *vel hastarum, vel sagittarum, vel lapidum è fundâ emissarum iactibus.* Iterum alibi idem: Οἱ φίλοι στανίων τε βολαῖς, καὶ τοξόμασι, καὶ λίθοις δὲ σφειδόνος μάχονται: *Leues milites (Romani) hastarum iactibus & sagittis, & lapidibus è fundâ missis pugnantes.* Denique clarissimè Vegetius : *Quantum utilitatis boni sagittarij in præliis habeant, & Cato in libris de disciplinâ militari euidenter ostendit; & Claudius pluribus iaculatoribus institutis atque perdoctis, hostem, cui prius impar fuerat, superavit.* Si Cato dilaudat ille Priscus, quid certius quàm apud priscos fuisse? ADAM. Tamen etiam nunc ambigo : nec valdè mouent, quæ adduxti. Dionysius semel aut iterum nominauit: quid si incogitantia aut casu? at idem, vbi opus maximè fuit, non fecit. Vegetius ingerit : sed nempe veterum rerum parum firmiter sciens, nec peccem, si testem hunc abiiciam aut spernam. In isto ipso loco Sagittarios cùm laudatum it, Claudium adducit qui *Iaculatores* instituit. Deus te amet Vegeti! scitus & bellus argumentator es, à Sagittis ad iacula transis. Atqui Claudius ille, siue collega eius, ad Capuam non nisi Velites institue-

\*Legend.  
τοξομάται.



runt, quos tu ( & id benè ) Iaculatores appellas. Grande autem discrimen: ac subuereor ne idem in Catone sit, & ille nonnisi tales aliquos, qui eminus mittunt & iaculantur laudauerit, tu trahas etiam ad Sagittas. Quidquid sit, monere hoc volui: si exempla alia refellunt, desino libens opinionis huius, & tuæ domum. Illud quidem haud abnuo, fuisse post Punicum bellum secundum creberrimè in Romanis castris, sed Auxiliares nempe, non ciues. In hoc numero maximè Cretenfes. quos & excelsisse hac peritiâ certum est: & quidam originem primam ad eos trahunt. Diodorus ita sentit, *Appollinem repperisse arcum, & indígenas Cretenfes docuisse sagittariam*. Isidorus accedit: *Sagittis primum Cretenfes vsi sunt*. Plinius tamen aliter. &, *Arcum ac sagittam* (inquit) *Scythen Iouis filium, alij Persen Persei filium inuenisse dicunt*. Isti omnes oculos retulere ad populos qui arte eâ clari: atque ita alij ad Scythen, quia Scythæ eminent; alij ad Persen, quia Persæ, hoc traxerunt. Becanus noster libens suffragium suum Scythis donet: quòd nostrate linguâ *Sagittare*, etiam nūc est *Schieten*. Inde ergo Scythæ dicti, & pro veteri pronuntiatione y Græcanici, ipsi Sagittarij hodie *Schutters*. Quid ais Lampsoni? aures arrigis? hæc valde pro tuo Becano. LAMPSON. Fateor, ego & plures virum hîc amauimus (sæpe nobis aderat) virum in sermonibus & subitis dissertationibus ad miraculum promptum, & facundum. ADAM. Scythæ igitur inter inuentores censentur, & celebratur *Arcus Scythicus*: cuius forma expressa in Athenæo, lib. x. Nā ibi pastor, cū nomen ΘΗΣΕΥΣ vellet exprimere, & singulas litteras rebus aut imagini cuiuspiam assimilare: ait

Συ θυῶ δὲ τόξω τὸ τρίτον ἦν παρήμερής.

*Sed tertia arcui Scythico similis erat.*

Ete est sanè vetus Græcorum Sigma, tali omnino formâ. Valerius Flaccus idem ostendit, cū Tanaim quâ in Mæotim erumpit, cum arcu Scythico componit, libro IIII.

*Atque hac Europam curuis anfractibus vrget,*

*Hac Asiam, Scythicum specie sinuatus in arcum.*

Sed & Parthi hoc tali arcu vli: & exstant Nummi M. Antonij, in quibus sic expressus. Ab arcu Festus notat *Arquites* dictos, *arcu praeliantes*, qui nunc, inquit, *Sagittarij*. Sagittæ ipsæ dictæ etiam *Virgæ*, vt in Claudiano, lib. I. de laud. Stilic.

*Quis*



*Quis Stilicone prior ferro penetrare leones  
Cominus, aut longè virgâ transfigere tigres?*

Etsi tentavi ibi aliquando, *virgatas figere tigres*: quoniam & in Silio legeram, *virgato corpore tigrim*. Sed desino, & illud teneo, interpretorque vel Iaculum, vel Sagittam. Sic & Græci vñ voce ῥάβδος. vt Cedrenus de Nicephoro Imp. eduxisse eum scribit in Bulgargos, πολλὰς πέντας σφενδόναις καὶ ῥάβδοις ὠπλισμένοις: *multos pauperes, fundis tantum & virgis armatos*. Iterum, de ominibus Basilio ad Imperium: Ο βασιλεὺς πρὸς θήραν ἔξῃ, καὶ κατὰ σοχίῃσας λαγῶν τῇ ῥάβδῳ, τῶ ἵπῳ καὶ θήλατῳ πρὸς τὸ σφάζειν τὸν λαγῶν: *Imperator ad venationem exierat, & certo ictu cū leporem virgâ tetigisset, descendit ex equo vt interficeret*. Sūt & in Manilio versus, de iis qui in Sagittarij ortu orti:

— *dabit & iaculum torquere lacertis,  
Et calamum nervis, & glebas mittere virgis,  
Pendentemque suo volucrem deprendere calo.*

Velim & hīc Virgas pro Sagittis, nisi diceret *glebas ijs missas*. Atqui glandes plumbeæ, fundis profectò missæ; nusquam (meâ scientiâ) sagittis. An ad *Fustibalum* hoc refero, qui lapides glebasque mittebat? an ad tubos illos & canales oblongos, teretes, foratos, quibus etiam nunc Aucupes aues feriunt, emissâ per eos argillaceâ glebâ, spiritu collecto & fortiter expresso? Magis adfirmarem, si veteres scirem vñtasse. Sagittas tamen hīc non intellegi, illud etiam vincit, quòd de iis præiuit: *Et calamum nervis*. Nam calami, sagittæ. quia sæpe ex leuiore illâ materiâ: etsi quædam firmiores atque etiam grandiores. Curtius de Indis, libro VIII. *Binum cubitorum sagittæ sunt, quas emittunt maiore nisu quàm effectu. quippe telum, cuius in leuitate vis omnis est, inhabili pondere oneratur*. Sed & Arabes maioribus vñ. de quibus in Suidâ scriptor incertus: Οἱ δὲ ἀράβιοι ἀρετὴν πολλὴν τῶν ἄλλων διαφέρουσιν, οἱ βέλουσιν αἰσχρομένεσι χρώμασι, αἰτὶ τῶν χειρῶν τὰς ποδὶ ἐμβάλλοντες εἰς τὴν νύκτα, κυκλοῦσι τὸ τόξον: *Arabes virtute multum aliis præstant, qui sagittis hominis longitudine vtentes, pro manibus pedem in neruum ponunt, ac sic arcum intendunt*. Pleræque autem Sagittarum hamatæ, & ne facile euelli possent. Propertius de Amore:

*Et manus hamatis vtraque est armata sagittis.  
Quædam triplici hamo. Statius lib. I x.  
Aspera tergeminis acies se condidit vncis.*

Quædam



*Aspera tergeminis acies se condidit vncis.*

Quædam quadruplici, quæ sunt Hippocrati τετραγωνα βέλη, quadrangula sagittæ. At illæ Parthorū mirificæ, quæ videntur aciem super aciem habuisse: si Dionem satis intellego, in rebus Luculli contra Tigranem, libro xxxv. Καὶ ἦν τὰ τεράματα χαλεπὰ καὶ δυσίατα. Τῶς τε γὰρ ἀκίσαι διπλάσις ἐρχώντο, καὶ προσέτι καὶ ἐφήρμοσεν αὐτὰς, ὥστε τὰ βέλη εἴτε ἐμμένεε πη τοῖς σώμασιν, εἴτε καὶ ἐξέλκοιτο, τὰ χεῖρα αὐτὰ διολλυῖαι. τὸ γὰρ ἕτερον τὸ δ' ἄτερον σιδήρεον ἔνδον, ἅτε μηδεμίαν αὐτολκήν ἔχον, ἐγκατελέλειπτο: *Vulnera autem erant grauia & agrè curanda. Nam duplici acie utebantur, & sic adaptabant, vt siue sagittæ manerēt in corporibus siue extraherentur, celerrimum interitum adferrent. Alterum enim illud secundum ferrum & cuspis, vt quod nihil haberet quo retraheretur, intus relinquebatur. Significare videtur, velut cuspidem super cuspidem fuisse, quæ tenui ferro \*nexa, in corpore ferè maneret & rumperetur, siquis tentaret educere. Secundum igitur ferrum* <sup>\* Aut vs innoluerit inserta.</sup> intellegit, illud primum in ictu: ordine quidem à ligno, secundum. Plutarchus qui & ipse has sagittas, toties in metu & noxâ Romanis, describit, nihil tale: dumtaxat dicit habuisse ἡγχις ἐφ' ἑμέας ἀκίδας: *hamatas & uncinatas acies.* Idem vires earum mirificè attollit, & terrori fuisse Crassi militibus τὸν τόνον τῶν οἷς ὦν καὶ τὴν ῥώμην, ὅπλα τε ῥηγνύειν, καὶ δὲ παντὸς φερόμενων ὁμοίως ἀντιτύπου καὶ μαλακοῦ τῶν τάρματ' : *intentionem tenoremque & robur sagittarum, arma perfringentium, & per omne quod obstaret durum aut molle pene trantium.* Atque has sagittas emissas ἀπὸ τόξων κραταῖων καὶ μεγάλων, καὶ τῇ σιολιότητι τῆς κωμῶς ἡναγκασμένον τὸ βέλ' ὑποσελλόντων: *ex arcubus validis & magnis, qui & ipso obliquo illo flexu adactum telum violentè emittebant.* Vbi notabis etiam incuruos & Scythicos arcus (quid mirum? Parthi Scytharum Progenies) de quibus prædixi. De simili violentiâ, adfirmat etiam Procopius, qui Romanorum Sagittarios valde laudat sub Iustiniano, ac sic describit libro i. Bell. Persic. *In bellum thoracati prodeunt, tibialia siue ocreas etiam induti. Ab vno laterum pharetra, ab altero ensis dependet. Sunt & qui hastam ferant, & paruum supra humerum scutum, vt ora ceruicemque tueantur. Equitant præterea peritissimè, vt vel equo curren- te obiter hostem & persequendo possint & fugiendo, ferire. Arcum ipsum longè validiorem vsque in dextram tendunt aurem. Tali igitur nisu emissam sagittam, mirum non est frustra non mitti, cui neque Thorax vl-*



*lus neque Scutum possit resistere. Aduerte hæc postrema, contra vulgi <sup>ἀντίαν</sup> : & simul totam armaturam Sagittarij, qui æuo Iustiniano & circiter fuit. Nec enim tunc profectò nudi aut leues, quin & Vegetius *cataphractas* & *galeas* iis adsignat. Ideoque & in acie struendâ, idem cum grauiori milite miscet. Inò verò iam ab Augusti, & paullo antè, æuo duplices Sagittarij in exercitu, Equites Peditesque: quos & in Tacito & alibi leges. Ad do, thecas sagittis fuisse quas *Pharetras* aut *Corytos* prisci dixerunt: etsi Leo Imp. hac posteriore voce ferè vtatur, pro tegmine ipso & receptaculo arcus. Idem pharetras, \**Cocura* siue *Cocurra* identidem appellat: & agnoscitis nostratam vocem, qui hodieque sic vocamus. Idem *Scorteum*, Festo.*

I. L I P S I  
 P O L I O R C E T I C O N  
 S I V E  
 D E M A C H I N I S,  
 T O R M E N T I S, T E L I S,  
 L I B R I V.  
 D I A L O G I S M V S I.

*De Repugnatione additum: & primò quid in Testudinem, aut Scalas.*

**D**ESIERAT Adamus, atque ego abitus commune faciebam nostros & surrectionis. Sed Billæus, Surgere quidem haud displicet, nec veto: abire haud placet, & planissimè veto. Itane parte vel præcipuâ sermonis neglectâ, aut omisâ? L I P S. Mihi non videtur, & censeo fideliter, quod promisi, dedisse, *De Machinis, Tormentis, Telis*: dedisse dico, aut dari curasse. Nam & ab his æs solutioni in parte sum mutuatus. Sed quid tu ultrà poscas? B I L L. Quod res, quod natura, & isti omnes. *Oppugnatio* dicta adfatim & docta est: Quid *Repugnatio*, nulla erit? & miseros illos sic perire patimur inultos & indefensos? Mihi non videtur: &



tur, & vel ipse potius propugnem. L I P S. Tu facito, si videtur: ego me non adstrinxi, nec dabo. C A R. Certum est? L I P S. Certum. C A R. Atquin cum Billeheo sentio, fastigium huic operi imponendum, nec id quoque relinquendum sine tecto. Age inuicem iuuenus Billehee, tu ordire, excipiam: nec Lipsius hic suppetias venire negabit. L I P S. Commilitare, hoc possum: sub vestris præsertim, signis, qui sic amici: at ducere agmen, & præesse, id recuso. B I L L. Incipimus igitur, tu memento succenturiatus esse. In *Repugnatione*, amici, ordinem haud diu quærendum sermonis censeo: utar eo quem Lipsius præiuit: & quæ series in oppugnando fuit, hæc sit in tutelâ. Ad singula nocumenta aut plagas, pro meâ copiâ & peritiâ, medelas dabo: sed eas dico, quas legendo didici, & vetus illa ætas suppeditauit. Primum igitur, quod Lipsius noster in obsessos mouit, idque in *subitâ oppugnatione*, *Testudo* fuit, & globus militum densus, qui incurrit, & nisi amolitur, scandit. Resistebant, & *Saxis* aut *Ponderibus* aduentantem obruebant, aut certè dissipabant. Tacitus I I I. Hist. *Tum elatis super capita scutis, densâ testudine succedunt. Romanæ utrimque artes. pondera saxorum Vitelliani prouoluunt, disiectam fluitantemque Testudinem lanceis contrisque scrutantur: donec solutâ compage scutorum, ex sanguine aut laceris prosternerent.* Primum igitur erat (ex his verbis) saxi obruere: si pars aliqua leuiter cecidisset aut se abiunxisset, tum *Contos* aut *Lanceas* inferere, & tam intutos, lapidibus, pilis, aliisq; missilium prosternere. Lucanus hæc eadem, de Massiliensibus in Iulianos:

— sed pondere solo

*Contenti, nudus euoluunt saxa lacertis.*

*Dum fuit armorum series, ut grandine tella*

*Innocuâ percussa sonant: sic omnia tela*

*Respuit. at postquam virtus incensa virorum*


*Perpetuam rupit, defesso milite, cratem,*

*Singula continuis cesserunt ictibus arma.*

Quòd si qui per ipsam *Testudinem* tamen scanderent, ij verò (ex Tacito eodem) gladiis & armorum incussu præcipitati, sudibus & pilis obruebantur. Hæc propriè in *Testudinem*: quid in *Scalas*, quas noster subiunxit? *Furcas* video usurpatas. Liuius x x v I I I. Et iam qui crexerant ad murum *Scalas*, *Furcis* ad id ipsum factis detru-



debantur. Certum fuisse Furcæ genus ostendit, oblongioris, credo, aut in perticâ longiore. Scriptor in Suidâ: παρεσιδίας δ' ἐκ δίκων, ὥς τε ἀπωδείας τὴν τῆς λεγομένων σκαλῶν προσαγωγὴν : *Preparata & Furcæ erant, ad impediendam Sclarum (ita appellant) admotionem.* Dupliciter igitur Furcæ utiles, ad Scalas ipsas reiiciendas & resupinandas, sed & homines ipsos. Vidi & Furcæ genus in armamentario Bruxellensi, quod brachia, collum, pedes apprehenderet, ac scitè tum coiret. Ita vinctum hominem trahebant & adducebant.



## DIALOG. II.

*Plura alia in Ascendentes. Oleum; Vasa picis, sulphuris, bituminis, & in fundis iacta. Plumbum, Ferrum, Arena, Retia.*

**H**Æc igitur in ista : an non alia communiter in Ascendentes? ita, tum in eos dico qui Testudine nixi, tum & qui sparsi aut sine cā. Primum inter hæc, *Liquida* quædam reperio, aut *Liquefacta*: ut *Oleum* servens, *Picem*, *Bitumen*, *Plumbum*, & si quid tale. De Olco, in Iosepho : *Cum Romani iam invicem se adhortati,*



hortati, latera iunxissent, ac desuper protekti longioribus scutis inexpugnabilem globum fecissent, muroque succederent: tum ille (Iosephus ipse qui scripsit) feruenti Oleo perfundi eos iubet. Quod Iudæi promptè & cupide fecerunt, ipsis etiam abenis bullientibus in eos missis. Quæ res Romanorum connexionem soluit, & cum magno dolore à muro abibant precipites. Celerrimè enim oleum à capite ad pedes, per omnia sese arma insinuabat, & carnem instar ignis depascebatur. quippe quod naturâ faciliè accenditur, & tardè refrigeratur, ob pinguedinem & lentorem. Loricis itaque & galeis illigati cum essent, fuga non erat huius pestis: sed nunc subsilientes, nunc dolore se incuruantes, decidebant de Pontibus. Pulchrè omnia descripta, & graphicè: atque ego in totâ historiâ, siquid mei iudicij est, Iosephum habeo prudentem probumque scriptorem. Alterum quod iniici solitum, Pix, Sulphur, Bitumen. Sallustius, Iugurthino: *Opidani in proximos saxa volvere, prætereâ picem sulphure & tadâ mistam ardentia mittere.* Cæsar VII. *Picem, reliquasque res, quibus ignis excitari potest, fundebant. Quæ talia vasis plurimum inferebant, siue fictilibus. Vt in Herodiano, de Aquileiensibus, cum Maximinus oppugnaret: Οἱ δὲ λίθοις ἔβαλον ἀνωθεν, καὶ κινῶντες δείκνυσι καὶ ἀσφάλτω πῖστιν, κοίλοις σπῶντες ἐμβαλόντες, λαβὰς ὀπιμήκεις ἔχουσι, καὶ πυρῶσαντες ἅμα τὰς περὶ ἀπὸ τοῦ ἑαυτῶν τείχεσι τὸν στρατὸν, κατεσκευασμένους, καὶ χέοντες ὄμβρε δίκην ὁμοθυμαδόν: Illi verò saxa desuper iaciebant, & miscentes picem sulphuri ac bitumini, in cauis vasis longa manubria habentibus, cum ea feruescissent, appropinquanti exercitui iniiciebant, & imbris in modum dense & confertim inspergebant.* Ammianus, *Corbes Sitellasque è ferro huic rei adhibet. vt libro xx. Corbes in materias ferreos, plenos flammæ, & sarmenta aliaque ad ignes concipiendos apta iaciebant. Ibidem: Faces, sitellasque ferreas onustas ignibus, in Arietem magnis viribus iacentes. Alibi & Qualos appellat, sed ipsos vimineos & vnâ cum materie ardentes: Quali simul ardentes, pice & bitumine obliti. Quæ ita iunctim pono, quia adsident & vicina sunt, etsi haud ignorem, non in viros tantum, sed in machinas ipsas ligneas vsurpata. Nec omitto verò, hæc talia Vasa eminus etiam proiecta in hostem, idque auxilio Fundarum. In Appiani Libyco: Ρωμαῖοι δὲ χώματι ἤκειν ἀντιμέτωπα τοῖς πύργοις, δάδας τε συγκεκοσμημένοι, καὶ δείον ἐν καὶ ὁδοῖσι καὶ πύργοις, ἐπὶ αὐτοὺς ἐσφενδόνον: Romani aggeres excitauit oppositos & aduersos Turribus, & Faces apparantes, itemque Sulphur &*



*Picem in vasis, fundis emittebant in ipsas. Poteram aliter & Iaculandi communiore verbo interpretari, scio: sed præit ad illud & ducit Dionysius, qui de priscis illis Romanis, Capitolio à servis capto & infesso, aperte ita scribit, libro x. Καὶ οἱ μὲν δ' αὖ τῶν πλυσίων οἰκίων, ἀσφάλτου καὶ πῶσσης πεπυρομένης ἀγγεῖα σφενδόνας ἐπαρμόττοντες, ἐπέβαλον ὑπὲρ τὸν λόφον: Atque alij à vicinis adibus, bitumine & pice*

\*Manu-  
riis: sed &  
licuit in  
fundis balli-  
starum ma-  
iora pocula

*feruidâ vasa repleta fundis inferentes & adaptantes, iaculabantur super ipsum collem. Et adhæc ego Vasa, siue Ollas, Hesychij Ἀσίοχον referendum puto, sic descriptum: Ἀσίοχος, ἀγγεῖον ὡσεύρες, εἰς δ' ἐγχέοντες πῶσαν καὶ δεῖον, καὶ συσπείον, ἠφίσαν. καὶ ἐνταῦθα ἐφέρετο, ἕκαστε τὰ ὡσεύρα*

*συγχέοντες: Astiochus, vas rotundum, in quod infundentes picem, & sulphur, & stupam, emittebant. & quò deferebatur, adurebat obuia. Magis dico, huc quàm ad Malleolos facit: & eodem Cæsaris hoc duxerim, è Comment. v. Galli, maximo coorto vento, feruentes fusili ex argillâ glandes, fundis; & feruesacta iacula, in casas que more Gallico stramentis erant tectæ, iacere cæperunt. Vasa, dico, argillacea acceperim, repleta feruenti materie: & mecum Orosius, qui in hac re scribit: Testas, fundis, feruentes intorsisse: quas Cæsar Glandes à simili vsu dixit. Iam & Plumbum liquefactum adnoto infusum scandentibus, in Polyæno, vi. Stratag. Πάλιν οἱ μὲν πολέμιοι χελώνας προσάγοντες τὰ τεῖχη σπένδουσιν. οἱ δ' ἐδ' αὖ τῶν τευχῶν μόλιβδον πυκτὸν ἐν χαλκείοις προωθῶντες κατέχεον, ὑφ' ὧν σπένδαντες τὴν χελώνην ἀφελύεσθαι: Iterùm cùm hostes Testudinem admonissent, murosque subruerent, illi à muris plumbum liquefactum, in vasis ereis protendentes, effundebant, eoquæ factò testudo soluta est. Nota & hîc, protendisse, nempe in perticis contisque: quod & in Herodiani supra verbis expressum. Atqui non plumbo solum vsi, sed & Ferro. quod cùm fundi non posset per naturam, raserunt in pulverem: eumquæ ignitum sic iniecerunt. Scriptor in Suidâ: πυκτὰ τε ὅσα καὶ χυτὰ ἐς πολέμους σὺν πυρὶ ἐξ ὑπερδ' ἐξέων ἐβάλλετο. τὰ τε ἄλλα, καὶ τὴν σπένδον γινώσκοντες, ἢ πυρὶ πολλῷ ἀφελύεσθαι ἐργασάμενοι, κατὰ τῶν ὑπὸ τῶν τευχῶν ἔχοντες ἐμύλλον: Liquida omnia & fusilia in hostes, ex superiore loco, feruentia mittebantur. Inter alia verò & ferri pulverem, quem multo igne candentem reddiderant, in murum subeuntes parabant effundere. Cui ad simile est, sed parabilius, quod Curtius Tyrii factum in Macedonas narrat, libro i i i i. Ij clypeos æreos multo igne torrebant, quos repletos feruidâ arenâ cænoquæ decocto, è muris subito devolvebant.*

\*ixh  
leg.



uoluebant. nec vlla pestis magis timebatur, quippe ubi loricam corpus-  
que feruens arena penetrauerat, nec vllâ vi excuti poterat; & quid-  
quid attigerat, perurebat. iacientesque arma, laceratis omnibus quis pro-  
regi poterant, vulneribus nudi patebant. Hæc ipsa in cære Diodorus,  
libro xvii. nisi quod Arenam solam nominat, nec Cænum vl-  
lum miscet: & machinâ quadam siue extrorsus eminente instrumen-  
to infusa hæc prodit. Denique & aliud in Ascendentes est, di-  
uersum formâ à dictis, sed sine inuigendum. Diodorus scribit,  
eosdem Tyrios, retibus piscatoriis, Macedonas scalis ascendentes,  
inuoluisse, & inutiles ita factos scalis facile detrusisse. Placuit inuen-  
tum ob nouitatem: & cur non gratuler faucamque humano  
ingenio tuenti magis, quàm inuadenti?

## DIALOG. III.

*Fœnum Græcum sparsum, Rumices, & Tribuli.*

**I**AM aliud mihi callidum & nouitium in mente, quod Iose-  
phus repperit in Romanos. Ille enim, cùm Iotapata, cui præ-  
erat, acriter oppugnaretur, & Pontibus per Aggerem admotis,  
in eo essent vt transscenderent: Fœno Græco elixo (Græcè dixit,  
τῆν δὲ ἐφ' ὧν) iussit tabulas pontium inspergi & supersundi. quâ re illi  
lapsantes & casabundi, incerto vestigio vacillabant, adeò vt nec pro-  
gredi nec regredi rectis iis esset, aliisque super ipsos pontes resupini cade-  
rent, alij in Aggeres delaberentur. Hoc idem an in alio legumine  
esset, nescio, & periculi res egeret. L I P S. Mihi quidem hoc no-  
uum, & alibi non lectum. De Rumicibus Tribulisque sparsis, id  
magis lêgi: nec rarum fuit. B I L L. Ita est, & appositè sugge-  
ris: nam & hi in Defensionem valent. Valerius i ii. cap. v i i.  
Scipio Æmilianus, cùm urbem prauā validam obsideret, suadentibus  
quibusdam, vt circa mœnia eius ferreos Murices spargeret; omniaque  
vada tabulis plumbatis spargeret, habentibus clauorum cacumina, ne  
subitâ eruptione hostes impetum facere possent: respondit, non esse eius-  
dem & capere aliquos velle, & timere. Hoc in obsidione Cartha-  
ginis euenisse, Plutarchus auctor in Apophtegmatibus: vbi Ru-  
mices istos, τειχόλας dicit: & Tabulas sic factas, σάκιδας παντοειδείς:  
asseret stimulis confixos. De plumbo nihil addit. quod tamen in  
Valerio, & vtile fuit ad tabulas firmandas & stabiliendas. Repe-  
rio &

\* I. Poly-  
bius fuit, c. 2  
Plutarcho.



rio & *Sudes Plumbatas* in flumine defixas, à Cassibelauno Britanno rege, contra Cæsarem, vt narrat quidem Beda, libro 1. cap. 11. *Ripam fluminis ac totum sub aquâ vadum, acutissimis sudibus præstruxerat: quarum vestigia sudium ibidem vsque hodie visuntur, & videtur inspectantibus, quod singula earum ad modum humani femoris grossæ, & circumfusæ plumbo, immobiliter hæreant in profundum fluminis infixæ.* Plumbum iste circumfundit, grauitati, vt videtur, & ponderi: minimè Dio, Cæsar, aut alij qui hoc excuti. Cæsar tantum: *Ripa erat acutis sudibus præfixis munita: eiusdemque generis sub aquâ defixæ sudes flumine tegebantur.* L I P S. Memini vtriusque loci: & leuis mihi suspicio, sed verè leuis, an non in Cæsare, plumbo tegebantur. Flumine enim tectas quis nescit, si sub aquâ, quod præiuit? Deinde, vnde hoc hauserit Beda, si non à Cæsare? sed temerarium sit asserere, & vsu atque ætate magis in istis cunctor. Tu perge. B I L L. Rumices igitur sparsi, contra ingressum, & in opidorum tuitione item vtiliter possint: sed & castrorum. Nam ita in Tacticis Leonis Imp. Ὅτι τὰς τεύχους ἐν σφικνώμασιν ἀποδεξιμένας ἔχοντες οἱ τὸ στρατὸν ἐπὶ τῷ πεδίῳ ταῦτα κίλκω τὸ στρατόπεδον. καὶ ὅτε μεδίσαται ἑμέλλον, ἀκόλως αὐτὰς δεξί τῷ σφικνώματι ἀνέλκοντο: *Quod Tribulos in aculeis religatos haberent milites, eosque iacerent in ambitu castrorum: ac cùm moturi illinc essent, eosdem ita facillè colligebant.* Vtile inuentum hoc ligandi, & sic retrahendi. Sed &, quod in Herodiano atque alibi legas, contra equos & camelos quoque (quorum molles vngulæ) iis vsi, sæpè cum successu. Remedium in eos, calcei è ferro aut duriore ligno. quod in Polyæni Stratag. 1. obseruaui: cùm Nicias dux Atheniensium in Siciliâ, tribulos contra equitatum Syracusum sparsisset, fugam & confusio- nem eorum factam: sed & cadem, quia ipse Peltastas siue leuiter armatos submitit qui interficerent hærentes aut lapsos: Peltastæ autem solida & dura calciamenta hoc fine habebant. In Vegetio autem Tribuli etiam è ligno sunt, sed exstantes grandesque scilicet, nec ij potuerunt latère. Tribulus, inquit, est quattuor palis confixum propugnaculum, quod quoquomodo abieceris, tribus radiis stat, & erecto quarto infestum est. Mihi displiceant, nec in magnâ re habeantur. Quid autem ampliùs? fraus succurrit, quâ Cremenenses vsi in Fridericum Imp. cùm obsiderentur. Radeuicus ita narrat 11. cap. LVII. *Quadam instrumenta fabricarunt, Muscipulis quidem si-*  
*milia,*



inilia, sed pro quantitate humani corporis fortiora, eaque per vias circa vallum dispergunt: quibus ignari multi haerentes, aut capi facile poterant aut occidi. Item fossas quamplurimas hinc inde, de super leui operimento contegunt, quas illapsi similiter capiebantur aut occidebantur.

## DIALOG. IIII.

*Dolia, Cylindri, Molares, Columnæ, Metellæ, & talia iacta.*

**S**ED quædam ex dictis rara aut nouitia: lubet addere inter vetera, de *Doliis*, *Cylindris*, aliisque talibus, quæ & in Homines & in Machinas vsurpabant. In Dione Cassio scribitur, libro LV I. cum Tiberius, post Imperator, iussu Augusti in Dalmatiâ res gereret, atque opidum aliquod in rupe assideret: *οἱ*, inquit, *δαλμάται καὶ λίθες πολλὰς*, τὰς μὲν σφενδοναίς ἐπ' αὐτὰς ἔβαλον, τὰς δὲ καὶ κατεκυλίνδουν, ἄλλοι τρόχους, ἄλλοι ἀμαξὰς ὅλας πλήρεις πετρῶν, ἄλλοι κιβωτὸς ὡς ἐφερείς ὀπιχωρίως πρὸς πεπομμένας, καὶ λίθων γεμιστάς, ἤφισαν: *Dalmatarum alij lapides multos aut fundis emittebant, aut manu deuoluebant; alij Rotas; alij Currus totos petris plenos; alij arcas siue Dolia rotunda, \* facta more gentis, & lapidibus referta dimittebant.* Vetusior mentio horum talium mihi non lecta: nominatim de *Doliis*, quæ sic lignea, ostendit aliena à Romano vsu fuisse: & Plinius, *Galliarum inuentum* dicit. Hæc igitur saxis farcire solent, & sic cum pondere & impetu immittere, præsertim per decliue. L I P S. Vt confirmem, Heron ille Mechanicus pleraque istorum commemorat pariter, cap. I. sed ita versus, vt pigeat recensere. Tamen, vt in sublustri nocte, aliquid videre videor, & hæc notare: *Columnas, Rotas, Currus quadrirotos ponderibus onustos, Vasa textilia lapidibus aut terrâ madefactâ repleta, cuiusmodi sunt ea quæ ex tabulis figurâ circuli composita, vinum, oleum, & tales liquores suscipiunt.* B I L L. Benè iuuas: sed in Volaterris propugnandis, contra Cæsarianum exercitum, Ferrucius Florentinus hæc *Dolia* opposuit: quæ *saxis plena* (verba Iouij) per deiectus stratae viæ, magno strepitu deuoluebantur: ita vt facile appareret vniuersos hostes, angusto in loco, vel si omnes intrassent, eâ doliorum & lapidum mole obrui potuisse. Porro nominantur & Ammiano hæc *Dolia*, libro XX. sed in Machinas: Et vimineæ crates cum procederent confidenter, essentque parietibus contiguæ, *Dolia de-*

\* Intellegit  
vt plerique  
hodie Eu-  
ropæi ha-  
bent, lignea  
illa ad vi-  
num aut li-  
quores.



lia desuper cadebant, Mole, & Columnarum fragmenta: quorum nimis ponderibus obruebantur pugnatores. Vides & in Machinas, & in viros ipsos valuisse. An huc referam illud Taciti, IIII. Annalium? Miles contrà deturbare telis, pellere umbonibus, muralia pila, congestas lapidum moles voluere. Et an istæ lapidum moles clausæ arctatæque in vasis sunt? An potius, paratæ illuc in vallo aut mœnibus, & singillatim ipsi manu deuoluentur? Aliud aliquid vicinum, in Vegetij hisce verbis est: Inuentum quoque remedium, ut de ligno Crates facerent, quas Metellas vocauerunt, lapidibusque complerent: eâ arte inter bina propugnacula constituta, ut si per scalas ascendisset hostis, & partem aliquam ipsius contigisset, supra caput suum vergerent saxa. Quod video reipsâ diuersum à Dolijs esse, effectum non dissimile: & corbes quidam, aut sportæ lapidum refertæ, in mœnibus inter duas pinnas (propugnacula id dicit) positæ, lapsiles, & ad tactum in tangentem euertendæ. Apertæ illæ igitur. Sed Rotæ etiam in Dione nominabantur, & tuo Lipsi Herone: quæ item in Vegetio, cum alijs adiunctis: Maxima saxa pondere formæque volubili, in propugnaculis\* digeruntur, ut demissa per præceps, non solum obruant subeuntes, sed etiam machinamenta confringant. Rotæ quoque de lignis viridibus ingentissimæ fabricantur, vel intercisi ex validissimis arboribus Cylindri (quas Taleas vocant) ut sint volubiles, leuigantur: quæ per pronum labentia bellatores prosternunt, equosque solent deterrere. De equis in postremâ clausulâ scribi, haud concoquo: nec eos oppugnationi adhibitos puto. Hoc puto, scribendum, eosque. Aut prosternunt milites hæc talia, aut absterrent. De Cylindris porro quod ibi, etiam in Ammiano est, libro XXXI. Nonnulli scalas vehendo, ascensusque innumeros ex omni latere parantes, sub oneribus ipsis obruebantur, contrusis per pronum saxis, & Columnarum fragmentis, & Cylindris. Imò & hodie propugnandi noster mos istos seruat, & in mœnibus summis disponit. Magis noui & operosi illi Cylindri, quos Sallustij fragmentum habet: Saxaque ingentia, & axe vinctæ trabes per pronum incitabantur, axibusque eminebant, in modum ericij militaris, veruta binum pedum. Videtis autem & hinc, quid Ericius militaris, qui in Cæsaris III. Ciuilium, Portis obiectus scribitur: & mox, Exciso Ericio in castra irrupisse. Nec aliud, quàm transuersariæ ad portas trabes,

\*Eæ sunt  
Tacito  
congesta la-  
pidum mo-  
les.



trabes, aculeis confixæ, eæque versatiles: quarum & hodie vsus manet. F v R. Cetera capio, de *Molis* in prioribus Ammiani verbis sustinet me & tardat. Ipsæ molæ projectæ, an lapides? & hi quoque ponderosi & prægraues, ac suffecerint vel fragmenta. B I L L. Pro moribus hoc nostris sapis & sentis. Molares illi veterum non tam grandes utique, ut nec ipsæ molæ: quæ manuariæ tantum, & à seruis voluendæ. Itaque crebræ eæ, & ferè domesticatim erant: atque inde toties in hac tali historiâ, *Molares* immisos aut iactos. Illos, dico, modicos: nec ad nostros, Furi, aptabis. Quæ brachia, imò qui vinctes subito mouissent?



## DIALOG. V.

*Saxa in Machinas, tum Ignem. quid Malleoli, Vnci, Falarica.*

**I**ST A ferè in Ascendentes: imo & quædam mixti vsus in Machinas, ut dixi. At propriè in istas, videor debere ediffertare: & in gratiam optimi cætus conabor. In omnes igitur è li-



gno Machinas duo tela valuerunt, Saxa & Ignes : in Vineas dico, Pluteos, Musculos, Turres, & siquid tale. Sallustius Iugurthino: Vineæ cū paulūm processerant, lapidibus aut igni corrumpēbantur. Lucanus:

*Sed super & FLAMMIS, & magnæ fragmine MOLIS,  
Et sudibus crebris, & adusti roboris ictu,  
Percussæ cedunt CRATES, frustra que labore  
Exhausto, fessus repetit tentoria miles.*

πυρρόβια,  
sive Igne-  
iacula.

Et Saxa quidem aut Pondera iam nunc satis dicta sunt: Ignes, præcipuum telum, restant. Ij varij. Fuere Faces, communes illæ è piceâ, larice, abiete, & quibus in vsum luminis domi etiam vfi: etsi hæ, credo, paullo robustiores aut grandiores. Has manu iaciebant & destinabant in machinas propinquas: sed & iis pugnabant, vt dixit Adamus noster. Aliæ magis sepositæ & militares, quas Malleolos dicebant. Id quoque duplex genus: Simples & rudes, de quibus ita Nonius Marcellus: Malleoli sunt Manipuli sparthei, pice contecti, qui incensi, aut in muros, aut in testudines iaciuntur. Et Festus: Malleoli vocantur, non solum parui mallei, sed etiam ij qui ad incendium faciendum aptantur, videlicet ad similitudinem priorum. Atque hi non aliud videntur, quàm manipulus aut collectio sparthea, ligata in medio formâ quadam mallei, & pice aut sulphure illita, sic proiecta. Ligni, aut ferri hîc nulla mentio. At alterum genus, magis efficax & militare, quod teli in morem formatur, & aptatur. Id Ammianus ex professo describit, libro XXIII. Malleoli, teli genus, figurantur hac specie. Sagitta est cannea, inter spiculum & arundinem multifido ferro coagmentata, quæ (fortasse quod, ad ipsum ferrum) in muliebris coli formam, quoniam nentur linthea stamina, concauatur, ventre subtiliter & plurifariam patens; atque in alveo ipso ignem cum aliquo suscipit alimento. & sic emissâ lentius inualido arcu (iactu enim rapidiore exstinguitur) si hæserit usquam, tenaciter cremat: aquisque conspersa, acriores excitat æstus incendiorum, nec remedio vlllo quàm supra iacto puluere consopitur. Labet examinare & verba: Ait, Sagittam esse canneam. ] Ita & Vegetius: Malleoli, velut sagittæ sunt, & vbi adhæserint (quia ardentes veniunt) omnia conflagrant. Clariùs Herodianus & vberius, libro VII. in obfidio Aquileiæ: Ἀλλὰ μὴν καὶ ταῖς μηχαναῖς προσαρζομένηαι δ' αἶδας ἐπέβαλλον ὁμοί-



λον ὁμοίως πῶσις καὶ ῥητὴν δεδωμέναις, ὅτι τε τὰς ἀκρὰς βελῶν ἀκίδας ἐχούσας. αἱ ἀναφθεῖσαι φερόμεναι, ἐμπαγείσαι ταῖς μηχαναῖς καὶ θεωρεῖσθαι, ῥαδίως αὐτὰς κατέφλεγον: Sed & machinis admotis faces iniiciebant, pariter pice & resinâ oblitâs, & in extremo sagittæ mucronem habentes. quæ cùm accensæ deferrentur, infixæ & inhaerentes machinis, faciliè eas comburebant. Ultrâ in Ammiano: Ignem cum aliquo suscipit alimento.] Vult cauum illud medium, è ferro sic aptatum, suscepisse alimenta ignis: quæ? ab Herodiano iam dicta, & siquid simile. in Hesychio, vbi Ἀσίον & describitur, in fine additur: Ἐστὶ δὲ καὶ γένος λίθου καὶ ξηροῦ ξύλου καὶ πεπρωμένου: Est genus etiam lapidis & ligni aridi ac pice oblitâ. Huc facit: sed magis, si emendes, γένος λίνου: genus lini. Profectò enim lapis hîc nusquam lectus, nec res exigit: sed linum aut stupa, continendis alimentis illis ignis, & ipsum alimentum. In Liuiο: Alij stupam picemque & malleolos ferentes, totâ collucente flammis acie, aduenêre. Et sæpiùs de stupâ. Est in extremo: Aquisque conspersa acriores excitat æstus.] An quia natura eapicis & similium, quæ pinguia sunt? An si fortè ignem Græcum intellegit, quem paullò antè, Constantini Pogonati temporibus inuentum esse, Iohannes Zonaras in vitâ eius scribit? Eum πῦρ ὑγρὸν Græci vocitant, ignem humidum, quia & in aquis vivit. De eo eiusque vi Nicetas Choniates in Isacio: Ἐνέκει ταῖς οὐκίαις τῆς δυσήνων θεωποντίων τὸ ὑγρὸν πῦρ, ὃ τοῖς ἐξουσιῶν ἐρυπνοῦν οὐδέσι, κατὰ τὰς ἀσεπὰς ἐξάφνης θεωῖσι τὰ ἐξάλματα, καὶ πικρὰ καὶ ὡς δεικνύοντες ἀφίεται: Inicitur ædificiis miserorum, qui ad mare siti, ignis Græcus, quem regentibus quibusdam vasis sopitum habuerant. is statim more fulminis erupit & exsiluit, & incendit quæcumque nactus est & incidit. Ecce de Malleolis satis copiosè: sed sunt quæ adsideant, etsi non ipsi. Sicuti in Nicetâ Choniata lego, Armenios machinis Græcanici Imperatoris immisisse σιδήρια ἀπὸ νεγκίλων, ferramenta minuta scintillantia: item: φλογεὰ σιδήρια: ignita ferramenta: quæ non existimo propriè Malleolos fuisse, sed hamos quosdam aut vncos ferreos siue & Murices, qui toti igniti ad incendium adfigerentur. Docet me Radeuicus in cap. LVIII. Quoties autem ignito ferri pondere & ADVNCO, quò leuius (fortè melius) hereret, machinas attentabant; qui desuper erant, aquis ignem restinguendo, VNCOS autem & HAMOS ferri, contis proceris & sudibus dissoluendo, conatus eorum in



irritum reuocabant. LIPS. Optimè adnotasti, & in Herone meministi hoc sensu & fine legere, *Murices ignem ferentes*. BIL L. Ego verò & in Diodoro, Tyrios immisisse in Alexandri machinamenta *μὲν δὲ μεγάλας σφαιρὰς* : *massas magnas ferreas, candentes*. Iuuat notare & excerpere, vt constet pauca æuo isto inuenta (etsi aliter opinio est) pauca, dico, quæ non sint ab æuo illo meliore & sapientiore. Ecce quàm nouitia res habita, quòd Stephanus Poloniae nuper rex (planè inter magnos laudatosque) Moscouiæ aut Liuoniae munimenta aliquot lignea, globis sic candentibus immixtis accendit, & cepit? Cùm Barbarus ille quereretur & fremeret, ius belli violari, & armorum decus polui nouâ fraude: ridentibus nostris & gaudentibus in successu. At hæc tormentis immixta, dicit aliquis. Simile veteres. nam ego *Massas* illas Diodori haud aliter iaci potuisse censeam: & sunt exempla in alijs, palàm ita factum. Tacitus IIII. Histor. *Crates Vineasque parantibus, adactæ Tormentis ardentes hastæ*. Falaricas propriè dictas intelligit, quas Liuium audite, si lubet, libro XXI. describentem: *Falarica erat Saguntinis missile telum, hastili oblongo, & cetera tereti, præterquàm ad extremum, vnde ferrum exstabat. id sicut in pilo, quadratum supra circumligabant, lineabantque pice. Ferrum autem tres in longum pedes habebat, vt cum armis transfigere corpus posset. Terribile telum, si examinatis, visu & ictu: & hæc talia, quid nisi præludia nostrorum fulminum?* Scribitur autem, *hastili oblongo*, quod didici in melioribus libris esse, *hastili abiegno*: & hastile tamen quin oblongum, haud abnuo; cùm Tacitus *Hastam* ideò appeller, & ipse Liuius *ferrum trium pedum* formet. Minor ergo illa, & valde minor, quæ in Isidoro Falarica describitur, & tantum cubitalis. Sed nec in Appiani Illyricis iusta magnitudo: *Figulus bicubitales sudes, pice ac sulphure stupaque componens, ex Catapultis in Delminium iacit: quæ ab impetu succensa, & lampadarum ritu per inane volitantes, quæcumque attigissent, igne corripiebant*. Ita hæc interpres, nec Græcorum est copia, quia eâ parte publicè non exstant. Sanè Silius, ex Liuius, in eâdem Saguntinâ historiâ pulchrè & floridè depingit, sed grandem, & quasi *Trabem*.

*Armauit clausos ac portis arcuit hostem  
Librari multâ consueta Falarica dextrâ,*

Horren-



Horrendum visus robur, celsisq̃ue niuosa  
 Pyrenes trabs lecta iugis: cui plurima cuspis,  
 Vix muris toleranda lues. sed cetera pingui  
 Vincta pice, atque atro circumlita sulfure, fumat.  
 Fulminis hæc ritu summis è mœnibus arcis  
 Incita, sulcatum tremulâ secatur aëra flammâ.

Ex arce missam eam facit: quia ita solet è locis editis turribus-  
 que mitti, quas prisci *Falas* dicebant: atque inde *Falarica* no-  
 men, vt Grammatici volunt. Atque hæc \*multâ dextrâ missa, vt \* Aut quia  
 idem poëta: id est Catapultâ, ad quam plures operæ. Lucanus, plurifaria  
 de Scæuâ: missa, & a  
 diuersis.


Hunc aut tortilibus vibrata Falarica neruis  
 Obruat, aut vasti muralia pondera saxi.

Sed & Vegetius: Quod si opidani exire non audeant, maiore Balli-  
 stâ Malleolos vel Falaricas cum incendio destinant. Iterumque sensit  
 de hac Lucanus:

Tortaque per tenebras validis Ballista lacertis,  
 Multifidas iaculata faces.

Denique in epistola Aureliani, apud Vopiscum est: Nulla pars  
 muri est, quæ non binis ternisq̃ue Ballistis occupata sit. ignes etiam Tor-  
 mentis iaciuntur. Simile omnino genus teli, quod Herodianus  
 Aquileienses adhibuisse in Maximinum obsidentem scribit:  
 Ἀλλὰ μὴν καὶ ταῖς μηχαναῖς προσαρμέναις δ᾽ ἄρας ἐπέβαλον ὁμοίως πίση καὶ ρι-  
 τήν διδυνάμενας, ὅπῃ τε τῶν ἀκρῶ βελῶν ἀκίδας ἐχέσας. αἰανὰ φθεῖσαι φερόμε-  
 ναι, ἐμπαγίσσαι ταῖς μηχαναῖς καὶ προσπεφυκῆαι, ῥαδίως αὐτὰς κατέφλεγον: Sed  
 & machinis, quæ muro admovebantur, desuper faces iniiciebant, pi-  
 ce ac resinâ oblitæ, & in extremo mucronem habentes. quæ cū accen-  
 sæ ferrentur, infixæ inhaerentesq̃ue machinis, faciliè eas concremabant.





## DIALOG. VI.

*Contra Aggeres, Cuniculi, Ignes, & alius Agger, aut eleuatio.*

**Q**UID iam tu Carondelete, tu Lipsi, satin' vt promptum me præbui, atque etiam largum? L I P S. Affatim. dilaudo: atque etiam id quod non addis, addo, vices manere hunc Carondeletum. CAR. Sic tu finibus regundis arbiter? L I P S. Sed cum arbitrio vestro: ego dixi, videte. CAR. Haud tergiuersor: omnes mihi operati hodie cūm fuistis, opellam meam iniuriā subducam. Videris autem tu mihi, Billéhee, pleraque dixisse *Subita oppugnationis*, & quædā etiam *Diurnæ*: ego in hac sistam tantūm, & pro Lipsij item ordine, videbo quid dea *Moneta* in mentem mittet. *Aggeres* in eā considero primūm, qui euerfi aut cōsumpti dupliciter, *Cuniculo*, aut *Igne*. de illo iam olim Thucydides, in obfidione Plataensi: ὁ νόμος ἐν τῷ πύλωϊ ὄντας, καὶ σωτηρίας αὐτοῖς τὸ χῶμα, ὑφείλοντο αὐτοῖς παρὰ σφαῖρας τὸν χῶμα, καὶ ἐλάνθανον ὅτι πολλοὶ τὰς ἐξω, ὥς ὅτι βάλ-



ἐπὶ ἀλλοτρίῳ ἡσόν ἀνυ' τεύ, ὑπαγομένου αὐτοῖς καὶ τῶν τῷ χώματι, ἢ ἰλά-  
 νοντ' αἰεὶ πρὸς τὸ κενέμενον: *Cuniculum ex Urbe cum duxissent, & si-  
 gnis destinassent sub Aggerem ipsum; terram ad se introrsus idemtidem  
 subtrahabant, & diu latuere eos qui erant foris: cum ij assidue inij-  
 cientes, minus tamen attollerent, subducto scilicet inferius aggere, &  
 in locum vacuefactum assidue subsidente. Cæsar idem tangit, Com-  
 mentario VI I. Bituriges aggerem Cuniculis subtrahabant, eò scien-  
 tius quod apud eos magnæ sunt ferrariæ, atque omne genus cuniculo-  
 rum notum est. Tribuit & Aquitanis hanc peritiam, Commen-  
 tario III I. Cuniculis ad aggerem vineasque actis, cuius rei longè sunt  
 peritissimi Aquitani. Nec subtrahabant solum Cuniculo, sed in-  
 cendebant. Cæsar idem Commentario V. Est animaduersum fu-  
 mare aggerem, quem Cuniculo hostes incenderant. Id quomodo fa-  
 ctum, distinctè Iosephus tradidit: & ex eo ita Hegeſippus, vt  
 parcam dare Græca: Iohannes princeps seditionum Cuniculum suf-  
 fodit, & Romanorum opera suspendit; ignorantibus his, quid latenti  
 Cuniculo Iudæi moliti forent. quia fultura tabularum, materiâ æquè  
 subiectâ, superiora cuniculorum suspenderat, fraus omnis latebat. Ita-  
 que vbi opportunitas visa, ignem apposuere. qui adiutus sulphure &  
 pice, quibus illita erat materies quæ fulturam cuniculo dabat, ligna om-  
 nia faciliè consumpsit, incendium subiectæ ruina secuta est. Itaque  
 Romanorum opera subito lapsa, sonitum ingentem dedere: puluere &  
 fumo repleta omnia plurimum tenebrarum obduxerant, maioremque  
 terrorem induxerat latens causa. Deinde vbi consumptis alimentis ce-  
 teris, quibus primò opertus erat, liber ignis erupit, dolum prodidit.  
 Sed alia item, vt dixi, ratio & magis exposita, destruendi per  
 Ignem. cum scilicet Faces, Malleolos, aliaque ad inflamman-  
 dum, aut iacerent eminus, aut ipsi in Aggerem inferrent. Cæ-  
 sar VII I. Commentario: Alij faces atque aridam materiam de mu-  
 ro in aggerem eminus iaciebant. Idemque de illatione ignis, I I. Ci-  
 uil. Massilienses portis se foras erumpunt, secundo magnoque vento  
 ignem operibus inferunt. Hunc sic distulit ventus, vt vno tempore, ag-  
 ger, plutei, testudo, turris, tormentaque flammam conciperent, & prius  
 hæc omnia consumerentur, quàm quemadmodum accidisset animaduerti  
 posset. Eadem de re graphicè & diſertè, vt solet, Lucanus:*

*Telum flamma fuit. rapiensque incendia ventus  
 Per Romana tulit celeri munimina cursu.*



*Nec quamvis viridi luctetur robore, lentas  
 Ignis agit vires: tædâ sed raptus ab omni  
 Consequitur nigri spatiosa volumina fumi.  
 Nec solum silvas, sed saxa ingentia soluit,  
 Et cruda putri fluxerunt pulvere cautes.*

*Procubuit, maiorque iacens apparuit Agger.*

Similiter Ammianus: Persas erupisse opido ait, partim strictis gladiis validam manum, partim ponè sequentes qui flammâ occultè portarent. Dumque Romani nunc instant cedentibus, nunc ultro la- cessentes excipiunt; qui vehebant **FOCVLOS**, repentes incurui, prunas unius aggesti in servuere iuncturis, ramis arborum diversarum, & iunco, manipulisque constructi cannarum. qui conceptis incendiorum aridis nutrimentis iam cremabatur, militibus cum intactis tormentis exinde periculosè digressis. Vbi notare est, etiam è fragili ac levi materie, ut cannis, iunco, talibus, Aggerem structum, sed nempe ubi lignorum arborumque inopia esset. Sed heus, an non aliud remedium in Aggeres? pone tutos ab istis & industriè defensos: tamen tertium etiam subsidium, molem & velut Aggerem alium opponere in ipsis muris. Nostri mechanici æmulantur, & est res cottidiana hodie in defensione. Ammianus xix. Duo Aggeres celsi, Persarum manu erecti, & expugnatio civitatis fruebatur operibus lentis. contra quod, nostrorum quoque impensiore cura, moles excitabantur altissima, fastigio aduersæ altitudinis æquata, propugnatorum vel nimia pondera duratura. Simile in Curtio, Gazenses fecere: Alexander Aggerem, quo mœnium altitudinem æquaret, exstruxit. Opidani, ad pristinum murorum fastigium, novum exstruxere munimentum. Tale in Thucydide, & Iosepho, item legetis. Sed & Corbes terrâ aut arenâ repletos, & in fastigium sic exstructos lego: quod haud longè abit à Sportis aut Gabionibus nostris, imò iis dedit exemplum. Polyænus iii. Stratag. Timotheus oppugnabat Toronam. atque hi quidem altas moles contrâ erexerant corbium, quos arenâ repleuerant. Quid tamen in hoc Timotheus? ille, inquit, falces malis navium imposuit, iisque corbes disseccuit, ut arena diffunderet.



## DIALOG. VII.

*In Turres, ignes iacti : Trabes incussæ : aliæ Turres fructæ.*

**T**URRES sequuntur. In eas præcipuum telum Ignēs, sed & saxa è Catapultis, quibus perfringebant. Vtrumque hoc satis innotuit è prædictis. Sed & tertia repugnatio, Asseres aut Trabes aduenientibus incussæ, atque ita impetu euertebant aut frangebant. Tacitus IIII. Histor. Eduxerant Batani Turrim duplici tabulato, quam Prætorie portæ (is æquissimus locus erat) propinquantem, promoti contrà Validi Asseres, & incussæ Trabes perfregere. Simile in Vegetio: Interdum longissimas ferratasque Trabes opponunt machinæ (Turri) venienti, eamque à muri vicinitate propellunt. Sed est & quarta oppositio, similis iam dictæ in Aggere: ut muros attollerent eâ parte & augerent. Vegetius: Partem muri, ad quam machinæ (Turris) conatur accedere, cemento atque lapidibus, postremò tabulatis exstruendo faciunt altiore. Constat autem inefficax machinamentum reddi, si inueniatur inferius. Dicit & de Tabulatis: cui consonat hoc quod Cæsar de Auaricēsis scribit, à se oppugnatis: Nostrarum Turrium altitudinem, quantum has cottidianus Agger expresserat, commissis suarum turrium alis adequabant. Ita enim legendum videtur, hoc sensu. ut iunxerint & continuarint Turres cum Turribus, ligneo aliquo muro: atque ita ipsum murum æquarint turribus suis, & hostilibus. L I P S. Intellego. vis dicere Interturria expleta, & à latere ad latus Turris (id Alam dixerit) structum. Tamen leuiter ambigo, & malim: suarum turrium alis. quod sit, Commissis & oppositis nouis aliisque suis turribus, æquabant nostras. Vsitatam quidem hanc defendendi viam, Nicetas ostendit, vbi de Orestiadē ab Errico, Balduini fratre, oppugnata: Repperit, inquit, urbem duabus latis fossis circumdatam. Præterea turres mœnium auctas sublataque pegmatis ligneis, quæ longè in aërem ibant, & centonibus, ac pellibus contra ignem tegebantur. Sed & super ipsas ligneas turres, mali defixi eminebant, qui habebant omnia, quibus aut accendi aut spargi latissimè ignes possent. In quibusdam verò & speculæ quædam ligneæ fabrefactæ apparebant, bellatorum virorum habitacula, cuiusmodi solent eorum esse, qui ex turriculis ligneis maris



profunda explorant, & piscium populos captant. In aliis, & lapides cathenis suspensos aptosque habebant: qui & demitti per instrumenta possent, & attolli, & conuerti pro usu praesenti. CAR. De istis, ut videbitur: ego

## DIALOG. VIII.

*Varia in Arietem, & Vegetius explicatus.*

**T**RANSEO ad Arietem, violentissimum machinarum, & maximè terribilem: eoque plura in eum adinuenta. Quæ ut in vno adspectu ferè dem, commodum mihi visum per verba Vegetij ire, quæ sic habent libro IIII. cap. XXI. *Aduersum Arietes etiam vel Falces, sunt plura remedia. Aliquantum centones & culcitas fustibus calcant, & illis opponunt locis, quæ cedit Aries, ut impetus machinæ materiâ molliore fractus, non destruat murum. Alij laqueis captos Arietes, per multitudinem hominum de muro in obliquum trahunt, & cum ipsis Testudinibus euertunt. Plures in modum forficis dentatum funibus illigant ferrum, quem Lupum vocant, apprehensumque Arietem aut auertunt, aut ita suspendunt, ut impetum non habeat ferendi. Interdum bases, columnæ marmoreæ, vibrato impetu iaciuntur è muris, Arietesque confringunt. Quod si tanta vis fuerit, ut murus Arietibus perforetur, & decidat, vna salutis spes superest, ut destructis domibus alius intrinsecus murus addatur, hostesque inter binos parietes, si penetrare tentauerint, perimantur. Primum scribitur, *Aduersum Arietes vel Falces.*] Nequis erret, Falces hîc Vegetianæ capiendæ sunt, nouitiæ, quæ lapides è muris extrahunt, & vicem ac vim pænè Arietis habent. Ipse eas in Ariete descripsit. Aliæ sanè sunt veterum illæ Falces murales: quibus pinnas detergebant: quibus nauium funes abscindebant: atque talia patrabant. Describuntur à Cæsare III. belli Gallici, nec sunt ignotæ. Primum remedium: *Centones & culcitas fustibus calcant.*] Benè qui emendarunt, *funibus chalant*: primus, puto, Turnebus. Talia enim mollia contra vim & duritiem Arietis opponi moris fuit, & funibus suspendi. Ita in Iosepho (ipsius machinatione & iussu) contra Romanorum arietes, sacci, paleæ referti sunt demissi. Saccos, inquit, paleis plenos iussit eos funibus demittere, in eam partem quæ viderent semper im-*



per impetum Arietis ferri: vt hoc modo & aberrare faceret iētum, aut si excepisset, vanus redderetur mollitie & laxitate. Quæ quidem res valdè Romanos exercuit. nam quocumque hi conuertissent machinam, illi traducentes saccos subiiciebant rostro eius, vt nihil murus resistendo & renitendo incommodi caperet. donec & ipsi contrà machinantes, longis contis falces affigentes, saccos absciderunt. Quæ similia, & diffusius in Hegesippo, libro III. cap. XI. Conuenit huc æquè, quod Appianus in Mithridatico scribit; fecisse Cyzicenos: τὰς μὲν ἐν χειρὶ, inquit, λίθοις ἀποκαύλῃον, ἢ βρόχοις ἀνέλκων, ἢ φορμῶν ἐρίων τῆς βίας ἔχελον: Arietes lapidibus decutiebant, aut laqueis deflecebant, aut sportis saccisque lanarum plenis vim refringebant. Vbi & de laqueis habes, quod iam sequitur: Alij laqueis captos Arietes. ] Ita in Dionis fragmento, ex Theodosio: καὶ τὰς χειρὶ τὰς μὲν βρόχοις ἀνέλκων, τὰς δὲ ἀπ' ἀγῶνις ἀνέλκων: Arietum alios laqueis sursum attrahebant, alios harpagonibus reuellebant, locoque mouebant. Liuius in XXXVI. id inter receptissima fuisse ostendit: Ætoli contrà armis se tuebantur. nam cū Ariete quaterentur muri, non laqueis, vt solet, exceptos declinabant iētus, sed armati frequentes, quidam ignes etiam, quos aggeribus iniicerent, ferebant. Ammianus XX. Prominentem Arietis ferream frontem, arte subtili illaqueatam, altrinsecus laciniis retinere longis, ne retrogradiens resumeret vires, neue muros ferire posset. Idem in Thucydide libro II. oppugnatione Plataensium. Sed & laqueis Falces murales soliti auertere. Appianus in Punico: Hostis subruerat Aggerem, falces iniectis laqueis deflecebat. Cæsar VI. Gallicorum: Laqueis falces auertebant, quas cū distinuerant, tormentis introrsus reducebant. Ita legendus locus, hoc sensu. cū falces eas illaqueassent captasque tenerent, tum machinis quibusdam, quibus funes illigati vertebantur torquebanturque, in urbem vi trahebant. At ecce remedium in Vegetio tertium: In modum Forficis dentatum ferrum, quem Lupum vocant. ] Quod ille pluries factitatum clarè dicit, nos vix legimus, & quærimus propriè hîc exempla. Nam communiter de Lupo non desunt. Vt apud Liuium, XXVII. Qui iam erexerant ad murum scalas, in alios lupi supernè ferrei iniecti, vt in periculo essent, ne suspensi in murum extraherentur. Diodorus hoc idem κόρυς siue Coruum dicit, in XVII. Τοῖς δὲ κόρυς ἐπεσώτας: Coruis & fer-




reis manibus abripiebant eos, qui iam in loriceis & propugnaculis mœ-  
nium constitissent. Vocat & Curtius libro IIII. Coruos, sed ope-  
rosius & alio fine structos: Namque ad implicanda nauigia, que  
muros subibant, validis asseribus coruos & ferreas manus illigau-  
rant, vt cum tormento asseres promouissent, subito laxatis funibus in-  
ijcerent. Quod vicinum est Polybiano coruo, libro I. nisi quod  
ille in proris nauium eum ponit. Magis pro Curtio, & nunc  
etiam Vegetio, quod Dio Cassius in Seuerio scribit: Byzanti-  
nos habuisse in machinis quibusdam harpagones, quos emittebant &  
reducebant celeriter, vti visum. Non nominat, sed intellegit Ta-  
citus IIII. Histor. Præcipuum pauorem intulit suspensum & nu-  
tans machinamentum, quo repente demisso, præter suorum ora, sin-  
guli pluresue hostium sublimè rapti, verso pondere intra castra effun-  
debantur. Itaque isti lupi: & ab hoc exemplo Vegetianus, quem  
destinatò in Arietes, validiorem haud dubiè & grandio rem,  
struxerunt. Sed, vt dixi, in historiis vix memoria, nisi in Dio-  
ne obiter, quem mox dabo. Pergit ipse: Interdum bases, colum-  
næ marmoreæ iaciuntur. ] Parùm plenè narrat. & quod interdum  
factum ait, ego reperio crebrò, & de more, factitatum. Ponde-  
ribus, inquam, grandibus supernè incussis aut iniectis, Arie-  
tem deprimebant, aut frangebant. Liuius libro XXXVIII.  
In arietes tollenonibus libramenta plumbi aut saxorum, stipitesue ro-  
bustos incutiebant. Tollenonibus id hîc facit Liuius: & Thucydi-  
des libro II. totum aperit, vt lux fiat Glareano, in Liuij loco  
caliganti & hæsitanti. Dicit Arietum alios laqueis auertebant, tum  
& hoc modo Magnas trabes adaptantes longis catenis, à capitibus  
vtrunque suspenderant ad duas antemnas, super muros inclinatas &  
extensas. Has trabes sursum trahebant attollebantque obliquas, &  
quoties inuasura machina (Aries) erat, iectumque datura, trabem di-  
mittebant, laxatis catenis, manuque remissâ. atque is impetus decutie-  
bat caput Arietis. De his ipsis Appianus capiendus in Libyco:  
καὶ τὰς κείρας τῆς ὀρμῆς ἐξέλκοντες, ἐπὶ τὰ δόρυ τε καὶ τὴν ἀσπίδα δυνάμει: Et Arietum  
vim soluebant, iniicientes trabes transversas. Quod autem isti Tra-  
bes ita dicunt, id Liuius Stipites robustos: qui tamen & de Plum-  
bo addit. vt & lib. XLII. Arietem admotum libramento plumbi gra-  
uatum, ad terram vrgebant. quod est, iactu & libratione in eum  
plumbi supernè. Id verò ipsum plumbum, in trabium formam  
factum,



factum, & in massam longiusculam productum, vt certiùs feriret, Polyænus indicat libro VI. Ἀθηναίων πολιορκηθέντων, πρὸς τὰς κείρας καὶ τὰ τρύπανα, δοῦναι μολύβδου ποιήσας, πλαγίως παρέτεμεν ἐπὶ ταῖς ἐπάλξεσιν, αἷς ἐμπιπτόντων τῆς πολέμιων τὰ μηχανήματα συντρίβετο: Athenocles oppugnatus, aduersus Arietes ac Terebras, trabes plumbeas fecit, easque transuersas in propugnaculis opposuit. quibus, cùm hostiles machine irruissent, ea confringebantur. Vegetius horum nihil dixit, sed lapides & marmora eorum vicem iniecit. Quod etiam Ammianus XX. Agitantes arietes, denso saxorum pondere molarium, foimentisque ignium variis ire protinus vetabantur. Etsi illi molares non in admotam machinam immissi, sed in aduentantem excussi tormentis videantur. Postremum in Vegetio: vt destruetis domibus, alius intrinsecus murus addatur. ] Hoc remedium, quod hodie quoque receptum contra demolitoria nostra tormenta. Imò vt nos lunari ferè formâ tum ducimus, sic illi. In Arriano de Halicarnassæis, oppugnatis ab Alexandro, libro I. Ερθισαν γὰρ ἀντὶ τῆς πεπρωκότ τείχεος ἑστώδεν, πλὴν διὸν μνηοειδὲς ἀντοικοδομισαυδοί, ἐ χαλεπῶς, διὰ πολυχαιρίας: Occuparunt enim, pro muro exteriori deiecto, introrsus latericium struere lunatâ formâ, idque facili, ob multas operas. Appianus quoque, cùm Sulla Athenas quateret (in Mithridatico) & muri cecidissent, ait, Archelaum introrsum adificasse lunatos alios. quos cùm Sulla statim deruere tentaret, vt qui nouelli & molles essent, contrâ cecidit, & suprâ & à lateribus telis undique petitus, vt inter lunatos flexus, ab oppugnatione Pyraei omnino destitit. Haecenus ad Vegetium: sed & addam quædam hîc omissa. vt quod in Diodoro, libro XVI. καὶ ταῖς μὲν σπρωκτικοῖς κεραῖαις τὰς τῆς κείρας ὀρμητικῆς ὑποτέμνοντες, ἄχρηστον τὴν τῆς ὀργάνων εἶαν ἐποίησαν: Et antemnis, quibus falces præfixæ erant, funes quibus incitabantur Arietes abscondentes, mutilos eos reddebant, & vim eludebant. Item quod in Dionis Vespasiano, in rebus Iudaïcis (inter Fragmenta nuper editum: ) καὶ τὰς κείρας τὰς μὲν βρόχους ἀνείλκον, τὰς δὲ ἀπὸ αἰχμῶν ἀνέσταν, ἑτέρον τὰς πρὸς βολὰς σάνισι παχείαις συμπεπηγμέναις τε καὶ σιδηρομέναις, ἃς πρὸ τοῦ τείχεος καθίσταν, ἀπὸ τῶν πρὸς: Arietes alios laqueis attrahebant, alios harpagonibus (Lupis Vegetij) reuellebant, aliorum incussum & inflictum, tabulis crassis inter se compactis & feratis, quas ante murum demittebant, auertebant. Hoc enim postremum, videtur non coniectus aliquis in Arietem, sed oppositus &



tus & obtentio fuisse: ut in his vim frangeret, nec integram in muros ferret.



## DIALOG. IX.

*In tela alia, usus coriorum, ciliciorum, rotarum.*

**S**VPERESSE mihi video Ballistas, Catapultas, & totum genus leuium telorum: quibus omnibus vnicum ferè obstaculum & oppositio, Coria, Cilicia, Vela. His enim vim excipiebant & frangebant, molliter ita suspensis: imò & ignita iacula repellabant. In vrbe, extra urbem utebantur: quia vtrimque scilicet periculum & metus ab istis. In Suidâ, de Aggere: Τῆτο δὲ μηχανήμα (χώμα) οἱ ἐργαζόμενοι, θεωράλυμμα πείρασιν ἐξ αἰγίων τευχῶν, τῶν λεγομένων κιλικίων. αἱ δὲ πᾶ χους τε καὶ μήκοις διαρκῶς ἔχοντα ἀναρτήσαντες ἐν ξύλων μακρῶν, ἐπὶ τοῦ αὐτοῦ ἐτίθεντο. ἐνταῦθα γὰρ ἔτε πυρφόροι οἷοι, ἔτε ἄλλα βέλη ἐξικνεῖσθαι εἶχον, ἀλλ' αὐτὰ ἐπὶ τῇ θεωραλυμμάτων ἐμδμον: Qui machinam eam (id est Aggerem) excitabant, ij tegumentum & velum habebant è caprellis pilis factum, quæ Cilicia vocant. Ea iustâ & sufficienti crassitie



fitie ac longitudine suspendebant è proceris lignis, & ante se pratende-  
bant. Ita nec ignita iacula, nec alia tela attingere eos poterant, sed in  
ipsis ibi tegumentis sistebant & harebant. Sed & in alio opere vsur-  
pabant: tum ne conspici ab hoste possent, tum vt & tela sic elu-  
di. Commodum inuentum, & à nostrâ hodie militiâ non alic-  
num. Thucydides, in opere aliquo Plataensium: Περναλύμματα  
εἶχε δ' ἑρπεῖς καὶ διφθέραις, ὥς τε τὰς ἐργαζομένους καὶ τὰ ξύλα μήτε πυρφόροις οἷσις  
βάλλεσθαι, ἐν ἀσφαλείᾳ τε εἶναι: Tegmina habuit pelles & centones, vt nec  
operantes, nec ligna operis, ignitis iaculis peterentur, & in tuto essent.  
Ammianus: Defensores obtentis ciliciis latebant intrinsecus, ne con-  
spicerentur ab hostibus. Curtius: Igitur munientibus coria velaque ius-  
sit obtendi, vt extra teli ictum essent. Arrianus pariter: Περναλύμματα  
δὲ δ' ἑρπεῖς καὶ διφθέραις αὐτοῖς ἦσαν, ὥς μήτε πυρφόροις βέλεσιν ἀπὸ τῶν τείχευς  
βάλλεσθαι, τοῖς τε ἐργαζομένοις προβολὴν ἐν τῷ εἶναι πρὸς τὰ τοξόμματα: Tegmi-  
na iis erant coria & pelles, vt nec à muro ignitis telis peterentur, & vt  
operariis munimen hoc esset in sagittas. Vegetius IIII. cap. VI. Saga,  
ciliciaque tenduntur, quæ impetum excipiant sagittarum. Nec enim fa-  
cilè transeunt spicula, quod cedit & fluctuat. Imò verò & lapides si-  
stunt Ballistarum. Diodorus in XV II. πρὸς δὲ τῶν τοῖς βύρσας καὶ δι-  
πλᾶς διφθέραις περικλυμέναις καταρράπτοντες, εἰς ταύτας ἀπεδέχοντο τὰς ἀπὸ τῶν  
πτεροβόλων πληγὰς. καὶ μαλακῆς τῆς ἐνδόσεως γνωμένης, ἐξελεύετο τῶν φερομένων  
πετρῶν ἡ βία: Prætereà coria ac pelles duplices, madefactas, consuentes,  
in his excipiebant ictus Ballistarum, quia molliter iis cedentibus vis lapi-  
dis resoluebatur. O R A N. Madefactionis hîc mentio: quo ea fine?  
C A R. Contra ignes, aut ignita. Aquâ enim centones, aut ci-  
licia, & coria humectabant, quò minùs corriperent, aut cor-  
rumperentur. In Ammiano: Aries humectis taurinis opertus exu-  
iis. Et propriè huic rei Acetum habebant. Sisenna historicus,  
in fragmento: Aceto madefactis centonibus integit. Appianus in  
Mithridatico, resistere ita Cyzicenos facit: Τῶν δὲ βελῶν τοῖς μὲν πυρ-  
φόροις ὑπὸ τῶν ὄξυι & ὕδατι. τὰ δὲ ἄλλα προβολαῖς ἰματίων, ἢ ὀδόναις κεκλασμέ-  
ναις τῆς φρενὸς ἔλυσεν: Tela ignita refutabant aceto & aquâ. alia autem op-  
pansione vestium, aut linteis laxis suspensis resoluebant, & vim frange-  
bant. Sed & Vitruuius in tegendâ Testudinè, Paleas aceto mace-  
rat. L I P S. Occurrit Heronis locus, qui cap. XIII. de Turribus,  
vbi varia remedia in Ignem, hoc quoque habet: Vtilissima inuolu-  
cra oppansa, paleis aceto madefactis plena, siue & retia repleta humido



*musco vel alge specie, quæ Thalassoprason dicitur. Ille velut Culcitas paleis eiusmodi humectis farcit, & in ignes opponit: quod è lanâ nostros hodieque facere accepi, in tormenta. CAR. Polyænus communiter ita de Aceto pronunciat: Σβέσσειον πῦρ μάλιστα ὅξ. εἶναι δοκεῖ. ἀριστον δὲ κώλυμα πῦρ ἐπαλειφόμενον ὅξ. ἥμισυ γὰρ τέτυκτο ἄπτεται: Ignem reslinguere & comprimere maxime Acetum videtur. sed magis, Acetum vinctum aut pinguefactum: quia minimè ignis id apprehendit, aut adheret. Postremum hoc de Vincto, mihi nouum est, & ad periculum appello. Isthæc igitur in Tela: sed in Catapultas propriè, inuenio & Rotas marmoreas quasdam oppositas, de quibus in Diodoro, lib. xv i i. De Tyriis agit: Πρὸς μὲν τὰ καταπυλνικὰ βέλη τέττοις κατεσκευάσασαν, διειλημμένοις πυκνοῖς δὲ φερόμενοι. τέτοις δὲ δὲ τὴν μηχανὴν δυνάμει, τὰ μὲν σιμῶντες, τὰ δὲ παρέσυσεν ἡβὴ βελῶν, πάντων δὲ τὴν ἐν τῇ βίᾳ φορὴν ἔχουσαν: Contra Catapultica tela Rotas appararunt, crebris intervallis aut septis distinctas. Has per machinam quandam in orbem voluebant, & alia telorum frangebant, alia auertebant, omnia resolvebant. Hæc Rotas simpliciter dicit, postea & Marmoreas addit. οἱ τύχοι τὸ τῶν τευχῶν μαρμαρίνοις τροχοῖς ἴσαντο, καὶ δὲ τῶν ὀργάνων τέτοις δυνάμει, τὰ φερόμενα βέλη κατεπυλνικὰ σιμῶντες, καὶ εἰς τὰ πλάγια ἀπορρίποντες, ἀπερρίπτειν ἐποίησαν τὰς πληγὰς: Tyrii ante muros Rotas marmoreas constituerunt, quas organis quibusdam girantes, incidentia catapultica tela frangebant, aut ad latus auertentes, inefficaces reddebant ictus.*

## DIALOG. X.

*Libatio in mensâ, honoris index: quibus exhibita?*

**O**MNIA, nisi fallor, iam dicta: & sermonum meritò finis. Vos amici eamus. LIPS. Quò? CAR. Iterum in Prætorium, tum in urbem. Ingredimini etiam. LIPS. Quid autem facturi? ad cymbas potius. dies inclinavit. CAR. Imò pro operâ nauatâ, ex more veteri, *mulso sunt accipiendi milites*, vt apud tuum Comicum. Bellaria Lipsi gustanda sunt. BILL. At enim breuiter Carondelete hoc fiat: seria mea me vocant. CAR. Salus Principis te hîc tenet. ecce hanc pateram, quam illi eo libatum. BILL. Diu nobis, huic patriæ, toti reip. sit superstes. Tibi porrò Lipsi, in hanc legem & exemplum. LIPS. Hem, quàm strenuè tu bibis! sic hauſtu vno totam? vereor vt imiter, etsi cupio. Vn-



pio. Vnde autem vobis istæ leges aut mores? nam vulgò in conuiuijs video vsurpari, non inuitationem, sed adactionem ad bibendum. CAR. Mirum te quærere. à priscis hoc institutum, & fideliter nos tenemus. Ex scito autem tuo Lipsi,

*Moribus antiquis res stat Romana virisque.*

LIPS. De fide video, de instituto ambigo. CAR. Disce igitur, qui nos doces. Græcis & Romanis in more inter pocula & mensas, maximè secundas, diis primùm libare, eorumque honori bibere, tum etiam beneficis in se, aut amicis. In isto numero qui magis quàm viri Principes, quorum beneficio & curâ nos & nostra salui? Quod igitur Græci patronis aut amicis (nam de Diis omitto, rem notissimâ) ex Ouidij loco clarum, de Theseo. vbi Athenienses, conuiuia agentes, ob eum reducem, post facta eius enumerata, addunt:

——— *pro te fortissime, vota*

*Publica suscipimus, Bacchi tibi sumimus haustus.*

In Asconio, 111. in Verrem: cùm declarat, quid sit Græco more bibere. *Est, inquit, Græcus mos, vt Græci dicunt, συμπίνειν καὶ διζούειν, cùm merum cyathis libant, salutantes primò deos, deinde amicos suos nominatim. nam toties merum bibunt, quoties & deos & caros suos nominatim vocant.* Horatius ad hunc morem:

*Da Lunæ properè nouæ,*

*Da noctis mediæ, da puer auguris*

*Murenæ.*

Et exempla verò plura: sed vide magis in Romanis. Silius de Q. Fabio Cunctatore, qui rem Romanam seruauit, libro VIII.

*Nec prius aut epulas aut munera grata Lyæi*

*Fas cuiquam tetigisse fuit, quàm multa precatus*

*In mensam Fabio sacrum libauit honorem.*

Apud eundem libro VI. Marus quidam Regulum defunctum seruatorem & patronum habet. itaque ait:

——— *cui me libare Lyæi*

*Quod cernis latices, dignum est cognoscere causam.*

Valerius lib. VIII. cap. xv. de C. Mario: *Postquam Cimbros, ab eo deletos, initio noctis nuncius peruénit; nemo fuit, qui non illi tamquam diis immortalibus, apud sacramensæ suæ libauerit.* Hoc ipsum Plutarchus: *Εὐδυσσεύς ποτε μετὰ παίδων καὶ ἡρώων ἐκαστοὶ κατ' οἶκον; ἀπὸ τοῦ*



θεοῖς καὶ μαρίᾳ δάκνου καὶ λοιπῇ ἀπὴρχοτο: *Hilares latique vnà cum libe-  
ris & vxoribus, quisque domi suæ, Diis simul & Mario libauerunt.*  
Quibus exemplis, Senatus decreuit in Augusti honorem sem-  
per libari. quod ita in Dione expressum, lib. L. Καὶ ἐν τοῖς σπασιτίοις  
ἔχ' ὅτι τοῖς κοινοῖς, ἀλλὰ καὶ τοῖς ἰδίοις, πάντας αὐτὰς ἀνένδεν ἐκέλευσαν: *Et in  
conuiujs non solum publicis, sed & priuatis, omnes ei libare & vi-  
num defundere iusserunt.* Quò Horatius respexit, IIII. Carm.  
od. v. ad Augustum.

*Hinc ad vina redit latus, & alteris*

*Te mensis adhibet Deum.*

*Te multa prece, te prosequitur mero*

*Desuso pateris, & laribus tuum*

*Miscet numen, vti Græcia Castoris*

*Et magni memor Herculis.*

Quinetiam eò, apud Græcos quidem, ventum, *vt discipuli præ-  
ceptoribus suis benè precati libarent*: quod in Athenæo libro deci-  
mo legetis. Satin' hæc probant ritum antiquum, & ex eo no-  
strum? LIPS. Nondum mihi. exemplum aliquod esse fateor,  
sed dissimile. Simplex ibi libatio, & gustatio: vbi hæc infusio?  
Abutimur, & apud quosdam profectò, quod Alexis dixit,

—— λῆξόν ἐστιν, & πόσις ☉: —— *lotio est, non potio.* Ita se perfun-  
dunt & humescunt; ita dum alienæ Saluti libant, suam lædunt.

ORAN. Lipsi tu non euades, nec si Vlysses astu præstes. LIPS.  
Apud Cyclopes igitur sum? ORAN. Puta esse. nos Vulcani offi-  
cinam habemus, quod hodie dixisti: æstuamus igitur, & siti-  
mus. LIPS. Vobis sitire. Nam Sophocleum illud iure occinam:

—— ὥς ἀρα τὸ πρὸς βίαν πίνειν

Ἴσον κακὸν πέφυκε τῷ δ' ἑστὶν βία.

—— *bibere per violentiam,*

*Par est malum huic, sitire per violentiam.*

#### DIALOG. XI.

*An, & quæ machinarum, possint habere nunc usum.*

**S**ED nōne imus? tu Carondelete, tu Billéhec: & abiens  
Siam Sol vocat. BILL. Me & negotia. conscendamus cym-  
bam, & prono sic flumine feramur. Fecimus. Ego ad Billeheum,  
Omnia,



Omnia, & ut pleraque diximus, quæ ad Oppugnationem veterem: an & alio aliquo, quam ad historiam fructu, & ut FACIS tantum hæc loco sint? An publicè reuocari aut renouari quædam expediat? dic sodes, Billéhec, qui hoc iudicium lectione & periculo potes tibi vindicare. B I L L. Arduum sit, & inter nostros quoque Martis & Bellonæ filios, videbis in his talibus dissensum. Qui vsum solum habent, & ab eo peritiam, hæc omnia naso solent agere, & adspernari: qui lectione imbuti sunt, & curâ aliquâ scrutati, plusculum ea æstimare. Qui imitari tamen ausi sint aut reducere, paucos dixerim, etsi in quibusdam, quosdam. Ut breuiter, sed distinctè aliquid pro meo sensu promam, *Scalas*, & hæc scansoria, vsum habere nemo abneget, in nocturnis occultisq; aggressionibus, sed & apertis, ut omnes sciunt. Quædam veteribus formæ aut inuentiunculæ circa hanc rem, haud aspernandæ terrâ aut mari, si quis tua ruminetur. Iam de *Vallo* & *Fossis* in obsidione ut te munias, illos includas: quid cogitari utilius potest? Piget & pudet, quàm neglecta & in vili hodie ea pars: cùm ferè incauti assidemus, nec custodientes satis, nec custoditi. Illabitur aliquis, erumpit: facile est, nocturno præsertim tempore. sed te suppetias si qui venit, eò minùs repugnamus. Olim aliter: & Iuliano aliquo opere sic ingamur: quis obsessus non timeat, & quem timeant obsidentes? Sed & singulatim *Ceruoli*, *Cippi*, *Tribuli*, *Stili*, valde impediendo hosti sint, aut remorando: quin & in acie victoriam alibi donent, si aptè & occultè adhibeantur. De *Vineis* verò, *Pluteis*, *Musculis*, *Testudinibus*, & toto hoc genere, vsum ex longinquo magnum habere haud dixerim: tormenta nostra dissipent: propiùs si succedatur, quod sæpè, & parietes suffodiendi aut deruendi sint, habeant clarum & certum. At *Agger* palàm hodie utilis, & speciem interdum vsurpamus. Regula quæ antiquis certa, ut altiores vincerent, & telis tormentisq; præualerent, ea & hodie, atque aggerum hæc structura dederit omnia subiectum. Vnus labor aut moles potiùs, pugnare cum ignaviâ militum, qui fastidiunt aut spernunt totum hoc operari. *Turres* olim optimæ, nunc vix subsistant in illâ altitudine expositæ tormentis: nec satis muniant quæ olim, coria & vela. Memini tamen & scio fastitatum recenter in Frisiâ: & potest utilissimè, cùm constat



obsessos non abundare puluere illo fulminali. An & ratio aliqua turrium mobilium non iniri posset, quarum frontes terrâ, lanâ madidâ, aut tali stipatione munirentur? architecti cogitanto. In *Tormentis* iacemus, fatendum est, vnico illo & eminente Geniorum (non enim hominum) inuento. Tamen *Catapultas*, *Scorpiones*, *Ballistas* haud in totum abdicem: variè possunt esse utiles: & maximè tollenones siue *Fundibala* illa, quæ grandiores molaresque lapides, cadauera, & talia in opida iactant. Impensâ minore hæc constant, sed & hominum aut iumentorum haud æquâ fatigatione: quid quod & vbique & semper (cùm lignifuniumque copia est) paranda? Denique de *Telorum* vario genere, sum in eâ sententiâ, vt putem quædam posse excerpi, & maximè illa ignita, quæ diuersa iam dicta. Terrent enim hæc talia, & in acie equos maximè: sed & nocent eximiè, iacta in opida aut ædes. Plura aliquis dixerit: sed & ego fortasse, nisi quia leuiter & neglectè, non nego, (quâ enim spe?) hoc ago: & iam vrbs in oculis, & nauta flectit ad ripam. O vos amici, saluete, & *Fortuna huiusce diei* gratia, quæ me sociauit. C A R. Tibi, Billêhee, atque istis omnibus gratia, qui *relictis rebus*, *Mihi*, *frequentem operam dedistis*, vt ait Comicus. O R A N. Sed &, vt idem Comicus,

*Istoc quidem pretio nos fuit facile*

*Frequentare tibi, vtibilesque habere:*

*Ita in prandio lepidè atque nitidè*

*Accepisti apud te, vt semper meminerimus.*

Pro omnibus hoc respondeo: sed nos porrò cum Lipsio. B I L L. Ego ad Decanum GRIMBERGIUM, virum probiorem nescio, an nobiliorem. Nosti eum Lipsi? debes. ornamentum nostræ vrbs est. At nunc salue, & saluete.

FINIS.





**Q**VÆDAM hæc, Lector, visum adnectere, qua locis suis inserere aut opportunitas aut memoria non fuit. Nec sic quidem omnia: absit, nolo: & aliis quoque sit, quod pro industriâ aut ingenio suo notent. Nos cum hæc direximus, in ordinem aliquem & lucem dedimus, satis animo isti fecimus: si non semper alieno (nec id sperem) veniat in partem laboris aut gloriæ si quis volet, sed & nostræ modestiæ, qui nemini insultamus, palam aut per figuras percussimus, et si occasio alibi esset. Id verò mihi defuisse fateor, quod alteri melior Deus dabit, libros scriptorésq; aliquot in bibliothecis reconditos: quos Mechanica Græcis litteris consignasse comperi, Athenæum, Apollodorum, Heronem, alios: è quibus solum Heronem videre mihi fuit, atque cum in nube aut sordibus parum eruditæ interpretationis. Sed hæc tu, qualiacumque, cape Lector, frueri; & laudare si non potes, ama.

LIB. I. DIAL. III.

*Alij ferè consensu ad Periclem auctorem referunt.* ] Docent quæ adduxi. Pag. 22.  
lin. 28.  
& tamen Corn. Nepos, seu quis alius in vitâ Miltiadis, facit eū in oppugnatione Pari, Vineis ac Testudinibus cōstitutis, propius muros accessisse. At is sanè Pericle antiquior: si tamē hæc pensitatè, & non de more sic scripta.

*Nōne probabile peruasisse in propinquum Orientem?* ] Ratio inducit, sed Pag. 23.  
lin. 18.  
& auctores. Nam Persas ecce machinas habuisse atque vsurpasse, Xenophon docet VII. Pæd. de Cyro agens: ὧς δ' ἐγένετο πρὸς τὰς τείχεσιν ἐν σάρδεσι, τὰς τε μηχανὰς ἀνίστη ὡς προσβαλὼν πρὸς τὸ πῆχος, καὶ κλίμακας παρεισφύαζεντο: Vt venit ad Sardium muros, machinas erexit muris admoventes, & scalas preparabat. Iterum distinctiùs: ὁ δὲ κύριος μύρων αὐτὸς ἐν σάρδεσι, μηχανὰς ἐποίητο καὶ κλίμακας, ὡς τῶν μὴ περιθωμένων ἐπέψων τὰ τείχη: Cyrus Sardibus subsistens, machinas & arietes apparabat, quibus non obtèperantium muros euerteret. Sed & Ammianus lib. xx. atque alibi (locos variè in ipso textu adduxi) Ballistas, Scorpiones, Malleolos, Aggeres, Vineas, aliâq; adhibuisse suo ævo ostendit. Quæ eò magis noto, quòd sint auctores item qui adi-

mant, &c.



mant, & palam machinas scientiamque oppugnandi ab iis spernant. Ut Tacitus noster, xv. Annal. *Sed Partho ad exsequendas obsidiones nulla cominus audacia: raris sagittis neque clausos exterret, & semet frustratur.* Iustinus pariter, x l i. *Parthi cominus praeliari, aut obsessas expugnare urbes nesciunt.* Sed & Tacitus vniuersè de illo tractu, lib. x i i. *Nihil tam ignarum barbaris, quam Machinamenta & astus oppugnationum: at nobis ea pars militia maximè gnara est.* Sed & Lucanus apertè, qui ita loqui Lentulum facit, dissuadentem Pompeio ire in Parthos:

*Non aries illis, non vlla est machina belli,  
Haud fossas implere valent: Parthoque sequente,  
Murus erit, quodcumque potest obstare sagitta.*

Quid dicemus? an olim habuisse, post desuisse, iterumque adsumpsisse? An de Persis modò id verum est, de Parthis aliter, quos Tacitus & Lucanus priuant?

#### DIALOG. IIII.

Pag. 24. *Coronâ cingere urbem.* ] Cui non dissimile Græcorum τὸ σαγνέειν: quod Herodotus lib. vi. describit; & Herodianus Latinorum illud sic expressit.

#### DIALOG. VI.

Pag. 34. *Scalas Nauticas, & mox Machinam ascendentem.* ] De Sambucis etiam siquis accipiat, fortassis nec erret.

Pag. 35. *Tamen Vegetius in terrâ etiam adhibet.* ] Atque ita tunc & postea fatitatum etiam, non nego. Exemplum huiusmodi Sambucæ egregium, in rebus Ferdinandi regis Aragoniæ, obsidione Antichera, quam Mauris ibat ereptum. Vide inter alios Laur. Vallam lib. i. de eius rebus.

#### LIB. II. DIALOG. IIII.

Pag. 97. *In Dionysij senioris rebus ponit memoratq; Diodorus.* ] Ille verò & antè memorat, sed non expressè *Ambulatorias*. Ut cùm Hannibal Carthaginensium dux Selinuntios oppugnat, lib. x i i i. *ὡς δὲ τὴν πόλιν ὠρῶντες, ὡς παρὰ τὸ δόσας δ' αὐτὴν, καὶ τὰς μηχανὰς ὀπίσθας, καὶ ὡς αὐτὴν ἀπὸ τῆς πόλεως ἐπορεύοντο. ἔξ μὲν γὰρ πύργους ὑπερβάλλοντας τοῖς μεγέθεσιν ἐπέστησε, τὰς ἰδίους δὲ κείρας κατασκευασμένους προσήρπασε τοῖς τεύχεσι: Ad urbem cùm venisset, castra circumposuit, & machinas exstruens, omni studio conabatur admouere. Sex quidem Turres ex iuiâ magnitudine struxit, proprios etiam Arietes ferratos incussit muris. Vbi Arietes proprios acceperim, quia inuentum id peculiare Poenorum. Sed Turres istas iterum idem admouet Acragantinis: sed nec ibi expressum *Mobiles*, etsi opinor fuisse. Ceterum, quòd mox addo *Plicatiles* quasdam Turres: earum verò mentio in obsidione etiam sacrae urbis, quam nostri heroës animosè inuaserant duce Godefrido. Ibi, inquam, traditum Genuenses peritos omnis generis tormentorum machinarumque, ingenti mole turrim, procul à conspectu hostium, fabricatos esse: quæ plicatilis, ac soluta per partes, noctu comportari in castra posset, ut cùm diluceret, suis coagmentata compagibus urbi admoueretur. Sed*



217

eur. Sed & plura talium rerum exempla, vt & Pontium mox in Turribus, in mediâ nouellaque historiâ reperies: quid opus aggerare?

#### DIALOG. V.

*Cur rara, aut nulla eius mentio?* ] Intellego, apud antiquiores Roma- Pag. 99.  
nos. nam postea sæpè. Sed & Græci aut Persæ videntur similem v surpas-  
se: & Darij pons naualis in Bosphoro & Danubio Græcis celebratur.  
nec abiit ille portentosus Xerxis, super Hellespontum.

#### LIB. III. DIALOG. II.

*Catapulta pro telo ipso.* ] Disertè alibi Plautus: *Ita est amor, ballista vbi ia-* Pag. 120.  
*citur, nihil sic celere est, neque volat.*

#### DIALOG. IIII.

*Enormes lapides ac sepulchrales.* ] Adde & molares. Æmilius Paulus, Pag. 131.  
in obsidione Ptolemaidis à regibus Philippo Galliæ, Henrico Angliæ:  
*Saxorum molarium ictu, quæ Tollenonibus mittebantur, tecta domorum in*  
*vrbe supernè perfringebantur, magnâ incolentium peste.* Appellat scitè do-  
ctissimus vir *Tollenones*, nostras istas Ballistas, quia talis quædam earum  
forma. Sed & homines aut cadauera immissa, quod adiungo: id cùm va-  
riè leges, tum in Hispanorum Annalibus, de Pelagio castissimo iuvene.  
quem cùm rex Barbarus ad stuprum sollicitaret, atque ille blandienti pu-  
gnam impegisset; iratus, iussit eum *fundâ machinali* (sic loquuntur) *trans*  
*Batim* mitti, scopulosis rupibus illidendum.

*Quæ verba non sic capienda, quasi viginti.* ] Nisi tamen minores toti- Pag. 132.  
dem globos fuisse placet, variè mox spargendos. Nec id abnuam.

*Istac Ammianus.* ] Licet addere descriptionē Græcam Ballistræ, quam Pag. 133.  
ex Procopio manuscripto ad me misit vir eruditus & industrius David  
Hoeschelius. Ea ab Ammiano non abit, & sic habet: Βελισάριος δὲ μηχαν-  
ναὶς ἐς τὰς πύργους ἐτίθειτο, αἱ καλεῖσιν βαλίστρας. τὰς δὲ χεῖρας ἔχουσιν αὐταὶ, ἐνερ-  
θὲν τε αὐτὰς κοίλῃ τῇ κεραίᾳ ὠρεῖται. αὐτὴ μὲν χαλαρὰ ἡρτημένη, σιδηρεῖ δὲ εὐθείᾳ  
πρὸς ὀπίσθιαν ἐκτεταμένη. ἐπειδὴ δὲ ἐν τῇ πολέμῳ ἐκτετατὴν ἐθέλουσιν ἄνθρωποι, ἐξ ὅχου  
βραχέος \* ἐν ἑρσει τὰ ξύλα ἐς ἀλλήλα νύθειν ποιεῖσιν, ἀδὴ τὰς πῆχας ἀκρὰς ζυμεῖται \* ἐν ἑρσει  
ἐστὶν. πέντε ἄρα κτον ἐν τῇ κοίλῃ κεραίᾳ τίθενται, τῇ δὲ ἄλλων βελῶν, ἀπὸ τῶν τό-  
ξων ἀφιαῖσι, μήκος μὲν ἔχοντα ἡμῶν μάλιστα, οὗτος δὲ καὶ τὸ τετραπλάσιον. πλεοῖς  
μὲν τοὶ οὐ τοῖς εἰωθόσι ἀνέρχονται, ἀλλὰ ξύλα λεπτά ἐς τῶν πτερῶν τὴν χώραν  
ἐνείροντες, ὅλον ἀπομιμῶνται τῇ βέλῃ τὸ χεῖμα. μεγάλη δὲ αὐτὰς λία καὶ τοῦ  
πάχους κατὰ λόγον τὴν ἀκίδα ἐμβάλλοντες, σφίγγουσι τε πολλῶν οἱ ἀμφοτέρωθεν  
μηχαναῖς ποῖ. καὶ ποτὲ ἡ κοίλη κεραία ὠροῖσθαι ἐκπίπτει μὲν, ζὺν ῥύμη δὲ τοσαύτῃ  
ἐκπίπτει τὸ τέλος, ὥστε ἐξικνεῖται μὲν οὐχ ἡσσον ἢ καὶ δύο τῆς ὀξείας βολῆς, δυν-  
δρεῖ δὲ ἡ λίθου ὀπίσθιαν, τέμνει ῥαδίως. τῆ αὐτῇ μὲν ἡ μηχανὴ ὅσον ὅπῃ τοῦ ὀνόμα-  
τος τοῦτου, ὅπῃ δὲ βάλλει αἰς μάλιστα, ὀπίσθιαν δὲ εἶσαι. ἐτέρας δὲ μηχανὰς ἐπέχοντες  
ἐν ταῖς τοῦ περὶ βολῆς πάλαισι, ἐς λίθων βολῆς ὀπίσθιαν εἶσαι. σφενδόνας δὲ αὐταὶ  
εἰσὶν ἐμφερεῖς καὶ ὀνάζροι ὀπίσθιαν εἶσαι.



## LIB. IIII. DIALOG. III.

Pag. 169.

*Vetus autem hoc de manuariis lapidibus, & quid nisi naturâ duce? ] Itaque Barbari & rudes aliorum armorum his etiam nunc utuntur. Et quidam ita scitè & fortiter ( quod de Canariensibus Antonius Nebrissenfis αὐτόπῃς ipse tradidit ) quasi ex ballistâ aut tormento aliquo sulfurario torquerentur. Sed & ita certè, ut nullum oculis signum designarent, quod non telo contingerent.*

## LIB. V. DIAL. III.

Pag. 191.

*De rumicibus tribulisq[ue] sparsis. ] Etiam Persas fecitasse, è Curtio discas. Qui ita libro IIII. sub pugnam Alexandri cum Dario: Nondum ad teli iactum peruenerant, cum Bion quidam transfuga ad regem peruénit, nuntians Murices ferreos in terram defodisse Darium, quâ hostem equites emissurum esse credebat: notatûmque certo signo locum, ut fraus euitari à suis posset.*

## DIALOG. V.

Pag. 197.

*Aquisque conspersa acriores excitat ignes. ] Cuiusmodi oleum aliquod Persas habuisse, quo vires & earum portas exurebant, in Eliano leges lib. v. Histor. Anim. cap. III. item Ammiano lib. XXI. Id autem è Naphthâ compositum, de quâ varij.*

## DIALOG. VII.

Pag. 203.

*Afferes aut trabes aduenientibus incussa. ] Trabe aliâ ita discuti perfringique Turres solere, in Paulo Emilio est exemplum, bello Sacro: Aduersus Genuensium Turrim, malum in muro erexerant, trabemq[ue] transversam suspenderant, ut eius interiore capite reducto, ac mox magnâ vi remisso, exterius in appropinquantem machinam velut aries incuteretur. Quod etiam mox additur, Turres alias solere in eam strui: id verò ex ipso Casare doceatur, libro VII. de Auaricensibus obsessis: Totum autem murum ex omni parte turribus contabulauerant, atque has coriis intexerant.*

## DIALOG. VIII.

Pag. 205.

*Quem Lupum vocant. ] Lupi muralis descriptio in Procopio manuscripto: & ecce habes, missu Davidis Hoeschelij: Εν δὲ ταῖς πόλεσιν λύκοις ἐξω ἐπιτίθεντο, ἔς δ' ἡ ποιεῖσι βότρω τοῖσδε. Δοκοὺς δύο ἰσῶσιν ἐν γῆς, ἀχρὶ καὶ αὐτὰς ἐπ' ἀλλήλους ὀξύνουσιν. Ἡ δὲ ἐργασίαν ἐπ' ἀλλήλους θέμειροι, τὰ μὲν ὀρθὰ τὰ δὲ, ἐγκάρσια ἐναρμόζουσιν, ὥς τῶν ἐνέρεων τὰ ἐν μέσῳ εἰς ἀλλήλους ὑπὸ πῆμα φαίνεσθαι. ἐκείνης δὲ ἀρμονίας ἐμβολὴ πρὸς ἑαυτὴν, κέντρον παρὰ τὴν ἐκείνην ἐμπερὶς ἔσται. καὶ τῶν ἑλίων τὰ ἐγκάρσια ἐς δοκὸν ἐτέραν πηξάμενοι ἀνωθεν ἀχρὶ ἐς μόρον διήκονται τὴν ἡμίσειαν, ὥς τῶν τὰς δοκοὺς ἐπὶ τῶν πολλῶν ἀνακλίνουσι. καὶ περὶ δὲ αὐτῆς ἐξυτέρο οἱ πολέμιοι ἵκωνται, οἱ δὲ ἀνωθεν ἀκροῦς δοκῶν ἀφ' αὐτῶν, ὡς δοῦσιν. αὐτὰ δὲ ἐς τοὺς ἐπὶ τῶν αἰφνιδίων ἐμπιπτοῦσιν, τοῖς πρὸς χροῦσι τῶν ἐμβολῶν ὅσοις ἀν' ἀλλήλους ἐπιπτοῦσιν κτείνουσι. βελιστάριος μὲν ταῦτα ἐπείκει.*

*Ista nunc satis. in Imaginibus, quædam monenda aut & addenda erant, sed fiet cum Deo, aliâs, aliis etiam suggerentibus aut iuuantibus, quod velim.*

INDEX



# INDEX DIALOGISMORVM

## LIBRI PRIM.

- M**iscellanei sermones, & præcipui  
semen atque occasio. Dialog. 1.  
pagina. 13.  
De nomine & scripturâ Leodici vrbis:  
tum initium sermonis Machinalis.  
Dialog. 11. 15.  
Nomen Machinæ, Machiones, Manga-  
na. Origo rei tota inquisita. Dia-  
log. 111. 20.  
Diuisio operis, tum de Oppugnatione  
subitâ & per Coronam. Dia-  
log. 1v. 23.  
De Testudine militari, quid & quotu-  
plex ea? eius vis & robur. Dial. v. 26.  
De Scalis, & earum aliquot generibus.  
de Sambucis. Dialog. vi. 33.  
Crates, Vineæ, Plutei, Spaliones, Lesæ,  
Catti, & totû hoc genus explicatum.  
Dialog. vii. 40.  
Testudines triplices, Aggestitiæ, Fosso-  
riæ, Arietariæ. Dialog. viii. 48.  
De Musculo, & Cæsaris locus in eo exa-  
minatus. Dialog. ix. 51.

## LIBRI SECVNDI.

- De Circumvallatione. eius multiplicis  
& operosæ exempla. Dialog. i.  
pag. 57.  
Cæsar totus explicatus in verbis quæ su-  
prâ. Brachia, Lorica, Cerui, Stili cæ-  
ci, & alia vicina. Dialog. ii. 66.  
Agger totus structus, & Cæsaris de eo  
locus. Dialog. iii. 77.  
De Turribus. Ignorata olim. quando re-  
perta? Altitudo, Tabulata, Ferrea te-  
gmenta. De iis Cæsar explicatus. Dia-  
log. iiii. 85.  
Pontium pleraque ratio. Primû Na-  
ualis, tum in Vtribus, in Cuppis: &  
Cæsaris in Rheno illustratus. Dia-  
log. v. 96.

## LIBRI TERTII.

- De Ariete dissertio. quotuplex ille, &  
qualis in quoque genere. De Hele-  
poli, & Terebrâ breuiter. Dialog. i.  
pag. 107.  
De Catapultâ: & primû de nomine.  
Maiores, & Minores: tela earum, vis,  
& forma. Dialog. ii. 119.  
De Ballistâ, & Manganicis. Varia item  
nomina: Lapidum moles & effectus:  
de Neruis, & Crinibus. Dia-  
log. iii. 127.  
Scorpiones quid, & quo telo? Dia-  
log. iv. 143.  
Muri veterum cuiusmodi? seorsim &  
Gallorum. Dialog. v. 144.  
Qui & ubi Machinas fecerint, tulerint-  
que. Dialog. vi. 153.

## LIBRI QVARTI.

- Conuiuium, & in eo Apri olim solidi,  
pluscula in hanc rem dicta. Dialog. i.  
pag. 155.  
Ad Tela ventum, & de Fundis primò  
dictum. inuentio, forma, excussio.  
Dialog. ii. 160.  
Triplex aliud genus Fundæ explicatum.  
Dialog. iii. 165.  
Iaculorum diuisio, & genera. Sudes,  
Faces, Præpilata, Lanceæ, & adiun-  
cta. Dialog. iv. 170.  
Amenta quid fuerint, & quo fine. Dia-  
log. v. 180.  
Arcus & Sagittarij descripti. Dia-  
log. vi. 182.

## LIBRI QVINTI.

- De Repugnatione additum: & primò  
quid in Testudinem, aut Scalas. Dia-  
log. i. pag. 186.  
Plura alia in Ascendentes. Oleum; Va-  
sa pi-



sa picis, sulphuris, bituminis, & in fundis iacta. Plumbum, Ferrum, Are- na, Retia. Dialog. ii.	188.	log. vi.	200
Fœnum Græcum sparsum, Rumices & Tribuli. Dialog. iii.	191.	In Turres, Ignes iacti: Trabes incussæ, aliæ Turres structæ. Dialog. vii.	203.
Dolia, Cylindri, Molares, Columnæ, Metellæ, & talia iacta. Dial. iv.	193.	Varia in Arietem, & Vegetius explica- tus. Dialog. viii.	204.
Saxa in Machinas, tum Ignes. quid Mal- leoli, Vnci, Falarica. Dialog. v.	195.	In tela alia, vsus coriorum, ciliciorum, rotarum. Dialog. ix.	210.
Contra Aggeres, Cuniculi, Ignes, & alius Agger, aut eleuatio. Dia-		Libatio in mensâ, honoris index: quibus exhibita. Dial. x.	219.
		An & quæ machinarum possint habere nunc vsus. Dialog. xi.	212.

FINIS.

APPROBATIO.

*Hos Poliorceticon Iusti Lipsij libros ad claram Histo-  
riæ cognitionem, magno studiorum fructu edendos censeo.*

Henricus Chyckius D. Petri Louanij Decanus,  
& Pontificius ac Regius librorum Censor.



## PRIVILEGIUM CÆSAREVM.

**R**VDOLPHVS SECVNDVS diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclauoniæ Rex, Archidux Austriæ, Dux Burgundiæ, Stiriæ, Carinthiæ, Carniolæ & Wirtembergæ, &c. Comes Tirolis, &c. Nostro & Sacri Imperij fideli dilecto LVSTO LIPSIØ gratiam nostram Cæsaream. Postquam inter alia, quæ DEVS immortalis hominibus liberali manu dedit dona, illustria inprimis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudetiam & imperito hominum vulgo ita distinguuntur, ut tanquam Dij quidam splendescere in terris videantur: rem sanè præclaram seque dignam illi præstant, qui diligentem iis ipsis in literis ac disciplinis operam ponunt; præclarissimam verò & Reipub. utilissimam, qui eas ita excolunt, ut aliorum menti docendo, scribendo lumina præferant, eosque ex ignorantia tenebris quasi manu educant. Quos excitare, quos amare atque animare ad dignitatis nostræ munus, ad quod Diuino vocati beneficio, concessuque sumus, inprimis pertinere existimamus. Cum itaque ab iis, quorum nobis spectata fides, qui que iudicare de Literis possint, acceperimus, insignes te animi ingenii que tui dotes tibi à natura insitas à primis temporibus ætatis tuæ ita literarum ac disciplinarum studiis excoluisse atque exornasse, ut olim iuuenilibus adhuc annis præclara florescentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituisi, dum vetusta Latine antiquitatis rudera in nouam subinde structuram singulari artificio eleganter conuertisti: ad exquisitam adeò & raram doctrinam, quæ magnam de te apud doctos quosque viros opinionem excitari, peruenisse, eamque variis abs te libris acri & graui cum iudicio scriptis atque in lucem editis ostendisse, ut in eo quod tam feliciter tractes scriptionis genere paucos tibi pares hodie reperire sit: iam verò matura te ætate virum, viro magis magisque digna, & viris doctis grata ac Reipub. utilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verferis, flores colligere, concinnare, quibus Lectores mirificè recrees, & eorum pectus ad prudentiam, probitatemque informes: haudquaquam prætermittere voluimus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animandum magis patricinioque nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, accepimus, Diplomate hoc nostro privilegioque te & Typographum tuum aduersus quorumcunque fraudem, qui lucri causa, quod fieri solet, eadem excudere aut typis imitari fortè velint, munitos cupimus. Quamobrem pro auctoritate nostra Cæsarea decernimus, statuimus, vetamusque, ne quis Typographorum, Bibliopolarum,



aut aliorum, qui librariam negotiationem exercent, eos libros, quos tu editurus es, quocunque modo, caractere, aut forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumq. ac Dominiorum nostrorum hæreditariorum fines triginta annis proximis à primo editionis die computandis, absque tuo tuorumve hæredum consensu audeat: Hac autem lege addita, ut tria ut minimum cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, eum non solum eiusmodi libris, tibi, hæredibusue tuis, auxilio Magistratus, ubicunq. reperti fuerint, vendicandis, priuari, sed triginta etiam Marcharum auri puri multa, cuius semissis quidem Fiscus nostri Procuratori, fraudis vindici: alter verò semissis, tibi hæredibusue tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quàm Politicis, cuiuscumque status, gradus aut ordinis extiterint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iustitiæue exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis multa, eos puniri & quibuscunque modis coerceri curent, ni & ipsi met gravissimam nostram in se conuètere indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti. Anno Domini Millesimo, Quingentesimo, Nonagesimo secundo. Regnorum nostrorum Romani decimo septimo, Hungarici vigesimo, & Bohemici itidem decimo septimo.

RVDOLPHVS.

*Subsign.*

Iacobus Curtius à Senftenaw.

*Ad mandatum sacra Cæsarea M<sup>ti</sup> proprium.*

Io. Baruitius.

*Additum sigillum Cæs. M<sup>ti</sup> in cerâ rubrâ.*

**T**ibi IOANNES MORETE, pro amicitia qua mihi cum Plantino (ben-  
quondam meo) & Plantiniano est ac fuit, tibi, inquam, permitto, ut hos  
POLIORCETICON libros typis tuis excudas ac diuulges. Nequis alibi  
alius præter te, cupio siue iubeo, ex lege quam magnus Cæsar dixit.

Iustus Lipsius.



S V M M A P R I V I L E G I I R E G I I .

**R** E G I Æ Maiestatis Priuilegio cautum est, Ne quis *Iusti Lipsi Poliorceticon sive de Machinis, Tormentis, Telis, libros quinque*, citra voluntatem Ioannis Moreti Typographi Antuerpiensis, vlllo modo imprimat, vel alibi impressos importet, distrahat, venalésve habeat per omnes eius ditionum fines; qui secus faxit, confiscatione librorum, & graui poena mulctabitur: vt latiùs patet in litteris datis Bruxellæ, xxvii. Ianuarij. M. D. xcvi.

Signat.

S. de Grimaldi.

&

I. de Buschere.



THE FIRST PART  
OF THE HISTORY OF THE  
CITY OF LONDON

BY SAMUEL JOHNSON  
ESQ; OF LONDON

IN TWO VOLUMES.  
THE FIRST VOLUME  
CONTAINING THE HISTORY  
OF THE CITY OF LONDON  
FROM THE FIRST  
SETTLEMENT OF THE  
CITY TO THE PRESENT  
TIME.

THE SECOND VOLUME  
CONTAINING THE HISTORY  
OF THE CITY OF LONDON  
FROM THE FIRST  
SETTLEMENT OF THE  
CITY TO THE PRESENT  
TIME.

THE THIRD VOLUME  
CONTAINING THE HISTORY  
OF THE CITY OF LONDON  
FROM THE FIRST  
SETTLEMENT OF THE  
CITY TO THE PRESENT  
TIME.

THE FOURTH VOLUME  
CONTAINING THE HISTORY  
OF THE CITY OF LONDON  
FROM THE FIRST  
SETTLEMENT OF THE  
CITY TO THE PRESENT  
TIME.



IUSTI LIPSI  
ADMIRANDA,

siue,

DE MAGNITVDINE  
ROMANA

LIBRI QVATTVOR.

AD SERENISSIMVM PRINCIPEM  
ALBERTVM AVSTRIVM.

*Secundæ editio correctior, auctiôrque.*



ANTVERPIÆ,  
EX OFFICINA PLANTINIANA,  
Apud Ioannem Moretum.  
M. D. XCIX.

*Cum Privilegiis Casareo & Regio.*







SER<sup>MO</sup> PRINCIPI  
ALBERTO AVSTRIO  
IMPERATORIS FILIO,  
NEPOTI, FRATRI,  
S. R. E. CARDINALI,  
BELGICÆ SUPREMO GVBERNATORI,

I. LIPSIVS *dedicat consecrâtque*.



INTER Historiarum fructus, SER<sup>MO</sup> PRINCEPS, ego illum eximium habeo, qui ad Sapientiam & rerum in orbe ADMIRANDARVM cognitionem ducit. Quis enim paullò altior & attentior

cas legit, qui non diuina illa opera obseruet, magna imperia stabilita, aut diruta: & in iis imaginem quamdam Prouidentiae simul & Potentiae diuinæ? Ita profectò se res habet. sicut vnus in superis Deus est, qui machinam hanc totam moderatur & temperat: sic in terris velut Curatores & Vicarios quosdam suos constituit, qui in partibus eam tueantur & administrent. Atque horum quosdam crescere voluit in magnas opes, copias, opera:

A 2 quid



4  
quid nisi in imagine ostendens, cælestem il-  
lam & sine fine ac modo potentiam, quam  
ipse habet, & per riuulos ac canales illos de-  
ducit? Vt igitur cælum & micantia illa astra  
cùm intuemur, ab iis ad puram, primam, &  
inaccessam quamdam lucem ducimur: sic ab  
humanâ istâ MAGNITVDINE, ad auctorem  
illius & fontem Deum. Quis ille fuit, qui  
Assyrios terris & gentibus imposuit? qui Per-  
sas, Macedonas, Romanos? quis qui iterum  
loco mouit & deiecit? magnus ille auriga &  
rektor vniuersi, qui habenas in hoc munda-  
no curru temperat; qui impellit, qui sistit, &  
poëtæ verbo,

*Diuósque mortalesq; turmas*

*Imperio regit unus equo.*

Quod magis sentio, & in animum demitto,  
cùm in ipsâ potentiâ & magnitudine, infirmi-  
tatem istorum video, aut breuitatem. Quid  
enim illa omnia nunc, aut vbi sunt? abierunt.  
vbi supra fidem cumulatę opes? defluerunt.  
vbi cælo certantia opera? non appārent. Heu  
res mortalium vel maximorum paruæ! heu  
validissimorū instabiles! imò omnia illa som-  
nium, vmbra, nihil, si cum Æterno & Æter-  
nitate comparentur. Sicut Solem istum assi-  
duè vel nubes aliqua subducit, vel nox deni-  
que condit: talis omnis hic splendor & feli-  
citas, rapitur aut euanescit. Hæc & similis co-  
gita-



5  
gitatio SER<sup>ME</sup> PRINCEPS, iamdiu me impu-  
lit Imperiorum magna & ADMIRANDA  
colligere: atq. vt decuit, orsum à ROMANO.  
Nam fallor, aut non alia maior magisq. fun-  
data, addo & laudata MAGNITUDO; quam  
quattuor his libellis in parte expressi, & ad  
SER<sup>TEM</sup> TVAM multis de causis misi. Omitto  
beneficia in patriam publica, in me priuata:  
ipse titulus & argumentum palàm ad te du-  
cebant. ROMANI imperij descriptio cui po-  
tius aut iustius debebatur, quàm Principi è  
tot ROMANIS Imperatoribus nato? Res cer-  
ta & inter ADMIRANDAS est, ex vnâ AVSTRIA,  
verè aureâ, stirpe vestrà, decem Imperatores,  
intra hos trecentos circiter annos, orbi Chri-  
stiano affulisse: atque id sanguinis & nata-  
lium serie, sine vllò fulcro adoptionis. Quid  
in omni retrò Principum classe simile? duo,  
tres, in vnâ domo, & vix fuerunt: in primâ  
ipsâ Iulij, nec vltra sextum etiâ adoptio pro-  
rogauit. Iterùm dico, mirabile. & quid nisi à  
Deo tacita vox & testimonium, datam hanc  
familiam & demissam è cælo in terras esse, ad  
imperia terrarum? Iam & ADMIRANDORVM  
ille titulus, an non ad te traheret in variâ vir-  
tute sic ADMIRANDVM? Priuatam tuam vi-  
tam si video: Pietas & Religio occurrit, quæ  
vel sacerdotem deceat; Castitas, quæ Vesta-  
lem; probitas, & vitæ totius Ordo ac compo-



6  
sitio, quæ ipsum cælum. Nec enim sidera  
illa profectò magis ordinato & certo cursu  
incedunt, quàm tuæ actiones. Quid pru-  
dentia in ciuili aut militari administratio-  
ne? quid altitudo consiliorum incredibilis?  
quid tranquillitas animi & vultus (proprium  
bonum Austriacę gentis) in omni euentu aut  
fortunâ? ADMIRANDA sunt. & quæ Regi  
nostro, sapientissimo rerum hominumque ar-  
bitro, causam dederūt tui inter alios eligen-  
di, quem ad maxima imperia & Præfecturas  
admoueret. Ecce Lusitania adiecta Hispaniæ  
suæ fuit, & multa in concusso eo corpore ad-  
huc ægra: te elegit qui lapsa erigeres, dilapsa  
colligeres, exanimata recreares. Et sanè ita  
fecisti, & præfuiisti, vt pænè optandum fuerit  
illi regno tam validè concuti, vt te pacatorem  
fundatoremque æterni deinceps otij haberet.  
Quis in discessu tuo non ingemuit? nobilitas  
patronum, plebs parentem, leges custodem,  
pietas vindicem visa est sibi amisisse. At no-  
ster Rex recepisse: & expertus quàm benè  
humeris tuis imperium federet, porrò te mi-  
sit in Belgicam nostram, id est in ipsum mare  
& Oceanum (ignosce patria sic loquenti) dis-  
ensionum & turbarum. Heu qui hîc fluctus?  
adeò vt alibi ciuilia atque externa bella fuif-  
se & transisse dixerim, hîc sedisse & habitaf-  
se. Opportunitas scilicet locorum fecit, &  
simul



7  
simul conspiratio eorum qui magnitudini  
Regiæ sunt infensi, vt consilia & arma verte-  
rentur in has partes; & in nostrâ istâ patriâ  
certamen certaretur, pænè dicam, de Europâ.  
Ergo missus es & venisti in medium discrim-  
men: quid autem fecisti? quod nec hostes su-  
spicari, nec nos sperare, imò vix nunc credere  
possumus cùm est factum. Aggressus es vr-  
bem naturâ, opere, milite munitam, & op-  
portunitate inter Galliæ primas. Urbem di-  
co, quam \* Eduardus ille felix & animosus \* Anno  
Anglorum Rex, vndecim mēsum spatio vix 1347.  
expugnauit; quam \* Philippus bonus tuus \* Anno  
proauus, cum quadraginta millium exercitu, 1436.  
nec expugnauit: tu, inquam, aggressus cum  
modicis copiis, in paucis diebus claudis, op-  
pugnas, capis. Quæ hæc vis animi, vel beni-  
gnitas fortunæ? vtraque enim adfuit: & illa  
vt auderes dedit, hæc vt posses. Scipio Afri-  
canus olim (nec alium iustiùs tecum confe-  
ram) cùm in Hispaniam missus esset, vel fero-  
ciâ Pœnorum ereptam, vel infortunio Ro-  
manorum alienatam, vidit rem longi & infi-  
niti operis, bellum circumferre per singulas  
& minutas partes. Quid facit diuinus iuue-  
nis? Carthaginem Nouam, vbi, arma, cōmea-  
tus, opes hostiles erant, situ & mœnibus (ita  
putabatur) inexpugnabilem, subitò & igna-  
ris omnibus exercitum rapit. Venit, aggredi-



tur, ingreditur: & in vnâ vrbe captâ, animos  
 suis fociisque reddidit, hostibus ademit. O fa-  
 ctum Scipione dignum! & quid nisi prolu-  
 dium frangendæ magnæ illius Carthaginis, &  
 stabiliendi mox imperij pariter ac pacis? A te  
 similia exspectamus, ô noster Princeps: & ab  
 hoc initio vince aut paca hostes, iunge diuul-  
 sos aut rebelles. Hos ipsos quàm terres statim  
 facto nouo pariter, & inopinato? Abducis ab  
 iis locis copias, & alia agens ac præferens,  
 Hulstum adducis. Quod istud Hulstum? non  
 opidum, sed insulam; nec insulam modò, sed  
 propugnaculis variis magnisque, id est verâ  
 æstimatione, totidem opidis inessam. Quid  
 facis ô consideratissime Princeps? quis ardor  
 te abducit? non Mars solùm ea loca, sed Ne-  
 ptunus tuetur & vindicat: & magnus ille  
 Oceanus, ruptis aggerum claustris immissus,  
 vnâ cum suis filiis latè dominatur & regnat.  
 Vbi naues, quibus peruadas? vbi alæ quibus  
 transuoles? defunt: at non tentandi tibi ani-  
 mus, & patrandi item fortuna. O quàm nunc  
 denique didici, angustè vires vestras expen-  
 di, si quis ea tantùm quæ fieri possunt à vobis  
 exspectat! Audetis non audenda, facitis non  
 faciēda, humano quidem iudicio: sed Deum  
 adhibetis in consilio, & vos magni cum ma-  
 gno illo Numine participantes, legitis ( si fas  
 dicere) in tabulis Fatorum. Itaque inuitis aut  
 dis-



9

diffuadentibus omnibus, inuadis, peruadis,  
vincis. Hæc tua sunt sub initium opera, cum  
alij vix operum solent ponere fundamenta.  
Et quæ non maiora magisque ADMIRANDA  
à te, vel in te, expectemus? Memini legere  
ALBERTVM II. inter maiores tuos Austrios,  
vno tempore atque adeò vno anno, factum  
Regem Bohemiæ, & Hungariæ, & ROMANORVM.  
O quæ ista felicitas! sed quàm bre-  
uis felicitas! biennio enim non toto impera-  
uit, & optimum Principem Deus cælo inue-  
xit, quia terra virtutum illarum parum capax  
erat aut digna. Tibi pariter ALBERTO omi-  
namur & vouemus similia, sed firmiora: & an  
non iam nunc clara signa Deus & Rex dede-  
runt? sed parco dicere, etsi non optare. O dies  
ille exorere, nō lætus solum sed salutaris Bel-  
gis; nec Belgis tantum, sed vicinis; nec vicinis;  
sed diffitis, & quicunq; sunt in religione aut  
orbe Christiano. Plura vellem: sed vt ij qui  
apud Deum verba faciunt, corpore, gestu, ser-  
mone modici sunt ac reuerentes: sic nos de-  
cet apud vos Principes, & colere atque AD-  
MIRARI magis, quàm laudare. Facio in ani-  
mo, & illo dico atque impleo, siquid ore aut  
stilo omisi. Louanij, Kal. Martiis. ∞ .10. xcviii.

B

AD



## AD LECTOREM.



DMIRANDA in Imperiis, Lector, qua olim colligere cepimus, nunc disponere, ut vides, & vulgare. Orsi sumus à ROMANO, quod quatuor his libellis damus: an totum? negabit aliquis, & scio esse quæ possint addi. Sed an debeant, nescio: non certè pro meâ mente, cui propositum fuit eminentia tantum & verè MAGNA colligere, atq; ea ipsa dumtaxat ostendere in primo vultu, & designare. Omnia si penetrassem, aut delineassem, præsertim quæ ad Opera, quis finis fuisset? Sed architectonica etiam hæc cura sit, non nostra; nec libuit supra plantam, quod dicitur, euagari.

\* nec fuit  
vnam  
Omnibus  
in rebus  
gnarū vñ  
esse atque  
scientem.

\* ——— ὅδ' ἀρετὴ πῶς ἦν

Εν πάντεσ' ἔργοισι δαήμονα φῶτα χρέεται.

Et verè fateor, nimia iam etiam curâ an curiositate peccari à plerisque nostrum, qui omnia hæc antiqua avidè scrutamur, & in maris illo fundo panè dicam arenas. Ah, quis fructus est? Vita & mores præeant, tum prudentia, sed & elegantia quadam accedat: tamen ultima hæc cum modo. Peccauimus & nos fortasse olim: sed nunc cum aliis annis mens est alia, & clamo liberè, Quædam esse quæ malo ignorare, quàm discere. Timonis illud sæpè mihi in mente:

\* Multiscientiâ, ut haud quidquam vel vanius existat!

\* πᾶλυμαθημοσύνης ὥς & κενώτερον ἄλλο.

Sed siquid tamen scitu dignum omisi, alius explebit me volente & addet, ut fiat illud Homericum

\* melius multorum opus.

———— \* πλεόνων δέ τοι ἔργον ἀμεινον.

Et si



Etsi quadam tamen seposita mihi, non omissa, & in al-  
 terâ ADMIRANDORVM parte opportunè reddenda. Atqui & alia mihi culpa, aut certè nota, deprecanda est, in attollendo nimium fortasse alibi fuisse. Si ita est, excusetur: & quis nescit, ubi animus & stilus incaluit, trahere hoc secum has\* πανηγυεις? Et tamen non arcem è cloacâ feci, ut ait ille, nec lapidem è sepulchro veneratus sum pro Deo; sed res laudatissimas laudavi & extuli: si nimis, tu moderare & deprime, quisquis frigore & sedatiore affectu hac legis. Denique in clausulâ, magnum etiam imperium miratus sum, & approbavi: cur contra hodiernum morem (dicet aliquis) fortasse & usum? Nam divisiones ista facta iamdudum, & inueterauerunt, & moveri sine motu Christiani orbis vix possunt. Non temerè igitur suadeo; nec sanè innouo: si tamen Fatis & Deo visum, hodiernam aliquam & nouam MAGNITVDINEM dare, cur culpa sit laudare & approbare? Multiplex ratio eam commendet: & firmissimè ista. quòd etiam nunc, quidquid tranquilli & pacati est in re Christianâ, id manat ab unico illo capite, quod auctoritate sacrâ nobis præst. Romanus ille Dictator, ut sic appellem, & Pontifex, fulcrum aut vinculum est, quod sustinet, quod ligat, labentes aut disidentes in malè compacto hoc edificio partes. Abite non impij solum, sed imperiti, qui aliter. nobis constat hanc ipsam Romam, & sacrum in eâ imperium, fuisse & esse velut anchoram fluctuanti diu Europæ. Mira Dei benignitas in hanc urbem! cum legionum vim eripuit, legum attribuit;

\* laudationes.



cum armis imperare noluit, sacris indulgit: & sic quoque fecit eam decus, tutelam, columnen rerum. Atqui Senatus ille vetus non est, inquiunt. Non ille, sed alius: & vide mihi in istâ purpurâ ex omni nostro orbe selectos proceres, moribus, prudentiâ, annis spectandos. Si vetus ille Cyneas redeat, & hunc concessum videat, nihil ambigat vel cum Regibus iterum, vel cum Heroibus comparare. Quid tributa? non tam multa, sed magis innoxia & Ultronea sunt. Quid Legationes gentium? nec ea desunt, & ex noto ignotoque orbe (tanta diffusio maiestatis huius est) concurritur, & iura ac leges sacrorum hinc petunt. Ipsi Reges & Principes adeunt & inclinantur, & obnoxia capita uni huic capiti submitunt. Quid Principes aut homines loquor? ipsi aërei, terreni, inferi spiritus siue Genij verentur ac trepidant, & caelestem illam in terris potestatem vel inuiti ac reluctantes agnoscunt. Gaude igitur non maior, sed melior iam ROMA; non cultior, sed sanctior; & diu sedes & habitaculum sacri huius imperij (ex animo vouemus) esto.



I. L I P S I  
A D M I R A N D A,  
siue,  
D E M A G N I T U D I N E  
R O M A N A  
L I B E R I.

C A P. I.

*Occasio & ingressio sermonis.*



**D**IES æstuosus erat, & quales Iulio mense per Caniculam solent. Venit ad me **A**VDITOR, & Numquid turbo? inquit, non opinor. Otiari te cùm tempus, tùm & mos iubet, qui publicas Ferias nunc indixit. **L**I P S. Otiamur. non ob causas à te dictas solùm, sed ob quam minimè vellem. Ea valetudo est, semper molesta, nunc magis in isto æstu. O si Spada me habeat! quàm me recreem & refrigerem ambulando, bibendo! **A**VD. Omitte Spadam, illam cursus tui palæstram. Satis nobis, semel sic pro te timuisse. Nam quid propius factum, quàm vt nobis eripereris, ad alios translatus? **L**I P S. Factum. nec vnquam ego propior periculo fui, nec manifestiore Dei manu ereptus. Ille me tuitus est, & reddidit vobis. Utinam & eos redderet iungeretque per bonam pacem, qui sic abiuncti! O quàm suavis vita sit! quàm iuuet communione illâ terrarum hominumque frui! **A**VD. Ne despera.

\* Οὐπω μὴνας ἄγων ἐν γαμὶ βεβηκός, οὐδ' ἐν αὐτοῦς.

Dies, inquam, ista componet & dabit; aut denique Deus. **L**I P S. Certè Dei hoc opus: quem toto pectore inuoco venerorque, vti velit, Respiciat afflictam Belgicam tot iam lustris, & satis sit accisam eam, non excisam, Sed quid tu volebas? **A**VD. Fabu-

*Nondum  
ather men-  
ses. nec vol-  
uerat desit  
annos.  
Theocr.*



lari. LIPS. Publica habes? AVD. Curiosè ea non curo: sed tamen & publica tangit, quod volebam. LIPS. Dic autem. AVD. Sponde autem. LIPS. Quid istud est? captas me? AVD. Non nego. vtinam ceperim! Iam diu est quod DE MAGNITVDINE ROMANA polliceris aliquid dicere, siue scribere. Si hoc nondum potes, illud fac quod potes. LIPS. Hóccine agebas, & eò ibas? & hoc illud otium, quod suadebas? AVD. Agebam, ibam, suadebam. Et quid tibi híc magni negotij? scio iamdiu talia & obseruata tibi, & prompta. LIPS. Prorsus. ecce, os aperiam? sponte se effundent. O te bellum! scilicet memoriâ, dispositione, ad eas res non opus, etiam quas notas iam habeas & paratas. AVD. Non nego, sed priorem Deus tibi dedit, alteram iudicio semper assumpsisti. In scriptis tuis hoc me delectat, ordinem & seriem rerum videre: interdum earum, quarum nec ordo videbatur. LIPS. Malus es. AVD. Quid ita? LIPS. Quia verè captatorem agis, & blandiris, sed vt in retia tua compellas. — \* γέγον δ' αλώπηξ (ait verbum) & χ αλίσκεται. AVD. Imo patiare te capi vel meâ hac cupidine, quam amare & laudare in adolescentiâ nostrâ soles. LIPS. Non nego, adamo: sed & argumentum inuitet, quod valdè item amo. Quomodo non veterem illam Romam? tot ingeniorum, artium, virtutum, vel matrem vel sedem? Nam Potentia quidem & Militia ADMIRANDA sunt, & magni illius imperij Opes: Virtutes amandæ. AVD. Neque aliud à te volo, quàm in vmbra quasi & imagine repræsentari Formam faciemque illam veterem: & qualis, & quanta Roma fuit. LIPS. Ego verò sic subitò nec vmbra tibi ausim polliceri: fortasse vmbellam, & imaginem aliquam imaginis, vt sic loquar. AVD. Quidlibet, iuuabit & docebit. LIPS. Sic volendo, volentem & me facis. Sub hac trichilâ vmbrosâ igitur sedeamus, & ducamus MAGNITVDINIS ROMANAE vmbra.

— \* Vulpe-  
cula haud  
capitur se-  
nex.

## CAPVT I I.

*Communiter Roma & eius Potentia laudata, per elogia pauca veterum.*

**E**Go inter Imperia & MAGNITVDINES, quas Deus à condito orbe esse voluit, eminere censeo & primas ferre hanc

ROMA.



ROMANAM. Hoc è *Finibus, Copiis, Opibus, Operibus*, denique *Viris & Virtutibus*, liquere posse arbitror: quibus rebus singulis, aut & iunctis quibusdam, aliæ fortasse gentes se ostenderunt, nulla sic omnibus, vt nunc ostendam. Tu Deus lux temporum, rerum, hominum, scintillam aliquam tui, si non radium, in mentem hanc immitte: vt eâ videre, adire, sed & referare possim, thesauros Antiquitatis & Memorix; quos in Æui diffuso implexoque sinu, reponis & seruas. Priusquam igitur distinctè de quinque illis Magnitudinis partibus dicam, lubet vniuersè aliquid de totâ eâ præfari, & quàm istam, vnâ mecum, illustres magnique omnes viri admirati sint. Atque illa vulgata omitto, *Romanos rerum dominos: Romam mundi caput: Mundi miraculum: Mundi compendium: Arcem nationum ac regum, lumen gentium:* magna sunt, & à magnis: sed compendio laudasse eam magnificè Martialis videtur,

*Terrarum Dea Gentiumque Roma,*

CVI PAR est nihil, & nihil SECUNDVM.

Subtiliter nec falsò vult, nihil accedere ad eam, nihil vel sequi. Quod an ab illo mutuatus Frontinus est? in cuius libro de Aquæductibus legimus: *Regina & domina orbis, quæ terrarum dea gentiumque consistit, cui par nihil, & nihil secundum.* Sed vereor vt allitum adscriptumve alienâ manu sit, & grauis atque eruditus reliquus Frontini stilus non probat aut amat lasciuiam poëtarum. Compendio igitur Martialis: sed pulchrè item & vbertim Claudianus.

*Quâ nihil in terris complectitur ALTIVS æther,  
Cuius nec SPATIVM visus, nec corda DECOREM,  
Nec LAVDEM vox vlla capit. quæ luce metalli  
Æmula vicinis fastigia conserit astris.*


*ARMORVM LEGVMQVE PARENS, quæ fundit in omnes  
Imperium, primique dedit cunabula iuris.  
Hæc est exiguis quæ finibus orta, tetendit  
In GEMINOS AXES, paruaq; à sede profecta  
Dispersit CVM SOLE manus. hæc obuia fati,  
Innumeras vno gereret cùm tempore pugnâs,  
Et Gallum terris prosterneret, equore Pœnum,  
Numquam SVCCVBVIT DAMNIS, & territa nullo*



*Vulnere*




*Vulnere, post Cannas MAIOR Trebiamq; fremebat.*


Habes pleraque versibus iis ab alto & animoso poëtâ ( talis fuit) inserta, quæ ordine meo imus laudatū. Sed Erinna etiam poëtria audienda est: quam vixisse oportuit, vt hoc carmen est, sub Pompeij, aut circiter, æuum. Nam alioqui plures eo nomine fuisse, non debes nescire. Ea igitur, ad ipsam Romam:

Χαῖρέ μοι Ρῶμα θυγατήρ ἄρη,   
 Χρυσέομινθα, δαΐφρον ἄνασσα,  
 Σεμνὸν δ' αἰεὶς ἐπὶ γαῖς Ὀλυμπον  
 Αἰὲν ἀΐεσσον.

Σοὶ μόνῃ παρῆσσι δέδωκε μοῖρα  
 Κῦδ'  ἀρρήκτω βασιλῆιον ἀρχᾷ,  
 Ὅφρα κοιρανῆιον ἔχοισι κάρτι   
 Αἰεμόνδης.

Σᾶ δ' ὑπὸ ζυγῶν κρατερῶν λεπιδῶν  
 Στέρνα γαίης καὶ πολιᾶς θαλάσσης  
 Σφίγγεται. σὺ δ' ἀσφαλέως κυβερνᾷς  
 Ἄσπερα λαῶν.

Πάντα δ' ἐσφάλλον ὁ μέγας  αἰὼν,  
 Καὶ μεταπλάσων βίον ἄλλοτ' ἄλλως,  
 Σοὶ μόνῃ πλησίσσιον ἔρον ἀρχᾷ  
 Οὐ μεταβάλλει.

Ἡ γὰρ ἐν πάντων σὺ μόνῃ κρατίστους  
 Ἄνδρας αἰχματὰς μεγάλως λοχθεῖς,  
 Εὖτα χυὼ δάμαξ  ὅπως ἀνείστα  
 Καρπὸν ἀπ' ἀνδρῶν.

*Filia ô Martis, mihi Roma salve,  
 Aureo Regina decora cultu,  
 Quæ vel in terrâ stabiles Olympi  
 Incolis arces.*

*Nam dedit soli tibi cana Parca  
 Regium sceptrum, minimè atterendum,  
 Vt potens rerum domineris vna,  
 Imperitesque.*

*Ad tuum currum, retinente freno,  
 Colla telluris tumidiq; ponti  
 Illigas, & tu populos gubernas*



*Firma per eum.*

*Ipsa, quæ gaudet Variare cuncta,  
Resque transformans hominum Vetustas,  
Spirat hæc vni tibi semper auram à*

*Puppe secundam.*

*Denique, in cunctis populis valentem  
Procreas bellis sobolem. utque lata  
Surgit è terra seges, ipsa abundas*

*Frugè virorum.*

Atque heustu, virile & plenum spiritus muliebre hoc carmen est; & cur talia tam multa perierunt? Sed Poëtarum hæc laudatio est: audi Historicum. *Nulla vnquam Respublica nec MAIOR nec* Liui. l. 1. *SANCTIOR, nec bonis exemplis ditior fuit.* Laudat à duplici illo capite quod nos attigimus, & in sermone persequemur, Potentiæ & Virtutis. Quod ipsum vtrumque Ammianus: cùm *Romani IMPERII VIRTVTVMQUE omnium Larem* appellat. Et plura se offerunt, quæ differo, in suis locis opportuniùs reddenda. Hieronymi elogium audiamus, æuo iam inclinante: *Urbs POTENS, vrbs* Lib. 11. adu. Iovin. *Domina, vrbs Apostoli voce laudata, interpretare vocabulum tuum.* *Roma aut FORTITVDINIS nomen apud Græcos est, aut SVBLIMITATIS* apud Hebræos. Duplicem interpretationem nominis rei aptam reddit: ego & tertiam, quam dederit lingua nostra: quia \* *Roma, Gloriæ & famæ nomen est Germanis.* Quid, quòd apud \* *Romæ.* *Orientalis Indos Rumes* appellantur (Osorio ita traditum) milites boni & fortes: an quasi Romani, & admiratio vetus apud eos mansit? an vox indigena id quoque notat? Sed ad rem partesque nostras eamus, aliquid tamen à te præstipulati. *AVD.* Quid illud est? *LIPS.* Assensum & fidem. *AVD.* Tibi non dem, aut habeam? vel nutu me ducas, quò velis. *LIPS.* Memento. nam erunt quædam inopinata, & verè *ADMIRANDA.* Poëta iure cecinit:

*Propert.*

*Omnia Romanæ cedant MIRACVLA terre,  
Natura hîc posuit, quidquid VBIQVE fuit.*



*Fines imperij Romani, quando maximi, & Prouincia breuiter adnumerata.*

**I**NITIA nos tenent: nec temerè iam olim dictum, *Portam itineris longissimum esse*. At seriò viam ingredior, & quidem per eos limites siue terminos, quos antè obiter posui, *Potentia ac Virtutis*. In potentiâ considero, *Fines, Copias, Opes, Opera*: & in hanc quadrigam, nisi fallor, subiungam & veham, quidquid ea secum trahit. Ergo de *Finibus* primò. ij verò quàm amplissimi fuerunt, & spatia terrarum ac maris, vno velut sinu & iunctim inclusa, quanta in vllò priorum aut posteriorum imperiorum nego fuisse. Itaque attollunt haud vanè hæc veteres, & magnificè loquuntur, vt Cicero: *Nulla gens est, quæ non aut ita subacta sit, vt vix exstet; aut ita domita, vt quiescat; aut ita pacata, vt victoriâ nostrâ imperioque latetur*. Et passim illi sermones, *Romanos orbis dominos: Solem vtrumque in eorum imperio currere*: & talia, animosè magis, quàm superbè dicta. Petronius:

*Orbem iam totum victor Romanus habebat,*

*Quà mare, quà terræ, quà sidus currit vtrumque.*

Dionysius Halicarnassæus planè cum ipso, etsi ante ipsum: ἡ δὲ ῥωμαίων πόλις ἀπάσης μὲν ἀρχῇ γῆς, ὅση μὴ ἀνέμβατος ἔστιν, ἀλλ' ὅσ' ἀνθρώπων κατοικεῖται. πάσης δὲ κατεῖδαλός τινος, & μόνον τῆς ἐντὸς ἡγελευσίων ἡλῶν, ἀλλὰ καὶ τῆς ὠκεανίδος, ὅση πλεῖσται μὴ ἀδιώατος ἔστι, πρῶτη καὶ μόνη τῆς ἐν τῷ παντὸς αἰῶνι μνημονορούμενων, ἀνατολὰς καὶ δύσεις ὅρας ποιουμένη τῆς διωασίας: *Romana urbs imperat toti terræ, quæ quidem inaccessa non sit, habitaturque ab hominibus; sed & toti mari imperat, non solum huic intra columnas Herculeas, sed ipsi Oceano, quacumque est navigabilis; PRIMAQUE ET SOLA ab omnis æui memoriâ terminos sibi potentia fecit, Orientem & Occasum*. Vbi terras omnes & maria tribuit, sed vt decuit historicum bonæ fidei, cum aliquâ restrictione aut exceptione: sciungitque inaccessa aut inhabitata loca, itemque maria ignota. Enimuerò, si propiùs inspicias, nec habitata quidem omnia loca sub imperio habuit: non hercules: & multa sub Parthorum iure ad Orientem fuere, multa libera, aut sub regibus, ad Septentrionem ac Meridiem: sed vt ego quoque pro vero magis coërceam, quidquid opportunum aut



aut dignum vinci videbatur, vicit. Cetera non tam non potuit, quàm contempsit, & iudicio reliquit. Sed illud nemo negauerit, florem Asiæ, Africæ, Europæ in hoc imperio fuisse: ipsa gentium robora, ingenia, opes. Quod vt clariùs tibi liqueat, in triplici hac mundi plaga quid habuerint, strictim & per indicem dicam: atque id, cùm imperium maximum & in culmine suo fuit, vt ab Augusto ad Traianum. Termini igitur finesque imperij sub Augusto erant, ab Oriente *Euphrates*; à Meridie *Nili catarractæ*, & *Deserta Africa*, & *mons Atlas*; ab Occidente, *Oceanus*; à Septentrione, *Danubius* & *Rhenus*. Ita enim ipse, bono consilio, instituit, claudere imperium naturæ aliquibus limitibus, & custodes ac milites ad eos habere. Hoc Tacitus in eo laudat: *Clausum mari, aut amnibus longinquis imperium*. Atque idem scribit, Augustum libello, quo Rationes imperij conscripserat, *consilium addidisse, coercendi intra terminos imperij, incertum metu, an per inuidiam*. Nolebat, inquam, posteros Augustus proferre terminos: siue quia satis iam partum videbatur, & metuendæ bellorum ac fortunæ vices, siue per inuidiam, & ne gloriam suam vincerent, vt Tacitus suspicatur. Sanè posteri cōsilium hoc neglexerunt, nec solùm regna aliquot, defunctis aut euerfis sociis Regibus, imperio adiecerunt; sed etiam, vltra terminos, noua quæsiuerunt. vt Claudius, qui *Britannias* in ipso Oceano deuicit; vt Traianus maximè, qui ab Oriente, *Arabiam*, *Armeniam*, *Mesopotamiam*; à Septentrione, *Daciam* subegit. Ita moti prolatiq̃ue tunc termini trans Euphratem, ad *Tigrim*: iterumq̃ue parte aliâ, ad *Mare rubrum*; & trans *Danubium* ipsum, tota *Dacia* addita fuit. Hoc est, quod Tacitus noster in suo illo Principe laudat: *Ventum inde Elephantinen ac Siennen, claustra OLIM Romani imperij, quod NVNC Rubrum ad mare patescit*. Sed, inquires, quæ hæc dictio est, quasi pro magno ad *mare Rubrum* ventum nunc esse: nōne & antea fuit? Ipsa illa *Siene* & *Elephantine* ad *Nili catarractas*, ostendunt quidquid *Ægypti* interiacet *Nilum* & *Sinum Arabicum*, iam olim Romanorum fuisse. Atqui Sinus ille, *Rubrum mare*. Respondeo, latiùs olim *Rubrum mare* patuisse, & paullo aliter, quàm vt vulgò hodie, appellatum. Nam in Taciti, & aliorum veterum verbis, in hoc nomen venit *mare Indicum*, vastum illud & magnum, quod ab extremo Sinu Ara-

1. Ann.

11. Ann.



bico, siue ab Africâ eâ, in *Auream* Ptolomæi *Chersonesum* se pro-  
tendit. Itaque Pomponius Mela, duos Sinus in mari Rubro ag-  
noscit, *Arabicum* & *Persicum*. Et Seneca Tragicus, *Tigrim* in mare  
*Rubrum* exonerat atque immittit: Curtius Indum & Gangem:  
quos certum est in magnum illud mare, longè à Sinu Arabico,  
euolui. Hæc vera & clara sunt: promoti igitur termini ad mare  
*Rubrum* siue *Indicum*, per Arabas adiectos. Eadem mens Græ-  
ci scriptoris in Suidâ: qui terminos imperij ad Orientem facit *Indos*  
& mare *Rubrum*, & *Nili* Catarractas, & lacum *Maotin*. Sicut &  
Appianus ita capiendus, cùm in Præfatione operis sui, distin-  
ctè Romanum imperium limitat: *Tendit*, inquit, *ab Occasu* &  
illo Oceano occiduo, *ad Caucasum montem*, & *flumen Euphratem*, &  
*ad Æthiopas superiores*, per *Ægyptios* & *Arabas*, *ad Orientalem*  
*Oceanum*. Hic Oceanus Orientalis, non aliud quàm *Mare Indicum*  
siue *Rubrum*, iam dictum. Sed obiicies, Si ista de Traiani ter-  
minis Appianus, quid ita *Euphratem* ponit, *Tigrim* omittit?  
Hoc ideò, quia Hadrianus Imp. (sub eo Appianus scripsit) sta-  
tim à morte Traiani, hoc mutauerat. de quo Festus Rufus: *Inui-*  
*dens*, inquit, *Traiani gloriæ*, *sponte Armeniam*, ac *Mesopotamiam*, &  
*Assyriam reddidit*, ac medium inter *Persas* & *Romanos Euphratem*  
esse voluit. AVD. Sed & alia dubitatiuncula, de *Mesopotamiâ*.  
quam tu & Rufus ab Traiano adiectam imperio significatis,  
at Aurelius Victor iamdiu à Claudio. LIPS. A Claudio? nemo  
hoc dixit, nec potest. AVD. Imò verba Victoris sunt: *Retenti fi-*  
*nes*, seu *dati*, imperio Romano, per Orientem *Mesopotamia*, *Rhenus* *Da-*  
*nubiusque ad Septentrionem*, & à meridie *Mauri accessere prouinciis*.  
LIPS. Hoc eo sensu, vt ipsa *Mesopotamia* finis esset, non vt in  
finibus contineretur. Eousque, inquam, productum imperium,  
x non & vltra ipsam. Ea mens Victoris, aut si alia, est error. Et ha-  
bes ecce in istis finibus, quid? per Indicem, si placet, videamus,  
& per singulas orbis partes.

## IN ASIA:

<i>Colchidem,</i>	<i>Armeniam,</i>
<i>Iberiam,</i>	<i>Syriam,</i>
<i>Albaniam,</i>	<i>Arabiam,</i>
<i>Pontum,</i>	<i>Palæstinam,</i>

## IN AFRICA:

<i>Ægyptum,</i>
<i>Cyrenaicam,</i>
<i>Marmaricam,</i>
<i>Gatuliam,</i>

Bospho-



<i>Bosphorum,</i>	<i>Ciliciam,</i>	<i>Africam propriam,</i>
<i>Cappadociam,</i>	<i>Pamphiliam,</i>	<i>Numidiam,</i>
<i>Galatiam,</i>	<i>Lydiam, &amp;</i>	<i>Mauretaniam,</i>
<i>Bithyniam,</i>	<i>Asiam totam</i>	<i>Alias quæ minores</i>
	<i>minorem.</i>	<i>aut ignotiores.</i>

## IN EVROPA:

<i>Italiam,</i>	<i>Macedoniam,</i>
<i>Hispanias,</i>	<i>Epirum,</i>
<i>Gallias,</i>	<i>Græciam,</i>
<i>Inalpinos,</i>	<i>Thraciam,</i>
<i>Rhatiam,</i>	<i>Mæsiam,</i>
<i>Noricum,</i>	<i>Daciam,</i>
<i>Illyricum,</i>	<i>Pannoniam.</i>

Habes hæc, dico, optima terrarum, latissima terrarum: & magnam tamen partem consultò omisi, quidquid *Insularum* mari ambitur. Ex quàm multæ, & magnæ quædam, in toto illo mari mediterraneo fuerunt, à Columnis Herculis, ad Pontum usque profectò, quæ vel decimam partem pænè provinciarum terrestrium æquent, si *Britannias* in exteriori mari (ut debes) adiungas. Pulchra autem ista facies, & non nisi à Prouidentia sic ordinata & ornata: quam mecum vide. Vtrimque ad hoc mare mediterraneum Prouinciæ se porrigunt & extendunt, ipsum in medio, tot partibus & insulis distinctum, quasi via & limes est, per quem commerciis iungantur. Nec aliud mihi pulchrius commodiusque videtur in hoc imperio, quàm iste velut in medio corpore baltheus, bullis insularum interstinctus: qui & diuidit simul, & constringit. Dabis mihi aliud tale, & tantum? non dabis. Av d. Imò Lipsi, *Turcicum*, & Regis quoque nostri *Hispanicum* imperium, haud longè absunt. Lips. De Turcico, fatendum est, in Asia & Africa latè se extendisse: sed in validissimâ Europâ nostrâ quid habet, aut non habet? Certè vel sola Italia, Hispania, Gallia iunctæ, opibus viribusque pares sint, aut superent illum hostem: O si Deus daret! adeò nec provinciæ illæ Orientales, pro opibus & frequentia priscâ, sunt, & nostræ istæ, florem nunc habent & vigorem. Quid de Germaniâ dicam? illa olim horrida & rerum inops, quàm artibus, opidis,



copiisquæ exulta est, & abundat? Avd. Mirificè. & hæc tamen Imperio tuo etiam deest. Lips. Non sic, vt opinare. Nam si terminos meos cogitas, videbis ad Danubium vsque, *Ratias, Noricum, Carnos, Pannonos* inclusos: & parte alterâ ad Rhenum, *Heluetios, Rauracos, Argentoratenses, Nemetes, Vangionas, Treuiros, Vbios, Menapios, Batauos*, ad Oceanum ipsum. Quæ pleraque omnia Germaniæ hodiernæ nomen, & linguam, & leges etiam, habent: at detracta, vides quàm eam arctent, & pulcherrimis membris spoliata relinquant. Certum autem, hæc postrema omnia, cis Rhenum, Galliæ fuisse olim accensa. Sed de *Hispanico* imperio quod aiebas, id sanè, spatia terrarum si consideras, præfertim in Nouo illo orbe & insulis, Romanum longè vel superat: sed iunctio & de iunctio prouinciarum, viri & copiæ, quàm deficient & delinquant? Nunc quidem, nam postea quid futurum fit, nescio: flore bunt, crescent fortasse. & sensum meum tibi dicam? Nescio quo Prouidentia decreto, res & vigor ab Oriente (considera, si voles) in Occasum eunt.

## CAP. II II.

*De copiis & præsidis sparsim circa limites, itemque in ipsâ vrbe.*

**I**STI Fines igitur Romani & quidem mari, amnibus, montibus clausi ac muniti, sed Milite & Copiis multo magis. Nam Romanus mos & institutio, duplici viâ prouincias munire, *Copis & Colonis*: de quibus vtrisque breuiter dicendum. *Copias* intelligo, perpetuum militem, qui ad tutelam imperij, ex instituto Augusti, fuit. Triplices eas reperio, *Prouinciales, Urbanas, Classicas*: illas maximas, alteras satis validas, & tertias viles atque opportunas. Omnia hæc ab Augusto; qui sapienter pleraque in nouo imperio aut instituit, aut restituit, vt res visæ postulare. Hoc autem inter noua: & in laudibus Augusti iam mortui Tacitus ponit, *Legiones, prouincias, classes, cuncta inter se connexa*. Narrat & Suetonius: *Ex militaribus copiis, legiones & auxilia prouinciatim distributa*. Sed benè Tacitus, *cuncta connexa*: nam ita ordo & dispositio fuit, vt limitanea loca militem haberent, interiora vix haberent: & essent, vt in magnâ vrbe, circa mœnia dispositi & vallum. Cohærebant autem prouinciæ; ideoque & legiones, per cohortes suas & alas sparsæ, & inter



inter se vicinæ. Avd. Sed non igitur Arces in locis interioribus saltem erant, si non legiones? Lips. Apage à Romano hoc more. nusquam in iis præsidium aut spes posita Martiali huic populo, sed in milite tantum & armis. Et sanè de Arcibus variè disputari potest: sed non tempestivè in hoc loco. pergamus. Miles igitur ad Limites, vbi minimo oneri subditis, maximo vsui in hostes esset. Quantus? sub Augusto & Tiberio vigintiquinque legiones fuerunt, ex Dione & Tacito: quin postea tamen auxerint, vix dubito, & sub Traiano atque Hadriano certum fuisse triginta, aut & suprâ. Columella, in quâ legionum nomina, tum & alia quædam hoc evincunt: diximusque aliquid in *Analectis Militiæ Romanæ*, illuc, si lubet, videndum. Hæ legiones, Augusti & Tiberij ævo, sic dispositæ:

*In Hispaniâ, legiones III.*

*In Galliâ ad Rhenum, VIII.*

*In Africâ, II.*

*In Ægypto, II.*

*In Syriâ ad Euphratem, IIII.*

*In Mæsiâ ad Danubium, II.*

*In Pannoniâ ad Danubium, II.*

*In Dalmatiâ, II.*

Sed mutabant interdum, quod Tacitus in IIII. Annalium notat, & ob causas huc atque illuc ibant, aut sedebant. Quædam autem legiones & in opidibus erant, etsi pleræque in castris: sed in opidibus dico, quæ valida aut magna, & ideo motui aut rebellionibus opportuna. Talis Alexandria in Ægypto: de quâ Strabo. *Sunt tres in Ægypto legiones. quarum una in vrbe collocata est, aliæ per regionem. Præter has, sunt & novem cohortes Romanorum, tres in vrbe item, tres in Æthiopiæ finibus ad Syenen, præsidium locis, tres in aliis partibus. Sunt & alæ equitum tres.* Simile de Beryto Syriæ, idem Strabo: *Hæc eversa fuit à Tryphone, instaurata & suscitata à Romanis, duas legiones suscipiens, quas Agrippa ibi collocavit.* Causa fuit, sedes item urbis ad ipsum mare, & locorum eorum claustrum. Ita à tergo aliæ legiones Syriam defendebant aut premebant, hæc sita in fronte. In Hispaniâ, ut idem Strabo, Bætica quæ populi erat, milite vacabat: reliqua Hispania habebat. Similia adnotare plura possim, & causas dare aut tangere: sed diffusionem non gaudeo, vbi res non poscit. Hoc magis è primis illis Strabonis observo, *socias etiam cohortes aliasque fuisse, præter ipsas Legiones: & ut illuc vides, numero satis grâdi.* Enimvero novæ illæ cohortes (sociales fuisse dico, etsi ipse Romanas appel-



appellat: sed hoc ideò, quia militabant sub Romanis signis) pænè legiones tres æquarunt, nec minores eas *millenariis* fuisse opinamur. Tacitus id quoque dixit: *apud idonea prouinciarum, socias triremes, & alas, auxiliaque cohortium, nec multo secus in iis virium fuisse: sed persequi, inquit, incertum fuit, cum ex vsu temporis, huc illuc mearent, gliscerent numero, & aliquando minuerentur.* Ecce disertim, *haud secus*, id est, non minus in iis virium fuisse, quàm in legionibus ipsis: imò plus interdum, idem ostendit. vbi legionis *Decima quarta auxilia, octo cohortes Batauorum* facit. Atque alibi, in minoribus prouinciis, solæ cohortes aut alæ fuerunt, vt in Ratiâ, Iudæâ, talibus, & quæ Procuratoribus regebantur. Interdum & in opidis interioribus, ad coërcendum: vt Lugduni in Galliâ, Tacitus *cohortem xviii<sup>am</sup>* locat, idem Foroiulij *Ligurum cohortem, vetus loci auxilium.* Et tale alibi. Huc equidem Iosephi verba referam, alioqui paralogia, non solùm paradoxa: apud quem Agrippa ad Iudæos loquens adserit, Galliam illam tam validam, tam latam, *mille ducentis militibus in officio contineri.* Profectò octo legiones totæ fuerunt, sed quia istæ in extremâ Galliâ, ipse copias modò numerat, quæ introrsus in eâ essent. Hæc ita sub Augusto: vt tamen tetigi, creuerunt. & primùm Claudius Imp. Britanniâ domitâ, legiones in eâ *tres* locauit, manseruntque. Tum Vespasianus *duas* etiam in Capadociâ: & Traianus deinde in Daciâ *duas.* Istæ *Prouinciales* copix: *Vrbanae* fuerunt, quæ sedem Romæ & in ipsâ dominâ vrbe habuerunt. Quo fine? duplici, vt Principem in eâ tuerentur, & vt ipsam urbem. Principis custodiæ triplex miles fuit, *Prætoriani, Euocati, Bataui.* Primi in *nouem* cohortes diuisi ab Augusto, flos militum, fide, robore, & gente. Exemplum instituti huius fuit, à Prætoriis cohortibus in exercitu, quæ circa ipsum Imperatorem, & ad eius tutelam erant. Augustus in bellis ciuilibus plures habuit, & victor quoque retinuit in pace, contra motus subitos, & ad plebem Romanamque coërcendam. Nam fuere *nouem millia* militum, non robore solùm, vt dixi, sed stirpe & domo eximij: nec capti nisi ex *Etruriâ, Vmbriâ, Latio, & Coloniis antiquis*, quod Tacitus ita etiam notauit. Gloriabantur igitur hoc sanguine: & ideò Otho iis blandiens, & in concione alloquens, *Italiae, inquit, alumni, & Romana verè iuuentus.* Nam legioni-

iii. hist.

Lib. i. 111.  
Annal.

Tac. i. 111.



legionibus aliis, exteri iam & ciuitate donati, crebri miscebantur. *Nouem* dixi fuisse: idque apertè Tacitus: at Dio *decem* scribit. Nam ita in rebus Augusti: οἱ σωματοφύλακες μύριοι ὄντες, καὶ δεκάχι τετραγμένοι: *Custodes corporis Augusti* (Prætoriani) *decem mille erant, atque ij in decem partes, siue cohortes diuisi.* Hæc dissonant: & fallitur Dio? an pro suo æuo dicit? Illud potest, hoc vix potest: quia eius æuo (vixit, sub Alexandro Seuero, & prioribus) iam plures denis illis erant. Exemplum à Vitellio, qui primus, opinor, auxit. Tacitus de eo, Romam ingressio: *Confusus prauitate, vel ambitu, ordo militia. Sedecim Prætoriae, quattuor Urbane cohortes* scribebantur, quibus SINGULA MILLIA inessent. Sed an ille tamen primus? an non Claudius Imp. antea fecerat? Lapis vetus (quid contra eum dixerim?) affirmat: C. GAVIO. L. F. STEL. SILVANO TRIB. COH. II. VIGILVM. TRIB. COH. XIII. VRB. TRIB. COH. XII. PRAETOR. DONIS. DONATO. A. DIVO. CLAVDIO. BELLO. BRITANNICO. En, ille verò sub Claudio vixit, & *donis ab eo donatus* in Britannia: & tamen *Tribunus* scribitur *Duodecimæ Prætoriae cohortis*. Sculptor errat? sed idem est in *Urbanis*, vbi *Decimatertia* nominatur. Quid? an hic Gavius potius, iuuenis Britannico bello interfuit, & tum senior sub Vitellio militauit? Omnino dixerim: nec tempora refragantur, potuitque vel sub illo, aut statim ab illo, Tribunatus hos gessisse. Nam eam auctionem dixerit aliquis mansisse: argumento eorumdem lapidum, in quibus crebrò, grandiore numero, sic legas. Istis *Castra Prætoria* fuere, ad Portam Viminalem: vt arctius, & in disciplinâ haberentur, secreti à ciuibus & vrbe. Sed *Euocatos* iam addo: de quibus Tacitus, atque alij, silent (quod equidem obseruauerim) at non Dio Cassius, qui adiungit apertè. *Euocatis*, inquit, *Augustus uti iam cœperat in Antonium olim, eosque & postea seruauit. Sunt autem hodieque propria quædam & separata manus, & vites ferunt, instar Centurionum.* Hoc ille, vbi ex professo de custodiâ Principis scribit. Facere huc videtur, quod Suetonius in Galbâ notat, *dilegisse eum equestri ordinis iuuenes, qui manente aureorum anulorum usu, EVOCATI* appellarentur, excubiasque circa cubiculum suum, vice militum, agerent. Instituisse hoc eum planè dixeris, exemplo custodiæ Principalis, quem Principem scilicet nunc agebat: etsi non veteranos quos-

Lib. LV.

II. HIR.

Lib. LV.



dam milites, sed Equites ipse elegit. An non ibidem & munus istorum Euocatorum expressum? nempe vt *circa cubiculum Principis excubias agerent*? ego omnino opinor: etsi valdè miror, nusquam (nec occasio defuit in vrbaniis illis motibus, aut Principum cædibus) nusquam, inquam, à Tacito vel Suetonio, vel ipso Dione alibi, nominatos. Tamen quod in lapidibus crebrò legitur, EVOKATVS AVGVSTI, me iudice haud aliò est referendum. Tertij sunt Bataui, equites peditesque. Dio Cassius: *Sunt & exteri Equites selecti, quibus Batauorum nomen est, ique equitandi peritissimi.* A V D. Da veniam, interpello te: Bataui equites? hoc est simile, ac si dicam Venetos equites esse. Et Bataui sanè nostri, aliis illis equis veliuolis & ligneis, per Neptuni æquor optimè discurrent: hos terrestres, parcè aut parum dextrè tractant. L I P S. Vetera loquimur: gens ea tunc Martem potius, quàm Mercurium colebat. Et quæ gloria \* vicinis illorum in equite nostrâ etiam memoriâ fuit: ea ipsis olim. Credo autem intellegi tunc quoque superiores illos Batauos maximè, qui Geldriæ nunc accensentur: nam inferi & ad mare, nec ipsi, nec regio eorum equis satis facti, aut apti. Sed Bataui igitur boni Equites: fuère & Pedites, etsi Dio silet. Tacitus alijsque dicent, qui tamen hos modò Batauos, modò Germanos appellant: sed dixeris Dionis æuo Pedites non fuisse. Causa, quia Galba Germanorum cohortem, institutam iam olim à Caesaribus, ad custodiam corporis, & multis experimentis fidissimam dissoluit, ac sine vllis commodis remisit in patriam: quod Suetonius in eo scribit. Dicit Cohortem: ergo pedites fuère: & addit ab ipso solutam militiâ ac dimissam, nec postea fortasse restitutâ. Non reperio quidem vltra nominari: & in Notitiâ imperij, dumtaxat Bataui equites, Seniores Iunioresque. Vtraque autem hæc manus quanta fuerit, & Dio ignorare se fatetur: Batauorum, inquit, numerum, sicut nec Euocatorum, satis certò possim dicere: quid ergo nos conemur? Puto tamen Batauos haud minùs duabus alis plenioribus fuisse, & vt minimùm mille Equites: Pedites etiam olim ad mille. Euocati autem, ij quoque cohors vna millenaria sunt. Alter nunc miles in vrbe, & pro vrbe, duplex est: Urbana, & Vigilium cohortes. De prioribus Tacitus: *Quamquam insideret vrbem proprius miles, tres Urbana cohortes:* & mox ostendit eam quoque lectam, & non

\* Menapii  
& Geldris.

1111. Ann.



& non nisi Italiam manum fuisse. Sed tres ipse dicit, Dio in Augusti dispositione, *quattuor*. οἱ τῆς πόλεως φρουροί, inquit, ἑξακισχίλιοι, καὶ τετρακισχίλιοι νεκροκλήριοι: *Vrbis custodes sex millia, & in quattuor partes diuisi*. Miror & hîc dissensum, nec concilio. Si tamen numerus tantus; vides grandes istas Cohortes fuisse, atque etiam supra Prætorianas. In Taciti antè verbis, de Vitellio, notare potuisti, ab eo denique factas *quattuor urbanas cohortes*, sed quæ non nisi *singula millia* haberent: vnde igitur tantas sub Augusto? Intricata hæc fateri oportet, & mihi pænè libido in Tacito ibi legendi, *quattuordecim urbana cohortes*. Cùm enim tam largiter Prætorij militem auxerit, cur non pariter & Urbis? Vnica ista cohors adiecta, in paruo sit: & facit validè, quòd lapides ab illo æuo, grandiore hunc numerum suadent. In illo superiùs recitato erat, TRIB. COH. XIII. VRB. & in alio sub Antonino Imp: C. CESTIO. C. F. STEL. SABINO. TRIB. COH. XIII. VRB. DONAT. AB. IMP. ANTONINO. AVG. HASTA. PVRA. Pluribus etiam lapidibus hi tales numeri in vtrisque cohortibus; sed nomina Imperatorum aut æui certa indicia, nō semper adiecta. Hic ipse Antoninus quis fuit? fortasse *Caracalla* Seueri filius: atque ita minùs miror, quoniam in Herodiano Seuerus gloriatur & loquitur, vbi filios ad concordiam hortatur: *Posse eos securè agere*, Lib. 111. *si velint, pecuniâ multâ à se paratâ*, τῆς τε ἐν πόλει διατάξεως αὐτῆς τετραπλασιασθείσης, καὶ στρατοπέδου τούτου περὶ τῆς πόλεως ἰδρυθέντος, ὥς μὴδὲ μίαν ἐξ ὁδοῦ ἐξωθεν ἐχέγγυον μὴδ' ἀντίπαλον, πλὴνδε στρατοῦ, μήτε μεγέθει στομάτων, μήτε γενναίων πειροσύνα: & *copiis iis quæ Romæ sunt* IN QVADRVPLVM auctis, tantoque exercitu ad Urbem sedente, vt nulla externa vis par esse ei possit, siue MVLTITVDINEM spectes, siue corporum magnitudinem, siue cultum & abundantiam. Hanc mutationem & augmentum facta à Seuero, cùm Iuliani Prætorianos circumuēnit, & armis exuit, probabile est, & in eorum locum Illyricos grandi numero factos. Verba quidem Herodiani clara sunt, & sic mansisse ad Constantinum videntur: qui fauentes Maxentio sustulit, nec alios ordinauit. AVD. At enim si in quadruplum ita auxit Seuerus, & Vitellius iam tot Cohortes fecerat: quid dicemus? oportuit vel suprà LX. cohortes fuisse. LIPS. Benè oppugnas: & iam de Vitellij dubitare incipio, an dicam mansisse. Illud teneamus tamen, haud dubiè



auxisse valdè Seuerum, cùm Herodianus disertè scribat, cui-  
cumque vi externas parem aut superiorem hanc internam & urbanam  
fuisse. Sed redeo ad Urbanas meas cohortes: quarum officium  
præcipuum, tueri urbem. id est, motus aut turbas plebis coër-  
cere, noctu circum templa, fora, basilicas excubare, stationes  
agere contra grassatores aut sicarios; itemque Præfecto urbis  
(qui caput iis erat) apparere. Itaque & extra urbem interdum  
puto dispositos, cùm eius Iurisdicção ad centesimum lapidem  
porrigeretur. Quod autem Præfectus caput, in Tacito clarè  
III. Hist. scriptum, de Flauio Sabino, qui tunc in eo munere: *Esse illi PRO-*  
*PRIVM militem cohortium Urbanarum: nec defuturas Vigilum cohort-*  
*es.* Quas nunc adiungo (*Vigilum dico:*) & moneo eas quoque  
ab Augusto esse. Nam is cùm crebra incendia in magnâ illâ &  
frequenti urbe videret; remedium quæsiuit firmum & perpe-  
tuum, militemque ex libertinis collegit, & in septem cohortes  
digessit. Id factum anno urbis DCCLIX. Et quanquam præci-  
pius hic finis & instituendi causa fuit, tamen seruiisse etiam  
tutelæ urbis, & contra nocturnos fures aut grassatores, non est  
ambigendum. Minus lecta hæc manus fuit, & ministerio po-  
tius quàm militiæ facta: tamen ut regi melius iuberique, possent,  
digesti in Cohortes, & Centuriones Tribunisque, suos accepere.

## CAPUT V.

*De copiis in mari, aut fluminibus; de Classibus variis, earum-  
que sedibus.*

**T**ERRESTRI milite satis limites, & vitalia imperij, id est  
Romam ipsam, munivimus: nunc & maritimo, siue flu-  
viatili etiam, muniamus. Nam cùm mare medium per totum  
illud imperium irret, ut diximus; cùm etiam flumina magna  
clauderent vel ambirent; utile censuerunt, *Classes* perpetuas in  
utraque parte esse, quæ & piratas cohiberent, & hostes exclude-  
rent, & suis etiam transitum aut transvectionem, cùm opus ef-  
set, statim darent. Prudens & pulchra inuentio: fueruntque  
*Classes in ipso mari* quattuor, in *Fluminibus* tres, nisi fallor. Vide-  
bimus ordine, & quod occurreret, dicemus. Primæ duæ maiores  
se offerunt, & *Prætorie dictæ*, *Misenensis* & *Ravennas*. Quare  
Præto-



Prætoriam? (sæpe enim ita in lapidibus:) opinor dignitatis caus-  
sâ, & quia inter minores alias, vt Prætoria aliqua nauis, emine-  
rent. Nam Præfectus sanè earum non fuit Prætor. Hoc quoque  
ab Augusto institutum, notante Suetonio: *Classem Miseni, &*  
*alteram Rauennæ, ad tutelam superi & inferi maris collocauit.* Et Ta- 1111. Ann.  
citus de iisdem: *Italiam vtroque mari duæ classes, Misenum apud &*  
*Rauennam, præsidebant,* Sed distinctissimè Vegetius, qui nume-  
rum & plura aperit, his verbis: *Apud Misenum & Rauennam, SIN-* Lib. 1111.  
*GVLAE LEGIONES cum classibus stabant, ne longius à tutelâ Urbis*  
*abscederent, & cum ratio postulasset, sine morâ, sine circuitu, ad omnes*  
*mundi partes peruenirent.* Nam Misenatum classis, Galliam, Hispa-  
nias, Mauretaniâ, Africam, Ægyptum, Sardiniam, atque Siciliam, ha-  
bebat in proximo: classis autem Rauennatum, Epiron, Macedoniam,  
Achaiam, Propontidem, Pontum, Orientem, Cretam, Cyprum, petere di-  
rectâ nauigatione consueuerat. Ait singulas legiones in singulis fuisse:  
pro more sui æui, aut parùm conspectè, locutus. Non enim  
Legiones propriè erant, sed dumtaxat Cohortes, ex quæ decem, &  
Tribunos suos siue Chiliarchos (à numero cui præerant) habe-  
bant, item quæ Centuriones. Enimuerò Tacitus non semel  
ostendit, Classarios militiam legionariam, vt honestiorem pe-  
tisse: & aliquando impetrasse: non ergo habebant. Quomodo  
autem? exteri plerique, & nec ciues erant. Tacitus de classe Ra-  
uennate: *Ambiguos militum animos, quod magna pars Dalmatæ*  
*Pannoniæque erant.* Et in Tabulâ, quæ Venetiis adseruatur: HA-  
DRIANVS. IMP. IIS. QVI. MILITAUERANT. IN. CLASSE.  
PRAETORIA. MISENENSI. SEX. ET. VIGINTI. STIPENDIIS.  
EMERITIS. DIMISSIS. HONESTA. MISSIONE. IPSIS. LIBE-  
RIS. POSTERISQUE. EORVM. CIVITATEM. DEDIT. Side-  
dit, non antè habebant. Clara & vera hæc sunt, ac naualis mili-  
tia, vilis semper & vilium, apud Romanos. De Miseni igitur  
classe, liquet apud Misenum, pulcherrimo sinu, eam stetisse.  
Virgilius doctè indicauit, cum Misenum illuc sepelit Æneas,

*Imponit suaque arma viro, remumque tubamque.*

Nam & Remum & Tubam dat, præsignificans locum hunc futu-  
rum vbi & Remiges & Milites in classe essent: Milites, quos  
Tuba notat. Et si autem naues ibi & classis, tamen Castra etiam  
in terrâ & ad portum ipsum fuisse, commoditas eorum exigit,



& lapides qui sæpe effodiuntur, dicunt. Inter eos isti:

D. M.

D. M.

C. IVLIO. QVARTO

TI. PETRONI. CELERIS

VET. EX. PR. N. GALLO.

NAT. ALEX. EX. III. ISIDE

D. M.

C. SENIO. SEVERO. MANIPLARIO

EX. III. FIDE. NATIONE. BESSVS.

Notę breuiores in iis, hoc volunt: *Veterano ex Prætoria naue Gallo.* item: *Natione Alexandrino, ex tertiâ Iside.* iterum quę: *Ex tertiâ Fide.* Gallus autem, *Isis, Fides*, nomina nauium sunt, ab imagine aut tutelâ. In his item portibus, præter Castra, *Pharos* siue Turres quasdam ad prælucendum noctu fuisse, Plinius mihi suggerit: ille Plinius, qui ipse fuit classis Misenatum Præfectus.

Lib. XXVI.  
cap. XII.

*Vsus Phari, nocturno nauium cursui ignes ostendere, ad prænuncianda vada, portus ve introitum: sicuti compluribus iam locis flagrant, vt Puteolis, & Rauennæ.* Pharos Puteolana, ad hanc Misenensem fuit. At verò altera, sicut & ipsa Classis, *Rauennæ.* Notum & nobile etiam opidum, ob sedem ibi postea regni Gothorum. Et ipsam, & Classem autem, Iornandes optimè notificat, ex Dione: *A meridie, inquit, Padus, qui & Eridanus, ab Augusto Imp. altissimâ fossâ demissus: qui septimâ sui aluei parte mediam influit ciuitatem: ad ostia sua amœnissimum PORTVM habens, qui CLASSEM ducentarum quinquaginta nauium, Dione referente, tutissimâ dudum credebatur recipere statione. Qui nunc, vt Fabius ait, quod aliquando portus fuerat, spatiosissimos hortos ostendit, arboribus plenos, verùm de quibus pendeant non vela, sed poma.* In fronte verborum vides, Augustum aptasse locum & portum, fossâ percussâ: in medio, Dionem auctorem, de nauibus CCL. quæ illuc caperent. Sed vbi hoc Dio? nusquam in libris qui nunc sunt, sed dixit (opinor) in Vitellij rebus, vbi multa mentio classis Rauennatis, ob transfugium eius & turbas, quas & in Tacito habes. In vltimo ostendit, esse desuisse & portum & classem. Atque hæ duæ sunt *Maiores illæ classes maritime: sequuntur duæ Minores.* prior in Galliâ, coloniâ & portu *Foroiuliensi*: tum ad ipsam Galliam, tum ad Hispaniæ illam oram tuendam. Tacitus de eâ, eiusque auctore: *Galliæ proximum Litus ROSTRATAE naues præstebant, quas Adriaticâ victoriâ captas Augustus in opidum FOROIV-*

III. Ann.

LIENSE



LIENSE miserat, VALIDO cum remige. Habes Augustum auctorem, habes *Rostratas* & bellicas, itemque *Validum remigium*. Satis ergo & grandis, & instructa ea classis: cuius idem Tacitus in rebus belloque Othonis cum Vitellio meminit. Est autem hoc *Forum Iulij* in Galliâ Narbonensi, loco quem Strabo designat: *Nauale*, inquit, *Cæsaris Augusti*, quod *Forum Iulium* vocant. Situm est inter *Olbiâ* & *Antipolim*, abestque *Massiliâ* stadiis circiter sexcentis. Notat nauale siue receptaculum classis esse: ideoque & à Plinio ipsa vrbs *Classica* dicta, itemque *Colonia Octauanorum*, quod octaua legio eò deducta. Altera minor in ipso *Ponto*: id est, in capite & fonte mediterrei maris. De eâ Tacitus capiendus: *Mucianus* classem è *Ponto Byzantium* adigi iussit. Ergo statio ei suprâ *Byzantium* fuit: sed vbi, ignoro. Numerum eius è Iosepho possum dare: *Pontica*, inquit, omnes gentes tribus milibus militum subduntur, & *QUADRAGINTA* naues longæ (rostratæ) illud asperum & innaugabile pelagus tutum pacatumque præstant. An non & tertia etiam *Ostia*? Suetonius suggerere videatur in *Vespasiano*: *Classarios* qui ab *Ostia* & *Puteolis* *Romam* per vices pedibus commeant. Nam *Classarios* *Ostia* ponit: & fortasse *Claudius* instituit, portu eò instructo. Sed certum non habeo: & potuit esse ibi pars è classe *Misenensi*. Potest & sensus esse, vt *Puteolis* *Ostiam* nauibus venerint, inde pedibus *Romam* ad res celeriter nunciandas. Transeo ad *Classes fluminum*: & prima est in *Rheno*. de quâ *Panegyricus*: *Cum totus ARMATIS NAVIBVS Rhenus instructus sit*. Ait totum *Rhenum*: ergo diuisam per partes censeo, vt & militem ipsum terrestrem. *Florus* ostendit, *Bonnæ* & *Geldubæ* (si proba modò lectio) fuisse, ex instituto *Drusi*: *Bonnâ* & *Geldubâ* pontibus iunxit, CLASSIBVSQUE FIRMAVIT. Ergo ibi pars, pars & certò ad exitum fluuij, vbi *Pharus* olim, quam nunc *Arcem Britannicam* vocant. Hanc opinor esse, quam *Classem Britannicam* Tacitus in bello cum *Ciuili* appellat: quia & in *Britanniam* ea commeabat. Sed tota classis communiter *Germanica* dicta: & sic in eodem Tacito leges, *Iulium Burdonem*, *Germanicæ classis Præfectum*. Hæc partitio classium Taciti loca aperiet, aut conciliabit, quæ pugnaturire inter se videntur. vt cum scripsit, *Vniuersam quattuor & viginti nauium classem transfugisse* (ad *Ciuilem*) aut captam esse. An igitur vniuersa ea, non nisi tot nauium?

III. HIR.

Lib. II.  
Excid.

V. HIR.



nauium? Imò postea iterum facit Cerialem nauibus pugnasse, etsi numero imparem, sed magnitudine earum potiore. Atqui struere tam citò non potuit: sed nempe ex alâ parte, atque adeò grandiores triremium, quæ ad Oceanum & Pharum, sumpsit. De his nauibus Hegesippus ex Iosepho ita scribit: *Rhenus itaque iam non Germanorum copiis repletur, sed Romanorum liburnis, quæ pererrantes TOT VSQVE AD MARE bicornis amnis fluentia, quondam liberas gentes seruitio premunt.* Legendum autem illuc, *Copulis Germanorum*: est quæ nauium minorum genus, quod ipsi Germani sic à \* vinciendo & ligando dicebant. Dicit earum loco *Liburnas* iam rostratâ quæ Romanorum esse: credo, biremes. quas & *pererrasse* totum amnem identidem scribit: & an ideò *Lusorias* dictas? Vox crebra in Ammiano, Vegetio, aliisque. Al-

\* Koppelen.

xii. Annal. tera classis Fluiatilis, in Danubio. de quâ Tacitus: *Vannius funditur prælio, & ad classem in Danubio operientem perfugit.* Nominantur & Vegetio *Lusoriae*, quæ in Danubio COTTIDIANIS vtuntur EXCVBIIS. In Codice Theodosiano titulus, *De Lusoriis Danubij.* In Nouellâ quadam: *Castrorum quinetiam ipsis, luxuriarumque curam mandamus: legendum, Lusoriarumque.* Credo & tertiam fluuiatilem in Euphrate fuisse: quidni in magno flumine, & contra Parthos? Ammiani aliquot loca suadent, etsi non cogunt: nec alibi certò legi. Habes totam munitionem imperij, terrâ marique: an non validam, vtilem, opportunam? sed & adspectu aut cogitatu pulchram, cum imaginem proponis (Aristide delineante) *magnæ urbis, cuius fossæ, flumina essent; turres & propugnacula, militaria in finibus castra aut castella; ipsa mœnia, non è latere vllò aut lapide, sed ære ac ferro tot prætendentium legionum.* AVD. Mehercules delector, & cogitatione peragro ac iungo, quæ locis situque diuisa. Sed ipsam summam totius præsidij cur non expressisti? LIPS. Facile est, & per te possis: quantum quidem certus partium dictarum est numerus. Vbi non, diuinetur. Aio igitur in prouinciis copias non minùs fuisse, *Legionum, Cohortium, Alarum, ducentis quinquaginta millibus*, aut circà: & sic, vt legiones nec plenissimas, sed *iiii. millium* accipiamus. In Vrbe, ponere liceat in vniuersum ad *xxvi. millia* militum: & post Seuerum, vel ad *sexagena*. In classibus omnibus, haud minùs *centum millibus* militum remigumque. Ita fiant



fiant in vniuersum, supra *quadringenta millia* ordinariorum: et si Agathias Historicus plures etiam, & largiter, fuisse asseueret. Nam de Iustiniani æuo loquens, *negat copias Romanorum tantas, quantas OLIM esse: nec iam sufficere tutela imperij, contra hostes. Cùm enim, inquit, ad SEXCENTA QVADRAGINTAQVINQVE MILLIA militum vniuersas eas colligere oporteret, vix tunc in centum quinquaginta millibus consistebant.* Hæc ille scriptor, & credo vera atque explorata (cùm tam curiosè numeret) attulisse. Oportuit igitur Auxiliares copias grandes fuisse. AVD. Imò an non legiones fortasse plures faciendæ sunt, & vel ad XLIII. ordinariæ sub Augusto ac deinceps locandæ? Hoc enim & Orosius & Appianus dicere videntur: & vir doctissimus ita affirmat. LIPS. Errat ille vir doctissimus: nec aliter sub Augusto fuit, ac dixi. De Orosio & Appiano, hoc saltem dicunt, Sexto Pompeio in Sicilia victo XLIII. legiones, iunctis omnibus copiis ( & Lepidi nempe, & Sexti, & ipsius) in vniuersum, Augustum habuisse: sed hoc non addunt, & seruasse. Ille verò non seruauit, sed sparsit, & in Colonias misit, de quibus ordo & hæc admonitio suadent iam dici.

## CAPVT VI.

*De Colonis, & modus fructusque deducendi.*

PRÆMISI verò, Præsidia militum in longinquis limitaneisque locis fuisse, pauca aut nulla in prouinciis mediis: imò plerèque earum sine milite aut armis vllis. Quid ergo tuebatur interiora, & quieta præstabat? *Coloniarum* deductio, optimo & sapientissimo Romuli inuento. Nam ad illum consensu referunt. qui victis finitimis opidis aut gentibus, partem earum solitus in urbem & ad se traducere; partem illuc relinquere, sed sic vt Romanos suos misceret, custodiam & regimen, nequid mouerent. Eos ita missos, *Colonos* appellauerunt, & ab agrorum nouæ dedicatione cultura (ait Hyginus) ipsas Colonias appellauerunt. Ratio & modus erat, vt agri diuiderentur viritim: idque à *Triumuiris*, quos graues & prudentes viros huic rei legere solebant: qui & sedes, agrosque, & ipsum opidum (si condendum esset) disponebant, & iura ac formam nouæ quasi reip. dabant. Sic tamen, vt omnia Romam & urbem matrem referrent. ipsis

E quoque



quoque locis, Fora, Capitolia, Tempia, Curia pro illâ imagine essent; & in gubernatione, *Duumviri* plerisque coloniis, quasi duo Consules, *Ædiles* item, & *Decuriones* pro Senatu. Varia in hoc instituto vtilitas, quam licet percurramus. Prima, quod alleuabatur vrbs ipsa princeps, & superfluam nimiamque multitudinem, vt sanguinem emittebat. Ita victus facilior, ita turba minor, & turbæ quoque, faciles oriri inter tam confertos. Sed & soboli magis vacabant libentiusque, sic vacui: non aliter quam arbores aut plantaria magis se diffundunt & propagant, vbi in arcto non stipantur. Altera vtilitas, ipsos hostes aut subditos tangit. Vbi enim Coloniae sic collocatae, loca frequentabantur, colebantur, poliebantur etiam, nouorum hospitem aduentu, & artium inuectu. Diuina Prouidentia hoc fine Græcos olim in Asiam, Europam hanc nostram, vsque in Hispaniam, per maritima loca misit & disposuit: vt rudes ferocesque, humanitate & elegantia percolerent, atque ad mitiora studia & mores transferrent. Quod idem Romani mox fecere: & iis cultum hunc omnem debet pulcherrimus Europæ tractus. Tertia vtilitas, quæ præcipue in oculis Romulo & Romanis, Præsidium in subiectos. Sparsa hæc tot opida, locis opportunis, & in iis Romanus sanguis: quid nisi tot arces & propugnacula erant imperij Romani? Dicamus quidlibet: nihil tam validum, quam talis aliqua deductio: & vbi ij qui agros in alieno accepere, semper obligantur aut tueri iura imperiumque donantium, aut pelli, si & ij pellantur. Atque hic primus, vt dixi, præcipuusque aspectus: accessere mox, valde auctâ re Romanâ, duo alteri. Prior, vt plebem inopem & grauem sic exhaurirent: alter, vt militibus emeritis præmia largirentur. Nam ecce in tantâ vrbe, & crescente ciuium tenuiorum numero, per tot manumissiones: quæ ratio alendi aut subsistendi fuit, nisi vt emitterent? non aliter, quam vbi aluearia plena, noua examina in alia & noua transfunduntur. Sic &, occulto Politico consilio, sentina & fex vrbis educebatur: purior meliorque pars asseruabatur. Iam verò in militibus pulchrum. & quis non libens in eam Militiam se impenderet, vbi & post eam tam magna & cerra præmia essent? Agri & sedes dabantur, regimen illuc & honores, pecunia etiam (nam sic Augustus instituit) ad instrumenta, iumenta, & siquid opus, cœmendum.



mendum. Ego verò dixerim, nec isto æuo Militiam satis bonam, fidam, facilemque futuram, nisi tali præmiorum ratione: nec difficile, cum magno bono publico, excogitare. Ista igitur deductio Coloniarum, & causæ: in quibus tamen tyranni aut violenti aliquot ciues fraudē & iniuriam miscuerunt. vt Corn. Sulla, qui non, vt olim, agros ex hoste captos distribuit, sed in ipsâ Italiâ, quod sciebat milites appetere, sedes iis dedit. Quod fieri non potuit, nisi pacatis fidisq; populis, per summam iniuriam & scelus, expulsis. Appianus auctor est *vigintitres* legiones ab eo sic deductas, quæ facerent (si probè commemini) *centum viginti millia*, cum iis qui adiuncti. Simile & Cæsar Iulius, in pace & Consularu fecit, qui agrum Campanum & Stellatem *viginti millibus* ciuium, coloniâ Capuam deductâ, diuisit. Idem iam Dictator, *in transmarinas colonias octoginta millia ciuium distribuit*, Suetonio auctore: id est, in Carthaginem maximè & Corinthum. Quod noto, vt numerus videatur deductorum: qui sanè grandis fuit, siue è ciuibus togatis, siue è militibus veteranis. Augustum *centum viginti millia* deduxisse sub *quintum Cōsulatum* suum (bellis Ciuilibus iam finitis) lapis Ancyranus ostēdit: & postea multa millia adiunxit. In solâ Italiâ *duodeviginti colonias* collocasse, Suetonius notauit. Itaque huius Principis plurimæ, & in toto orbe terrarum fuerunt: quod ipsa agnomina earum ostendunt. Denique paullatim tanta frequentia, vt negem regionem, imò vix regiunculâ fuisse, in quâ Coloniae aut Colonia non esset. Tot illis vinclis miramur orbem cōpeditum & adstrictum, in Romanâ ditione & imperio mansisse? Non ego: sed nec Velleij iudicium valdè probo, *inter perniciosissima Gracchi habentis, quòd extra Italiam colonias posuerit*. Equidem planissimè contrāsento: & ad hunc coërcendi finem, aliter oportuit; aut nec imperium extra Italiam proferre. Timorem quē timet, nequa Colonia potentior matre suâ fiat, sic longinqua: nullus est, & certè locum in Romano aliquo imperio nō habet. Sed nec Hispano: & prudentissimè eos censeo Nouum orbem coloniis impleſſe. Quarum alia atque alia genera tamen erant, & quædam *Romani*, aliæ *Latini*, quædam & *Italici* iuris. Reperio & *Patritias*, & *Equestres* agnominatas, haud dubiè, in quam digniores ciuium militumve deducti. A V D. Sed de numero igitur, nihil certi



Ad Helu.  
Consolat.

aut definiti habes? LIPS. In Italiâ solâ *centum quinquaginta* fuisse reperio; in Africâ, circiter *sexaginta*; in Hispaniis, ad *triginta*; paullo minùs in Galliis: & idem iudica de reliquo orbe. Difficile enim hæc adnumerare firmiter: cùm & aliqua legentem fallant, & non omnia hodie in libris legenda. Hoc Senecæ tibi suffecerit: *Populus Romanus quot Colonias in OMNES provincias misit? VBI CVMQVE VICIT Romanus, HABITAT.* AVD. Quæro etiam, ecquid seriò probes hoc ius siue morem colonicum? LIPS. Dixi, & probo: atque adeò magnis Regibus adsuadeam imitari. AVD. Tûne? in tam apertâ iniuriâ? nam certè aliena eripiebant, possidebant, posteris tradebant. LIPS. Quid tum? utilitas publica magna, ut in aliis, exiguum hoc iniquum diluit, vel absorbet. Etsi cur iniquum? qui iniuriam intulit, iustè malum & pœnam habet. Coërcendi hoc modo sunt, & ne in posterum noxam noceant, refrænandi.

## CAPVT VII.

*Multitudo Romanorum, & ratio adsciscendi gentes, aut transferendi.*

AVD. Sed mihi hîc admiratio & quæstio, Vnde Romanis ea copia, & sic assidua, vel Militû vel Colonorum? Nam cùm intueor & examino, examina habuisse hominum debuerunt, quæ vel conscriberent, aut transferrent. LIPS. Haud de nihilo petis, & satisfaciam: scito. Romanos primùm pauculos fuisse, & cùm Romulus militiam & remp. ordinavit, vix ad *millia terna* peditum (alijs *bina millia* volunt) censa, & equitum *trecentos*. At idem ille, cùm è viuis abiit, peditum reliquit *XLVI. millia*, & equitum *mille*. Tantum viri opesque creuerant in annis circiter, quibus Romulus regnavit, *triginta septem*. Res mira est. & quibus artibus aut industriâ ille hoc assecutus? Apertione asyli, quæ haud dubiè aliquid adiuuit, & è vicinis, etsi non optimos, elicit. Lege de liberis latâ, quâ iussit quidquid natum esset tolli, modò ne mutilum aut monstrosum. Receptione incivitatem, quam non exteris solùm confluentibus, sed victis & hostibus dedit. Laudant cùm alijs hoc institutum eius, tum Claudius Imp. apud Tacitum: *Quid aliud exitio Lacedæmonius & Athenien-*



Atheniensibus fuit, quamquam armis pollerent, nisi quòd victos pro alienigenis arcebant? At conditor noster Romulus tantum sapientià valuit, vt plerosque populos eodem die hostes, dein ciues haberet. Atque id sanè diu retentum Romæ, vt è prouincialibus honestissimos, hoc beneficio ciuitatis obligarent, & simul se augerent, simul discrimen, & tacitum pænè\* dissidium, inter illos conciliarent. Claudianus in Romæ laudibus:

\*Ob amu-  
lationè in-  
ter receptos,  
& non re-  
ceptos.

*Hæc est, in gremium victos quæ sola recepit,  
Humanumque genus communi nomine fouit,  
Matris, non domina, ritu: ciuesque vocauit  
Quos domuit, nexuque pio longinqua reuinxit.*

Ita, quod ex illo apparet, diffusum latè aut vndique iam hoc beneficium: & ciues Romani facti, quicumque in orbe Romano essent, ex constitutione Imp. Antonini. Excluduntur ergo soli Lib. i.  
serui & barbari. quo sensu Sidonius scripsit, & appellauit Romanam verticem mundi, patriam libertatis, in quâ unicâ totius mundi ciuitate soli BARBARI & SERVI peregrinantur. Itemque passim alij Communem patriam: & ad eam his versibus Rutilius:

*Fecisti patriam diuersis Gentibus vnâ,  
Profuit iniustis te dominante capi.  
Dumque offers victis proprii consortia iuris,  
VRBEM fecisti, quod prius ORBIS erat.*

Hæc ita posteriori æuo, nec optimo scilicet, nec optimè: præstabat electio illa & secretio, ob varias causas. Sed tertia etiam ratio augendi ciues, ex instituto non quidem Romuli, sed Seruij Tullij. Ille cum videret plerosque tunc seruorum, aut bello captos, aut è prædâ emptos esse, atque eos ferè è liberis & ingenuis, & antè etiam liberos: humanum bonumque putauit in ciuitatem recipere, siqui à dominis manumissi essent. Nam & Romanis moribus ingeniisque assuefacti iam erant; & sic fore prouidebat, vt semper, tanquam ex fonte domestico, proles scaturiret ad belli aliosque vsus. Difficile id persuasum primò ciuibus, & inquinari eo consortio videbantur: sed nempe ostendit, & origine bonos eos esse, & iamdiu ipsos etiam hostes in hoc ius admissos: ita cur non idem domesticis & fidis seruis indulgerent, causam nullam esse. Maximè, cum in eorum manu totum hoc beneficium. & videre posse, vt nec temerè manu-



mittendo darent; & illos adnifuros, vt omni sedulitate ac fide emererentur. Amplius, futuros eos nihilominus velut in curâ & clientelâ Patronorum: & sic nobiliores ciues, in comitiis aut suffragiis, semper manum aliquam fauentem & obnoxiam habituros. Ita illis persuasum. sed Regi in oculis præcipuè, frequentia & multitudo ciuium, fundamentum omnis potentia & diuturni status. Nec tamen ij æquiparati statim dignioribus, & veteribus ciuibus: reiecti in quattuor urbanas tribus fuere, & inuenta ratio, vt minimum in suffragijs, aut aliâ publicâ re, pollerent. Quin & à militiâ legionariâ & honestiore exclusi sunt: donec paullatim nepotes ac pronepotes eorum, verè iam Romanus sanguis, peruenirent. Liberti ipsi & Libertini (veteri quidem republicâ) arcebantur. Hoc institutum, incredibile est, quantum ciuitatem auxerit: in quâ aliquot seruorum millia pauculis annis manumissa. Neque negandum est, vtile initio & præclarum fuisse: sed lapsu temporis, vt fit in humanis rebus, hîc quoque lapsus: cùm iam Syri, Cappadoces, Asiatici, Græci, Barbari in seruos recepti, & multi ex iis facinorosi & perditij, qui pretio, blanditiis, aut & fœdis obsequiis libertatem meriti, quam colluuiem in ciuitatem non inuexerunt? Imò per eos effectum, vt egregia illa animi ac morum, Romana olim plebs, vilissima facta hominum sit, & vno verbo, cloaca ac sentina vitiorum. Sed ista sæculis aliquot post Tullium. interea profuit largiter institutum, & effecit, vt cùm primo censu ac lustro Ser. Tullij, LXXIIII. ∞. censa essent, illo qui sub primis Consulibus fuit (nam Tarquinius Superbus intermiserat) CXXX. ∞. censerentur: idque eorum qui puberes, & in virili togâ essent. Largus tibi hic numerus videtur: nihil est. cùm post aliquot ætates, id est, anno vrbis CCCCXIII. censa sint ciuium CCLX. ∞: & paullo ante bellum Marficum, anno Vrbis DCXXXIX. circiter quadringenta millia, paullo minùs. At post id bellum, sociis iam in ciuitatem paullatim receptis, creuit valdè numerus, & ad non-

*gentia millia censa* \* alibi nobis doctû. Cui ipsi numero firmando, velim addi hæc Phlegontis in Chronicis. qui notat Olympiade, quâ Lucullus Amisum cepit, & Mithridatem ad Cabciria vicit (id fuit circa annum vrbis DCLXXXII.) *censitas Romæ nonaginta myriadas ciuium, & vnam, id est, nongenta & decem millia.*

Quid

\* In 1. Elef.  
Cap. XXV. 11.



Quid iam sub Augusto? ipse de se in lapide Ancyrano clarè hoc dicit, IN. CONSVLATV. SVO. SEXTO *Lustrum condidisse*, QVO. LVSTRO. CENSITA. SVNT. CIVIVM. ROMANORVM. CAPITA. QVADRAGIENS. CENTVM. MILLIA. ET. SEXAGINTA. TRIA. Immanis herclè numerus: & quis iam de copiis miretur coloniisque? At etiam creuit assiduè, & sub Claudio Imperatore, Tacitus ac fidi auctores accensent, *sexagies novies centena sexaginta quattuor millia*. Vltrà quærere, superuacuum sit, cùm iam passim in ciuitatem totæ vrbes regionesq;, vt dixi, receptæ. AVD. Neque hercules quæro, affatim habeo quod mirer. Sed illud lubet scire, an ex solis igitur illis ciuibus copiae scriptæ? LIPS. Non è solis. olim & è Latino nomine, vt scis: ac postquam ij ciuitate donati, Principum tēporibus maximè, cœperunt & è prouinciis auxilia scribi. Augusti id inuentum: & causam occultam etiam habuit, subditos sic exarmandi, & quasi obsidibus traditis in fide continendi. Nam quotannis dilectus istos habebant, & optimum ac robustissimū quemque abducebant. Ita enerues prouinciæ, & illi qui dilecti, in longinquas & diffitas oras consultò trahebantur. Non enim facile res nouas audere aut mouere, inter ignotos & alienos. Ciuilis, qui Batauos ad rebellionem traxit, hoc quoque telo eos incitat: *Instare dilectum* (verba Taciti) 1111. Hist.  
*quò liberi à parentibus, fratres à fratribus, velut SVPREMVM diuidantur*. Idem Galgacus, dux Britannorum, in eodem Tacito: *Liberos suos cuique ac propinquos natura carissimos esse voluit: hi per dilectus ALIBI seruituri, auferuntur*. Atque eiusmodi auxiliorum, è variis gentibus, magna copia. quod & *Notitia Imperij* indicat, & Taciti hæc verba: *Nil validum in exercitibus, nisi quod externum*. Iterumque: *Prouinciarum sanguine prouincias vinci*. AVD. Artem video, & simul auxilia bello scripta, simul materiē subductam rebellandi. Sed ista profectò translatio dura: & quo exemplo? LIPS. Haud facile dixerim: nisi quòd similia iam olim noto. Romulus ipse populos vicinos in urbem suam transtulit, Tullus Hostilius Albanos. Sed hæc leuia, & alio quodam fine. quid si totas gentes translatas doceam, eadem illâ non rebellandi, aut coërcendi, causâ? Fecit Augustus in Sugambis & Sueuis, quorum *quadringenta millia* (hoc verius censeo ex Eutropio, quàm quod in vulgatis Suetonij libris *quadraginta* editur)



tot inquam illa millia *traiecit in Galliam, iuxtaque ripam Rheni, sedibus adsignatis, collocavit.* Ita & Galliam impleuit, & ex hoste socium auxiliaremque fecit. Sed iudicio & consilio in hac re opus, ne plures suscipiantur aut traducantur, quam coercere possis: peccatumque à secutis Imperatoribus (maximè post Constantinum) qui Barbaris receptis, imperium & urbem prodiderunt. Alioqui multum commodi aut tutelæ translatio hæc habere possit. quâ Philippum Macedonem (callidum illum regnandi) vsum Iustinus prodidit: scribitque eum, *vt pecora pastores, nunc in hibernos, nunc in æstiuos saltus traiciunt; ita populos & vrbes, vt illi vel replenda vel derelinquenda quæque loca videbantur, ad libidinem suam transtulisse.* Parabat & Alexander simile, firmando imperio, nisi mors interuenisset. Nam in Commentariis eius inuentum Diodorus tradit, *vt ciuitatum aliarum in alias migrationes fierent, itemque hominum traiectiones ex Asiâ in Europam, ex hac in illam: & causam addit, vt gentes connubiis, commerciis, & amicitia inter se iungeret:* quæ ipsa haud vana planè est, aliam tamen & intimam non expressit. Antipater, qui in partem potentiaë successit, in idem hoc consilium: & Athenien sium urbis potens, ipsam eiusque regimen ditioribus honestioribusque concessit, tenues, & quidquid inopiâ turbidum, eduxit, & ad xx.  $\infty$ . eorum in Thracia, agris datis, collocavit. Lego & Tigranem regem, cui bellum Pompeius fecit, *trecenta millia* è Ciliciâ & Cappadociâ in Armeniam & Mesopotamiam traduxisse, ad ea loca frequentanda & meliori genere implenda. Et vt vicina magis temporibus locisque tangam, Carolum Magnum satis scitum est, Saxones sæpe rebelles translatione domuisse, & in Belgicæ nostræ oris posuisse. Ludouicus etiam xi. Galliaë rex, Atrebatium fidei infensus, & quia à vitâ diuelli quàm à Burgundiaci imperio malebant, sparsit eos per Galliaë vrbes aliquot, & suos in locum introduxit. Quid in nouo illo orbe etiam video? Reges Perüani tractus, quos *Ingas* ipsi appellant, pro firmamento status habebant, populos victos statim, cum totâ sobole, transferre ad interiora loca, & in illa limitanea alios suos fidosque supponere. Hoc genus *Mitimaes* patriâ linguâ vocabant. Habes de multitudine, & eius causis. Ac quædam his inesse magnis Regibus imitanda ego scio: qui si exhau-



exhauriunt semper ( vt fit in militibus aut colonis emittendis )  
nec addunt : quid nisi fontem ipsum exhaurient & siccabunt?  
Seriò, seriò prouidendum est. Tu abi nunc, & cetera cras, si  
Deus volet, dabo. AVD. Haud hbens, sed tamen pareo, & vale-  
tudini tuæ tenui parco. Vale, & firmare.

I. L I P S I  
DE MAGNITVDINE  
R O M A N A  
LIBER II.

C A P V T I.

*De Priscis populi Romani vestigalibus, Decumis, Quintis,  
Scripturâ, Portoriis.*



IPS. Maturè sanè ades. AVD. Si pro meo voto,  
maturiùs, & vel conuiua in prandio tibi fuisset.  
LIPS. Licuit. & delectarer sanè vel assiduo hoc so-  
dalitio, si Romanæ aliqua mihi OPES. Ad quas ser-  
mo nos nunc duxit, & de iis videamus. Eas *Publicas & Priuatas*  
considerabo: & in Publicis, *Vestigalia* siue *Tributa*, tum &  
*Triumphales manubias*, denique *Liberalitates* aut *Erogationes*. Insi-  
stamus ordine, & primùm in *Vestigalibus*: quæ olim triplicia  
ferè, è *Decumis*, è *Pastione*, è *Portoriis*. Quod ad priores duas, ita  
de iis & origine earum Appianus: *Romani nunc hos, nunc illos Ita-* <sup>1. Civil.</sup>  
*lia populos superando ac subiiciendo, partem agri iis auferebant, atque*  
*opida & colonos condebant, aut si opida opportunè iam condita, hos in-*  
*ducebant. Agri igitur quod cultum erat, colonis ferè assignabant, quod*  
*incultum (vt multa per bellum) id aliis cupientibus elocabant, PARTE*  
*DECIMA fructuum sibi retentâ in agris satiuis, in plantariis aut arbo-*  
*retis, QUINTA in pastionibus autem, certum pretium definiebant in ca-*  
*pita minoris pecoris maiorisque. Pulcher & distinctus in eam rem*  
*locus: & quanquam de Italiâ dicit, tamen & producere ad pro-*  
*uincias licet, quas multas ita habitas, ex aliis scriptorum locis*  
F liquet.



liquet. Etsi quædam arctiùs pressiusque habitæ, & præter hæc, Tributa etiam sua capitis pendebant. Sed quod ad hæc tria, etiam in Asiâ ea sic & in Siciliâ fuisse, Cicero alibi ostendit, & in his vectigalium summam ponit. Notabiliter in laudatione Pompeij: *Publicani familias maximas, quas in Salinis habent, quas in Agris, quas in Portibus*. Nam quod ad Salinas, viri docti iamdiu emendarunt *Siluis*, vt ad Pastiones referatur: etsi *Saltibus* ego mallem, viciniore litterarum lapsu. In eâdem oratione enim aliquoties hæc tria repetit, & iungit: etsi vectigal è Salinis quoque fuisse, sed non inter prima & magna, scimus. Et quod ad frumenti omnis *Decumas*, idem Cicero in Verrinis satis dixerit, quid in eâ re fuerit: nec obscurum est vel ex moribus hodiernis. De fructuum *Quintâ* in Appiano, id obscurius, imò incertius: quoniam idem Cicero in Verrem disertè nominat, *Vini & Olei decumas*, ostenditq; Siculos ita dedisse. Quomodo igitur *Quintâ*? nam ego ex vite, oleâ, ficu, pomo, nuçe, intellegi & redigi Appiani vectigal velim; nec aliunde video posse. Nisi tamen de siluâ cæduâ intellegit: quod in medio relinquo. Sed in priore sententiâ si perseverare lubet, dicendum est, initiùs leniusq; habitos Siculos, & peculiare id ibi fuisse. E *Pastionibus* genus alterum est, quod propriè & vulgò *Scripturam* appellabant. Exempla obuia, & iam aliis notata: causam vocis Festus explicat: *Scripturarius ager*, inquit, *publicus appellatur, in quo vt pecora pascantur, certum es est. quia publicanus SCRIBENDO conficit rationem cum pastore*. Cicero igitur de hoc vectigali capiendus: Ita neque ex *Portu*, neque ex *Decumis*, neque ex *Scripturâ* vectigal conseruari potest. Tertium est *Portorium*: quod scilicet in euehendo aut inuehendo (*ἐξαγωγὴν καὶ εἰσαγωγὴν*) pendebant. Res nota est: an & illa, quòd *Portarium* etiam fuerit antiquis? In Glossis lego, cum discrimine: *Portorium*, τέλ<sup>ος</sup> ἐν λιμένι, id est, VECTIGAL IN PORTU: *Portarium*, τέλ<sup>ος</sup> ἐν πύλῃ, id est, VECTIGAL IN PORTA. Et verò hoc quoque fuisse videtur, æuo præsertim inferiore, & sub Principatu: vt & in pontibus, & in viis, & portis adeò opidorum dederint, pro transgressu aut ingressu. Italia hodie, sed & Belgica, hæc non ignorat: & apud Senecam lego: *Nec indignabitur sapiens aliquid impendere, vt limen transeat, cogitans & in pontibus quibusdam pro transitu dari*. Herodianus quoque ostendit exactio-



exactiones fuisse, ὅτι τε ὀχθαίς ποταμῶν, καὶ λιμένι ποταμῶν, ἐν τοῖς ἐδῶν ποταμοῖς: in ripis fluminum, portibus opidorum, & viarum transgressibus: sed inter tyrannica habet, quia noua aut grandia, opinor; & à Pertinace salubriter sublata.

## CAP. II.

*De Tributis & Capitatione. tum inquisitum in Modum vectigalium, & quid videantur reddidisse.*

**H**ÆC illa vetera sunt, & Vectigalia propriè dicta: quibus dies, & sagacitas, addo & necessitas, aliquid semper addiderunt. AVD. Hæcne propriè Vectigalia? atqui plura in id nomen video includi. LIPS. Plura, sed hæc primò: aut ne mentiar, solum ipsum Portorium primò, quia id scilicet è *vecturâ*: vnde Vectigal. Græcis etiam hîc discrimen aliquod, quibus Vectigal propriè est τέλϛ, Tributum φόρϛ. Sed & in re ipsâ differunt, quòd illud res & fundos magis spectat & ligat, hoc capita ac mobiles opes. Sed quorsum ego ista? semel & seriò tibi dico, verba nunc non lustrò, nec obsita aut tricola antiquitatum quæro; satis, in luce aliquâ tibi ponere Romanam œconomiam, circa publicas has exactiones. Ergo Tributa, vt dixi, caput ferè tangebant: atque ita pessima conditio eorum, qui Stipendiarij, ipsi atque agri, vt Cicero alibi loquitur, essent. Tales Pœni, Hispani, & plures, qui per vim vltimam & bello pertinace victi essent. Appianus hoc ita expressit, vbi Scipio cū decem Legatis leges dant Carthagini victæ: Hos, inquit, premiis afficiunt, *In Lybiis socios nepe populos aut reges; τοῖς δὲ ἄλλοις φόρον ὥρηναι ἐπὶ τῇ γῇ καὶ ἐπὶ τοῖς σώμασιν: aliis (hostibus scilicet) tributum definierunt in agros, & in corpora eorum.* Duo manifestò dicit, & Corpora siue Capita (vt Latini magis loquuntur) onusta, & terram ipsam. Tertullianus quoque ea iungit: *Agri tributo onusti, viliores; & hominum capita stipendio censa, ignobiliora. nam hæc sunt NOTAE CAPTIVITATIS.* Adiungit eruditissimus scriptor, hoc non nisi in verè victos, & vi subditos, vsurpatum: olim quidem, sed Imperatores, & ipse Augustus produxerunt, & valdè hæc Tributa dilatarunt. Ac Capitem vel Capitationis satis frequens mentio in posteriorum scriptorum, sed & Iuris libris: vbi non Hominum solum



In Pōpeio.

capita, sed & *Animalium* leges: & quædam, quæ fateor in subnubilo mihi esse. Attu vniuersè hæc nunc noueris: videamus, quod nos quærimus, ecquid *Opes* ex his annuas liceat vestigiis odorari. Quæ vestigia tenuiter impressa fateor, tamen persequar & indagabo. Ac primùm de antiquis, & liberæ reip. opibus, locum esse volunt in Plutarcho istum. De Pompeij triumpho è Syriâ & Asiâ agit: dicitque, *Prelatum titulum, qui litteris indicaret antea quidem Vectigalia reddidisse ad bis millies Hs. ex iis autem quæ ipse acquisisset, redire ad ter millies quadringenties*. Prior summa, nobis efficiat *quinque milliones* (iuuat his compendiis, vulgariter magis quàm eleganter vti) altera, *octo milliones cum semisse*. Viri docti iam, & inter hos verè primus Budæus, existimant scripto hoc indicasse Pompeium: quòd ante id tempus, vniuersi reditus è vectigalibus non pluris essent; ab ipso autem iidem aucti plus triente, & facti vt in extremo scriptum. Enimuerò libido, an ratio, mihi est dissentendi? sed dissentio, & nego Plutarchum vel Pompeium de *vniversis* sensisse. Nullum tale in Græco Plutarcho verbum est: quod moneo, ne temerè interpretibus, qui addunt, hoc accredas. Quæ ergo nostrâ mente scripti illius mens? nempe pro re subiectâ, & cùm de transmarinis illis triumpharet Pompeius, nec nisi ibi tunc res gessisset; verba eòdem referenda, & de Asiâ saltem finitimisque capienda. Quomodo? aliter etiam, quàm viri docti, in clausulâ. Duo enim dicit, & Asiâ illam minorem, quæ sola ibi ante Pompeium prouincia, aut præcipua, illam, inquam, è vectigalibus *bis millies* dedisse: at verò eas prouincias, quas ipse super eam quæsisset, solas reddere *ter millies & quadringenties*. Puto me rem tangere, si quis iudicio inspicit: & do rationes. Primò, credetne quisquam è tot, tamque ditibus populi Romani tunc prouinciis, non plus *quinque millionibus* redisse? Quod vna Hispania hodie, vna Gallia, vel duplum donet. Amplius, *Decumas* vnus Siciliæ Cicero, atque eas tenuiter æstimatas, fuisse dicit *nonagies Hs*: quod nobis est, *ccxxv. millium* Philippicûm. *Decumas* dico frumenti: & *hordei* non computat, & *leguminum*: quid iam *Vini*, *Olei*? quid *Portoria*, & *Pastiones*? Valdè tenui ore atque animo est, qui non ausit concipere hæc vniuersa ex proportionem, suprà *quadringenties*, siue vnum millionem. Atqui Sicilia, quantâ pars



ea pars fuit Romani illius orbis? profectò nec centesima quidem fuit: & valdè hoc valet ad ingentes illas Romanas opes. Amplius de ipsâ Asiâ nostrâ, Appianus scribit, Corn. Sullam, per bella Mithridatica, *imperasse illi quinque annorum vectigalia, sed statim danda*. Quantum igitur imperauit? ecce in Plutarcho hoc expressum, *viginti millia talentum*: ij sunt *duodecim* milliones nostri. Age iam, diuide in quinque partes, nōne paullo minùs *millies* Hs. annuo habemus? Atqui duplum oportuit, inquires. Ita, pro me & Plutarcho: sed hoc ipso tamen firmiter illos refuto, qui ex toto orbe *bis millies* colligunt, cū ego dimidium ex Asiâ iam solâ. Res clara est. Sed quomodo igitur plus Pompeij æuo? nec id difficile dictu: siue quia ratio colligendi iam melior firmiorque, siue quia bella resederant, & ipsa Asia cultior feraciorque facta. Produci hæc talia semper solere, præsertim in pace, nec hodie est nouum. Docebo hoc clariùs? ex ipso iterum Appiano. apud quem M. Antonius triumphans, post pugnam Philippensem, in Asiam missus ad pecunias colligendas, in concione sic eos affatur: *Ne vrbibus agrisque pellamini, pecunia* v. Ciuil. *danda est in vsum militum: nec ea maxima, sed quâ auditâ libenter acquiescatis. Deditis hostibus nostris, Cassio & Bruto, in duobus annis tributa decem annorum: ea suffecerint & nobis, nisi quòd danda sunt in vno anno. Quid hinc efficiamus? nec timemus iterum Plutarchi verba, qui *ducenta millia talentum* ab Asiâ tunc data scripsit. Atqui diuide in decem annos: quid trepidas? *viginti millia* annua surgunt, id est *duodecim* milliones. Et profectò, noli ambigere, præpotens & diues illa Asia dedit. In quâ tamen obiter moneo, res sæpe mutatas: & primò, cum testamento Attali Romanis relicta esset, Vectigalia imposita, id est *Decumas, Portoria, Scripturam*, solenni more. Sed cū publicani iniurijs, pro more suo essent, & sine publico bono, sibi attererent ac tonderent, C. Iulius Cæsar, & iniurias, & iniurios ipsos sustulit, ac permisit ipsis fructus colligere ab agricolis, ac Tributa induxit. Hæc ita ferè (etsi ipsa verba, quia plusscula, omisi) in eadem oratione Antonius apud Appianum dixit. Quando autem à Iulio id factum, & de re ipsâ, apertius sic Dio Cassius: *A victo Pompeio, cū Asiam obiter* Lib. XLII. *lustraret, τὸς τελώνας πλεόντατα σφίσι χρωμένους ἀπαλλάξας, ἐς φόρου σωτέλειαν τὸ συμβαῖνον ἐν τῶν τελῶν κατεσχέσατο: Publicanos, qui acerbissimi in**



*Asiaticos fuerant, remouit, & in Tributi collationem, id quod ex Veti-*  
*galibus redibat, mutauit.* Pulchra nota: & re ipsâ quidem me-  
 lius leuiusque erat Decumas & talia dare: quare? quia pro an-  
 ni prouentibus dabant, plus aut minus, ut ipsi acceperant, nec  
 ultra grauabantur: at eò tamen rem redegerat Publicanorum  
 iniquitas (quos nulli Præsides aut leges satis domabant) ut om-  
 nes præoptarent magnum & certum aliquid dare in Tributo.

1. Annal.

Similis mens, ut addam, in Taciti loco: *Achaiam ac Macedoniam*  
*onera deprecantes, leuari Proconsulari imperio, tradique Cæsari placuit.*  
 Videntur enim Publicani tunc, pro veteri more, in populi pro-  
 uinciis fuisse, & cum iis rapinæ; in Cæsaris non fuisse. Et iam in  
 Plutarchi loco satis tibi factum, aut dictum? A v d. In priore  
 membro satis, in altero quid adfers? Firmamentum ab ipso  
 Pompeio, qui eodem illo tempore in Senatu gloriatus, *Asiam*  
*se, quam ultimam Prouinciarum acceperat, mediam reddidisse.* Ergo  
 plurimum adiecit: & nominatim *Syriam* totam, illam diuitem;  
 item *Phœnicen, Palestinam, Iudeam, Ciliciam, Pamphyliam, Phrygiæ*  
*partem, Bithyniam, Pontum, Propontidem.* Hæc tanta, mirabimur  
 tanto plus quam Asiam dedisse? Hæc de Plutarchi loco. sed ex  
 Portoriis etiam liquere in parte potest magnitudo istorum Ve-  
 ctigalium. Cicero in Verrem scribit, *Socios* (id est Publicanos)  
*ex Verris exportationibus perdidisse sexaginta HS. idque ex Vicesimâ*  
*portus tantum Syracusani, & in pauculis mensibus.* Sunt valde no-  
 tanda. Si vnus ille portus, si in vno homine, & in solâ euectione,  
 & in paucis mensibus, tantum adferre potuit: quid reliqui por-  
 tus, in omni euectione, inuectione, & in totum annum? Sunt  
 autem illa *sexaginta*, more nostro, circiter mille quingenti Philip-  
 pæi. Et Cicero quidem non nisi *Vicesimam* disertè ibi in Porto-  
 rio agnoscit: tamen *Octaua*, & quæ eam accipiunt *Octauarij*, in  
 Codice Iustinianæo memorantur. At in Quinctiliano & Sym-  
 macho, *Quadragesima*. Sed opinandum est, pro locis, aut  
 mercibus, sed & temporibus variasse: maximè tamen pro  
 mercibus, & ut grauius vectigal peregrinæ soluerent, ad deli-  
 cias magis aut pompas, quam vsum inuectæ. C. Cæsar eius  
 rei auctor, ex Suetonio: *Portoria peregrinarum mercium insti-*  
*tuit.* Quæ haud dubiè ipsa Italia etiam pependit; etsi reliqua  
 portoria, lege Metelli, in cā sublata essent: quod Cicero malo  
 publico



publico factum notat, & recitat item Dio. Hæc fanè magna fuisse, quis potest ambigere, ex pretio & copiâ rerum? Nam gemmæ, lapides, vestes, ebur, mancipia, aromata, vnguenta, & plura eiusmodi exotica inferebantur: quibus si *Ostauam* imponis, quanti ea sint? Argumento aliquo è Plinij hisce verbis: *Arabie felicius mare est. margaritas enim mittit*: MINIMA

Lib. xii.

QVB COMPUTATIONE *millies Hs. annis omnibus India, & Seres, Peninsulaque illa, imperio nostro adimunt. Si \* millies Hs. emptæ* ex merces, pluris mox æstimatæ & venditæ, ergo & Portorium ex iis grande. Avd. Sed commemini alterius Pliniani loci, qui minuit, & à summâ illâ abit. Nam vbi de Indiâ sermo, *Indignares, nullo anno imperiis nostris minus quingenties Hs. exhauriente Indiâ & merces remittente, quæ CENTVPLICATO veneant.*

\* Duo mil-  
liones, &  
semis.Lib. vi.  
cap. xxii.

Ecce hîc *Quingenties* modò, id est dimidium habes. LIPS. Sed nempe ex Indiâ solâ: at alter ille locus Arabiam & Seres item iungit, & ex iis quidni alterum dimidium? Sed nota inibi quòd ait, *centuplicato veniisse*: quod rei nostræ facit. Cur enim tanti? cur mercatorum tam improbum lucrum esset? non fuit: sed duo sunt, quæ Pretium sic accenderunt, Itinerum difficultas, & Portoria. Quod ad illa, Plinius eodem illo loco describit, & addit *quotannis nauigari, sagittariorum cohortibus impositis.* Ea res & tutela, mercatoribus ad impendia accedebat. Iam Portoria iis grandia. quod Strabo impressè notat in rebus Aegypti: scribitque, *olim quidem pauculas naues ausas extra Sinum Arabicum ire, at nunc maximas classes nauigare in ipsam vsque Indiam, & ad vltima Æthiopie: unde pretij maximi merces aduehant, & rursus aliò exportent. Ita fieri, vt DVPLEX PORTORIVM pendant, Inuectionis & Euectionis: atque ipsum portorium æstimatarum istarum mercium grande item esse.* Hæc ita Strabo. & mirum igitur non sit, à duplici illo aspectu, Itineris & Portorij, pretia sic creuisse: maximè cùm & in Italiam aut aliò inuehenda, credam iterum soluisse.

Lib. xvii.



*Inquisitum item in Capitationis modum, & pensum vniuersorum Tributorum.*

*In Syriac.*

**D**E Vectigalibus priscis hoc nunc satis : ad *Tributa* venio, siqua ea possim extricare. Metuo, & hæreo statim in eo *Capitationis*, quod vel maximum certissimumque fuisse arbitror: sed in modo, tenebras & nubes suas habet, nunc à me non pellendas. Fuitne indiscretim vniforme in omnia capita? an potius ex censu? Nam si illud, iniustitia manifesta adhæret. vt si quis pauper, liberos & familiam multam habeat; contrà diues, & cælebs sit & orbus. In Appiano strictura aliqua lucis affulgere videbatur, sed fortasse fallax. nam ait, *Iudæos sapius rebellasse, eoque tributum capitis grauius iis impositum, quàm reliquarum facultatum.* Esse autem & *Syris & Cilicibus annuam Centesimam, pro modo census vnicuique.* Verba Græca sunt, si fortè examinare tecum velis: Καὶ ὅτι ταῦτ' ἐστὶν Ἰουδαίους ἀπασιν ὁ φόρος τῶν σωμάτων βαρύτερος τῆς ἀλλῆς εὐεξίας ἐστὶ καὶ σύροι καὶ κίλικες, ἐτήσιον ἑκατοστὴν τῆς τιμῆς ἑκάστω. Ego ad verbum tibi pænè reddidi: & efficiatur ex sermonis nexu, *Iudæos Centesimam dare, sicut & Syros ac Cilices, pro Capitis tributo.* Quo sensu? inquires. vt magis capias: soluere quidem illos & pro Agris, & pro Opibus; sed æstimatione omnium factâ, etiam *Centesimam* pro ipso capite dare. Hoc tale est. vt, si decem millia aureorum in censu habeam, solvam ex iis annua centena. Hoc placeat ob æqualitatem, & quia pauperes aut tenues sic non pressi: sed alia sunt quæ refel-  
lunt, aut certè morantur. Quid enim tum seruis fiet? quid filiis familias grandioribus? Dico grandioribus. nam vt & hoc addam, Vlpianus notauit, *In Syriis à Quattuordecim annis masculos, à Duodecim feminas, vsque ad Sexagesimum quintum tributo Capitis obligari.* Atqui Serui & Filij tales, peculium suum nullum habent. Sed de seruis responderi potest, Dominum dependisse in suo capite, dum eorum æstimatio Censibus eius accedit. Et serui alioqui in iure, *caput non habere*, scribuntur. Quod ad filios, certum est parentes pro iis exsoluisse: sed quâ taxatione, an non & eâ aliquâ pro parentum censu, hoc ignoro. Vellein, & res facta esset. Sed soluisse, in Panegyrico ita scribitur: *Tunc certè pa-*  
*rentes*

*Ad Con-*  
*stantinum.*



rentes ADVLTORVM non pœnitet filiorum, quorum onera remissa sibi latantur. Vides filios parentes suos onerare, sed adultos iam & grandiores, ex Vlpiano suprâ. Imò alibi, non ante *Vigesimum* annum capite obligatos, lego. Caussam autem opinor huius remissionis in ætate vel Puerili vel Senili: quòd etiam Romani olim Impuberes non censebant, & immunes à Tributo habebant. Addi potest, quòd hæc Capitatio, non aliud quàm quasi redemptio munerum & operarum seruiliū fuit, quas populi scilicet victi, & serui facti, Romanis iam debebant. At pueri ad eas operas, aut senes, non idonei: ergo nec pro iis soluant. Hæc sunt, si pro Censu Tributū hoc datum. Sed aliquis mallet, vni-forme aliquid, & in omnia capita æquale. Nam sic Iudei leguntur *Didrachmum* pependisse: & Christus ipse in Euangelio soluit. Matth. cap. xviii. Quod Hieronymus quidem & Beda istuc retulisse videntur: sed alij tamen veriùs (inter hos Hilarius) ad Tributum, quod templo Iudæi debebant, in eo modo à lege diuinâ definitum. Exodum vide. Et Iosephus sanè ac Zonaras, sed & Xiphilinus, Cap. xxx. disertè scribunt *Vespasianum* demum hoc instituisse, vt omnes vbique Iudæi duas drachmas Ioui Capitolino Romæ penderent, quas antea TEMPLO Hierosolymitano solebant. Nihil clarius: & Christi ipsa responsio (siquis examinat) à Tributo Cæsariano nos abducit. Sed aliquis etiam opponat Lampridij hæc in Alexandro: *Vectigalia publica ita contraxit, vt qui decem aureos sub Heliogabalo præstiterant, tertiam partem aurei præstarent. tuncque primum Semisses aureorum formati sunt, & Tremisses.* dicente Alexandro, etiam *Quartarios* futuros, quòd minus non posset. quos etiam formatos in monetâ detinuit, ex spectans, vt si vectigal contrahere potuisset, eos ederet. Hæc euincere videntur, certum genus nummi cūsum ad Tributa: & nisi fallor, Capitis, quæ sola certitudinem & vnitatem poterant habere. Nam in agris, animalibus, aut opibus, id planè variabat. Faciat aliquid Hesychius, qui scribit: Κένος Ⓞ, εἰς Ⓞ νομισματ Ⓞ, Ⓞ τινος δακτον: *Census, genus numismatis, capitatio.* Sed & in Sacris legitur, *Numisma census.* Tamen ob multa hæreo, nec temerè in hanc partem eo. Quid? decem igitur aurei in Lampridio, Capitatio fuisset? & postea *Triens*? In ipso Euangelio, vbi *numisma* Matth. cap. xxi. census quæritur: mox subiicitur, *Denarium* obtulisse. An ergo ille tantum æqualiter in capita? ridiculum, nisi si Denarius aureus



fuit. Quid firmiter definiam nescio, res tenebras, vt dixi, habet, nec nostrâ nunc curâ illustrandas. Plurcula cogitavi aut collegi, fateor: sed intricatis, aut merè litterariis, non nunc locus. Dico igitur breuiter, Lampridij locum hoc tantum efficere, *Contracta omnia vectigalia: adeo vt qui* (pro exemplo) *decem antea daret, nunc Semissem aut Tremissem:* & quia imminuta illatio erat, in eius rei memoriam voluisse & nummos minores Alexandrum cudi. Sententia autem tota & vera, *contraxisse eum Tributa pleraque ad Trientem, conatum est ad Quadrantem: nec infra potuisse.* Quod si quis pertendit, nummos pro modo Tributi ita cufos: vbi igitur illi sunt? cur prægrandes aliqui non exstant? Denique statim infinitos cufos oportuit, ad pensiones totius orbis. Nihil est: & Hesychij aut Christi verba hoc modò volunt, ipsum illud quod ex censu in Tributum darent, *Censum* appellatum, atque adeo pecuniam, siue grandis ea siue pauca esset. Quin hoc totum pro priore sententiâ magis sit, quod Capitatio fuerit ex censu. Cur enim *Numisma census* dicatur, si ipsius census nulla habita ratio? Plura sunt: sed differo, & nunc inquirò, quod cœperam, in Capitationis fructum. Multum rediisse ex eâ, multitudo capitum dicet, quæ in Romano orbe. Iosephus de solâ Ægypto scripsit, *habere eam* \* *septingentas et quinquaginta myriadas hominum: idque liquere ex tributo quod in capita singuli pendunt.* Postrema hæc ita palam Græcè habent: etsi interpret leuiter aliò deflexit. Sed argumentatur & colligit de Capitum numero, ex ipsâ Capitatione, & tabulis scilicet Censualibus, quas inspexit; aut ab iis qui inspexere, hausit. Nam etsi non Pueri aut Senes conferrent, vt prædixi: tamen & eorum nomina scripta probabile est, contra fraudes, & pro ceterâ diligentia aut curiositate Romanorum. Si igitur talis ille Ægyptiorum numerus (& *Alexandriæ incolas* etiam excipit, qui ipsi ad *centena* aliquot *millia:*) facile intellectu est, in quantum creuerit capitarium hoc vectigal. Adde enim alias prouincias in partem: quarum omnium in populis numerum sub Augusto voluit Suidas exprimere, atque vti nam is locus rectè haberet! *Augustus*, inquit, *omnes subditos viri- tim adnumerare voluit, vt sciret quanta multitudo esset.* Καὶ δὲ τότε οὐκ οἱ τὴν πρῶτην οἰκουμένην, οὐ μὲν ἁπλῶς, & χίλιοι Ἰ. αὐδρες: & reperti sunt Romanam ditionem incolentes *quadringenta et decem myriades*, mille et se-

\* Septem mil-  
liones cum  
dimidio.

In verbo  
Augustus.



& septemdecim viri. Falsi planè numeri, & perexigui: cùm sola  
 Ægyptus vltra donet. \* Emendare tamen, non nisi eius est, qui  
 diuinandi artem certò tenet. Vt Capitationem igitur omitam,  
 de vnuerſis Tributis aliquid, dum filuas & lustra excutio, vi-  
 deor indagasse: & ponam. Velleius, vbi de auctis finibus impe-  
 rij, & prouinciis adiectis, ita ait: *Diuus Augustus, præter Hispanias  
 aliasque gentes: quarum titulis Forum eius prænitet, PAENE IDEM,  
 factâ Ægypto stipendiariâ, quod pater eius Galliâ, in ærarium reditus  
 contulit.* Verba ea tollo & appendo, *penè idem* soluisse Ægy-  
 ptum, quod Galliam: ergo ista plus etiam dedit. Quid si in-  
 ueniam Tributi igitur Ægyptiaci modum? propemodum in  
 Strabone, qui sic tradit: *Ciceronem in oratione quapiam scri-* Lib. xv. 1.  
*ptum reliquisse, tributa ex Ægypto rediisse Ptolomæo illi qui Cleopatra  
 pater fuit, talenta annua duodecim millia & quingenta.* Vbi hoc Ci-  
 cero, nescio: hodie non exstat, & puto tamen fuisse in eâ pro Ra-  
 birio Postumo, quia argumentum eius tale aliquid vel admit-  
 tit, vel petit. Sed parum hoc ad rem: illud maximè, quod Stra-  
 bo adnectit, his verbis: *Si igitur illerex neglegenter & ignauè im-*  
*perans, tantum redegit: quid NVNC censendum est, cùm omnia tantâ  
 diligentia & ordine administrantur, itemque Troglodyticâ & Indicâ  
 negotiatione sic auctâ?* Satis præit nobis & adserit, multo plus in  
 Tributis Ægypti suo, id est Augusti vel Tiberii, æuo fuisse:  
 quàm olim sub Ptolomæis. Atqui si tunc tot illa dicta talenta  
 (ea faciunt septem milliones & semissem:) quidni ad decem aut duo-  
 cim milliones producamus in sequenti æuo? nec nimium cenſeo  
 me dixisse. AVD. Censeo te dixisse Lipsi, cenſeo. Nam primùm  
 Strabonis illud Diodorus refellit, qui lustrasse sub id tempus  
 Ægyptum scribit, & accepisse ab iis qui res rationesque Regias tra- Lib. xv. 1.  
 etabant, illum accipere supra sex millia talentum annua. Iam de Galliâ  
 etiam habeo quod dicam: sed tu de isto priùs. LIPS. Semper mi-  
 hi res cum Diodoris? amo scilicet hoc nomen, ob vnum illum  
 virum. Sed tu scito breuiter, Diodorum si ab Ægyptiis hoc ac-  
 cepit, Ægyptiaca igitur talenta etiam intellexisse, quæ maiora  
 Atticis, & habent minas siue libras octoginta: quod Plinius ex  
 Varrone scripsit. Ita igitur si consideras, haud nimis ea sex mil-  
 lium summa à Duodecim abit, etsi tamè abit. Sed addit Diodorus,  
 plus etiâ accepisse: quod ipsum nos iuuet: & deniq; Ciceroni ac  
 Straboni



Straboni lubet meritò, præ Diodoro, credere atque adhærere.  
 11. Excid. Enimuerò opes Ægypti magnæ, reditusque: & Iosephi verba  
 tu hæc audi. *Tributorum*, inquit, *multo amplius Romanis per singu-*  
*los menses pendit, quàm vos, ô Iudei, toto anno: & præter pecuniam,*  
*annonam frumentumque quattuor mensium vrbi Romæ.* Ita Agrippa  
 rex in concione Iudæos alloquitur: & duo ex iis discas, grande  
 aliquod Ægyptios intulisse, & Iudæos vix duodecimam eorum  
 partem. Sed vt cœperam dicere, si tantum istud Ægyptus: quid  
 iam Gallia, quæ plus, ex Velleio, & ratione (nam multo gran-  
 dior laxiorque est) plus, inquam, longè dedit? An minus igitur,  
 quàm xv. aut xx. *milliones?* AVD. Et hîc erat Lipsi, in quo vole-  
 bam te non reprehensum fortasse, sed repressum. Quid clamas  
 de Galliâ? os tibi claudit Suetonius, vel te restituente: *C. Caesar*  
*Galliæ cccc<sup>ss</sup>. Hs. in annos singulos, Tributi nomine, imposuit.* Hoc tu  
 ita ex libris veteribus: hoc & Eutropius idem dicit. Atqui *qua-*  
*dringenties* illud, quid nisi *vnus millio* est? vt videas corruere tot  
 illos à te superstructos. LIPS. Ego tamen firmiter satis struxi:  
 nec machina hæc tua deiicit, aut quatit. Nam restitui ita, fa-  
 teor, libros secutus: sed quid si in numeris aberrantes? non in-  
 solens est: & hîc, cùm inquirō & penetro, planè est factum.  
 Dic sodes tu aut alius, illa ampla, illa diues Gallia (sic enim sem-  
 per habita & laudata) non nisi *millionem* annuum in tributo de-  
 derit? O clementiam imperij Romani! ô illos benè meritos de  
 vrbe, quam ceperant; de populo, quem ad extremum armis  
 prouocarant! Non sunt ista profectò: & audeo adfirmare Sue-  
 tonium atque Eutropium scripsisse  $\infty \infty \infty \infty$ . id est, *quater*  
*millies*. Ea summa *decem* *milliones* reddit: minus inquires, quàm  
 Ægyptus: ita est, sed addo, & ratio comprobat, aucta hæc Tri-  
 buta largiter, & vel in duplum, ab Augusto esse. Nam ille cen-  
 sum per Gallias *instituit, opus nouum & inadsuetum Gallis* (vt  
 Claudius in Oratione apud Senatum loquitur) & eâ ratione  
 immensum auxit. Quod fecit idem in aliis prouinciis, & in  
 Syriâ etiam, vt ex Euangelistâ notum: itemque in Hispaniâ,  
 sed temporibus diuersis. At iam, mi Auditor, si solæ Ægy-  
 ptus & Gallia ad xxx. aut circiter *milliones* pependerunt: quid  
 totus orbis reliquus? An non Syria & Asia tantum? Africa  
 & Hispania? Græcia & Illyricum? Insulæ omnes simul? &  
 multa



multa omitto: & concipere summas vereor, sed supra \* cen- \* *vide Notum quinquaginta miliones fuisse, animo hoc sentio, & ore etiam* <sup>tas.</sup> promo.

## CAP. IIII.

*De Aerario militari, & Vigesima, Vigesimaquinta, Centesima ad id explendum.*

**O** IGITUR opes immensas cum confidero! & maximè in diligentia eam quam Strabo commemorat, cuius exemplum etiam iocosum, lubet dare. Scribit idem alibi, Gyarum se *venisse* (non insulam, sed scopulum) à pauculis piscatoribus habitatam. atque eos ipso illo tempore quo adfuit, Legatum ad Casarem misisse, deprecatum gravitatem tributi. Nam impositos sibi centum quinquaginta denarios, cum agrè centum possent pendere. Tu rides? licet: sed vides quàm nihil eos fugerit, & saxa & rupes etiam habuerint sub tributo. Nec de magnis sanè provinciis hoc Senecæ acceperim: Caium Caligulam centies Hs. absumpsisse, ut provinciarum tributum una cena fieret. Mediocrium dico aut tenuium provinciarum: nam ampliores, quanto amplius? Et finem ego hinc putabam: sed tamen alia etiam se obiciunt & occurrunt, sine fraude magnâ Aerarij non omittenda. Nam Augustus ille, qui valdè rem Romanam auxit, etiam onera, & hinc quoque pro nomine suo fuit. Nam is Aerarium militare seorsim instituit, & ad id explendum reditus novos & certos. Suetonius ita: *Quidquid* <sup>Cap. xcix.</sup> *ubique militum esset, ad certam STIPENDIORVM PRAEMIORVMQUE formulam adstrinxit: definitis, pro gradu cuiusque, & temporibus militie, & commodis missionum; ne aut ætate, aut inopiâ, sollicitari ad res novas possent. Utque perpetuò, ac sine difficultate, sumptus ad TUENDOS EOS PROSEQUENDOSQUE suppeteret, Aerarium militare cum VECTIGALIBVS NOVIS instituit.* Notandum est, duplici pecuniâ opus fuisse, ad Stipendia & ad Præmia: quod seorsim Suetonius dixit, addiditq; ad Tuendos, in militiâ scilicet, & ad Prosequendos, nempe post militiam, & à missione. Quid autem? inquires, an tot igitur illa tributa non sufficiebant alendo & ornando militi? Suffecissent omnino, nisi & alia publica onera, eaque immensa fuissent, in populo pascendo, in ludis dandis, in operibus, in magistratibus & officiis: & quæ distinctè aut ac-



curatè dicere, non sit huius loci. Vtinam Appiani liber exstaret, qui hæc omnia fuit complexus! Ita enim ipse, initio operis, ubi id diuidit & disponit: *Ultimus liber*, inquit, *habebit COPIAM MILITAREM, quam & quantam Romani habeant, tum et PROVENTVS PECVNIAS QVE, quas per singulas gentes capiunt; item quid in CLASSES impendant, & si quid erit huiusmodi.* O pulchrum, ô desiderabilem illum librum! sed periit: scire tamen Appianus illa potuit, tum quia & ipse in Republicâ fuit, tum quia moris rationes illas imperij in publico edi. Suetonius de Caligulâ: *Rationes imperij ab Augusto proponi solitas, sed à Tiberio intermissas, PVBLICAVIT.* Rationarium, siue & Breuiarium imperij, hoc idem Suetonius alibi appellat: & Tacitus explicat describitque, cum prolatum à Tiberio libellum scribit, quo OPES PVBLICAE continebantur. quantum ciuium sociorumque in armis, quot classes, regna, provincie, tributa aut vectigalia, & largitiones ac necessitates. O hunc quoque laudabilem morem! cum Princeps rationes quasi cum Republicâ ponit, & ostendit nihil sibi quæri propriè, aut infumi. Sed ab eo à meâ re, admiratione talium: & semel dicenda fuerunt. Nos igitur iterum suspenso gradu quæramus quæ perierunt, aut in obliuionis aquis latent. Dixi *Ærarium militare* institutum nouiter ab Augusto, & ad id implendû quæsitos fontes. Tres repperit; *Vicesimam, Vicesimam quintam, Centesimam.* *Vicesima* fuit *hereditarium*: de quâ in hunc finem institutâ apertè ita Dio, in actis anni DCCLIX. Postquam multæ pecuniariæ rationes propositæ, & sprete fuissent, ad *Ærarium militare*: placuit tandem seditque, ut *Vicesima* esset *hereditarium* & *legatorum*, quæ cuique obuenissent testamento: exceptis tamen aut sanguine valdè iunctis, aut admodum pauperibus, quos hoc onere liberarunt. Duo venisse in hanc *vicesimam* vides, *Hereditates* & *Legata*: Deus bone, quanta & quàm crebra ea, vel in Româ tantum? Quot illuc diuitiæ, & quoties, per captaturas & aucupia, ad externos translata? Soluebât igitur sæpè *Vicesimam*: & nemo ambigat fuisse incredibile *Vectigal*. Excipiuntur tamen hîc *Proximi*, vel *Pauperes*: & Nerua ac Traianus etiam, postea mitigarunt, quod in Plinij Panegyrico diffusè est videre. Atque ut vnum fatear, hoc *Tributi* genus imitabile videatur, nec graue etiam pendentibus: cum lætitia magni & inopinati sæpè prouentus obruat vel minuat sensum



sensum inferendi. Sed fons alter, *Vicesimaquinta mancipiorum*. de quâ Tacitus: *Vestigal Quinta & vicesima venalium mancipiorum* (à Nerone) remissum: specie magis, quàm vi; quia cum venditor pendere cogeretur, in pretium emptoribus accrescebat. Id autem Aerario militari accessisse, Dio item scribit, anno post *Vicesimam* institutam. Cum etiam pecuniâ, inquit, opus esset, & maximè ad *Vigilum* cohortes iam institutas, Augustus *vestigal Quinquagesima*, in venditione mancipiorum, induxit. Dico *Quinquagesima*: & sic in Græco est, τὸ πέντῃ & πεντηκοστῇ: an non tamen πεντηκοστῇ rescribendum, leui mutatione, id est *Vigesimaquinta*, pro verbis claris Taciti, sit considerandum. Magis est, vt putem sic fuisse, & Romano scriptori accredam. Quanti hoc vestigal fuerit, is agnoscer, qui crebra mancipia in Romano orbe, crebram mutationem, & maxima deinde eorum pretia cogitabit. De crebritate, alibi dicemus: de pretiis, quis nescit *Daphnidē* vānisse (in Plinio) *trecentis millibus & septingentis sestertijs*? id est, *septem millibus quingentis septemdecim Philippæis* cum dimidio: grande pretium in vno fluxu & mortali homine, & quem solus *Grammatici* titulus commendabat. Ab eâdem classe & arte *Lælius Præconinus* (in Suetonio) emptus *ducentis millibus nummum*: quæ sunt *quinque Philippæorum millia*. Iam Caluissius ille *Sabinus* (in Senecâ) *plures anagnostas habuit, & singulos centum millibus emptos*. Quot aurei igitur prodeunt è talibus singulis? quot ex millenis aliquot, qui, cottidie dixerim, vāniebant? Et Iurisconsulti quidem pretia seruorum definiunt: in communi aliquo *viginti aureos*, in artifice, medico, notario, eunucho, *triginta, quinquaginta, sexaginta*: & quanquam Romani aurei sunt (id est duplices nostri) tamen modica illa æstimatio, nec in venditione locum habet, quæ nimis sæpe excessit. Alio fine à Iurisconsultis ea sunt scripta: & fortasse ad *Portoria* aliquis etiam trahet. Sed tertius fons, *Centesima*, quæ rerum venalium fuit: de quâ Tacitus, in Tiberij rebus. *Centesimam rerum venalium deprecante populo, edixit Aerarium militare eo subsidio niti*. Si omnium autem venalium, quæ & quàm infinita summa fuit? Si in auctione tantum, minor, sed & sic grandis. Suetonius quidem sic restringere videtur, qui in Caligulâ *Centesimam auctionum* appellat, & remissam *Italiae* ab eo Principe notat. Finiui de Aerario militari: quod propriè quidem ad ipsum

Lib. xiii.  
Annal.

Lib. vii.



ipsum facit. Aliàs non nescio, & pœnas siue mulctas legum, item damnatorum confiscationes sæpe in hoc ærarium relatas. de quibus Plinius in Panegyrico: *Locupletabant & fiscum & ærarium, non tam Voconia & Iulia leges* (Papias intellegit, de maritando) *quàm Maiestatis, singulare & vnicum crimen eorum, qui crimine vacarent*. Et magna quidem hæc ratio fuit: sed illa Maiestatis rarò, nisi à deterioribus, vsurpata. Tetigisse hæc satis sit: nos nunc ad alia imus.

## CAPVT V.

*De Metallis, & argenti, auri, aliarumque rerum fodinis.*

**A**VD. An & aliud igitur restat? LIPS. Aliud, aliaque potius, vt dixi. AVD. Hem, quousque accumulabimus? & vide ne patientiam omnem illis excutias tot onera ferendi: imò & mihi pænè fidem. LIPS. Confide, benè & firmiter imponam, & testimoniorum suis vinculis ligabo. In istâ re pecuniariâ, an ipsam eius materiem, id est *Metalla* omittam? nefas. magni ex iis reditus, & in variis locis: & reditus quidem innoxij, iusti, & sine onere subditorum. Terra, benigna illa mater, hæc quoque nobis donat. Cassiodorus pulchrè: *Metallarij sine furto diuitias rapiunt, optatis thesauris sine inuidiâ perfruuntur, & soli sunt hominum, qui absque vllâ nundinatione, pretia videantur acquirere*. Iterumque mox addit: *Aurum per bella quærere, nefas est; per maria, periculum; per falsitates, opprobrium; in suâ verò naturâ, iustitia*. Nescio tamen, ô bone Cassiodore, nescio de *Iustitiâ*: & an non Sæuitia aliqua admixta? certè, vt illi tunc quærebant. Nam multa millia hominum huc adigebant, quosdam mercede conductos, plerosque damnatos ad metalla: quos in subterraneo illo carcere, fames, labor, vapor, & ruina sæpe etiam necabat. Ipse Cassiodorus non dissimulat: *Intrant homines caligines profundas, viuunt sine superis, exsulant à sole: & dum sub terris compendia quærunt, nonnumquam lucis gaudia derelinquunt*. Ægyptiorum hoc inuentum fuit. quorum reges (ait Diodorus) omnes criminis damnatos, item ex hostibus captos, siue quis regem offendisset, ipsum & totam cognationem interdum, auro effodiendo deputabant: simul & facinorum pœnam suuentes, simul & quæstum vberem ex eorum labore capientes.



*pientes. Atque hi tali interdum numero, vt Polybius ad Carthaginem Nouam, fodinis in Hispaniâ, non minus XL millia hominum scribat assiduè in opere versari. Plinius etiam notat, Censoriam legem fuisse letimulorum aurifodinae in agro Vercellensi, quâ cauebatur, ne plus quinque millia hominum in opere Publicani haberent. Nec id credito miseratione aut curâ pereuntium factum: sed cautione, & dispensatione operis, vt ne in vnâ conductione Publicani totum aurum exhaurirent. Itaque lex in elocatione dicta fuit, de numero operarum. Strabonis locus est, qui abdicare à Rep. aut Principe Argenti omnes fodinas videtur, relinquere tantum Auri. Verba: Εσι δὲ καὶ νῦν τὰ ἀργυρεῖα, & μέντοι δημόσια, οὔτε δὲ ἐν ταῖς πόλεσιν, οὔτε ἐν τοῖς ἄλλοις τόποις, ἀλλ' εἰς ἰδιωτικὰς μετασθέντων ἐντίσεις. τὰ δὲ χρυσεῖα δημοσιεύεται τὰ πλεῖον: Sunt autem & nunc Argentaria in Hispaniis, non tamen publica, neque ILLIC neque in ALIIS LOCIS, sed ad priuatas redempturas sunt redacta. Auraria autem pleraque publicè exercentur. Ambigua mihi hîc sententia est, velîne venditas Argentarias priuatis, certâ pensione aut illatione; an dumtaxat elocatas, vt olim solet. At in Aurariis aliter, quas ob lucri magnitudinem ipsi Principes exercent. Ex hac quoque metallariâ parte igitur, magnum vberemque factum quæstum, & nostra ætas doceat: maximè cum pulcherrimas fœcundissimasque Fodinas variè haberent, vt in Hispaniis, Gallis, Norico, Salassis, Illyrico, Pannoniâ, Thraciâ, Macedoniâ, Proconneso: quarum singulatim testimonia dare possim, sed fidei meæ nunc hoc credes. Habuit & Italia, putatque Plinius aliam nullam fœcundio rem metallorum quoque tellurem esse: sed interdicto Patrum cautum, vt ei, velut parenti, parceretur. Præter hæc, fuerunt & Cretaria, & Picaria, & Salinaria, Æraria, Ferraria: & nullum genus quæstus è terrâ omissum.*

Lib. xxxij.  
cap. iiii.

Lib. iiii.

## CAPVT VI.

*De Vrinario vectigali & Chrysargyro, item de Meretricio.*

**I**AM & alia video. AVD. Bonâ veniâ Lipsi, etsi auidè audio, tamen tædere incipit tot illationum. Quid faciemus his opibus, & quin potius erogamus? LIPS. Alia, alia: & ab Augusto & priscis ad nouiores, atque adeò auidiores, veniamus. Exordium à Vespasiano (nam Caligulam consultò omitto, qui multa & infana



insana instituit, sed mortua cum ipso) à Vespasiano, dico: qui, vt communiter de illo Suetonius, *AVXIT tributa prouinciis, nonnullis & DVPLICAVIT*. In paucis verbis quanta accessio rerum, attritio subditorum? Et quidni ille solita auget, vel duplicaret, qui instituit & excogitauit etiam pudenda? Nam *Vrinae vectigal commentus* est, quod idem scriptor tradidit: & notus, cum filio pecuniam ad nares adinouisset, in eâ re eius iocus. Origo huic Vectigali & caussa, quod in publico amphoræ aut dolia stabant ad Vrinam reddendam: quam Fullones, opinor, vertebant deinde in suum vsum. Tunc rides? *AVD. Largiter. & vah Vespasiane, non alia tua sagacitas in excogitando?* *LIPS.* Sed Principes etiam secuti tenuerunt, siue auxerunt: & videtur hoc fuisse triste illud *Chrysargyrum*, historiis decantatum. Georgius Cedrenus quidem eò trahit apertè. *Chrysargyri pensio fuit, inquit, talis, vt quisque mendicus aut pauper, meretrix siue iam emerita, omnis seruus itemque libertus, inferrent in ararium pro VRINA & STERCORE, iumentorum etiam & canum: siue in agris, siue in opidis habitarent. Et homines quidem vtriusvis sexus, Nomisma argenteum; equus, mulus, bos tantumdem; asinus & canis, folles sex Cum Cedreno Constantinus Manasses facit: Chrysargyrum sustulit Anastasius Imperator. quod erat, vt omnes Viri, feminae, pueri, serui, liberi, nummum argenteum, nomine STERCORIS ET VRINAE fisco darent. Idem muli, equi, boues. Proh sancta fides! quanta pecunia fuisse debuit, ex omni genere panè viuentium? & quæ vnquam Capitatio accessit? Miror, & simul indignor, hæc tam fœda & tristia à Constantino nostro Magno instituta: si tamen ille. Nam Zosimus asserit, & eum culpat: \* Euagrius ex professo negat, & hunc vt hostem optimi Principis inuadit. Sanè videtur à Vespasiano exemplum, quicumque auxit & produxit. *AVD. Phui, phui hæc talia! & odor mihi nares spurcat. LIPS.* Quid tu auertisti? viri proceres & reip. primi hoc munus colligendi ambibant, non aliter (*Euagrii verba*) *quàm militarem aliquam Præfecturam, aut Ciuilem magistratum. O indignitas! sed Princeps dignitatem addebat, qui & in Sacrum ararium hanc pecuniam recipiebat. Idem ille Euagrius notat: nec miremur Iuuenalem iam olim scripsisse, de iis quos fortuna amaret:**

*Conducunt foricas. & cur non omnia: cum sint*

*Quales*

\* Vide lib.  
111. Eccl.  
Hist. cap.  
XIX.



*Quales ex humili magna ad fastigia rerum*

*Extollit, quoties voluit Fortuna iocari.*

Atque isti pudendarum sordium lucrique exercitores aut conductores sunt, quos *Foricarios* Iurisperiti appellant. AVD. Mihi ridere hinc lubet res humanas. LIPS. Quid ita? AVD. Nam qui pulchriores ludi sunt, quam vel institui tributum in hæc talia: vel collectores eis honestissimos admouere? An istud non est illudere & insultare, non dicam dignitati, sed libertati? LIPS. Tibi sic videtur, & nobis hodie: & tamen, ut nunc quoque mores aut cupidines, aliquis seueriorum fortasse fuisset inter illos *Foricæ* candidatos. Sed aliquid occurrit. quid? turpe & pudendum item, & dignum suo auctore. *Caligula ex capturis Prostitutarum vectigal instituit, quantum quæque vno concubitu mereret.* Ita Suetonius: sed quod credo cum illo periisse: etsi postea quoque sub *Heliogabalo Lenonum vectigal, & meretricum, & exoletorum fuit.* Ista fœda, & Romano nomine indigna: nec sustulit tamen optimus Imp. Alexander Seuerus, sed dumtaxat in *Sacrum ærarium vetuit inferri, & ad instauracionem Theatri, Amphitheatri, Circi deputari.* Ex quo verè dixeris, magnum & hoc *Vectigal* fuisse, cum ad tantorum operum restitutionem conferret. Sed mittamus, & finiamus. Nam ad posteros Imperatores & Græcanicos, non lubet ire: etsi multa & ij inuenerunt, aut collegerunt, & quidam eorum diuitias mirandas.

Lamprid.

## CAP. VII.

*De opibus Byzantini imperij: & clausula ac finis Tributorum.*

AVD. Etiamne Græcanici? quæ verò id potest, imperio iam tenui, diuiso, & sic minuto? LIPS. Potest: nec in rationes aut vias omnes pecuniæ lubet inquirere, ipsam tibi dabo. *Basilus Imp. (vixit sub annum Christianum octingentesimum) à Zonarâ scribitur, implese totum Aerarium, & ipsos aditus viasque, pecuniis confertim stipatis. Habuit, inquit, in thesauris DVCENTA MILLIA talentum auri. Nam alterius pecuniæ NEC NUMERVS iniri poterat, adeò ut terræ eam infoderet, ærariis aut repositoriis vbique repletis. Quin & ARCVLAS habuit lapillis gemmisque pretiosis plenas, cum aliis, tum illis quæ candent,*

H 2

& quas



& quas *Margaretas* propriè appellamus. In quibus verbis *ducenta*  
*illa millia talentum auri*, quid reddunt? ipsos mille & ducentos mil-  
 liones. Vbi nunc argentum illud infinitum & innumerum? ego  
 non arbitror infra, imò supra, aurum fuisse. Vbi gemmæ & la-  
 pilli in arculis? itidem æquasse. O mira, ô reiicienda, nisi è dictis  
 & dicendis fidem caperent, & mutuò sibi attestarentur! Enim-  
 uerò hoc grande in Græcanicis, Iudæus etiam scriptor longè  
 pòst, affirmat: cuius *Itinerarium*, *Beniamini* nomine, *Arias*  
*Montanus* edidit, vir plurifariam doctus, & nobis peramicus.  
 Is ante annos circiter CCCC Europam, atque alia, peragrauit, &  
 scribit se Constantinopolim quoque venisse. In eà vrbe, inquit,  
 vidi res atque OPES INENARRABILES. Deferuntur enim in Princi-  
 pis palatium quotannis Tributa, quibus TURRES implentur coccineâ  
 purpureâque veste, & auro: ita vt NULLVBI TERRARVM par con-  
 gesta pecuniæ exemplum reperiri possit. Affirmatur etiam ipsius SO-  
 LIVS VRBIS Vectigal, ex Foris vanalium, & Portu ac mercatorum  
 pensionibus collectum, ad VIGINTI MILLIA AVREORVM IN SIN-  
 GVLOS DIES accedere. Quid tu facis? quò abis? AVD. Fugio.  
 LIPS. Sanè bellus comisque es: postquam benè te sermone sa-  
 turavi & excepi, abis, nec vel salutas. AVD. Salus te amet Lipsi,  
 sed magis Veritas. Ego vt hæc tam vana, tam monstrosa, stans  
 patiensque audiam? Fugio. nam in os tibi resistere aut refelle-  
 re, pudor me arcet. LIPS. Exsoluo te hoc vinculo, fac si potes.  
 AVD. Nam satis attendisti Lipsi (vt *Turres auri*, & *Gemmarum*  
*arculas* omitam:) vnâ urbem, in vnumquemque diem, dare  
 vicena millia? LIPS. Attendi. AVD. Aureorum etiam? LIPS. Aureo-  
 rum, & fortasse veterum, qui duplices fuere ad hos nostros.  
 AVD. Proh Deus, vbi terrarum sum? & tu etiam auges? LIPS. Es  
 hîc in meo solo. Sed age, gratiam augmenti fecero: sint men-  
 strua sexcenta millia aureorum nostrorum, sint annui septem mil-  
 liones, & pænè quadrans. Quid hoc te percutit? maiora diximus.  
 AVD. Sed non in vnâ vrbe. Prouinciarum, & quidem gran-  
 dium, hoc tributum sit: atque hodie, regnorum. LIPS. Non ab-  
 nuo. sed nempe Byzantium, id est *Noua Roma* hoc dedit: & tunc  
 quidem in suo flore. quid autem censeres (vt obiter addam) illam  
 veterem olim dedisse? Sed ego sanè hoc non nimis miror illud  
 magis, quæ opes esse potuerint, in tam exiguis tunc finibus, ad  
 pompam



pompam & apparatus illum Principalem. Lege Curopalatem, si vis, *De officiis aula Constantinopolitana*, & adiunge Græcos alios: videbis Persas, & Medos omnes, vinci ab his Byzantinis. At ego tamen assensum tibi non impero: auctores meos deditu aut alius, huc aut aliò ite. AVD. Sed vnum etiam, Lipsi, quærere liceat. Cùm sic vrges tanta eos olim dedisse: quâ potuerunt miseri, & fuerunt oneri ferundo? Nam nos sanè hodie non possumus. LIPS. Non possumus? dico ego nos facere. AVD. Nugaris, vt liberè loquar. nam vbi hodie Principum etiam magnorum istæ opes, aut ætarij vbertas? LIPS. Non est, fateor: & causæ aliæ etiam sunt, sed & illa quam, pro meâ nunc mente, dicam. Non vni Regi aut Principi, quisque in suâ prouinciâ, damus, vt olim: sed variè magis & diuisim, ita vt summa magna ad vnum non redeat, magna tamen contribuantur. Quomodo? in exemplo nostro vide. Conferimus hodie Principi quædam, post eum, Ordinibus, post hos, Magistratibus opidanis, post istos, Toparchis municipiorum aut pagorum. Denique Ecclesiæ etiam & Ecclesiastici, quàm multa à nobis habent? & iustissimè quidem, atque ex lege diuinâ, sed tamen habent. Hæc igitur omnia si conferas, & in aceruum iungas: affirmo tibi nos paria, aut plurâ dare. Quid, quòd concussionem & raptus militares omitto? quæ maxima ratio est, & misera nostra Belgica satis sentit. Negabis in vnâ cænam militarem, rusticum aliquem plus imputasse, quàm in annuum tributum? Atque hæc non semel eueniunt, ô quando tollenda? quando securitas & pax erit, aut saltem disciplina militibus? quando œconomia & ordo in acceptis expensisque? Ista sint; fortiter & audacter dicam. tondeant accidantque nostri Principes, renascemur

## CAP. VIII.

*Pecunia è Triumphis, & aliquot eorum inspecti, æstimati que.*

**A**T satis in totâ re *Tributariâ* iam dixi: alia via se ostendit & aperit (quoniam de militibus tetigi) *Militaris*. Quæ ea est? lata, trita, & per quam cumuli atque acerui pecuniarum inuecti. Pecuniarum? imò vasorum, coronarum, vestium, gem-

H 3

marum,



marum, & quidquid dici appetendum, aut aestimandum potest. Ne teneam te, intellego *Opes* quæ è Prædâ & manubiis, per *Triumphos* inferebantur. Quot autem isti fuerunt? quàm multi, supramodum & fidem, vberes diuitesque? *Liuius* distinctè ple-rosque eorum recenset, & describit: mihi quid opus est? satis sit, opinor, tangere, & specimen eorum aliquod, per ætates, dare. Fuere igitur *Triumph*i à *Romulo*, vsque ad extrema *Augusti*, circiter trecenti duodecim: & ex his primi nō nimis vberes, tamen modici, & magis magisque creuerunt. Vt ecce sub *Regibus* *L. Tarquinij Superbi* triumphū reperio, qui victā *Sueßâ Pometiâ* & captā tantum prædæ rettulit, (notante *Dionysio*) vt sacrata diis decima explerent quādringentorum talentorum numerum. Ergo fuit in cumulo, quater mille talentum: id est, vices quater cetera millia *Philippicorum*. Magnæ sanè ab vno bello & victoriâ, si consideras, opes. Post eiectiones deinde *Reges*, insignis *L. Papirij Cursoris*, de *Samnitibus*, habetur ab ipso *Liui*o: qui sic describit. *Triumphauit in magistratu, IN SIGNI, vt ILLORVM TEMPORVM habitus erat, triumpho. Nobiles aliquot captiui, clari suis patrumque factis ducti. Aeris grauis magna vis transuecta, vices centum millia, & quingenta triginta tria millia. Id æs redactum ex CAPTIVIS dicebatur. Argenti quod captum ex VRBIBVS erat, pondo mille trecenta triginta. Omne æs argentumque in ærarium reconditam, militibus nihil datum ex prædâ est. Verba pluscula dedi, vt videas vnde etiam ea præda manubiæque parari solent: & ferè è Captiuis, quos ingenti numero sub coronâ venumdabant, aut è Spoliis opidorum publicis priuatisque. Summa autem illa Aeris efficit, viginti quinque millia trecentos triginta *Philippæos*: Argenti, tredecim mille trecentos. Ac tales ferè, aut minores, omnes illi vsque ad *Tarentinū*, triumph*i*: qui incidit in annum *Vrbis* CCCCLXXIIX. De quo ita *Florus*: Nec enim VLLVS PVLCHRIOR aut speciosior in urbem triumphus intrauit. cū ANTE HVNC DIEM nil nisi pecora *Volscorum*, greges *Sabinorum*, carpenta *Gallorum*, fracta *Samnitium* arma vidisset. Tum, si pompas aspiceres, aurum, purpura, signa, tabule, *Tarentinæque* delitiæ. Et valdè ipse quidem aut nimis (vt est ille scriptor affectuum aut excessuum) nimis, inquam, veteres illos abiicit: & hunc tamen non immeritò attollit. In eâ vrbe & parte *Italiæ*, gustauit *Romanus* Græcanicas delicias & diuitias,*

Lib. x.

Lib. i. cap.  
xviii.



diuitias, quas affatim postea hausit. Sed nota in iisdem Flori, *purpurâ, signa, tabulas* illata: quod verum fuit, & deinceps etiam solenne. Atque adeo (digna obseruatu res) quidquid notabile aut optabile orbis, aut in eo vrbs aliqua haberet, per hanc viam portamque Triumphalem id Romam ferè inuectum: etsi quædam etiam extra bellum, vi aut persuasione magistratuum. Iam verò, postquam copię & arma extra Italiam missa, in grandes illas, & priscis opibus, aut victoriis quoque, inclytas regiones: quid auri, argenti, spoliolum non relatum? P. Scipio ecce ex Hispaniâ (in Liui) *argenti præ se in ararium tulit* XIII. millia Lib. xxviii. *pondo, trecenta, quadraginta duo: & signati argenti magnum numerum.* Ea pondo faciunt, *centum quadraginta tria millia, quadringentos, viginti Philippæos.* Etsi ille tamen Triumphus non fuit (nam sine magistratu eas res gesserat Scipio) sed pecunia dumtaxat Triumphalis. Idem iterum, victâ Carthagine (pariter in Liui) *intulit in ararium argenti pondo centum millia triginta tria.* Si Lib. xxi. ita accipis, vt sint *triginta tria millia* etiâ, voce *τριάκοντα* repetitâ (vt equidem opinor) tum erunt nobis *ter decies centena triginta millia* Philippum. At alter Scipio, victâ & dirutâ eadem Carthagine, rettulit (vt Plinius adnotauit) *quater milles CCCC. LXX. M.* Lib. xxxii. cap. xi. *pondo.* & addit: *Hoc argenti tota Carthago habuit, illa terrarum imperij amula, quod NVNC IN MENSARVM est apparatus.* Qui numeri tamen parum fortasse probi sunt: & si tot illa millia legas, quâ potest verum esse, mensæ alicuius priuatæ ministerium tanti fuisse? Quin exiguas opes Plinius indicare voluit, scripsitque meâ sententiâ: *quattuor millia, quadringenta, septuaginta pondo.* Ea efficiunt *quadraginta quattuor millia* Philippicum, & *septingentos.* Neque miremur minùs quàm antea relatum, quia pleraque vrbs, dum capitur, incensa & diruta fuit. Ita opes perditæ, aut ruinis oppressæ. Quod autem inibi etiam sequitur, in pari mendâ videtur: *Postea victâ Numantiâ, idem Africanus in triumpho militibus XVII. millia pondo dedit.* O viros illo Imperatore dignos, quibus hoc satis fuit! Nam quomodo laudet vel parcimoniam Scipionis, vel modestiam militum, si maior summa diuisa, quàm tota Carthago habuit? Et essent ea pondo, *centum septuaginta millia* Philippæorum: quæ redderent in *viginti millia* militum (vt ponamus tot fuisse) circiter octo Philippicos cum dimidio



*dimidio viri tim.* Nimis magna hac largitio in illo auro restricto sit: nec sanè pro Plinij mente. Sint *septem millia pondo*: & plus satis erit. Sed quid facio? per Triumphos omnes ibo? finis non sit: & Liuius distinctè ac descriptè in plerisque temporum horum fecit. Lustra si voles: iuuabit videre, & magis, si quis in summam & aceruum colligat triumphales omnes opes. Fac vel in Asiâ solâ, vel magis Hispaniâ: nō admiratio solùm in ani-

\* In alterâ  
parte AD  
MIRAN-  
DORVM.

mo tuo gignetur, sed stupor. Fortasse ego \* alibi: nunc, vt institui, per ætates aut secula quosdam tangam. Vt hunc L. Æmiliij de Macedonibus: *qui (vt Velleij verba dem) tantum PRIORES EXCESSIT, vel magnitudine regis Persei, vel specie simulacrorum, vel modo pecuniæ, vt bis millies Hs. arario contulerit, & OMNIUM ANTEACTORVM comparisonem amplitudine vicerit.* Simulacra ibi fuisse super ceteros vult: & quid mirum? cùm prisci illi Macedones, quidquid hoc elegantiarum esset, ex Graciâ totâ & Asiâ iam diu collegissent? Pecuniæ etiam modum producit ad *bis millies*: id est, *quingages centena millia Philippum.* AVD. Magna summa est, & ex vno triumpho: sed quod fugere te non puto Lipsi (si fugit, suggero) Liuius eam atterit, & ad *millies* reducit.

Lib. XLV.

Ita enim legitur: *Summam omnem captiui auri argentiq̃ue translati, Hs. millies ducenties fuisse Valerius Antias tradit.* Magis etiam Plinio minuitur, in quo ista: *Intulit & Æmilius Paullus, Perseo rege deuicto, prædam pondo trium millium, à quo tempore populus Romanus tributum pendere desit.* LIPS. Hæc reiicimus, & Critico naso damnamus. Meritissimò. tu putas Valerium illum Antiatem,

Lib. XXXIIJ.  
cap. III.

qui omnia augere solet, & supra verum sæpe euehere (in Liuius non semel notatur) hinc ita parcum & oris modicum fuisse? Non arbitror, & minimum *bis millies ducenties* scripsisse: etsi ipse Liuius addat, *maiores etiam summam, ex numero plaustrorum, ponderibusq̃ue auri & argenti generatim ab ipso scriptis, effici.* Quod ad Plinium: is verò numerus rideri magis, quàm carpi meretur. Et itane *tria millia pondo auri* (vt ponamus vel id solùm fuisse) nec amplius, Macedonia dederit? Hoc erat, cur populus Romanus Tributo liberaretur? cur iste, super omnes priores triumphos, censeretur? Atqui *tria millia pondo auri*, faciunt *trecenta millia* sola aureorum. Quin tu, me arbitro, cum libris quibusdam priscis lege, è *Macedonicâ prædâ sestertium ter millies.* Est veritas.

nec



nec mouet, quòd minus in Velleio sit: fortasse & ille augendus: in Suidâ quidem lego, *reperta in thesauris Regis Persei, in auro argentoque, sex millia talentum*: id est, *triciessexies centena millia Philippum*. Quod si in solis thesauris & ærario peculiari Regis, quid in reliquâ prædâ publicâ opidorum, aut priuatâ hominum fuit? At verò Cornelius Sulla, etsi splendido triumpho, minus intulit: scriptumque in Plinio, *transtulisse auri pondo \* xv. millia, argenti pondo \* centum quindecim millia*: si tamen & hîc numeri incorrupti. Excessit omnes deinde Cn. Pompeius, in illo quem de rege Mithridate & Oriente duxit. Velleius de eodem: *Magnificentissimum de tot regibus, per biduum, egit triumphum: longèque MAIOREM OMNI ante se illatâ pecuniâ, præterquam à Paulo, ex manubiis intulit*. Quid tamen istud, vicisse omnes, præter Paullum, in modo pecuniæ? Ille verò & Paullum vicit: si verè Plutarchus, *viginti millia talentum in ararium intulisse*. Nam ea sint, *centies vices centena millia Philippum*. Et verè Plutarchus: & in Velleio emendandum, *præterquam Capitolio*: vt mox dicam. Vicit ergo Paullum: non tamen iterum sine nodo, quem ipse Plutarchus ligat & nobis iniicit, dum in Catone minore scribit: *Gloriatum eum, quòd tantum argenti ex Cypro, cum nec vnum militem haberet, reip. contulisset, quantum nec Pompeius è tot bellis, & concusso orbe terrarum, rettulisset*. At enim Cato rettulit, non nisi *septem talentorum millia*, in eodem Plutarcho: quid ergo dicemus? Illud in Catonis illatione, minutum & corruptum esse, ad *viginti septem millia* aut circiter reformandum. Enimuerò deprædicatæ illæ Cypriæ gazæ haud maxime sint, nec sic per inuidiam quærendæ, si non *ultra septem talentorum millia* productæ. Sed de Pompeij quidem grandibus manubiis quis dubitet, cum & in solos milites largitum, donatiui triumphalis nomine, \* *xvi. millia talentum* Appianus scribat? Magna hæc omnia sunt, & verè illo *Magno* digna: sed hunc hîc quoque C. Cæsar, vt i acie, vicit & superauit. Appianus ait *quater eum triumphasse* (nam quintum differt:) & *intulisse sexagintaquinque millia talentorum*. Scis tu quid hoc efficiat? *triginta nouem nobis milliones*: plus triplo eius, quod Pompeius intulisset. Tu me respicis, & vultu arguis: quid est? A V D. Ex fide Latini scriptoris, hæc non sic esse: tu Græco magis accedis? Nam Velleius de omnibus Cæsaris

Lib. xxxij.  
\* 150000.  
aut tot.  
\* 115000.  
Phil.

In Pom.  
peio.

\* 600000.  
Phil.



triumphis, id est quinto illo Hispaniensi etiam addito: *Pecuniam ex manubijs latam, paullo amplius sexies millies Hs.* disertè scribit: qui sunt dumtaxat *milliones quindecim*. Et sanè, meo animo sufficiunt. LIPS. Credo equidem tuo animo, & arcæ etiam tuæ, si quis inferat: sed non sufficiunt, pro magnitudine tunc vel Romanâ, vel Iulianâ. Imò tu rescribe meo animo, *deciessexies millies*: conuenientissimè ad Appianum. Nam ista sint *quadraginta milliones*: atque aliquid scilicet accesserit ex prædâ Hispaniensi. Ex paucis his vides, immensas opes in Ærario cumulas è Triumphis: quos non omnes, imò nec decimam partem dedi. Ergone Plinij libris fides aut puritas sit, dum scribitur C. Cæsar iste, initio ciuilis belli, Ærarium compilasse, & protulisse ex eo laterum aureorum XVI. millia, & in numerato pondo trecenta? Profectò non sit: & perexigua ista, & quasi furfures aut folia, pro totâ illâ massâ, & tam vetustâ, auri argentiq̃ue. In veteribus legitur: *Laterum aureorum xv. argenteorum xxxv. millia, & in numerato Hs. quadringenties*. Sed nec ea summa pro tot triumphis: etiam si in laterculo quoque decem pondo imputes, quod Budæus fecit. Sed diuinare tamen omitto, cum fulcrum non est cui innitar. Lucanum, si vis, lege furtum hoc Iulianum valdè exaggerantem.

## CAPVT IX.

*De Auro Coronario, & Coronis dictum.*

**T**RIVMPHALIA habes: mentior. largiter etiam restat. Quid illud? *Aurum Coronarium*, quod specie triumphorum vel oblatum fuit, vel exactum. Origo eius, vt socij & amici, victori Imperatori *Coronas aureas* offerrent, quasi gratulantes, & meritum ei caput cingentes. Itaque primò quidem *Coronæ* ipsæ datæ, aut missæ: postea inualuit, vt pro iis Pecunia offerretur. Hæc accepta à Sociis, aut Subditis: & sicut manubias ab hostibus legebant, sic spolia ista occulta ab amicis. Mos planè vetus, & à Græcis, nisi erro, ad Romanos imitatione translatus. Apud Athenæum quidem Chares, in rebus Alexandri magni, ait, post victum Darium, missas CORONAS partim à Legatis gentium, alijsq̃ue, æstimatas decem millibus ac quingentis talentis. Atque alibi talia



talia legas. Iam apud Romanos, crebrum, vt in Liuius, cū Cn.  
 Manlius Gallogræcos vicisset, eoq̃ue terrore Asiam liberasset; Lib. xxxviii  
*missæ vndique legationes non gratulatum modò venerunt, sed CORO-*  
*NAS etiam AVREAS, pro suis quæque facultatibus, attulerunt.* Itaque  
 idem Manlius in triumpho tulit (apud eundem Liuium) *coro-* Lib. xxxix.  
*nas aureas ducentas duodecim, pondo: id est, vt singulæ fuerint li-*  
*brales.* In triumpho, inquam: & ita obtinuerat, vt eæ coronæ  
 ante ipsum victorem latæ, populo ostenderentur. De eo Festus:  
*Triumphales coronæ sunt, quæ Imperatori victori aureæ PRÆFERVN-*  
*TVR, quæ antiquis temporibus propter paupertatem laureæ fuerunt.*  
 Iamantè etiam in Quinctij Flaminini triumpho Liuius: *Coro-* Lib. xxxiii  
*ne aureæ, DONA ciuitatum, translatæ centum quattuordecim.* Item-  
 que in Scipionis Asiatici, numerat aureas coronas ducentas trigin-  
 taquattuor. At verò Appianus in Cæsaris, bis mille octingentas vi-  
 gintiduas, easque pondo viginti millium quadringentorum quattuor-  
 decim: ita vt decem pondo, aut circiter, plerasque necessum sit  
 fuisse. Neque equidem pro magno aut vero habeo, quòd  
 Plinius quasi inter raræ magnificentiae exempla scripsit: *Clau-* Lib. xxxij.  
*dus cū de Britannia triumpharet, inter Coronas aureas, vnam VII.* cap. 111.  
*pondo habuit, quam contulisset Hispania citerior, alteram IX. quam*  
*Gallia comata, sicut titulus indicauit.* Minuta, minuta hæc sunt;  
 nec vel Claudio, vel tam ditibus prouinciis, ad ostentandum,  
 digna. Vt minimum, fuit DCC. pondo, iterumque DCCC. vel  
 potius ∞. Etsi non ad vsum tales, sed pompam modò fuisse  
 sciamus. Ideoque & de his Tertullianus capiendus, libello de  
 Coronâ: *Sunt & prouinciales aureæ, imaginum iam, non virorum,*  
*capita MAIORA quærentes.* Benè *Prouinciales*, quia ab iis datæ.  
 Nec coronæ solū ipsæ, sed aurum ac pecunia ad coronas: at-  
 que id propriè *Aurum coronarium*, de quo & titulus est in Codice  
 Iustiniano. Seruius ad hoc Virgilij: *Dona recognoscit populorum,*  
*notat: Aurum coronarium dicit, quod hodie à victis gentibus datur.*  
*Imponebant autem hoc Imperatores propter concessam vitam.* Non  
 rectè omnino, nec ab ipsis iam victis ob vitam datum, sed à so-  
 ciis amicisque, vt dixi. datum tamen in pecuniâ, titulo corona-  
 rio. Vt apud Polybium (in Fragmentis) *οἱ γεραιοὶ ἐσεφάρισαν τὸν ἀν-*  
*τίοχον τὸν βασιλέα πεντακοσίους ἀργυρίαις ἐλάαντοισι:* *Geræi coronarunt Antio-*  
*chum regem quingentis argenti talentis.* Vt apud Liuium *populus*  
I 2
quidam



quidam Asiæ, Manlio ingredienti fines vt cohiberet à populatione militem, in coronam auream xv. talenta offerunt. Et hoc prætextu rapinas extorsionesque vsurpatas, quis non colliget? Cicero Pisoni obiicit: Mitto aurum coronarium, quod lex & decerni & accipi vetat, nisi Imperatoribus ex provinciâ decedentibus, ad decorandum triumphum. Sed istas leges spernebant. & Dio Cassius quosdam notat, cum res leuiculas gessissent, triumphum sibi, vel à Cæsare vel ab

Lib. XLIX. Antonio, impetrasse: καὶ ὅτι τῇ ἀποφάσει ταύτῃ, inquit, χρυσίον πολὺ ὡς τῶν δόλων ἐς τοὺς σέφαλους ἐδέξατο: & isto hoc prætextu, multum auri à populis, quasi ad coronas, colligebant. Imò verò & ab ipsis Italis,

Lib. XLII. qui tamen immunes talium videbantur esse. Cæsar quidem ita fecit. de quo idem Dio, cum ex Asiâ, victo Pharnace, rediisset: Ibi quoque (Romæ) magnâ pecuniâ coactâ, quam partim titulo DONI, vt erant CORONAE, statuae, & talia, collegit; partim mutui nomine accepit. Decretis enim coronis statuisque, pecuniam ipsam dari sibi curabant. Ideò miretur fortasse aliquis, ipsum illum Græ-

Lib. XLVIII. cum postea scribere, de L. Antonio M. fratre: quòd is, cum triumphasset Kalendis Ianuariis, in quibusdam Mario se comparabat, aut et præponebat. in eo maximè, quòd is Marius aut nullam, aut vnicam omnino coronam accepisset; sibi verò cum alijs, tum populus tributim (quod ante ipsum nemini) coronas dedissent. Ait nemini id contigisse: atqui, nonne ipso narrante, iam ante Cæsari? Sed obseruetur, tributim: in eo nouitas, & est hoc quod Cicero irridet, Patronum quinque & triginta tribuum fuisse. Ideò igitur & tributim dederunt, nouo more. Sanè Italos dedisse, vel ex eo liqueat, quod Augustus de se in lapide Ancyrano dicit: MVNICIPIIS. ET. COLONIIS. ITALIAE. CONFIDENTIBVS. AD. TRIUMPHOS. MEOS. QVINTVM. CONSVL. REMISI. ET. POSTEA. QVOTIESCVMQVE. IMPERATOR suum appellatus, AVRI. CORONARIVM. NON. ACCEPI. Gloriatur verè. & consonat in illo ipso quinto consulatu Dio Cassius, qui notat, eum tunc benè audisse vulgò, ὅτι ὡς τῶν πόλεων, ὡς ἐν τῇ ἰταλίᾳ, τὸ χρυσίον τὸ τοῖς σέφαλοις ἀποσῆκον, ἐκ ἐδέξατο: quòd ab opidis Italiae, aurum, ad coronas conferri solitum, non accepisset. Cuius exemplo Hadrianus (in Spartiano) aurum coronarium Italia remisit, in provinciis minuit. Sed & Ammianus, inter testimonia liberalitatis Iuliani ponit, tributorum indicta admodum leuia, & coronarium remissum. Eò enim paullatim iam ventum erat, vt hoc Corona-



rium non minus tributis ferè attereret, nec in triumphis modò, sed in lætitiâ quacumque, & primordiis imperij, daretur. In Ammiano scriptum, *Tripolitanos misisse legatos, Victoriarum aurea simulacra Valentiniano, ob imperij primitias, oblaturos.* De ipsis coronis Synesius, qui se quoque Legatum à Cyrenensibus ad Arcadium missum ait, *σεφανώσονται χρυσῷ μὲν τὴν κεφαλὴν, φιλοσοφίᾳ δὲ τὴν ψυχὴν*: coronaturum auro quidem caput Imperatoris, philosophiâ verò eius mentem. Apertissimè item Capitolinus in Antonino Pio: *Aurum coronarium, quod adoptionis suæ causâ oblatum fuerat, Italicis totum, medium prouincialibus reddidit.* Atque ex hoc licet intelligere, quæ sit & quanti Oblatio: cùm inter Tributi genera recensent, *Canonem, Oblationem, Indictionem*: etsi, alio quoque titulo & specie, Oblationes. Sed de hoc nostro, Suidas: *σεφανικὸν τέλοςμα. ὃ δὲ ῥόδιοις οὕτως ἐκαλεῖτο. ἐπεὶ δὲ αὐτόνομοι ἦσαν οἱ ῥόδιοι, βαρχύ δὲ π μὲρ ῥωμαίοις ὅτι τιμὴν πέμποντες ἐτίθειον, ὡς οὐ φόρον ἡγεμόσι μᾶλλον, ἢ σεφάρον φίλοις δίδόντες*: *Coronarium vectigal apud Rhodios ita dicitur, quoniam liberi sunt Rhodij, exiguum autem aliquid Romam quotannis mittunt, non vt tributum dominis, sed quasi coronam amicis dantes.* Notetur illud quotannis: nam & hoc ita factum, ac velut honorarium tributi genuse exactum. Procopius de Theodato notat, rege Gothorum: *pactum eum cum Petro, Iustiniani Imperatoris Duce, decedere Sicilia totâ, & quotannis coronam auream mittere Iustiniano trecentarum librarum.* Quid, quòd lego ciuitates in aliâ occasione, atque etiam tristi, coronas has misisse? Appianus in Sullæ funere *suprà bis mille coronas aureas, magna celeritate confectas, prælatas* scribit, atque addit expressè, *donâ ciuitatum, aut legionum quibus præfuerat.* Habes & intellegis, opinor, de Coronis & Coronario. AVD. Satis. sed quid iis post prælationem factum, aueo equidem scire. LIPS. In templis, & Capitolio maximè, videntur dicatæ. Plinium eò traxerim, de Coronis: *Inde natum, vt etiam triumphaturis conferrentur, in templis dicandæ.* Nam etsi de aliis ibi coronis, tamen in occasione tangit hunc morem. Liuius, de legatis Saguntinorum: *Non grates tantum agere iussi sumus, sed donum hoc etiam, si vos permetteretis, coronam auream, in Capitolium, victoriæ igitur, ferre.* Quod itaque suprà, in Velleio erat: *Præterquam Capitolio intulit*: huc referri potest, vt non venerint in rationes illas *Coronæ*, & alia dona siue aurum, quæ Ioui

Orat. de Regno.

Lib. 1. de Goth.

Lib. xxviii.



Lib. xxiiij.  
cap. 1.

Capitolino Pompeius intulit aut dedit. Mos enim ita fuisse videtur: vel ex Suetonij de Augusto notâ. quem ait sedecim millia pondo auri, vna donatione, in cellam Iouis Capitolini contulisse: quod fecit statim ab Ægyptiaco triumpho. Imò & Triumphale ipsum aurum interdum, aut parseius, ibi condita. ex Plinio, qui duo millia pondo auri perisse, Pompeij tertio Consulatu, è Capitolini Iouis solio, à Camillo ibi condita, scribit: fortasse vt religio magis seruaret. Atque ad hoc etiam tale aurum referendum videatur, quod Suetonius in Cæsare notat: *Eum primo consulatu tria millia pondo auri furatum è CAPITOLIO, & tantundem in aurati aris reposuisse.* Planè hoc est. nam de Ærario compilato, ad alterum Consulatam facit, nec id quoque in Capitolio. Solent tamen & alia templa Auro coronario exornare. vt Augustus de se, in lapide Ancyrano: *In Capitolio, & in aede Diui Iulij, & in aede Apollinis, & in aede Vestæ, & in templo Martis Vltoris consecraui, quæ mihi constiterunt circiter millenis AVRI CORONARI pondo, triginta quinque millibus.* At prior Cæsar, Coronas suas in triumpho ductas vendidit, & ex earum pretio militibus promissa persoluit. quod ita Appianus.

#### C A P. X.

*Impensa publicæ in Militem, Magistratus, Populum: & de Frumentatione.*

**P**ERAGRAVI & emensus sum *Triumphalem* viam: tempus desinere, nec addere vltra, sed erogare. Nónne videtur Auditor? A V D. Certè videtur. nam ego censeo, nisi expendimus largiter, omnem Romam iam illationibus tot auri non suffecturam. LIPS. Ego verò exhauriam, & expendam non oculis, sed totis faccis: vt ipsum iterum miraturus sis, vnde ad tot Expensas vllæ Opes. Oceanus si Ærarium fuisset, dixisses desiccandum. Impendia igitur sub Principibus (vltiora omittam) Duplicia fuere, *Necessaria, & Arbitraria*: ex quibus sanè colligas immensas & verè ADMIRANDAS quasdam opes. Nam *Necessaria* illa impendia, ferè trium generum: in *Militem*, in *Magistratus*, in *Populum*. De militibus res clara est; Stipendiis alendos, Emeritis prosequendos: & id perpetuò, in legionibus & præsi-  
diis



diis perpetuis iam factis. Hæc \* partitè non exsequor, satis à  
 me in *Romanâ Militiâ*, & \* alibi, factum. De Magistratibus, in-  
 tellego duplices fuisse, in quos largiter & statim expendendum:  
*Urbanos & Prouinciales*. Urbanis quidem Augustus instituit,  
 ad onera subleuanda, ad ludos præbendos, & talia, aliquid da-  
 re: præsertim Prætoribus, quasi ex lege. *Prouinciales* autem,  
 vel plurimum auferebant, vt ipsi plures, & per prouincias dis-  
 persi. Nam ita Suetonius: *Auctor & aliarum rerum Senatui fuit*,  
*in quib, vt PROCONSULIBVS ad mulos & tabernacula, que publi-*  
*cè locari solebant, CERTA PECVNIA constitueretur.* Et quanquam  
*Proconsules* modò nominat, tamen \* longiùs spectauit, & *Præsi-*  
*dibus* communiter, aut & *Procuratoribus*, aliisque *Officiis* da-  
 tum. Quanta ea expensio fuit? immensa, vel hoc argumento:  
 quòd Cicero L. Pisoni obiicit, eunti in Macedoniam, vt Pro-  
 consuli, *sestertium centies octogies, quasi Vasarij nomine, datum.* Ad  
 sola Vasa, inquam, id est ornatum & instructum, tot illa sester-  
 tia data scribit; & obiicit, non quia contra morem fuerit, sed  
 quia supra modum. Nimum adsignificat, collusione quadam,  
 ad tributum. Quid igitur? esto vel \* *Centies* tantum summa or-  
 dinaria: esto vel *Quinquagies*: in tot illis talibus, nò ne immen-  
 sum accrescet? Et plura accedunt huic generi, vt *Curatores* vario-  
 rum munerum alendi, vel ornandi; vt *Legati* exterarum gen-  
 tium admittendi, & munerandi: & quæ scimus in omni Repu-  
 blicâ esse. Iam de *Populo*, perpetui etiam & certi in eum sum-  
 ptus: & præsertim ad *Alimenta*. Nam iamantè institutû, Prin-  
 cipes tenuerunt, vt plebem egenam aut tenuem perpetuâ fru-  
 mentatione pascere; atque eâ magno labore & sumptu pa-  
 randâ, aduehendâ, & tum gratis distribuendâ. Mira hæc res sit,  
 si quis consideret: & planè inter omnis æui, omniumque gen-  
 tium, ADMIRANDA. Sed tractaui olim in *Electis*, quid nunc re-  
 tractem? AVD. Imò obsecro Lipsi, hîc ei suus locus est: & quid si  
 aliquid firmitus aut plenius tibi obseruatû? LIPS. Obseruatum,  
 non nego: vt in talibus dies diei est doctor. Breuiter dicam, quæ  
 pro nostro argumento. Frumentatio igitur vetus Romæ, & ab  
 ipso etiam Senatu. Ille in rebus & annonâ arctâ, quasi benignus  
 pater, miseritus plebis, frumentum aliquando diuisit, non ta-  
 men nullo, sed modico ære. Accessere Tribuni statim, & hoc  
 tam

\* *Vide No-*  
*tas.*  
 \* Com. 1.  
 ad Ann.  
 Vac.

\* Et solet  
 Suetonius  
 largiter eâ  
 voce uti.

\* 250000.  
 25000.  
 Phil.



tam popolare sibi vindicarunt, variis Frumentariis legibus latis. Ultimus in hac re Clodius, *Annonariam legem tulit, vt frumentum, quod antea populo semisse aris ac trientibus in singulos modios dabatur, GRATIS daretur.* Ita Asconius: atque hæc origo deinde & continuatio gratuiti frumenti fuit. Senatus quidem, statim à coniuratione Catilinæ, largitione hac tali vsus erat, auctore ipso Catone: sed nescio, an sine vlllo pretio. In Plutarcho hoc sic narratum, sed verbis quæ pensitanda sunt. Ait, *C. Cæsarem in Præturâ res nouas tentasse, populo suspensio & mobili, ob Catilinarias illas turbas. Cato igitur, vt præueniret, ἐπεισε τὴν βουλὴν ἀναλαβεῖν τὸν ἄπορον καὶ ἀνέμνητον ὄχλον εἰς τὸ σιτηρέσιον. ἀναλάματ' ὅ μὲν ὄντ' ἐν αὐτοῦ χιλίων καὶ ὀχλοσίων καὶ πεντήκοντα ταλάντων: suasisit Senatui assumere ege-  
num & infinitum populum ad frumentationem, et si sumptus esset mille ducentorum quinquaginta talentorum. Id sit trecenties HS. more Romano, nostro, septingenta quinquaginta millia Philippicorum. Vides igitur impendium in hanc rem, quod illo æuo fuit: etsi alter Plutarchi locus (in Cæsare) minuit non nihil, & vbi de hac ipsâ re agit, numerat sumptus non nisi septingentas quinquaginta myriadas drachmarum: quod sit Latinis, ducenties vicies HS: nobis, quingenta quinquaginta millia Philippæorum. Sed verius est, hunc locum rescribendum, augendumque ad illum priorem. Opinor autem & creuisse postea impendium, latâ lege Clodij, quæ totum frumentum gratificaretur, de quâ dixi. Quin & sub Impp. largiter creuisse, cum plures adscripti, & classes etiam institutæ (haud dubiè magno impendio) ad transuehendum. Quis tamen numerus accipientium fuit? reperio aliquando ad trecenta viginti millia cepisse: sed Iulius Cæsar minuit. de quo ita Suetonius: *Ex viginti trecentisque millibus accipientium frumentum è publico, ad centum quinquaginta retraxit:* aut si Dionem audis, *ad centum sexaginta:* quia dicit *ad mediam partem redactos.* Paruum discrimen: sed Augustus deinde auxit, & *ducenta millia* fecit. an & Tiberius? etsi ille minimè popularis: tamen recenseret in Senatu (apud Tacitum) *quibus è provinciis, & quanto MAIOREM quàm Augustus, rei frumentariæ copiam aduectaret.* Ergo & in plures, nisi fallor, distribuendam. AvD. Mehercules Lipsi, grandis hic numerus: & tot illi Romæ pauperes? LIPS. Pauperes, aut saltem qui subleuari gauderent: inter quos liberti, & id genus,*



genus, maximè fuère. Dionysij locus notabilis, admonentis multos ideo manumitti, *ὅτι τὸ δημοσίως διδόμενον σίτον λαμβάνοντες κατὰ* Lib. 1111. *μῶτα, καὶ εἴ τις ἄλλη τῶν ἡγουμένων γίγνοιτο τοῖς ἀπόροις τῆς πόλεως φι- λανθρωπία, φέροιτο τοῖς δεινύοσι τὴν ἐλπίδα δέειν:* *vt frumentum, quod pu- blicè datur, accipiētes in menses singulos, & si qua alia liberalitas Prin- cipum in pauperes fiat, id totum Dominis ferant à quibus facti sunt li- beri.* Vides fraudes, quæ etiam factæ: aut saltem, quomodo, quos pudèret ipsos è publico pasci, id fecerint succidancâ liber- torum personâ. AVD. Aliquoties iam audio de *menstruo frumen- to*: ergo nec ea distributio? LIPS. Illa ipsa, & in cuiusque mensis initio (siue Nonis, vt Suidæ visum, vnde & *Annonas* ridiculè de- riuat) accipiebant. Quomodo? per *Tesseras*: quique eas habe- bat, ad *Curatores frumenti diuidendi* bat, munus institutum ab Augusto. Quattuorui enim erant, iiq̃ue ex honestioribus, & qui ante quinquennium Præturâ functi essent: quod Dio no- tauit. Etsi *Præfectus* etiam *annonæ* proprius, illustri honore: sed Lib. 1111. qui de aduehendo & adseruando in horreis satagaret, non pro- priè de diuidendo. Multa circa hanc rem: sed minuta quid opus exsequi? de numero iterum aliquid videamus: in quem videtur Seneca tenuiores omnes ciues inclusisse. *Frumentum, inquit, publicum tam fur, quàm periurus, & adulter accipiunt, & si- ne discrimine morum* QVISQVIS CIVIS EST. Sed ita tamen accipio, vt admitti debuerint & inscribi: neque id factum nisi certo nu- mero, & alij deinde assidue in demortuorum locum allecti. De quo numero iterum sub Principibus fluctuo. Dixi de Augusti *ducentis millibus*: sed P. Victoris tamen, quem Schottus noster vulgavit, scriptio videatur augere. Nam ait disertè: *Huius (Au- gusti) tempore, ex Ægypto vrbi annua ducenties centena millia fru- menti inferebantur.* Modios sanè intellegit: sed quanta ea sum- ma sit ex solâ Ægypto? Atqui Africa iam addenda est, quæ duplum ad Ægyptum dedit. Hoc enim ita palàm & adfirmatè Iosephus scripsit, in oratione Agrippæ regis ad Iudæos: *Africam octo mensibus populum Romanum pascere, Ægyptum autem quaternis.* Valdè notabilis locus: & idem est in Hegesippo, qui transcri- psit. Ex hac igitur ratiocinatione, frumentum vrbi illatum an- num fuerit *sexcenties centena millia modiorum*. Sint in dies circi- ter, *centum sexagintaquattuor millia octoginta tria.* Heu, ingentem



copiam? & quæ sufficiat, si inspicias, vel *vicies centenis* hominum *millibus* alendis. Nam Modius paullo plus minúsve Romanis pendit xxvi. libras: sed Romanas tamen libras, id est duodecim vnciarum. Avd. Hem Lipsi, & tu credis hæc vera esse? quî possunt? nam antè dumtaxat de *ducentis millibus*, aut largissimè, *trecentis viginti* frumentantium est dictum. Lips. Dictum. sed nempe etsi non plures caperent, plures tamen fruebantur & alebantur. Nam censendum est, plerosque istorum qui caperent, Patresfamilias fuisse, vxorem, liberos, seruulos habuisse. Itaque largius valdè quàm in vnum caput capiebant: & videtur tessera siue donatio ordinaria fuisse in singulos, *decem modiorum*, quod in Electis notaui. Iam & hoc cogitandum, plures etiam in consortium huius frumenti venisse. An non probabiliter Urbanos illos omnes milites? sanè in Herodiano lego, *Seuerum, præter alia quæ indulxit, militibus etiam τὸ σιτηρίων siue frumenti modum auxisse*. Quid ipsam deinde Aulam & Palatinos? nonne item probabile annonas suas hinc accepisse? An non & Classarios ipsos in Italiâ milites? Hæc considerari & colligi pro Victoris scripture possint: quæ mihi tamen, vt rem dicam, parum est certa. Ingens frumenti copia sit, & ex duabus provinciis tantùm. An igitur placeat in eo corrigi, *ad centies centena millia*? Ita vniuersa illatio fuerit, cum illo Africano, *trecenties centena millia*: larga profectò satis & laxa, cum hæc in diem toleret *ad millia hominum circiter septingenta*. Facit pro emendatione, quod Spartianus de Seuero scribit: curiosè prospexisse rei frumentariæ, & *cùm moreretur reliquisse septem annorum Canonem, ita vt COTTIDIANA LXXV. millia modiorum expendi possent*. Magna prouidentia eius Principis, solliciti in septem annos: sed & Canon ille diurnus opportunè expressus, qui proximè ad nostra *trecenties centena millia* (tecum computa, si voles) proximè, inquam, accedit. Minuisse tamen paullatim hic Canon videtur: siue quia Principes in alia distribuere; an & quia minus, provinciis iam effatis, inferretur? Sanè Constantinus egregiè minuit. qui sedem & affectum suum Byzantium transferens, vt in aliis Nouam hanc Romam cum illâ Veteri, sic & Frumentatione voluit in parte æquare. Nam classem Aegyptiacam Byzantio destinauit, relicta Romæ dumtaxat illâ Africanâ. Hæc  
diuisio



diuisio deinceps mansit: nisi quòd Byzantini frumenti modum tamen minuit filius eius Constantius, offensus plebi ob seditionem temerè & asperè motam. De eâ re Ecclesiastici nostri scriptores: qui & numerum exprimunt frumenti. In Nicephoro Callisto est: *Octo myriadas medimnorum frumenti quotannis à Constantino datæ plebi fuerant, cuius dimidiam partem Constantius diminuit.* Atque iste totum Frumenti modum annum facit, non nisi *octoginta millium medimnorum*: quæ sint Romanis circiter *quadringenta octoginta modiorum*. Haud magna, nec pro pri-  
 scis opibus, largitio: quam tamen & Socrates ita firmat. *Εξημίωσεν δὲ τὴν πόλιν ἀφελὼν τὰ σιτηρεῖα, τὰ ὅσα χεῖντος ὡρᾶ τὴ πατρὸς αὐτοῦ ἡμερίσιν, ὑπὲρ τεσσαρας μυριάδας. οὕτω γὰρ ἐνδὺς μυριάδες ἐχορηγούντο ἑκάστην τὴν σίτου, ἐκ τῆς ἀλεξανδρείων κομιζομένου πόλεως: Multauit urbem, auferens frumenti quod pater eius in dies adsignauerat, super quattuor myriadas. Octo enim myriades circiter antea dabantur, inuehebanturque ex vrbi Alexandriâ.* Dicit quidem ille *σιτηρεῖον ἡμερίσιον*, diurnum frumentum: sed exuberat ille modus in dies singulos, nec aliter sentit quàm de diuisione dumtaxat diurnâ. At annua ipsa illatio, tanta: id est, mille trecenti in diem circiter modij, vix quattuordecim aut quindecim millibus hominum pascendis. Heu, quomodo minuiamus? atque idem in ipsâ Româ veteri factum, Olympiodori locus (apud Photium, in Bibliothecâ) attendenti ostendit. Excerptum ibi legitur: *Ὅτι μετὰ τὴν ὑπὸ γόθων ἀλώσιν τῆς Ῥώμης, Ἀλβῖν ὁ τῆς Ῥώμης ἑπαρχὸς, ἥδη τούτης πάλιν ἀποκατασταμένης, ἔγραψε, μὴ ἔξαρχεῖν τὸ χορηγούμενον μέγας δὲ δῆμος, εἰς πλῆθος ἥδη τῆς πόλεως ὑποδιδύσκος. ἔγραψε δὲ καὶ ἐν μία ἡμέρᾳ τετέλεσθαι ἀριθμὸν χιλιάδων δεκατεσσάρων: Post Gothorum inuasionem & direptionem Romanam, Albinus Præfetus vrbs, iterum nunc eâ instauratâ, scripsit, Non sufficere populo modum qui inferretur, cum vrbs iam in multitudinem largiter excreuisset. Scripsit autem, & in vnam diem statutum numerum quattuordecim millium.* Verba, quæ expressim de Frumento non habent; sed eò referenda esse, mecum censebit, qui examinabit. Ergo diurnus tunc modus (sub Honorio) *quattuordecim mille modij*: qui & ipse minuit aut periit cum imperio ipso Romano. Theodoricus tamen rex Gothorum (sanè, vt in illâ gente, laudandus) specimen aliquod veteris moris restituit: & in Ricobaldo quodam scriptum: *A Romanis cum gaudio susceptus est,*

Lib. ix.  
cap. vii.\* Modiorum  
opinor.



quibus ille ad subsidium, tritici singulis annis CXX. millia modiorum concessit. Sed quid ad ista eo? ADMIRANDA mea non horum temporum: quin priorum etiam Principum æuo (circa Flauiorum imperium) panis distribui, non ipsum frumentum, cœpit: credo, quia lucrum aliquod ex eo fiscus captaret; & quo minore modo in plures largitio spargeretur. Is Panis gradilis dictus, quia in gradibus diuideretur, idem *Fiscalis*, quia è publico & fisco. Commentarius Persij vetus, ad illud — *populi cribro decussata farina*. Panem non delitiosius cribro discussum, sed plebeium de populi annonâ, id est, *Fiscalem* dicit. Eos panes bilibres fuisse, ex Vopisci Aureliano dicam. Nam Aurelianus, inquit, eo tempore quo proficisceretur ad Orientem, bilibres coronas populo promisit, si victor rediret. Et cum aureas populus speraret, neque Aurelianus aut posset, aut vellet, coronas eum fecisse de Panibus, qui nunc Siliginei appellantur, & singulis quibusque donasse. ita ut Siligineum suum COTTIDIE toto æuo suo unusquisque reciperet, & POSTERIS SVIS dimitteret. E quibus inspectis planè affirmaueris, Bilibres, & in Capita sic datos fuisse. AVD. Quomodocunque Lipsi, tamen magna illa, & in magno modo (Seueri canon dicit) largitio, & mihi semper stupenda. LIPS. Quid si accumules, & obsonium etiam addo? Nam idem Aurelianus (Vopisci item verba) & porcinam carnem populo Romano distribuit, quæ HODIEQVE diuiditur. Quando hodieque? ad tempora vsque Constantini. Simile in Oleo fuit, quod perpetuum populo dedit & instituit Imp. Seuerus. Vinum etiam, ut nequid deesset, Aurelianus statuerat, sed morte præreptus non fecit. Satis hæc mi Auditor, cetera in Electis meis vide.

## CAPVT XI.

*Impensa in Ludos carptim ostensa.*

TRANSIMVS ad Arbitraria impendia: quæ trium item generum maximè fuerunt. In Ludos, Opera, Dona. In Ludos singulatim si persequar, aut exempla accumulem; seorsim Theatrum mihi struendum sit, & noui aliquot sermones. Capita impendiorum dicam. de quibus vniuersè sic Lactantius: *Quid dicendum est de iis, qui populari leuitate ducti, vel* MAGNIS VR-

BIBVS



BIBVS suffecturas opes, exhibendis MVNERIBVS impendunt? Item Ambrosius: Magistratus in theatris, mimis, & athletis, gladiatoribus, aliisque huiusmodi generibus hominum TOTVM PATRIMONIUM suum largitur & prodigit, vt vnus bonæ fauorem vulgi acquirat. Merito damnant Patres damnosam hanc insaniam, & quæ priuatos homines bonis per ludum exuit; Principes ipsos attenuat & delibat. Atque id discere cum ex frequentia eorum potes, tum ex apparatu. Vnus Augustus fecisse ludos se dicit, Sueton. suo nomine quater & vices, pro aliis magistratibus, qui aut abessent, aut non sufficerent, ter & vices. Ego vix arbitror, vltos ex istis Principalibus ludis minoris quingenties, aut & millies sestertio stetit: quod Apparatus & Pompa facile persuadebunt. Nam ecce in ipso Theatro, Amphitheatro, aut Circo adornando qui sæpe sumptus? cum semper gratia aliqua & illicium nouitatis in ipsa formâ quæreretur: & Nero (pro exemplo) Theatrum totum, non Scenam eius tantum, auro illeuit & obtexit. Sed & quidquid illatum fuit, & omne instrumentum ac choragium, aureum: itemque vela quæ supernè contra solem obumbrabant, purpurea tota, & aureis stellis interstincta. Ex quo & dies ille Aureus appellatus. Dio Cassius hoc in Nerone. & Plinius id ipsum adsignificauit: Nero Pompeij theatrum operuit auro, in vnum diem, quod Teridati regi Armeniæ ostenderet. Quid Iulius Cæsar, ante Neronem, & nondum Princeps: Is primus in Aedilitate, munere patris funebri, OMNI APPARATV arene ARGENTEO usus est: ferasque argenteis hastis lacerare, tum primum visum. Mox, quod etiam in MUNICIPIIS emulantur, C. Antonius ludos scenæ argenteæ fecit. Cæsar igitur hoc primus: sed non vltimus. & quod Plinius addidit, passim & in Coloniis ac Municipiis Argenteæ iam scenæ. Ideo non possum, vt rarioris operæ aut magnificentiæ admirari, quod Plinius, vt tale, scripsit eodem isto loco: Item L. Murena, & C. Princeps, in Circo pegma duxit, in quo fuere argenti pondo CXXIIII. Tu hoc Plini notabile duxisti? centum vigintiquattuor pondo argenti, quis ex equite, & pænè dixerim plebe, tunc non insumpserit? Lege \* CXXIIII<sup>00</sup>: id est, centum vigintiquattuor milia: nec id pro Caio aliquo sit magnum, imò nec pro priuato nimium, quia argentum recipiebant, nec totum peribat: si tamen vellent. Plura eiusmodi ornamenta aut instructus erant, &

Serm. lxxxv

Sueton.

Lib. xxxij.  
cap. lxi.

Plin. ibid.

\* Faciunt  
1240000.  
Phil.



quædam in libello nostro Amphitheatrali diximus: & vis nunc vnum & extremum furorem? Heliogabalus Imp. (ait Lampri- dius) fertur in Euripis vino plenis nauales Circenses exhibuisse. Tu cogita quantum vini profusum, fossis illis & Euripis in Circo ita eo plenis, vt naues inter se concurrere, ac certare de veloci- tate possent. Quid iam dicam tot *Gladiatorum* millia, tot *Fera- rum* ex toto orbe quæsiturum? tot equorum nobilium? in vitâ actisque Principum assidua hæc legis. Addo huc *Missilia* & *Sparsiones* in populum, id est Tessaras ligneas cum notis rerum, aut interdum res ipsas, magno certamine diripiēdas. Quæ item velut legitima iam erant in omnibus ludis, ad populum illi- ciendum. Horum pretia & sumptus, ex Neronianis istis colli- gantur, apud Suetonium: *Sparsa & populo missilia omnium rerum per OMNES DIES, singula cottidie millia auium, cuiusque generis multiplex penus, tessera frumentaria, vestis, aurum, argentum, gemma, margareta, tabula picta, mancipia, iumenta, atque etiam mansuetæ fe- ræ: nouissimè, NAVES, INSVLAE, AGRI.* Notetur hæc iactatio, quanti ea, & quantarum rerum? Præter aurum, gemmas, mar- garetas, *Insulas* & totos *Agros* dedit: *Insulas* nempe vrbanas, & habitabiles domos. O res vix Suetonio fidissimo testi creden- das! Sed accedit & Dio similia asserere: *Omnia, inquit, delica- tissima quæ homines comedunt (ad Penum Suetonij pertinet:) omnia pretiosissima, equos, mancipia, esseda, aurum, argentum, variam vestem, hæc dabat per symbola quædam & tesseras. Globulos enim paruos inscriptos, vt quæque eorum erant, hos iaciebat in populum, & reipsâ mox dabatur, quod quisque eorum in tessera haberet. Neque Nero hæc solus: de more fiebat, etsi alius largius parcusque præbe- ret. Titus sanè Vespasianus filius, item profusissimè, in ludis quos per centum dies, dedicatione Amphitheatrisui, fecit. Dio Cassius de eo: παρέχε δὲ τινα καὶ ἐς ὠφέλειαν φέροντα αὐτοῖς. σφαιρίαι γὰρ ξύλινα μικρὰ αὐτῷ δὲν ἐς τὸ θέατρον ἐρρίπτει σύμβολον ἔχοντα, τὸ μὲν ἐδαδίου πινός, τὸ δὲ ἐαδῆτος, τὸ δὲ ἀργυροῦ σκεύους, ἄλλο χρυσοῦ, ἵππων, ὑποζυγίων βοσκημάτων, ἀνδραπόδων, αἱ ἀπὸ πάντων τῶν πινῶν ἐδίδει πρὸς τοῦς δοτῆρας αὐτῶν ἀπονεγκεῖν, καὶ λαβεῖν τὸ ἐπιγεγραμμένον: Dedit & quædam, utilita- tem, non solùm voluptatem, spectantibus præbentia. Nam globulos li- gneos quosdam de loco superiore in theatrum iaciebat, qui symbolum ha- berent, hic alicuius esculenti, ille vestis, alius argentei vasi, alius aurei, equorum,*



equorum, iumentorum, mancipiorum, quæ oportebat eos, qui rapuissent, ferre ad Curatores ludorum, & ab iis accipere quamq; rem inscriptam.

Credis tu hæc per tot illos centenos dies fieri potuisse, sine impensâ bis terque millies Hs.? ego non opinor. & ubi sumptus ludorum reliqui? Neque miror iam profectò Hadrianum, cum in adoptione Ceionij Commodi multa in populum profudisset per similes ludos, & in militem: atque is Ceionius ægro corpore, vitalis non videretur: sæpe dixisse, *Perdidimus quater millies Hs. quod populo & militibus dedimus.* Qui sunt ipsi nostri decem milliones. Sed dices, Principum virorum modò hæc fuisse. Er-

ras. de Milone, hoc iam olim Cicero, tria patrimonia in has res effudisse: de Messallâ quodam Vopiscus, cum stomacho ista nar-

rat: Legat hunc locum Iunius Messalla, quem ego liberè culpæ audeo. *In Carino.*

Ille enim patrimonium suum scenicis dedit, heredibus abnegavit. matris tunicam dedit mimæ, lacernam patris mimo: & rectè, si auia pallio aurato atque purpurato, pro syrmate tragædus uteretur. Iam quid Lineas petitas Ægypto loquar? quid Tyro & Sidone tenuitate perlucidas, micantes purpurâ, plumandi difficultate pernobiles? Donati sunt ab Atrebatibus birri petiti, donati birri Canusini, Africana opes, in scenâ non prius visæ. Et hæc quidem iccirco ego in litteras misi, ut futuros editores pudor tangeret, ne PATRIMONIA SVA, proscriptis legitimis heredibus, mimis & balatronibus deputarent. Sed distinctissimè verò, & expressis summis, aliquid Olympiodorus: Οἱ τοὶ πρότεροι οὐκ οὐκ ἄλλως, τὰς αὖτε τῶν οὐκ ἔχοντων, δῶκεν καὶ τῶνδε χρυσῶν ἀνάλωρε. Συμμαχὸς δὲ ὁ λογογράφος, συγκαταστήσας τῶν μετῴκτων, τὰς αὖτε Σουμάχου τῶν ἀργυρῶν τελευτῶν, ἐκδοτικῶν τελευτῶν ἐδάπανον. Μαξιμὸς δὲ, εἰς τῶν ἀργυρῶν, εἰς τῶν τε καὶ ἀργυρῶν, τε παρακοντα κατεβάλετο καὶ τῶνδε. ἐπὶ δὲ ἡμέτεροι οἱ ἀρχαῖοι τὰς ἀντιγραφὰς ἐτέλουν: Quod Probus,

filius Alypij, cum ipse Praturam gereret, \* duodecim centena pondo auri

absumpsit. Symmachus verò, ille orator (est noster, qui in parte ex-

stitit) Senator VNVS E MEDIOCRIBVS, in filij Symmachij Praturam

\* viginti centenarius effudit. At Maximus, scilicet è diuitibus, item in

filij Praturam, \* quadraginta. Edebant autem ludos Praetores, non

nisi SEPTEM DIEBV. Vide dies, vide sumptus: quanto imma-

niter plus olim alij? Sed & ipsi Consules, opinor, largius. de

quibus in \* Codice Iustiniano lex est, quæ spargendi vilitate (ita

loquitur) sublatâ, eius loco ad reparationem Aquæductuum, centena

pondo

\* 120000.

ἀντὶ τοῦ.

\* 200000.

ἀντὶ τοῦ.

\* 400000.

ἀντὶ τοῦ.

\* Lib. XII.

Tit. De Cō-

sulibus.



*pondo auri praestari per singulos consulatus* decernit. Atque id in imminutionem, & pro beneficio si igitur sola Sparfio (id est, missilia in populum) tanti; quid reliqui omnes ludi, & eorum apparatus? Et de Ludis hæc quoque sufficiant in specimen: de \* *Operibus*, in proximum sermonem differo & protollo.

Lib. 111.  
toto.

## CAP. XII.

*Dona Principum effusa, & primò Iulij Caesaris.*

**D**ONA sequuntur, magnitudine suâ & frequentia non iam inter ADMIRANDA, sed STUPENDA. Siquis Midas fuisse fingatur, qui omnia tactu faciat aurea; defecerit in aurare, quantum isti sunt largiti. Per Principes aliquot lubet ire, & hoc ostendere: ordiarq; à capite ipso CAESARE IVLIO. De illo vniuersè ita Suetonius: *Nullum LARGITIONIS aut officiorum genus in QVEMQVAM, PVBLICE PRIVATIMQVE omisit.* Vis magis partitè? Idem scriptor: *Militibus singula interdum MANCIPIA vel PRAEDIA viritum dedit.* Ecce. ubi vos Curij aut Fabricij, qui ipsi Imperatores vix septena iugera habebatis? nunc miles aliquis capit ab isto donatore Prædia tota. Hæc & plura (mox dicenda) in militem: quid in Senatum & digniores? Idem iterum Suetonius: *Partem magnâ Senatus gratuito, aut leui fœnore, obstrictis, ex RELIQUO quoque ordinum genere vel inuitatos, vel sponte ad se commeantes, VBERRIMO CONGIARIO prosequebatur.* Nec hic finis: extra urbem quoque & Italiam ea largitas se diffudit. & non minore studio (idem Suetonius) *Reges atque Prouincias per ORBEM TERRARVM illiciebat: aliis captiuorum MILLIA dono offerens; aliis quò vellent, & quoties vellent, Auxilia submittens. Superque Italiae, Galliarumque & Hispaniæ, Asia quoque & Græciæ potentissimas (siue placet, potissimas) vrbes præcipuis OPERIBVS exornans.* Quid tibi iste vir videtur? mihi, nil nisi nouus quidam Triptolemus, qui sublimi vectus curru, semina non frugum, sed liberalitatis suæ, per terrarum orbem spargit. Atque hæc, quò magis mirè-re, priuatus Cæsar fecit, & ille paullo antè ære alieno oppressus. AVD. Affatim miror: & vnde Cæsari, nondum Cæsari, opum ista vis? LIPS. Magis mireris, si accogites, iam ab adolescentiâ profusum hunc fuisse, & grandi alieno ære oppressum. Plutar-  
chus.



chus apertè; *debuisset eum*, PRIVSQVAM VLLVM MAGISTRATVM CAPERET, (nota. de valdè igitur iuvene) *mille trecenta talenta*. Ea sunt nobis *septingenta octoginta millia* Philippùm. Quid verò iam in ipsis magistratibus? materies & causa amplior largiendi. Itaque Appianus scribit, *euntem ex Praturâ in Hispaniam, creditoribus retinentibus, dixisse ioco: Millies sestertio sibi opus esse, VT NIHIL HABERET.* id est, vt solùm æs alienum solueret, in suo nihil haberet. Ea reddunt *viciesquingies centena millia*: nec ambige, nec Budæum audi (nescio quâ causâ) minuentem. Græca palàm sic volunt: *ὅτι δέοιτο διχίλιαν καὶ πεντακοσίαν μυριάδων*: & Drachmæ intellegendæ, ex Græcorum more. Ego verò amplius credo, auxisse etiam in Consulatu, & deinceps ad Principatum; vt hominis huius ingenium erat, tantùm vt daret quærentis. Sed vnde, aiebas, habuit & reposuit? Non longè te duxero. Gallias nostras vide: iste fons, è quo hausit. Diuites tunc herclè Prouincias, sed quas fulmen istud afflauit & ambussit. Nam quomodo se in iis gesserit, breuiter Suetonius: *In Galliâ, fana templaque Deùm, donis referta, expilauit; vrbes diripuit, sæpius ob prædam quàm ob delictum.* Denique è tot præliis, accessit ingens captiuorum multitudo, è quâ diuenditâ pecuniam redegit. Iam postea in bello & victoriâ, ah, quanta prædarum seges? omitto, tu cogita. Sed lubérne singulatim inspicere viri dona? Ecce, instante ciuili motu, in Galliâ cùm esset, L. Paullum Consullem designatum, *mille quingentis talentis flexit, ne cōtra se staret: Curionem, qui ære alieno obrutus, maiore etiam summâ, vt pro se staret.* Illa tot talenta reddunt, *nongenta millia* Philippicùm: id est penè millionem, in virum vnũ. Quid iam in Curionem? amplius longè dedit, vt Appianus dixit (nam eius ea verba scito:) & nisi fallor, ipsum æs alienum eius totum exsoluit. Nec fallor, & Dionem

Lib. xl.

L

quibus



quibus vnice se dedit: atque id ipsum priuatus. Certè adhuc in Galliâ, cùm Pompeius duas legiones, colore belli Parthici reuocaret, ipse vt animos sibi pigneraret, singulis abeuntibus *ducentas quinquaginta drachmas* diuisit, quod Plutarchus, aliiq. prodiderunt: id est, *viginti quinque* Philippicos nostros. Cogita iam duplum in Centuriones, triplum quadruplumq; in Præfectos, & Tribunos: valdè ea largitio crescit. Sed quid in ipso iam bello ciuili? priuatim haud dubiè multa, communiter hæc largitio fuit, Suetonio expressa. *Veteranis legionibus, præda nomine, in pedites singulos, super bina sestertia, quæ initio ciuilis tumultus numerauerat, vicena millia nummum dedit.* Rectè ita locus habet, & in optimis libris: quid opus argutari, aut interpolare? Examinemus. *Veteranis legionibus*, inquit: non enim nouellis aliis: etsi & hæc, credo, aliquid habuerunt. Veteranæ autem illæ, *decem*. In *pedites singulos*, inquit: cur igitur equites omittit? quia non opus: sicut nec Centuriones adiecit, quos notum scilicet erat duplum accepisse, de more. Etsi de equitibus hoc æuo, dubito: & olim quidem triplum etiam soliti accipere: sed post Socios ciuitate donatos, palàm video nec honorem nec præmia tanta equitibus fuisse, qui plerique iam è Latinis. Pergit, *Super bina sestertia*. Ea sunt, de quibus Hirtius: *Militibus singulis ducentos sestertios, Centurionibus duo millia nummum, præda nomine, condonanda pollicetur.* Nam *bina* hs. idem quòd *ducenti* hs: siue Philippici *quinque*: at *duo millia nummum* (Suetonio omissa) *quinquaginta* istos reddunt. Super hæc igitur, dedit, inquit, *vicena millia nummum*. Ea sunt, ipsi Philippici *quingenti*: atque ij viritim, & in gregarios milites diuisi, cùm duplum Centurionibus esset, Tribunis Præfectisque alarum quadruplum. Proh fidem! (nam sæpe exclamo, & cogor) quæ hæc, præter stipendia, & alia lucella aut raptus, largitio est? quanta in tam multos? Ne milites nostri audite, & exempla hæc aut cupite aut sperate. Vnde enim Iulius, vnde Romanæ opes? Avd. Vnde & tibi animus sic ista credendi, & affirmandi? Nam alij viri docti trepidant, & in lectione commutant. Lips. Nihil est. incogitantia hoc facit (imperitiam nolo dicere) veterum & largitionum, & diuitiarum: quibus alia exempla mox attestabuntur. Etsi in hac re satis Græci scriptores, qui cum Tranquillo planissimè in summâ cōcordant. Nam



Dio breuiter, sed clarè, *militibus quinque millenas solidas Drachmas* datas scribit, Appianus fusiùs & distinctissimè: *Militibus à triumpho, superans etiam ea quæ promiserat, legionariis drachmas Atticas quinque mille, Ordinum duكتورibus duplum, Tribunis & Alarum præfectis iterum duplū dedit.* Vísne aliquid apertius? & cur huic consensui repugnemus? Nota autem nec Appianum aliquid seorsum de Equitibus, vt nec Tranquillum, dixisse. Sed quæ hæc Promissa sunt, quæ Appianus signāter scribit *eum superasse?* Opinor esse, quòd in pugnâ ad Pharsalum, *singulis millenas Drachmas* promiserat: iterumque, vt volentes in Africam sequerentur, *alteras millenas.* quod vtrumque in Appiano leges. Largiter igitur excessit, nisi quid in ipsâ Africâ aut alibi etiam promisit.

AVD. Audésne in fasce dare has summas omnes, vt magis attendam? LIPS. Licet. Fuerunt legiones decem, sed veteranæ, & ideo parum plenæ. Sunt igitur *triginta millia militum:* & singulis *quingenti Philippici:* faciunt, *quindecim nostros millones.* Vbi nunc Centuriones, Tribuni, Præfecti, atque ipsi Equites? Regū opes expensas dices in donatione hac vrâ. Atqui an finis est? imò sub ipsum idem tempus, largitionem ad Populum extendit. & vt Suetonij verbis hoc quoque dicam, *Populo, præter frumenti denos modios, ac totidem olei libras, trecenos quoque nummos, quos pollicitus olim erat, viritim diuisit, ac centenos pro morâ.*

AVD. Hic mihi vocem opus tollere, nec comprimo. Viritim toti populo tātum frumenti, olei, pecuniæ? LIPS. Moderor, ne clama: toti populo frumentanti, nec vltra. Dio Cassius ita restrinxit: τῷ ὅχλῳ τῷ σιτοδοτούμενῳ: id est, *Populo, qui frumentum acciperet.* Ergo tenuiorem populum intellegit: & semel nota, Suetonium hîc atque aliâs *populi* voce (præter morem antiquum) plebeculam istam ieiunam, & hîrudinem ærarij designare. Qui tamen ipse numerus grandis, & sub hoc tempus *trecenta viginti millia* erant, qui è publico pascerentur: quod antè dixi. Totus ergo ille populus accepit *quadringentos nummos viritim:* id est, *Minam,* vt Appianus expressit. Sunt Philippici *decem:* ergo in summam, *tres millones ducenta millia.* Vbi olei deinde modus, vbi frumenti? Mi Auditor, ad Ouidium eundum nobis est vt transformemur, & animos veteres, pro veteri æuo, capiamus. Nostri homulli hodie, dicant mera mendacia me flare.



*Augusti Principis dona.*

**S**ED vnum etiam Iulium vidimus, quid tot Cæsares qui secuti? & vt aliis minimè, tamen in liberalitate consecuti, aut prægressi. AVD. Difficile creditu est. nam hic homo mihi videtur de se, quod olim Liuius Drusus posse dicere: *Nihil se cuiquam ad largiendum, præter calum & cænum, reliquisse.* LIPS. Non ita est: opes istæ Vectigalium, & quas diximus, inexhaustæ erant, & vt perennes quidam fontes fluebant. Itaque ad AVGVSTVM veniamus, qui non diuturnitate solùm imperij, sed vercor vt liberalitate patrem superarit. Dona eius quædam ante imperium, alia in ipso sunt: & illa magis miranda. Primùm *militibus & Euocatis*, quos contraxit metu Antonij, aditâ hereditate Iulianâ, dedit singulis quingenas Drachmas. Ita ipse Appianus: interpretis eius parum prouidè sesterrios vertit. Is numerus Euocatorum, ad dena millia fuit: ergo quingenta hîc Philippæorum millia. Amplius. eodem pænè tempore, cùm legiones Quarta & Martia ad se transissent ab Antonio, dedit singulis totidem illas Drachmas: iterumque cùm in armis decurrissent, & speciem prælij peritè assimilassent, alteras totidem: quæ certè fuerunt ad dictam facillè summam; & longè suprâ, si Equites & Centuriones (quod nec antè feci) suo more computentur. Iam verò in ipso primo Consulatu, cum signis à Mutinâ motis urbem intrauit, dedit qui se deduxerant, singulis bis mille quingentas drachmas, siue ducentos quinquaginta Philippæos: atque ex octo legiones fuerunt. Minimâ legionum frequentiâ, surgent sex milliones, & Equites ac Ductores omittentur. Vbi autem prædæ quas egit, aut spolia quæ cepit? adhuc nulla. Quò magis in ADMIRANDIS hæ donationes tres, à priuato Octauiano, & solâ spe futuræ magnitudinis; susceptæ & perfectæ. Atque hîc notandum in vltimâ, transisse eam velut in legem, & solenne donatium hoc habitum, quoties legiones postea Principem in urbem deduxissent. Certè Spartianus in Seuero tradit, *Milites per seditionem dena millia poposcisse à Senatu, exemplo eorum, qui Augustum Octavianum Romam deduxerant, tantumque acceperant.* Operitos historicos vel antiquarios, & in rem suam lecta aptantes! Sed  
quarta



quarta etiam donatio à priuato, in quâ lingua mihi hæret. AVD. Quâne obscœna aut turpis? LIPS. Non, sed quia immensa, aut certè immodica, & vereor refragatorem. AVD. Non me. vt ij qui de cælo tacti sunt, silent & stupent: sic iam pænè ego, perge. LIPS. In Philippensi igitur prælio, vbi de Principatu actum vel Libertate, hic ipse Octauianus cum Antonio promiserunt viritim *quinque mille Drachmas*. AVD. Hoc illud erat? at Cæsar iamantè totidem, & docuisti. LIPS. Sed Cæsar *decem* legionibus tantum: isti *nouendecim*, quæ in pugnâ erant, & aliis *quadraginta*, quæ in præsidiis aut Italiâ sparsæ. Appianus quidem ita narrat, vel apud eum Antonius (oratione ad Asiaticos) sed addit: *attritas eas iam & minutas ad XXVIII. rediisse, quæ (inquit) cum suis additamentis efficiunt virorum supra centum septuaginta millia: præter EQVITES, & item ALIVM militem*. Quis iste alius miles? opinor Auxilia, quæ haud longè infra legiones. Itaque qualis & quanta hæc summa conficiatur, ingenuè fateor, vix ego auserim promere: & scito esse supra *centum quinquaginta milliones*. Vbi estis qui Nouum orbem, & nouas in eo diuitias repperistis? Huc ite, ostendent & effundent eas Duumviri isti vnicâ largitione. Atque hæc ille fecit ante Principatum: in ipso tenuit & cucurrit eundem liberalitatis cursum. AVD. At hîc mihi votum & cogitatio. LIPS. Prome. AVD. Si eo sæclo ego viuam, quid nisi miles sim? ita omnes ad eos opes adfluunt & concurrunt. LIPS. Vera narras. & scito ab hoc militum tunc seminario, Senatorias & diuites plerasque familias ortas. Hæc præmia in ciuili bello iis sunt: cum homines vt ad imperium veniant, imperium pænè ipsum donant. Quid donant? perdunt certè: & quomodo tot isti pecuniarum cumuli, sine apertâ pernicië provincialium ciuiumque, colligi potuère? Sanè id factum est: sed Pax postea, cum copiæ suo cornu, reposuit omnia & reparauit. Enimuerò Augustus, vt cœperam dicere, in Principatu quoque perliberalis. Lapidem Ancyranum lubet proponere, in quo aliquot donationes eius ordine exsculptæ.

LIBRI. ROMANI. VIRITIM. .... CENOS. NVMERAVI. I.  
EX. TESTAMENTO. PATRIS. MEI.

ET. NOMINE. MEO ..... DRINGENOS. EX. BELLO. II.

L 3

RVM.



RVM. MANVBIIS. CONSVL. QVINTVM. DEDI.

- III. ITERVM. AVTEM. IN. CONSVLATV. DECIMO. EX. PATRIMONIO. MEO. BIS. QVADRINGENOS. CONGIARI. VIRITIM.
- IV. ITERVM. ÆRE. MERV. ET. CONSVL. VNDECIMVM. DVODECIM. FRUMENTATIONES. FRUMENTO. PRIVATIM. COLVMEIO. EMENSVS. SVM.
- V. ET. TRIBVNITIA. POTESTATE. DVODECIMVM. QVADRINGENOS. NVMMOS. TERTIVM. VIRITIM. DEDI. QVALI. MEA. CONGIARIA. FRUMENTI ... NVM. NVMQVAM. MINVS. QVINQVAGINTA. ET DVCENTA ..... SIA.
- VI. DVODEVIGINTESIMVM. CONSVL. TRECENTIS. ET. VIGINTI. MILLIBVS. PLEBIS. VRBANÆ. SEXAGENOS. DENARIOS. VIRITIM. DEDI.
- VII. ET. QVINIS. MILITVM. MEORVM. CONSVL. QVINTVM. EX. MANVBIIS. VIRITIM. MILLIA. NVMMVM. SINGVLA. DEDI. ACCEPERVNT. ID. TRIVMPHALE. CONGIARIVM IN. COLONIAS. HOMINVM. CIRCITER. GENTVM. ET. VIGINTI. MILLIA.
- VIII. CONSVL. TERTIVMDECIMVM. SEXAGENOS. DENARIOS. PLEBI. QVÆ. TVM. FRUMENTVM. PVBLICVM. ACCE ..... DEDI. EA. MILLIA. HOMINVM. PAVLLO. PLVRA. QVAM. DVCENTA. FVERVNT.

Vides, siue audis lapidem, utinam peritè satis aut fideliter descriptum! Insigne monumentum antiquitatis est, & hiltoriæ Augustæ quasi summarium. Sed multa in eo corrupta, & quædam lacera: percurram lucis, & alibi medicinæ, causâ.

In primâ donatione est: LIBRI ROMANI. An id fuit, TRIB. P. ROMANI? id est, *Tribubus populi*. Res quidem eas tangit, & legavit Cæsar testamento viritim Romano populo, *trecentos sester-tios*, ut Suetonius scripsit, ut autem Dio, *centenos videnos*, & adducit ipsum Augustum eius rei testem. Et scripserat hoc Augustus fortasse in Commentariis rerum suarum: sed & hîc ita in Breuiario isto fuit. Explendum igitur, CENTENOS. VICENOS. Ij sunt,



sunt, *tres Philippici* in singulos: si in totum populum, immensum est; si in frumentantes, magnum.

In II. *Quadringeni nummi* viritim dati, item in populum: qui sunt Philippici *decem*. Id factum in *quinto Consulatu* eius, ut hinc scribitur: id est, statim post Actiacam & Alexandrinam victoriam, sub triumphum. Dio Cassius ipsum notat in hoc anno, & in summâ consentit: sed auget acceptores, & non viros puberesq; tantum, sed etiam pueros, in gratiam Marcelli, sororis filij, scribit adiectos. Hoc si fuit, ut fuit, quis non videt supra duplum ferè donationem crescere, & ut minimum fuisse ad *sexcenta millia* capientium? Fiunt in pecuniâ impensâ *sex milliones*.

In III. Consulatu decimo, scribit se item populo dedisse, congiarium *bis quadringenos*. An simul, ut *octingenos* dederit? an magis significat, bis se dedisse? sicut & paullo post, *tertium quadringenos*. Quæ iterationes valdè sunt liberalitati augendæ: & tu attendes.

In IV. Quid sit illud *AERE MERVI*. quæro. Vnum hoc assequor, in Vndecimo consulatu datas *duodecim Frumentationes*: quas ita appellat, quæ singulis mensibus dari solebant. In caritate igitur annonæ, has extra ordinem, & de suo, ut scribit, addidit. Nam legendum inibi *PRIVATIM. COEMPTO*. ut dudum monui, cum Lapidem hunc vulgavi.

In V. Tribunicia potestas duodecima, incidit in annum vrbis DCCXLI. cum peregrè & è Galliâ rediit. Tunc igitur plebi refouendæ & conciliandæ, distribuit ter vno anno *quadringenos*: id est, Philippicos *ter denos*, siue in vniuersum *triginta*. Verba aliquot in virio, an sic emendanda? *QUALI. MEO. CONGIARIO. FRUMENTI. MODIVM. NUMQVAM. MINVS. QVINQVAGINTA. ET. DVCENTA. MILLIA*. ut ad significet, tantum frumenti se quoque dedisse. An verius, *FRUMENTANTIVM. NUM. NUMQVAM. MINVS. QVINQVAGINTA. ET. DVCENTA. MILLIA*? ut dicat *numerum* (id valet *NUM.*) qui frumentum acciperent, & ex consequenti congiarium; tantum tunc fuisse. Sed postea alius numerus, dices: haud moueor, quia sæpe id per recensum mutauit. Cogitetur tamen. Vir doctissimus & acutissimus legebat, *QVINQVAGINTA. ET. DVCENTA. SESTERTIA*. & referebat ad Suetonij hæc verba: *Congiaria populo frequen-*  
ter



ter dedit, sed diuerſa ferè ſumma: modò quadringenſos, modò trecenſos, nonnumquam ducenſos quinquagenſosque nummos. Sed refellit hoc ipſe lapis ſtatim, qui dicit bis datos ſexagenſos denarios: quos non niſi in ducenſos quadragenſos nummos reſoluas. Quomodo ergo numquam minus dederit, vt hîc ſculptum? Sed & Dio in anno DCCXLVII. adnotat datos Denarios ſexaginta.

\* Sûnt octo-  
decies cen-  
tena M.

In VI. ſunt ſexageni denarij in trecenta viginti millia capita: quæ ad duos milliones, \* paulo mirùs, ſe attollit.

In VII. tenebræ. videtur militaris donatio eſſe, ſed iis qui in colonias miſſi, aut mittendi.

In VIII. notetur numerus frumentantium, qui tunc fuit. Iſta de Auguſto ſufficiant: etſi liberalitates eius plures ex facili dederim, vt ipſe dare facilis, etiam per ludum & iocum. Cuiusmodi iſta in Macrobio: *Omnibus qui ſecum pilâ luſiſſent, ſeſtertia centena dari Cæſar Auguſtus iuſſerat, ſoli Cælio quinquagena.* Hîc ille, *Quid ergo? inquit, ego vnâ manu ludo?* locus lepidus: ſed donatio magna in ludicrâ iſtâ cauſâ, ſingulis bis mille quingenti Philippi- ci. Iterum totidem Græculo cuidam, pro carmine, & audaculo diſterio, factoque: ſed tu factum ipſum noſce, aut potiùs re- cognoſce. Græculus fuit, qui Cæſari carmen obtulerat, atque ille acceperat, & nihil vltrâ. Græculo iterum paranti dare, præ- uenit, & carmen à ſe dedit, vt oſtenderet talia & domi ſibi na- ſci. Hîc Græculus legere, mirari, & tandem manu in paupe- rem bulgam demiſſâ nummos, an denarios aliquot, Auguſto offerre, cum dicto: *Si plus haberem Cæſar, plus darem.* Exemplo oſtendit & commonefecit, quid ille deberet: nec fruſtrâ. Nam ſtatim Auguſtus delectatus libero & acuto facto, ſeſtertia cen- tena dari ei iuſſit.

#### C A P. XIII.

##### *Aliorum Principum dona.*

**N**ON ſit modus, ſi omnia Auguſti tollam: omitto, & aliorum carptim aut ſaluatim quædam tango. In TIBE-  
RIO pauca ſunt, parcâ ille manu & reſtrictâ fuit: atque ita mo-  
riens in theſauris reliquit, \* *Vicieſſepties millies HS: quod Caligu-  
la, non toto vertente anno abſumpſit.* Ita enim hoc Suetonius: ſed in  
Dione

\* Id eſt, ſe-  
xaginta ſex  
milliones, et  
quinquagin-  
ta M. Phil.



Dione paullo aliter: & ait, *quosdam diuere ter & vicies millies relictum, alios autem \* ter & tricies.* Sanè pro meo sensu, posteriori parti accedam, qui satis iam imbibi Romanas opes. Nec in tempore absumptæ à Caligulâ pecuniæ Dio dissentit à Suetonio, si sic legas: οὐδὲ ἐς τὸ τρίτον ἔτους μέγας αὐτῷ ἔτι δέκωσαν: *nec vel in tertiam anni partem quidquam Caligula ex his seruauit.* Quod sanè cum Tranquillo & veritate conuenientius, quàm vt sit, *eis τὸ τρίτον*, *in tertium annum.* Ille verò statim exhaustus & egens, atque ad rapinas se vertit. In CLAVDIO, notatur prima liberalitas in auspiciis imperij, cum militibus *quinadena* HS. promisit. Ea sunt *trecenti septuagintaquinque* Philippæi: si tamen Suetoniana illa scriptio (ex eo sumpsit) est certa. Nam Iosephus adauget, & *vicena* promissa ait, siue vt ipse numerat, *quina millia drachmarum*: qui sunt *quingenti* Philippæi: & addit, *omnibus vbi-que militibus idem promissum.* Quomodo hæc quidem donatio, superet omnes iam dictas, & fortasse dicendas. NERO sequitur: quid de eo dicam? qui, vt Suetonius ait, *diuitiarum & pecunie non alium fructum putabat, quàm profusionem.* Itaque nepotinos eius sumptus frustrâ colligam: In Suetonio atque aliis, patent: quædam addam quæ magni & laudabilis animi sunt visa. *Militi Prætoriano* (in Dionis compendio) *ob causam aliquam iusserat centies* HS. numerari: id est, *ducenta quinquaginta millia* Philippicūm. Et cum Agrippina mater, mirata improvidam fortasse liberalitatem, iussisset totam eam pecuniam, ipso coram, in mensâ exponi & expandi, vt sic vel aspectu pœnitentiam eliceret: ille magno animo, iussit alterum tantum addi, & Nesciebam, inquit, tam exiguum me dedisse. Egregia vox: quam cur tu rides? AVD. Non ipsam, sed meam cupidinem: & ô si quis hoc exiguum mihi? LIPS. Auidus ô homo es, nec accipies: hodie liberalitatis eius nec vmbra manet. Hoc Nero in militem: sed quid in regij sanguinis Teridatem? quod vix ipsi Suetonio credibile videatur, *octingenta nummorum millia diurna in eum erogauit, abeunti-que super* HS. millies contulit. Vt hoc & capias, & ponderes, scito Teridatem per nouem menses continuos Romæ, aut in finibus Romanis, fuisse: & toto eo tempore immunem habitum ab omni sumptu. Decreta igitur ei in diem *octingenta millia*: quæ sunt *viginti millia* Philippæorum. Numera in mensem: quid ea nisi *sexcenta millia*? In



nouem menses: *quinque milliones quadringenta millia*. Iam abeundi datum, *millies* Hs. quasi in viaticum: quod iterum efficit *duos milliones & dimidium*. An potius in Suetonio, *bis millies* scribendum? augeatur altero tanto, & palam Dionis compendium (numeri autem in Græcis magis veri) hoc suadet. Atque ista conspicua & signata liberalitas Neronis est: quid minores aliæ & sparsæ, sed coalescentes in grandē summam? De quibus Tacitus: *Bis & vicies millies* Hs. *donationibus* Nero effuderat: & addit, Patres censuisse, vt repeteretur ab iis qui cepissent. Ea sunt *quinquagintaquinque milliones*, nisi calculus me fallit: quod & alibi vereor, & ignoscendū est in sermonis hoc cursu & calore. Adiungo NYMPHIDIUM, post Neronē, promissum: non Principis, sed pro Principe tamen factum. Ipse vt *Urbanum omnem militem & Prætorianum Galbæ* adiungeret, promisit iis \* *septem mille & quingentas drachmas viritum; reliquis extra urbē, \* mille ducentas quinquaginta*. In Plutarcho hoc ita leges, ingentem donationem, & qualis antea in hoc genere nec fuit. Nam priores illæ *Drachmæ* in Urbanos, faciunt nobis *septingentos quinquaginta Philippicos*: alteræ in Legionarios, *centum viginti quinque*. Quò hoc ascendat in plura quàm *viginti quinque millia* Urbanorum: in amplius *ducentena* Exterorum? vt Classes, & talia, omittam. Iure igitur Plutarchus exclamat & queritur, *plusquam Neronem hunc renatum, nec potuisse eam pecunie molem exstrui, nisi vt omne Romanum imperium attereretur aut euerteretur*: præsertim post tot & tam recentes à Nerone ictus. Infinitæ deinde sunt largitiones in militem, vel in populum: sed, nisi memoria imponit, infra iam dictas. Ideò nec pono, vnam *Seueri Imp.* tantum libo. Dionis compendium: *Celebrauit Decennalia imperij sui, & dedit populo qui frumentum solet accipere* (nota semper ferè de Populo frumentario) itemque *Prætorianis decem aureos*. Quam in re se iactabat. reuera enim NEMO vnquam antea tantum SIMVL dederat, effusumque hac donatione \* *bis millies* Hs. Decem istos Aureos, scito Romanos fuisse: id est nostros *viginti*, aut paullo amplius. Ita magna vis assurgit, & expressa est à Dione summa: sed hæreo an satis ex vero additum, *numquam antea tantum datum*. Nam & Commodi Imperatoris superfluens donatio fuit, in Lampridio notata: *Congiarium dedit populo, singulis Denarios septin-*

\* Latine  
esset, Tri-  
ginta se-  
stertia.

\* Latine,  
Quina se-  
stertia.

\* Quinque  
milliones.



*septingentos videnos quinos. Qui sunt Romani aurei vigintino-*  
*uem: pænè triplum eius, quod Seuerus postea dedit. Nam*  
*quod vir doctus quidam hîc rescribit septuagenosquinos, valdè*  
*est præter rem & Lampridij mentem. Sed scilicet Dionem*  
*scribere, Simul nunquam tantum datum: id est, & Populo &*  
*Militibus. Alioqui & superiores aliquot donationes militares*  
*valdè excedunt. De Donis peregi, & simul de Opibus publicis.*

## CAP. XV.

*De priuatorum aliquot opibus, & materie huius finis.*

**T**RANSEO ad *Priatas opes*, quæ & ipsæ magnæ fuerunt;  
 & per multos sparsæ. Quis nescit Senatores aut Senato-  
 rios plurimos fuisse, & plures longè Equites Romanos? Atqui  
 primis illis, census sub Augusto fuit *Decies HS: siue vigintiquin-*  
*que millia Philippæorum. Istis, id est Equitibus, census Quadrin-*  
*gentorum, quæ faciunt decem millia Philippæorum. Hic census,*  
*quem necessariò haberent: quàm multos, & plerosque om-*  
*nes, putas excessisse? Ac lubet paulisper recensere hos diui-*  
*tes: inter quos quem priùs, quàm Crassum illum cognomen-*  
*to Diuitem? Cicero aliq̃ue de eo, atque etiam in eum Cicero*  
*ista: Multi audierunt ex te, cùm diceres, Neminem diuitem esse,*  
*nisi qui exercitum suis FRVCTIBVS alere posset. Ergo hoc pro-*  
*posito, numquam eris diues, antequàm tibi ex tuis POSSESSIO-*  
*NIBVS tantum reficiatur, vt ex eo tueri sex legiones, & magna*  
*equitum ac peditum auxilia possis. Hæc vox Crassi fuit, opinor, ne-*  
*gantis se Diuitem, etsi vulgò ita audiret: quia nemo sic dicen-*  
*dus, nisi cui tales opes. In Plinio hoc paullo contractius:*  
*M. Crassus negabat locupletem esse, nisi qui REDITV annuo tueri LE-*  
*GIONEM posset. In agris suis HS. bis millies possêdit, Quiritium post*  
*Sullam ditissimus. Qui locus inspectione, fortasse & correctione*  
*eget. Primùm de Legionè vnâ ait: quod Cicero palàm de pluri-*  
*bus(imò & sex nominat)& item Græci de exercitu tradūt. Itaque*  
*in Plinio quoque verius censeam, Legiones. Iam quod addit, bis*  
*millies in agris possedisse: quid ergo in aliis? in seruis, in pecuniâ, in*  
*vasis ac supellectile, denique in domibus, quantum habuit? Sa-*  
*nè alterum tantum dixerit aliquis, ex communi tunc ratione*

In Para-  
dox.

Lib. xxxiiij.  
cap. 1.



& proportione opum. Plutarchus scribit, solos *architectos & fabroscum in seruis habuisse*, ad quingentos, quorum operam elocabat in vrbe ruinis vel incendiis obnoxia: quid deinde seruorum ad reliquos vsus, domi vel in agris? Hæc eò deduco, vt solicitem & quatiā lectionem Plinij receptam: & quia non arbitror in solis agris sic habuisse. Argumento ex Plutarcho, quòd totus census eius, *post Decumas Herculi datas, & epulum frumentumque plebi, non fuerit nisi septem millium & centum talentorum*. Atqui longè hoc ab illo *bis millies* abest in solis agris. Facit & ipse Plinius, qui paullo pòst subiicit, *Multos postea se cognouisse, seruitute liberatos, opulentiores*. Libertos autem intellegit, qui ad *ter millies*, aut circà, peruenerunt. Non insisto: dico, legendum mihi videri in Plinio, *nisi qui legiones tueri posset ex agris suis*. *Sestertium bis millies possedit*. Vt vniuersæ opes eius fuerint *bis millies*, siue *quinque millionum*. Senecæ locus huc addatur: *M. Cato possidebat ipse quadragies HS. minus sine dubio quàm Crassus, plus quàm Censorius Cato*. Maiore spatio, si comparetur, proauum vicerat, quàm à Crasso vinceretur. Moneo primò legendum, *quadragesies HS.* quod certum est: deinde addo, ex hac comparatione elucere, quòd haud multo vltra *bis millies* Crassus potuerit habere. Alioqui nimium interuallum sit inter Catonem Vtiensem & ipsum: quod Seneca negat. AVD. At enim Lipsi, vis tu igitur Crassum ad reditum ex agris tantum respexisse? LIPS. Videtur. nam & Cicero scripsit, *nisi tibi ex POSSESSIONIBVS tuis tantum reficiatur*: & antè, *nisi qui exercitum FRUCTIBVS suis alere posset*. Ea verò ad agros spectant: & ipsa Plinij vox, *Neminem LOCUPLETEM esse*. Et si haud nego, multos Romanorū magna latifundia habuisse: sed summa hæc exorbitet. Alioqui L. Domitius ille, successor in Galliam Cæsari destinatus, agris sanè abundare debuit, qui (in ipso Cæsare) Corfinij obsessus, ad animandos milites, in concione agros ex SVIS POSSESSIONIBVS pollicetur, *quaterna in singulos iugera, & prorata Centurionibus Euocatisque*. At enim triginta cohortes ibi militum, id est *duodecim circiter millia*. Ea sint igitur *quadragesimo octo millia iugerum*: quid iam in Centurionibus & Euocatis, quibus *duplum* debebatur? Lego & in Plinio: *Sex dominos semissem Africa possedisse sub Nerone, quos ille interfecerit*. Quid Seneca, de Pompeio (an Poppæo) quodam, sub Caligulâ? nam

Devisâ beatâ  
cap. XXI.

i. Ciuil.

Lib. XVI.

De Tranq.  
cap. XI.



nam qui *Ptolomæum* restituant, ab ipso mox refelluntur. Quid igitur de eo? *Panem & aquam defuisse, cum TOT FLVMINA possideret, in suo orientia, in suo cadentia.* Si hæc vera, oportuit totas regiones possedisse. vti C. Antonius ille, collega Ciceronis in Consulatu, totam *Cephaloniam insulam, velut proprium patrimonium habuit, atque ibi opidum etiam nouum struxit:* quod traditum ita Straboni. Hi verè locupletes: & quorum fundos nec milui Lib. x. oberrauerint, vt ait poëta. Sed redeo ad vniuersè Diuites, inter quos L. Cornelius Balbus meritò locandus. qui (vt Dio scri- Lib. xlvij. pfit) *homines suæ ætatis Diuitiis & Magnitudine animi supergressus est, adeò vt moriens populo Romano viritum legauerit denarios viginti-quinque, siue Aureum Romanum vnum.* Quid putemus nunc heredes, & legatarios habuisse? Seneca etiam noster, ille doctrinæ & sapientiæ, id est internorum bonorum, ita diues, quàm rarâ sorte, & externorum fuit? Eum *ter millies* *hs. possedisse,* amicus illi Tacitus scripsit, & inimici cum multâ inuidiâ obiecerunt. Avd. Quidni Lipsi? & ille vir maximus, hoc vno titulo apud me minuit, quòd sic in opibus abundet. Philosophum hoc decuit? & quidem Romanum, qui facta sibi vindicant, magis quàm verba? Lips. Miserum Senecam, vt video. quare? quòd non Virtus solùm ei, sed Fortuna fauerit: & in alio tamen aliquo hoc laudemus. Sed quia rara hæc coniunctio, præsertim in modesto & sapiente, & *bonæ mentis,* vt ille inquit, *soror est paupertas:* homines indignantur, liuent, Senecam equis & quadrigis incurrunt. At meo iudicio, ô virum hoc ipso magnum, quòd capere potuerit, quòd vti, quòd habere (vt vno verbo dicam) & non haberi! Quid, quod nec eas suspexerit? inter media censuit, inter fluxa, & quæ si abirent, nihil auferrent, nisi semetipsas. Audi illum, ô Liur, & file. Pone me, inquit, *in opulentissimâ domo, vbi aurum argentumque in promiscuo vsu sit.* Non suspiciam me ob ista, quæ etiam si apud me, tamen extra me sunt. In Sublicium rursus pontem me transfer, & inter egentes abige: non idèò tamen me despiciam, quòd in illorum numero consideam, qui manum ad stipem porrigunt. Quid ergo est? domum illam splendidam malo, quàm pontem. Hæc vera philosophia est: posse habere, posse carere, non cupere absentes, capere & præsentis: iisdem vti benè, & bonis subleuâdis. Sed quid eua- gor? diues Seneca, & nostro more septuagies quinquies centena millia



Apud Tac.  
xiiii. An.

possedit: plus meruit (audi & hoc Liur: ) & multi nequaquam eius artibus pares plus habuerunt, vt Nero ad eum dixit. Ecce Cn. Lentulus Augur ( ait ipse Seneca ) diuitiarum MAXIMUM EXEMPLUM, antequā illum liberti pauperem facerent, quater millies HS. suum vidit. Propriè dixi (inquit) nihil enim ampliùs, quā vidit. Hic stupor igitur possedit ipsos decem milliones, Regum aut certè Regulorum opes. Sed indicat Seneca, libertos & plus habuisse. Ac

xii. Ann.

sanè de Pallante Tacitus scribit, sesterij ter millies possessorem fuisse: quod quater millies, me volente, Dionis Breuiarium in Nerone expressit. Et hoc ipsum de colliberto eius Ælio Narcisso, idem Dio in Claudio narrauit. Sed aula hos beaur, inquires. Vis igitur & homines, non è Senatu vel aulâ? ecce è mediâ ple-

Lib. xxxij.  
cap. x.

be vnum, è Plinio: C. Asinio Gallo, C. Marcio Censorino Coss. (id fuit sub Augusto) C. Cælius Claudius Isidorus testamento suo edixit, Quamuis multa civili bello perdidisset, tamen relinquere seruorum quatuor millia centum sedecim; iuga bouum tria millia sexcenta, reliqui pecoris ducenta quinquaginta millia, in numerato HS. \* sexcenties. Funerari se iussit HS. vndecim millibus. Vide tu tot seruos, boues, pecudes, tantum numeratæ pecuniæ: & miror agros non expressos, quos tamen suspicor habuisse, itemque villas, & ædes. Sed vt ut sit, familiam illam solam seruorum vide: quis Principum habet? Avd Valdè quidem isti copiosi in seruis, quod & in Crasso notaui. Lips. Valdè. & Petronius ex more, si non ex vero, de Eumolpo suo facetissimâ narratiunculâ scripsit: Familiam quidem tam magnam per agros Numidie sparsam habere, vt vel Carthaginem posset capere. Certè aliquot millia esse debuerunt eorum, qui armis apti: sicut & historicâ fide Vopiscus de Proculo tradit, eo tempore quo sumpsit imperium, duo millia seruorum suorum atmasse. Quid Belisarius ille sub Iustiniano magnus? duodecim millia puerorum (ita loquuntur) habuisse propria, Aimoinus, Regino, alii-que testantur. Nam illud quod in Athenæo adfirmatè scribitur, quale est? Quosdam Romanorum ad DECEM aut VIGINTI millia seruorum habuisse, nec vt QVAESTVM ex iis facerent, sed vt asseclas aut subsequas eos modò haberent. Hoc de seruis, mihi ipsi timidè tardeque credendum, & tamen credendum. De aliis armentis, simile aliquid (etsi minus est) in Vopisco item lego, de villâ Valeriani priuatâ, in quâ quingenti serui, duo millia

\* Decies  
quingies  
cetera mil-  
lia Philip.

Lib. vi.

vacca-



vaccarum, equae mille, ouium decem millia, caprarum quindecim millia fuere. Quæ mea mens, cum ista cogito? ubi nostræ paupertinæ villæ, nec millesimis horum instructæ? Et quàm pauca tamen talia aut scripta sunt, aut si scripta, ad nos peruenerunt? Casu factum est, quod Cæsar prodiderit (& mihi casu incidit) T. Labienum Legatum suum in Galliis, opidum Cingulum constituisse in Piceno, & suâ pecuniâ exedificasse. Vide in homine priuato opes & animum Principis, qui eas in tota opida struenda conuertit: quod & medici quidam apud Plinium fecere. Quid autem, quod etiam inferiore æuo, rebus & imperio labentibus, magnæ istæ opes? Olympiodori hæc excerpta audi: *Ὅτι πολλοὶ οἰκοὶ Ῥωμαίων ἀποδόδους καὶ ἐνιαυτὸν ἐδέχοντο ἀπὸ τῆς κτημάτων αὐτῶν, ἀνὰ τεσσαρῶν τε χυσοῦ καὶ τινάδεα, καὶ τῆς σίτου καὶ τῆς οἴνου, καὶ τῆς ἄλλων ἀπάντων εἰδῶν. ἃ εἰς \* τρεῖς ὠφέτερον, εἰ βὴν ἀράσκειτο, τῆς εἰσφερομένου χυσοῦ.* \* Verto Trientem: an aliquis Triplum aufit? *τῶν δὲ μετὰ τοὺς πρώτους τῶν δολύτερον οἰκῶν τῆς πρώτης, ὡς τετραδίδεα, καὶ δέκα καὶ τεσσαρῶν ἢ ἀποδοῖ.* *Ἐλὼ: Multæ Romanorum domus (id est, earum domini) in annuo redditu accipiebant à possessionibus suis, ad \* quadraginta centenarios auri: idque absque frumento, vino, & aliis speciebus, quæ si venderentur, facile trientem æquarent illati auri. Secundariæ autem domus, quindecim centenarios aut decem recipiebant.* \* 400000. anteq. *Hæc ille, sub Honorij & Arcadij æuum: quàm defectâ iam Româ, & per illam Nouam imminutâ? Atqui tot illi Centenarij (centum libræ auri in singulis) reddunt quadringenta nobis aureorum millia: & ubi frumentum, & reliqua? Atque etiam redditus tantum computat, non seruos & alia multa, quæ sine fructu. Addam distinctè & vnum exemplum, in quo desino. Capitulinus de Gordiano, adhuc priuato: Ditisissimus ac potentissimus, in prouinciis tantum terrarum habens, quantum nemo priuatus. Quæsturam magnificentissimè gessit. Ædilitatis suæ tempore, duodecim populo Romano munera, id est per singulos menses singula DE SVO exhibuit. ita ut gladiatorum nonnumquam quingena paria exhiberet, numquam minus centenis quinquagenis. Feras Lybicas vnâ die centum exhibuit, vrsos vnâ die mille: & plura deinde animalium nominatim: quæ omnia POPULO RAPIENDA concessit. Amplius de eo, auctore Cordo: In OMNIBVS ciuitatibus Campaniæ, Etruriæ, Vmbriæ, Flaminie, Piceni, DE PROPRIO illum per QVATRIDVVM ludos scenicos & Iuuenalia edidisse.* Qui



Qui benè hæc tollit singula & pensitat, quique scit quid sit ludos olim edere: nescio quam trutinam reperiet ad tot illa ponderanda aut æstimanda. Diducere mihi non placet, placet ab-  
iungere: & *Opes Romanas* publicè priuatimque satis videox ostendisse. Tu abi, cæna, dormi.

I. L I P S I  
DE MAGNITVDINE  
R O M A N A  
L I B E R I I I.

C A P V T I.

*Ad Opera Romana transitum, & primò de ligneis aut temporariis dictum.*



V D. Malè mihi hac nocte fuit. L I P S. Quid ita? A V D. Quia herè nimium benè. Suaues illi sermones animo inhæserunt, & per cerebri huius spatium inerrantes, verè dico, ademerunt mihi somnum. L I P S. Aliter ego dixeram: & meministi, vltimi mei, *Dormi*? Atqui cautio erit ne sic in posterum: mitemus potiùs, aut suspendemus, hos sermones. A V D. Quin tu verbum hoc suspende: nam meruit. Itane sermones hos tollas, in quibus vnica mihi spes solatij? nam ne nescias, vt ij qui à scorpis sunt icti, ab iisdem remedium habent: sic ego nunc affectus. Ad te propero, qui pupugisti. L I P S. Ad me? non ego Scorpis, sed Aspis: aurem claudio ad has cantilenas. A V D. Benè est, pungat me & hæc aspis, vt dormiam: & suauis veneno infundat somnum. L I P S. Age, age, medebor: sed non, vt censet, suauiter mihi homo: ego verò vt fastidientes quosdam ægros medici, ad exercitia & OPERA te ducam. Ecce enim ea ordine sequuntur. Duplicia autem Romana istæ Opera, *Temporaria* & *Diuturna*. Illa, quæ subito & in breue tempus aliquod excitabantur, è terrâ aut ligno plerumque: ista, quæ in longum, & mansura, è latere, lapide, & materic



terie firmiore. *Temporaria*, duplicia iterum video, *In Militiâ*, & *Extra eam*: atque utraque mereri iustam admirationem. Nam siue militiam videas, quis *Fossas*, *Vallos*, *Aggeres*, & talia terrea; iterumque materialia, *Turres*, *Testudines*, *Musculos*, *Vineas*, legit, tam multa, tam crebra, & aut industriam, aut vires hæc patrantium, non æstimat & admiratur? Siue extra eam quædam, in voluptatem aut splendorem structa; quomodo idem affectus non insinuet animo vel irrumpat? Et Militaria quidem mitto, \* aliâs mihi explicata: pauca ex ciuilibus tangam. Quo in genere ludicra præcipuè fuere: ut *Theatra*, *Amphitheatra*, *Circi*, & *Mechanici* magnæ eiusmodi moles, structæ sæpe in paucos dies, & pænè ut deiicerentur. Duo exempla in Plinio, etiam cum eius, qui tam multa ADMIRANDA viderat aut legerat, nimiam admiratione. M. Scaurus, inquit, fecit in *Ædilitate* suâ opus omnium MAXIMUM, QUAE VMQVAM FVERE HVMANA MANV FACTA, non temporariâ morâ, verumetiam æternitatis destinatione. *Theatrum* hoc fuit. *Scena* ei triplex, in altitudinem CCCLX. columnarum. *Ima pars scenæ* è marmore fuit, *media* è vitro, inaudito etiam postea genere luxuriæ. *Summæ tabulis inauratis columnæ*, ut diximus, *imæ duodequadragenum pedum*. *Signa ærea inter columnas*, ut indicauimus, fuerunt tria millia numero. *Cauea ipsa cepit hominum LXXX. millia*, cum Pompeiani theatri, toties multiplicatâ urbe, tantoque maiore populo, sufficiat largè XL. millibus. Sed & reliquus apparatus tantus, *Attalicâ veste*, *tabulis pictis*, ceteroque choragio fuit, ut in *Tusculanam villam* reportatis quæ superfuerant cottidiani vsus deliciis, incensâ villâ ab iratis seruis, concremaretur ad HS. millies. Quid est? frigēs, nec excitaris? AVD. Nihil. ipse Plinius me tepefecit, cum scripsit, non temporariâ morâ, sed æternitatis destinatione factum. Me tepefecit, te refellit, qui inter *Temporaria* hoc refers. LIPS. Tene tam læuè Plinium capere? præuidebam, & metuebam. Sed hoc ille dictum voluit, istud *Temporarium* eminuisse etiam inter firma illa, & quæ æternitatis spe facta. Non aliud sanè dixit: & ecce alibi eius verba. In *M. Scauri ædilitate*, tria millia signorum in scenâ tantum fuere, temporario theatro. Audin, temporario? Iterumque alibi: *Trecentas sexaginta columnas M. Scauri ædilitate ad scenam theatri temporarij* & vix vno mense futuri in vsu, viderunt portari silëtio legum. Quos locos libentiùs adfero, quia Plinius eosdem adspexit, cum hîc

N

scripsit:



scripsit: vt diximus: & vt indicauimus: nempe hispidis locis. Sed quod hîc etiam est: *Ima pars scenæ è marmore.*) explicat idem suprâ, in cap. vi. *Marmoreos parietes habuit scena M. Scauri, non facîle dixerim sectos, an solidis glebis politos, sicuti est hodie Iouis Tonantis ædes in Capitolio. nondum enim secti marmoris vestigium erat in Italiâ. Vltimis item verbis, concremaretur ad Hs. millies:)* è manuscriptis aliquis mallet, *ad bis millies:* nec nimium sit pro reliquo luxu. Alias operis partes tu per te, & otiosè, si voles, inspicere & adstupefces: ego alterum exemplum, ex eodem Plinio, qui dictis iam subnectit. *Aufert animum, & à destinato itinere digredi cogit contemplatio tam prodigæ mentis, aliamque connecti insaniam è ligno. C. Curio, qui bello ciuili in Cæsariensis partibus obiit, funebri patris munere, cum opibus apparatuque non posset superare Scaurum (vnde enim illi vitricus Sulla, & Metella mater, proscriptionum sectrix?) cum iam ne ipse quidem Scaurus sibi comparari posset, quando hoc certè incendiij illius premium habuit, conuectis ex orbe terrarum rebus, vt nemo postea par esset insanie illi. Ingenio ergo vtendum fuit: operæ pretium est scire quid inuenerit, & gaudere moribus nostris, ac nostro modo nos vocare maiores. Theatra duo iuxtâ fecit amplissima è ligno, cardinum singulorum versatili suspensa libramento: in quibus vtrisque antemeridiano ludorum spectaculo edito, inter sese auersis, ne inuicem obstreperent scenæ; & repentè circumactis, vt contrâ starent, postremo iam die, discedentibus tabulis, & cornibus inter se coeuntibus, faciebat Amphitheatrum, & gladiatorum spectacula edebat, ipsum magis auctoratum populum Romanum circumferens. Quid enim miretur quisque in hoc primum? inuentorem, an inuentum? artificem, an auctorem? ausum aliquem hoc excogitare, an suscipere? parère, an iubere? Super omnia erit populi furor, sedere ausi tam in fidâ stabiliqûe sede. Quæ vilitas animarum ista? aut quæ querela de Cannis? quantum mali potuit accidere? Ecce populus Romanus vniuersus, velut duobus nauigiis impositus, binis cardinibus sustinetur, & seipsum depugnantem spectat, periturus momento aliquo, luxatis machinis. Difertè ista Plinius, & culpans simul a claudans. Quid autem nos? Legimus, intelligimus, vix credimus (de meo sensu hîc fateor:) & qui quanti que illi cardines singuli, qui tota theatra sustinerent, verterent, iungerent, disiungerentque? De me, pa-*



rum est: sed coëant ipsi artifices nostri & architectones, laborabunt in re non dicam conficiendâ, sed exputandâ. Plura huius generis passim: sed in circumfusâ rerum copiâ, excerpimus pauca & eligimus, cum iudicio, ut possum. AVD. Hic non adhibes, quod cum pace tuâ dicam. LIPS. Quid iam? AVD. Nam ars & ordo ita præcipit, in dicendo narrandoque ascendere, & ut ille ait, *ex fumo flammam, non ex flammâ dare fumum*. At tu culmina operum dixisti, & minora haud dubiè dabis. LIPS. Minora? aliter dices, cum illa *Perpetua* & firma audies: quid si & nunc aliter in his Temporariis? Caij Caligulae pons nescio an ingenio, mole certè & magnitudine vincit, sed & insanâ illâ ambitione siue periculi, siue nouitatis. Struxit eum in ipso mari, nauibus impositum, magnitudine *trium milliarium & quadrantis*: id est, toto illo spatio, quantum est à Puteolis ad Baulos. Per hunc, triumphantis ritu, cum Senatu militibusque incessit, spectante toto populo: in eodem epulatus, noctem etiam peruigilem egit, inter lasciuias & ludos. Addo autem *in paucis diebus* (nam & sic narrant) pontem hunc totum structum: unde tam subito nauibus, armamentis, trabibus, omni aliâ materiâ conuectâ? Immensum opus perpendenti, sed cui laudem vanitas detrahit. nam quo fine structum, nisi ut destrueretur? Simile in *Caracallâ*, quem alterum *Caligulam* licet dicere. Is autem non suis solum, sed alienis opibus proteruè abusus. cum, ut Dio scribit, *adigeret homines Senatorij ordinis, quoties Româ egrederetur, domos & praetoria varia struere, item diversoria splendida: etsi in plerisque non solum non acturus haesurusve erat, sed nec ea visurus*. Amplius, *ubicumque hiematurus erat, aut etiam putabatur hiematurus, cogebantur amphitheatra & circos struere, nec in sumtum quicquam ab eo capientes: & ea ipsa mox deruenda*. Quis cum hæc legit, siue audit, non admiratur opes & splendorem Senatorum, qui patrare hæc poterant? non item detestatur illius insaniam, qui iubebat? Olim in populi totius voluptates, Theatra & Circi structi: nunc in vnus imaginarium vsus. Nam nec vidit hæc omnia sæpe, ut Dio dixit.



*Diuturna opera, & caput omnium Roma. De situ eius, & in primis de magnitudine indagatum.*

**S**ED à damnosis istis & *Temporariis* ad stabilia & vtilia veniamus, & quæ *Perpetua* dixi. In hoc genere multa sunt Romanæ magnificentiæ, nec in vrbe solùm aut ipsâ Italiâ, sed per terrarum orbem sparsa. Licet dicere. diuino munere Romanos datos, ad quidquid rude, expoliendum, ad quidquid infectum, faciendum, & loca hominesque, elegantiam aut artibus, passim exornandos. Quot *Opida* noua structa? vetera ampliata, aut reparata? in iis *Templa*, *Basilicæ*, *Fora*, *Porticus*, *Aqueductus*, *Vie*, *Theatra*, *Circi*; & plura, quæ aut vsum haberent, aut amœnitatem. Quid iam *Private* structuræ, vt *Domus* aut *Villa*? omnia splendida, ab ingenio simul & pretio commendanda. Atque ego hîc hæreo. AVD. Quid tibi est? LIPS. Sine. AVD. Non pergis? LIPS. Mane inquam. AVD. In capite viæ sistimus? LIPS. In capite. immensa & vaga se aperit, nec satis scio quî limitem eam aut stringam. Poëtæ animi causâ solent dicere,

*Unde tamen cepti iam surgat carminis ordo?* ego ex vero: & incertus animi feror, vbi ordiar desinamque. Nam si vel singularia tantùm ostendenda sunt, per omnes prouincias, vrbes, agros eundem est: vbique enim tale fuit. Infinita, inquam, ista sunt, & cum poëtâ principe,

\* - quot folia aut flores in vere virescunt, Aut quot muscarum densarum examina bombant.

\* — ὅσα τε φύλλα καὶ αἴθρα γίγνεται ὥρη,

Ἡὺ γὰρ μυῖων ἀσπιδίων ἔθρεα ποτλά.

Sed cogitanti hoc sedet, solam *Romam* tibi ostendere, omnium operum opus, vt sic appellem: & in quâ solâ fuit, quidquid vbique fuit. Ipsam si in parte nosti (totam ne speres: ) etiam illa prouincialia noueris, quæ pleraque facta ad hoc exemplar. Nam & coloniae *Capitolia* sua, *Fora*, *Basilicas*, *Theatra*, & talia, habebant ad vrbis dominæ & parentis suæ ritum. *Roma* igitur faue, & te ostende: & paulisper è ruinis tuis, si fas est, veterem vultum attolle. Situm tuum primum video, & laudo: aut potius pro me *Camillus* ille apud *Liuium*, qui te bis condidit, & dum *Gallis* eripuit, & dum tibi ciues retinuit & firmavit. Nam absque eo abibant, & *Veij* iam *Roma* erant. Ille igitur: *Non sine*



*sine causâ* Dii hominesque hunc Vrbi condenda locum elegerunt. saluberrimos colles, flumen opportunum, quo ex mediterraneis locis fruges deuehantur, quo maritimi conuentus accipiantur; mare vicinum ad commoditates, nec expositum nimia propinquitate ad pericula classium externarum; regionum Italiae medium. Videamus, Auditor, paulisper horum singula: & iuuabit me recitatio, & quasi in Româ iterum sistet. AVD. Bonâ veniâ, quot iam anni ex quo lustrasti? LIPS. Ipsi vigintiseptem, cum discessi: sed animum non auelli, & antiquitas amabilis, sed & religio venerabilis sæpe eò vocant. Quod ergo dicebam, Camilli ruminemur. *Saluberrimos colles.* (Hodie vix ita sunt: sed causa, solitudo & desertio, tum & auræ è vicinis paludibus vel æstuariis, & quas alij indagent. *Flumen opportunum.*) Tiberis ille pater, qui urbem secat: *latus circa eam*, vt Dionysius monuit, *quattuor iugera*, (siue pedes CC-CC:) *profundus sic*, vt *maximas naues suscipiat, & portet*. Addit & *Mare vicinum*.) nam distat XVI. millibus passuum, vt Plinius & Antoninus metiuntur, siue, quod idem est, *centum viginti stadiis*, vt Dionysius. Non ergo Strabonem audies, qui *centum nonaginta* ea computat: sed numerotum & librarij sui errore. In Appiano an error talis, qui non nisi *centum stadia* computat? Nam verba Censorini Consulis sunt, suadentis siue iubentis Carthaginenses, dirutâ vrbe suâ, à mari abire: *A mari iubemus non nisi LXXX. stadia vos recedere*, cum nos ipsi ab eo distemus *stadiis centum*. Ego tamen hoc non mutem, & verè dictum censeam: sed aspectu latæ & magnæ illius Romæ, quæ extra prima incœnia (mox dicam) in orbem se diffundebat. Ab eâ ille computat: etsi fortasse parùm adhuc verè aut decorè in Censorini personâ. Sed æuum suum, vt fit, aspexit. Claudit Camillus, *Italia medium esse*.) Ita, in longitudine. nam latitudinem si spectas, finem tenet. Hoc verius, quàm quod Vitruuius etiam *mundi mediam Romam* fecit: nec hoc nobis persuadebit, nisi sui fortasse & Romani mundi. Hec Camillus: sed Rutilius Gallicanus, cuius Itinerarium exstat, ab infimo æuo non infimi carminis, hoc quoque in eâ miratur, quòd *munitissimo loco sita*, nec Alpibus solùm ab omni vi subitâ, sed Apennino defensa.

Lib. vi.  
cap. i.

*Sisactum certâ mundum ratione fatemur,  
Consiliumque Dei machina tanta fuit;*



*Excubiis Latius prætexit Apenninum,  
 Clausuraque montanis vix adeunda viis.  
 Inuidiam timuit Natura, parumque putavit  
 Arctoïis Alpes opposuisse minis.  
 Sicut vallauit multis vitalia membra,  
 Nec semel inclusit quæ pretiosa tulit:  
 Iam tum multiplici meruit munimine cingi,  
 Sollicitosque habuit Roma futura Deos.*

Ista Rutilius pulchrè: sed nos à Situ *Formam* videamus. Nec veterem illam reuoco, *Quadrata*, & qualis sub Romulo fuit: perfectam & plenam considerasse sit satis. quæ rotunda propemodum fuit ( etsi haud iustè tamen ) & septem suos colles amplexa, grandem ambitum fecit. Quem vtinam firmiter metiri tibi possim! ah, ah. AVD. Quid suspiras? etiam iterum? LIPS. Iterumque, & ab imo pectore. Ah, cur non Romæ nunc paucos dies sum? cur non obambulo, video, metior? cur non cum viris doctis inibi conféro? firmitus fortasse certiusque definirem. Sed vel sic conabor. AVD. Ego in suspirio tuo rideo. Nam cur voues, quod potes, imò quò impelleris, aut inuitatis? nōne Itali, & ipsa Roma, hoc faciunt? LIPS. Faciunt, & gratiam pro iudicio vel affectu debeo: sed quid dicam? Fatum meum primò me tenuit: mox & Rex: illud occulto decreto, hic apertâ benignitate. Ad summâ, video Belgæ mihi in Belgis moriendum: etsi de reuiscendâ eâ obiter non despero. Sed de nostro ambitu. scribunt veteres, Seruium Tullium regem, ad quinque colles iam inclusos vrbi, duos addidisse *Viminalem* & *Esquilinum*, & talem tantamque deinceps fuisse Romam. Dio-

Lib. 1111.

nysius in eâ re apertè: *Vlterius verò NEQVE NVNC processit vr-  
 bis ambitus, fato aut numine, vt aiunt, non permittente.* Neque nunc, inquit: quando? Augusti æuo, quo ipse scripsit. Sed ille ipse ambitus igitur quantus? idem ita docere voluit, dum subiicit:

Lib. VI 11.

*Quod si quis metiri ambitum eius voluerit, conferat cum Athenarum  
 vrbe, nec multo maior apparebit.* Quod idem & alibi iterauit. Voluit, inquam, docere: vix nos docuit, sed suos sanè Græcos, qui Athenas norant. Nos quid? & de huius ambitu quæramus. Lego quidem in Dione Chrysostomo, *Circuitum Athenarum,  
 cum Pyraeo & Longis muris, fuisse duceturum circiter stadiorum:*

Orat. de  
tyrannide.

quæ



quæ nobis sint *viginti quinque miliaria*. Sed an Roma igitur tanta? non opinor, nec ausim dicere: & causa est, quod Dionysius disertè *Athenarum astu* siue urbem dixit, nec *Pyraeum*, opinor, aut *Longos muros* inclusit. Itaque iterum hæremus. AVD. Vis ego te transferam? LIPS. Gratia erit. AVD. Nam hodie ipsa res docet, & muri illi antiqui ambitum habent XIII. aut XV. miliarium, ut notant. Quid ergo ambigis? LIPS. Hos istos, veteres non fuisse. Multa sunt, quæ arguunt: sed ipsa maximè forma sic enormis, & alibi sinuans introrsus, alibi procurrens extrorsus: prorsus, ut non à priscâ illâ accuratione & elegantia, sed à nouitiâ aliquâ necessitate impositum & subitum opus videatur. Neque ambigendum est, ut mox dicam. Sed de veteri igitur ambitu, videamus ecquid Plinius iuuabit, qui ex professo describit: *MOENIA eius collegere AMBITV, Imperatoribus Censoribusque Vespasianis, passuum XIII. millia ducenta. Complexa mores septem, ipsa diuiditur in Regiones XIII. compita earum CCLXV. Eiusdem spatij mensurâ currente à Milliaro, in capite fori Romani statuto, ad singulas portas, efficit passuum per directum XXX. millia, DCC. LXV. Ad extrema verò tectorum cum castris Prætoris, ab eodem Milliaro, per vicos omnium viarum, mensura colligit paullo ampliùs LXX. millia passuum*. Rem totam hîc habeas, si verba hæc aut tenebras suas, aut & vitia, non haberent. Inspiciamus. *Mœnia ambitu colligere facit passuum XIII. millia*. Sanè hoc sit pro hodiernæ Romæ modo, si modò lectio firma: quam & prisci libri sollicitant, *XXX. millia* scribentes; & Leander, atque alij superioris ætatis, qui *XX. millia* legerunt, & defenderunt. Pergit, *Eiusdem spatij mensurâ currente à Milliaro*. Intellego idem spatium, totum illum ambitum, & eo inclusum. Hoc, inquit, spatium si metiris: unde? à *Milliaro*: & intellegit *\* Columnam* illam *Auream* in foro Romano statutam, in quam Italia omnes viæ finiunt, ut ait Plutarchus. Augusti hoc institutum fuit, qui & posuit *Columnam*, & ab eâ voluit currere mensuras. Pro hoc igitur more Plinius metitur, non à portâ ad portam (ut video quosdam suspicari) sed palâm à *Miliario*, quod quasi in vrbe mediâ, ad singulas portas. Sed numeri eius manifestò falsi sunt. Si *XXX. millia* ad quamque portâ: ergo in totâ diametro LX. sunt: ergo in ambitu, *CXXC.* quo quid absurdius? Et simile erit, etsi minus, si à portâ ad portâ *XXX.* sint, uti volunt. nam tûc certè triplicatâ diametro

\* De quâ  
Dio, Tacitus, & Icti.



metro, vt solet, exsurgent milliaria in ambitu *nonaginta*: an ipsis fatendum, aut nobis credendum? Iam in vltimâ mentione, ad *extrema tectorum*, inquit, ab eodem Milliariorum, *LXX. millia passuum*. Id quoque quâ potest? crescent supra modum hæc in ambitu, nec video excusanda. Vt mihi nunc videtur (meliora auidè semper audiam, capiam, vel potius arripiam:) sed vt mihi nunc, Plinij numeri isti corrupti sunt, & sic reformandi. *Mœnia collegere ambitu passuum XXIII. millia*. Hoc primum pono, tantam fuisse Romam: aut si placet, *XXII.* parum in vno alteroque milliariorum est. Vnde doceo? ex Olympiodori quibusdam Excerptis Græcis: in quibus ad verbum est, *Romanæ vrbis murus mensuratus ab Ammone geometrà, quo tempore Gothi primam inuasionem fecere; habebat spatium vnius & viginti miliariorum*. Iste vno milliariorum minus, quod alius addit: & Martinus Polonus, qui Chronicon scripsit: *In circuitu, inquit, Romæ sunt milliariorum viginti duo, præter Transiberim & Leoninam ciuitatem, cum quibus dicitur habere quadraginta duo milliariorum*. Vnde hæc habes Martine? ex aliquo veterum: nam pro tuo æuo, vtrumque hoc planè est falsum. At pro veterum, & verbis Plinij, planissimè verum. Pro verbis, dico, Plinij corrigendis, & porrò videamus. Nam altera mensura erat, à Milliariorum ad portas *XXX. millia*. Ego dico scribenda  $\infty \infty \infty$ : id est, *tria millia*. Et quis nescit ex ignorantia harum notarum sæpe, cum in Plinio, tum Liuiio, & alibi, peccatum? Nam putarunt *Denarias* notas esse: & inde nata illa *millia XXX.* Atqui aliter est, & sic si emendas, quanta proportio & consensus? Roma habet in ambitu *XXIII. milliariorum*: à milliariorum ad portam, *tria milliariorum & passus septingentos sexaginta quinque*: ergo in plenâ diametro, *septem millia quingentos triginta*: hanc triplica, nonne *XXII. & semis* in ambitu redduntur? At Plinius neglexit aut insuper habuit de dimidio, & rotundè *XXII.* aut *XXIII.* dixit. Simile in mensurâ vltimâ, quæ ad *extrema tectorum* colligit *LXX. millia*. Tu verò fac *septem millia*: & rem factam habes. Dupliciter enim metitur. à milliariorum primum ad ipsos muros portasque: deinde ab eodem, ad extrema tecta. Quare hoc? liquet enim Romam quasi duplicem fuisse: & clausam muris; & alteram non clausam, quæ tamen in orbe circumiecta esset, & continentibus ædificiis instructa. Vtramque igitur dimensus, dicit hanc vlti-



ultimam in semidiametro *septem milliaria* habere: duplica, sunt *quattuordecim*: triplica, erit ambitus iustissimè, *quadragintaduorum*. Et nōne hoc ipsum est igitur, quod Martinus dicebat? Addo probationem huic numero alteram, ex Vopisco. Is de Aureliano Principe: *Muros vrbs Romæ sic ampliavit, vt quinquaginta PROPE millia murorum eius ambitus teneant*. Quod tamen Zosimus Probo Imperatori perfectum opus adscribit. Si igitur tunc *quinquaginta propemodum* (nam id notat:) ergo iam antè facile ambitus ille ædium extremarum, *quadragintaduorum*: quia muri noui longiùs etiam paullò ab ædibus remoti. Ego in hac re nihil incerti vel infirmi video, nisi quòd libido quibusdam est dissentienti. Sed ô boni, an adeò tale nihil alibi? Ecce vrbs Locrorum (nec ea inter has maximas) *duodecim millia* in ambitu habuit, quod Liuius scripsit. Capuam superasse, non mihi videtur ambigendum. Quid Carthaginem illam, Romæ æmulam? *xxii. millia passuum* circumdedit, vt manuscripti Orosiani codices præferunt; siue *xxiiii.* vt Epitoma Liuiana. Ipsa Constantinopolis olim *xxii.* vt hac quoque parte compar matri suæ esset. Denique ad Tataros & Sinenses si abeunt, hodie reperient exempla. Desino, & satis firmasse videor: nisi quòd opponi nobis possunt (nihil enim dissimulabo, & ipse subiiciam) duo. Prius, quòd *Milliarium* non videtur iustè fuisse in vrbe mediâ, atque ita mensuratio faller. Nam fuit in *capite*, vt Plinius ait, *fori Romani*: atqui ab eo ad Tiberim, non par reliquæ vrbi spatium videtur, & maximè quòd ibi *Campus Martius*, omnium consensu, extra urbem. Respondeo. vt nunc quidem Roma est, non planè medium illuc esse fortasse (metiar, si illuc sim: nunc tabulis credo:) sed olim videtur fuisse. Sanè Victor, & Notitia Imperij, in foro ipso Romano, nec longè à *Milliario*, *Vmbilicum vrbs* ponunt. Sed esto tamen non exactè in medio: quid refert? non sic *πομετεμῶς* omnia, & ad lineam regulamque veteres metiuntur. Non mouet me de *Campo Martio*, quem fateor extra pomœrium habitum, & intra mœnia tamen fuisse. Nōne idem in *Auentino*? qui vsque ad Claudij tempora, in pomœrio habitus non fuit, & tamen à Regum tempore vrbi inclusus. Et campus quidem Martius etsi olim non erat, tamen Iulius Cæsar (quod Cicero ad Atticum scribit) destina-



bat eum includere: quî scio an non Augustus fecerit? nam & is pomœrium protulit: an denique non Nero? quem ego præcipuè puto in totâ Româ mutasse & innouasse. Et ab eo sanè facies & forma est, quam Plinius descripsit. Alterum, quod obiecti potest. Olympiodorum non nisi *viginti & unum* milliaria attribuere sub Honorio, cùm Roma capta fuit: vbi ergo illa *quadraginta duo* nostra, vel Aureliani *quinquaginta*? Respondeo, fuisse, & desisse. Nam ecce cùm Constantinus sedem imperij transtulit, & vnâ secum tot nobiles familias abduxit, frumenti etiam trientē abstraxit, denique seipsum & Aulam: nōne probabile est, Romam iterum valdè minuisse? idque in extremis & longinquis maximè, vt solet: atque ita reditū, collapsis aut disiectis Aureliani muris, ad veterem ambitum & modum. Alioqui & alterum mihi argumentum non inualidum pro tanto ambitu est, ex ipso Victore & Rufo, qui *Regiones vrbis* singillatim dimetiuntur. Sunt igitur quædam, vt illa *Auentini*, quæ *habent in ambitu xxxiii. millia. cccc. lxxxviii. pedes*: nōne ea reddūt *sex milliaria* amplius & *semissem*? Quid in reliquis illis *xiii*? in quibus vna item aliqua *xxx. millia pedum* habet, aliæ ferè *xvi. xv. xii.* & minima omnium *xi*. Profectò ex his iunctis ingens ambitus exsurgit, & (computa si lubet) propemodum ille noster. Sed tertio aliquis dixerit, quod tu antea, muros hodiernos contra nos esse. Sunto. tu veteres eos potes credere? & ita nescis toties dirutam, incensam, vastatam: iterumque instauratam & resectam esse? Noli arbitrari quòd in iisdem vestigiis. nam quâ spe eiusdem frequentia, aut felicitatis? Imò Honorius contraxit, post Belisarius, Narfes, denique & Pontifices Romani. è quibus *Hadrianus primus* (vt Blondus tradit) *muros eos, qui nunc exstant, centenis aureorum millibus è Thuscîa contractis, exstruxit*. Sed hæc apud alios leges: ego sententiam meam sine fūco liberè, & item sine pertinaciâ (quod profiteor) dixi. Hîc autem sistit me & percutit miserans quædam cogitatio. Ego te Roma illa vetus, & speciosa super omnes vsquam aut vnquam vrbes, non solùm non video, sed etiam quæ fueris, quæro? Quæ fueris? imò & vbi fueris: & quî scio, an non & aliquando, vtrum fueris quæretur? Non magis hoc mirum, si sæcla plura current, quàm nunc de Thebis Ægyptiis aut Troiâ dubitari. Nam ha-

bet



bet hoc ætas, vt formam primò tollat, tum rem, tum famam & nomen. O spes & res humanæ, quid estis? quò itis? huc flectite. En potens & superba illa Roma, quæ VRBS AETERNA audiebat, quæ VICTVRA CVM SAECVLIS, quæ DEORVM OPVS ET CVRA, tota periit, condita in ruinis suis iacet, & laboramus eruere, & adstruere magnitudini eius fidem.

## CAPVT III.

*Magnitudo Suburbiorum Romæ, & hominum in totâ Româ multitudo.*

SED philosophandi alibi sit locus: curramus nunc institutum cursum. Romam igitur duplicem habemus, veteri ambitu, & nouo: est & tertia quædam sine ambitu, & quæ in suburbiis procurrit. Ea quoque ingēs, & Plinij imagine ostendenda: qui ait, *exspatiantia testamultas addidisse vrbes*. Plures, inquam, sunt vrbes, & tot quot suburbia ipsa. Quæ Tybur, Oriculum, Ariciam, atque aliò excurrerant, sed maximè Ostiam & mare versus. Illuc vel ad xv. aut circiter milliaria procedebant: & fidem huic assertioni Neronis consilium ac destinatio faciat. cui ab hac causâ visum, Ostiam tenus (ait Suetonius) mœnia promouere, atque inde fossâ mare veteri vrbi inducere: etsi non effecit. De hac magnitudine iam suo æuo Dionysius: *Omnia loca circa urbem habitata, sine mœnibus esse. in quæ si quis intuens MAGNITVDINEM ROMAE exquirere velit, frustrâ eum fore, & hæsurum vbi desinat vrbs, vbi incipiat. Adeò suburbana, inquit, ipsi vrbi adherent & innexa sunt, & speciem IMMENSÆ LONGITVDINIS exhibent spectanti*. At maior etiam maiorque post illum. & Aristides Rhetor (sub Hadriano vixit, cùm vrbs in summo flore) comparat eam non ineptè cum Homericâ niue: *quæ excelsorum montium iuga operit, & agros item ac pingua virorum culta*. & addit: *Descendit etiam & porrigitur AD MARE ipsum, vbi commune est emporium, & omnium è terrâ gignentium distributio*. Atque idem haud vanâ μεγαληγοεια: *Tantam Romam esse, vt in quacumque parte quis constiterit, nihil impediat & in mediâ eum esse*. Quem locum hæc talia habeant, nisi in magnitudine istâ adstructâ? At tu vultu renides, & fortasse animo dissentis.



AVD. Etiam verbis, si licet. LIPS. Licet verò, atque adeò inuito. AVD. Nam quæ tu sic extollis & producis, Ostiam, Tybur, aliò; hæc omnia ego atque alius dixerit, non habitata ædificia, aut vrbis partes, sed Villas, Prætoria, & voluptarias eiusmodi domos fuisse. LIPS. Sanè alius hoc iam dixit: memini: sed quem reiicit, præter dicta, multitudo infinita hominum, quæ in vrbe hac totâ fuit. Opportunè enim & hoc argumentum addam pro magnâ meâ Româ. Possûmusne igitur satis certò eam multitudinem colligere & adfirmare? possumus è vestigiis scriptorum, quæ sagaciter ibo indagatum. Ex lapide Augusti, sæpe iam nominato, item quæ è Suetonio constat, *trecenta viginti millia* aliquando fuisse plebis vrbane: plebis dico tenuioris, & quæ è publico victitaret: imò suprâ. Considera, & institue ratiocinium: si tanta multitudo inopum istorum, quanta iam etiam diuitum? Quot illi Senatores aut Senatorij, quot equites, & ex ipsâ plebe honesti? Vísne illos quoque *trecenta millia* fuisse? age, sunt vel *ducenta* tantùm: quid conficitur? pueros feminasque addendas: & quo numero? profectò duplo triploque (si non ultra) superarunt: & ita vbique gentium aut vrbium obseruamus. Si placet igitur, consumma: habemus iam nunc in nostrâ Româ (vix audeo dicere) *duos hominum millones*. Quid tamen trepido? verum fortiter dicendum est, & plura etiam addenda. AVD. Plura? at vereor ne iam nunc extra veri metas iueris, certè opinionis. LIPS. Plura inquam, & vide. Nónne probabile est totidem seruos Rômæ, quot liberos fuisse? AVD. Socratis instituto mecum agis, & interrogando inducis. Sed ego circumueniri metuo, tu tibi responde. LIPS. Fiat. dico totidem, dico plures. Nam tenuium quotusquisque fuit (vt tunc mores) cui nō vnus altèrve seruulus? At diuites illi agmina eorum, \* *agmina* dico (& sic Ammianus loquitur) *post se trahebant*. Vnus Pedanius Costa in Tacito, *quadringentos* seruos sub tecto suo & domi habuit, cùm ab vno eorum est interfectus. Et crede mihi nemo diuitum istorum aut lautorum fuit, cui minus centenis aut ducentis: qui in varia sua officia aut mûnia diuisi. Sed quid ambio, aut argumenta colligo? cape certum & fidei notum testem, Senecam. Is de suo æuo: *Dicta est aliquando sententia in Senatu, vt seruos à liberis cultus distingueret*. Deinde apparuit, quantum pericu-

\* Vide supra lib. 11. cap. xv.



periculum immineret, si serui nostri numerare nos cœpissent. Quid clari-  
 rius dici potest, seruos plures liberis fuisse? Nec sic tamen om-  
 nes habemus: adde. AVD. A beo. LIPS. Quid tibi est? AVD. Nam  
 tres aut quattuor milliones mihi iam struis, quantum nec in  
 prouinciis quibusdam aut regnis. Quis hæc ferat? LIPS. Si ferre  
 non vis, deiice: per me licet. Tamen rem tuam iam sum dictu-  
 rus. AVD. Rem meam? LIPS. Tuam. peregrinos traduco Ro-  
 mam. AVD. Hem, hem maneo. ô siste me illuc. LIPS. Ecce. dico  
 Peregrinos ex toto orbe Romam olim venisse, alios negotij sui  
 causâ, alios publici, multos & mansionis. Ita semper ea vrbs  
 referta iis, cum hi inirent, alij exirent: atque ipsa, vt mare, ad-  
 mitteret, emitteret, nec cresceret minueretve. Itaque Aristides  
 Romam dicit esse, *velut COMMUNE TOTIVS TERRAË OPIDVM.*  
 Item, omnes gentes, quasi vicatim diuisas, ad hanc suam artem conue-  
 nire: quæ numquam vlli se negat, sed vt terra solum fert omnes, sic hæc  
 OMNES HOMINES capit. Athenæus quoque cum eo: apud quem  
 ORBIS POPVLVS Romani dicuntur ab hac causâ: ipsa vrbs,  
 ORBIS COMPENDIVM ET EPITOME: quæ Polemonis Sophistæ, Lib. 1.  
 apud Galenum, vox & elogium fuit. Eadem vrbs *urbium*: quia  
*videre in eâ est omnes vrbes collocatas.* deinde addit: *Deficiat non*  
*vnus dies, sed quotquot habet annus, si quis adnumerare conetur OM-*  
*NES VRBES IN CAELESTI istâ vrbe positas: idque ob nimiam co-*  
*piam. Nam & TOTAE NATIONES illuc simul & confertim habi-*  
*tant: vt Cappadocum, Scytharum, Ponticorum, & aliarum complures.*  
 At tu iterum renides. AVD. Et renitor quoque. an Græcis his  
 credam, & sic oratoriè loquentibus? *Dies deficiat & annus nu-*  
*merantem: item, Totæ nationes habitant:* & ista, quæ tu scis dici in  
 speciem, in re non esse. LIPS. In re non esse? audi, audi: quoniam  
 Græcis parum apud te est fidei (et si in hac re Romanâ & exterâ  
 debebat) audi, inquam, Romanum igitur testem, & cum Ro-  
 manâ fide accandore. Is est Seneca noster. qui sic ad Heluiam  
 matrem: *Aspice hanc frequentiam, cui vix vrbs IMMENSA TECTA*  
*sufficiunt: MAXIMA PARS illius turbae patriâ caret, ex municipiis,*  
*ex coloniis suis, ex TOTO denique ORBE TERRARVM confluxerunt.*  
 Quid ea verba tibi videntur? *vrbs immensa tecta* vix capere in-  
 colas: item, *maximam illorum partem,* exteros esse: denique *ex to-*  
*to orbe eò concurriri.* Et ista mox iterat: ac postquàm causas re-  
 censuit



censuit passim veniendi varias (lege, & iucunda sunt:) addit:  
 NVLLVM non HOMINVM genus concurrir in Urbem, & virtutibus  
 & vitiis magna premia ponentem. Iube hos omnes ad nomen citari, &  
 Vnde domo quisque sit, quare: Videbis MAIOREM PARTEM esse, quæ  
 relictis sedibus suis venerit in MAXIMAM quidem ac PVLCHERRI-  
 MAM Urbem, non tamen suam. Quid Lucanus? nonne Ro-  
 mam asserit,

— populis, victis quæ frequentem

Gentibus, & GENERIS, coëat si turba, CAPACEM

HVMANI.

Totum orbem hîc includi potuisse ait: & quid potest clarius  
 pro multitudine, siue & magnitudine nostrâ dici? Idem poëta  
 — mundi facere repletam Romam scribit: ad tot scilicet illas natio-  
 nes aspiciens (ex Athenæo audisti) quæ incolebant: totæ in cer-  
 tis partibus aut regionibus etiâ collocatæ. Ita Iudæi trans Tibe-  
 rim, alij alibi: atque etiam cœtus & concilia sua habuerunt. Sue-  
 tonius indicat in Iulij funere: *In summo publico luctu, exterarum gen-  
 tium multitudo, suo quæque more, lamentata est.* Vt iam igitur hoc  
 claudam & definiam, putâsne & Seruos & Peregrinos minus  
*duobus millionibus* fecisse? Ita in vniuersum sint *quattuor* Romæ,  
 & circa eam: nec mitius aut contractius, vt scripta veterum  
 sunt, ego possum. Suspensum te animi video: & ego ipse panè  
 fluctuo: sed validi illi venti Auctoritatum nauim nostram huc  
 impellunt, sistamus & in anchoris firmemus. AVD. Non sanè  
 id potest. nondum in tràquillo es, ne puta. Mihi quoque adspi-  
 rant venti, & ecce ab Oriente. Alexâdria illa sic celebris, sic ma-  
 xima, sic omnium confessione post Romam secunda, non ni-  
 si *trecenta millia* habuit *liberorum capitum*: quod Diodorus ta-  
 men quasi pro re magnâ posuit, & adfirmavit. At quinec  
 multo Româ ipsâ minor. LIPS. Respondeo, Alexandriam lon-  
 gè Româ illâ triplici dictâ minorem esse: & cuius ambitus ex  
 Plinij dimensione, non nisi *quindecim miliarium* esset. Nostra  
 igitur maior: & ipsum hoc de Alexandriâ, contra vulgatam  
 opinionem valeat, de Româ sic parvâ. At verò de incolis, quòd  
 paucos eos facere Diodorus videtur: videsis, & inquire. De li-  
 beris capitibus dumtaxat definiuit: vbi serui igitur? vbi etiam ex-  
 teri & aduentores, qui in tali negotiosâ vrbe sanè multi? Hæc

atten-



attendenda sunt, sed istud maximè. quod Diodorus de suo quo scripsit, id est Ptolomæi penultimi, & Romanæ adhuc libertatis. Atqui tunc Alexandria nondum in flore illo & culmine, ad quod sub Principibus demum peruenit. Quid autem de *trecentis millibus* magnum sit, cùm Cæsarea Cappadociæ (nec ea inter vrbes principes) *quadringenta millia* incolarum habuerit? Zonaræ hoc ita proditum, vt testem etiam aduocem: & hunc ipsum numerum, aut circà, Parisiorum nostra Lutetia in cæsum deferebat, ante vltimas istas turbas. Quid, quod Procopius adnotauit, à Gothis, cùm Mediolanum cepissent, *trecenta virorum millia occisa*? Nec omnes sanè occisos crediderim, & faminarum puerorumque quàm magna etiam copia fuit? Plura eiusmodi exempla sunt: & hodie nōne *Quinzai* illud famosum *sedecies centena millia familiarum* traditur continere? Præ quo nostra illa frequens Roma decrescar, & dum fidem adstruo, perdam admirationem. AVD. Non apud me, stupeo. & ecce hodierna Roma, quàm relinquitur & abest? LIPS. Nulla comparatio: si frons est, omitte. Paullus Iouius pro magno scripsit, *Leonis Decimi temporibus, cùm omnia in felici vbertate & pace, censa Romæ octogintaquinque millia ciuium & inquilinorum: at verò, post cladem sub Clemente Septimo acceptam, iterùm censu inito, vix ad trigintaduo millia peruentum*. Quid verbis hîc opus est? vnus panè veteris Romæ vicus sit tam frequens. Nec mirum est. nam ista hodierna, præcipuos illos colles & valles etiam, vacua habet & deserta. AVD. Optimè. is sponte, quò ducebam. Nam nōne & tua vetus *compluria habet illa vacua*? Vbique obuia templa, porticus, basilicæ, theatra, circi, fora, balneæ, thermæ, cetera publica: quæ vel magnam partem, si non maximam, vrbis occuparunt. Deflecte aut resiste, si potes, huic etiam vento. LIPS. Resisto, plenis velis, prorâ obuersâ. Nam ista quæ tu vacua perperam putas, ego aio plenissima fuisse. Balneas & Thermas nominasti: quid? an non in iis multitudo ministrantiū, ad obseruandum, purgandum, aquam aggerendâ, lauandum etiam, fricandum, vngendum, si quis seruum non habuisset? Templa autem, Basilicæ, Fora, suos custodes & ædiuos habebât, satis grandi sanè numero, ob sacrificia, ob ornatum, & tutelâ. Sed duo etiam ego omisi, valdè ad frequentiam vrbis, Milites, & Palatinos.

Milites



Milites tot illi, in præsidio Principis aut vrbis erant: iis sui calones, & honestioribus serui plures: scito certò vel ad centena millia excreuisse. At Palatinos dico, totam Principis aulam: in quâ quot officia aut ministeria fuisse dicemus? Lapidēs antiquos inspicere: dicent in parte, & suggerent materiem tibi cogitandi. Est & tertium, sed verecundè vix dico. Meretrices & scorta vtriusque sexus (proh pudor! sed res ita fuit) ingentem numerum reddiderunt, vt in vrbe quam multi cælibes, multi exteri sine vxoribus, inhabitarent aut frequentarent. Ad summam, mi Auditor, desine reflare amplius & opponere, aut, vides, longius longiusque res hæc ibit. AVD. Quiesco tuâ causâ, & credo (vt sic dicam) nec credēs. Tamen vnum etiam quæsierim: si tot illic millena millia, vnde iis cibis? LIPS. Hoc meritò & quæris, & ego decîdâ, sed paucis Senecæ verbis. *Cogitate, inquit, hanc ciuitatem, in quâ turba per latissima itinera, sine intermissione defluens, eliditur, in quâ consumitur, QUID QUID TERRIS OMNIBVS aratur. Orbis, inquam, pænè totus hanc suam metropolim adibat, & alebat: quid ambigis alimenta suffecisse? Imò repete quæ suprâ dixi, de Frumētatione: & nunc Aristidis hæc audi. Mare per medium vestrum imperiū porrigitur, cui vndique ample regiones adiacent, necessaria pleraque vobis subministrâtes. Nam ex OMNI TERRA MARIQVE, quidquid vel anni tempora gignunt, vel regiones singulae, fluij, lacus; artesque item & ingenia tum Græcorum tum Barbarorum proferunt, ID OMNE ad vos defertur. Itaque si quis talia omnia videre desiderat, is vel per totum orbem peregrinetur necesse est, vel in vestrâ istâ vrbe versetur. Quidquid enim apud alios vel crescit, vel conficitur, hîc affluit & abundat. Tot autem & tanta onerariae naues singulis anni temporibus appelluntur, vt vrbs\* COMMVNIS QVAEDAM ORBIS OFFICINA videatur. Ecce, merces vndique habes, copias vndique, frumenta, fructus. Nec plura opus de alimentis: addâmne duo argumenta etiam multitudinis, atque vnum ex iis iocosum? Lampridius scribit, Heliogabalum seruis imperasse vt omnes araneas colligerent in vrbe: atque eos collegisse ad decem millia pondo. additque Heliogabalum subiecisse, *Vel hinc intelligendum QVAM MAGNA ROMA esset. Verum est: & quot domorum angulos excuti oportuit, ad hoc pondus? & domorum per omnes angulos ferè habitatarum? Alterum argumentum triste,**

\* κοινὴν τὴν  
τῆς πόλεως ἐργαστήριον.



triste, & à peste. In Eusebij Chronico traditur, *Ingentem Romæ luem factam, ita vt PER MVLTOS DIES in ephemeridem decem milia mortuorum referrentur.* Exhausta fuisset in diebus aliquot Roma, si non Alexandriam, & quidquid dici potest, longè superasset. Concludo, & moneo, per hanc frequentiam Romæ factum, vt paulatim Italia pænè deserta esset, cum plerique eò confluere, ob frumentationes, ludos, & alios vsus aut voluptates. Varro iam suo æuo conqueritur, plerosque ex agris in urbem correpsisse, & *maluisse manus in theatro mouere, quàm in aratro.* Quod maximè fuit, post Frumentationes sic largiter & firmiter institutas: etsi Lucanus causam in ciuile bellum conijcit: quasi ab eo stirps Italiæ sic accisa. Sed de solitudine quidem eadem canit:

— videmus

*Tot vacuas vrbes generis quò turba redacta est*

*Humani? toto populi qui nascimur orbe,*

*Nec muros implere viris, nec possumus agros:*

VRBS nos VNA capit.

Quod postremum epiphonema sanè eximium, pro exiniâ nostrâ Româ.

## CAPVT IIII.

*De edificijs vrbis Romæ communiter, & eorum altitudo.*

ET Roma quidem tanta & tam frequens fuit: inimus nunc ipsam, & perambulamus, & lustramus? AV D. O si quis Deus olim hoc mihi dedisset! ô si quis nunc quoque vel per somnium in eâ sistat! LIPS. Ego is ero, confide. somnia dicam, & umbras, prout ipsa res & pulchritudo fuit. Periti viri est, mihi crede, non dicam describere, sed capere & credere qualis & quanta ea Roma fuit. Conabor, & minutula dicam: & vel sic fidem fortasse non inueniam. quid refert? aëri & herbis meis hæc sim locutus. Tria in vrbe miranda canit Claudianus:

*Quâ nihil in terris complectitur ALTIVS aër,*

*Cuius nec SPATIVM visus, nec corda DECOREM,*

*Nec laudem vox vlla capit.*

*Altitudinem ecce laudat, Spatium, & Decorem. De Spatio dictum,*

P

duo



duo alia exsequamur. Quæ est *altitudo*? siue in collibus ipsis ædificatio, pulchrâ specie; siue singillatim in operibus ipsis. Quod ad colles, quomodo non bellum, videre eos publicis priuatîsq; ædibus infessos, gradatim declinantes; & velut superas quâdam vrbes, vrbi inferæ imminentes? Omnino fuit ea facies: & pulchrè expressit Aristides. Nec verò, inquit, *superficiem solum soli occupat, sed longè supra exemplum in aëra altissimè ascendit. Et sicut vir aliquis, qui robore & magnitudine excellit, alios quoque in se sublatos ferre gaudeat: ita & hæc non quiescit, nisi & alias æquales sibi superimpositas vrbes, alteram super alteram ferat: quod nominis eius fert ratio, totumque hoc quod hæc videmus, robur & valentia est. Adeò ut si quis eam diligenter vellet euoluere & diducere, & quæ nunc in sublimi sunt vrbes, aliam iuxta aliam humi collocare; quidquid Italia reliquum est, id impletum mihi iri videtur: imò futura vna aliqua vrbs ad Ionium vsque sinum. Bellè & ποντικῶς, non nego, attollit: sed hæc figuræ originem à re habent, nec quisquam putet elationes istas, nisi cū causâ & basi esse. Itaque & Plinius, verus & seuerus talium, cū de magnitudine dixisset: quò, inquit, si quis ALTITVDINEM tectorum addat, dignam profectò æstimationem concipiat, fateaturque NVLLIVS VRBIS MAGNITVDINEM IN TOTO ORBE potuisse ei comparari. Quæ altitudo tamen in templis, aut publicis, fateor, maximè: ut in Rutilio, ad Romam:*

*Exaudi genetrix hominum, genetrixque deorum,  
Non procul à calo per tua templa sumus.*

Significat altissimè in aërem ea surrexisse: & quidni, cū collibus etiam sæpe imposita? Ceteræ ædes, non communiter sic altæ, nec humiles tamen fuerunt. Nam Augustus Princeps, cū ambitionem in ædificando videret atque altè attollendo, eamque cum discrimine & periculo ruinæ; siue etiam, quia aërem interciperent, & nimis inumbrarent: coërcuit, ut in Strabone scriptum est, & *septuaginta pedes* definiuit in modo edificiolorum. Nero hoc ipsum postea secutus, cū ab incendio Romam instauraret, *cohibuit* (ut Tacitus ait) *altitudinem ædificiorum*. Sed modum non expressit noster: fueritque velille Augusti, quem obliteratum, ut solet, iam reuocauit; siue is qui Traiano postea adscribitur à Victore, *pedum sexaginta*. Sed de priore ego malim. Dices. ergone tam miranda hæc altitudo? & nōne hodie ma-



gis educimus? Interdum, non nego: sed nec sic communiter: & hoc quoque cogita multas ædes, & imprimis omnes publicas, extra legem hanc fuisse. Quid si autem & diuites illi nobilesque neglexerint? ego arbitror, siue gratiâ impetratâ, siue & eâ neglectâ. Et titulus sanè fuit, quia lex in futuras nouas ædes cauebat, structas non diruebat, & fas easdem sic reparare. Quidquid tamen sit, si vulgò ædes omnes septuageniū pedum, satis conspicua ea altitudo: præsertim vbi recta compluuiata, aut testudinata, quod sæpe. Nostra hæc pectinata, & in angustum surgentia, aliquid de dignitate minuunt, sed & capacitatem tollunt. In tali autem illâ altitudine, quid minus quàm quaterna aut quina cænacula? quorum frequentia studebant. Vitruuius: *In eâ autem maiestate vrbis, & ciuium* INFINITA FREQUENTIA, in-Lib. 11. *numerabiles habitationes opus fuit explicare. Ergo cum recipere non posset area plana tantam multitudinem ad habitandum in vrbe, ad auxilium* ALTITVDINIS *ædificiorum res ipsa coëgit deuenire. Itaque pilis lapideis, structuris testaceis, parietibus cémenticiis, altitudines exstructæ, contignationibus crebris coaxatæ, & cænaculorum summas utilitates perficiunt, & despectationes. Sed hæc de ædificiis, nunc non exsequor: & satis de Altitudine libasse.*

## CAP. V.

*Decor & ornatus ædificiorum. Excerpta quadam, & primò de templo Capitolino exactiùs dictum.*

**A**D Decorem transeo, qui varius, in mole, in materiâ, in artificio, in symmetriâ, & siquid aliud elegantia aut peritia amat. In hac quoque parte, quin vrbs omnes orbis vrbes superauerit, nemo dubitet: fidi auctores dicunt, & opes atque ambitio Romana facilè persuadent. Quidquid artificum insigniorum Græcia aut Asia habuit, Romam euocabantur, aut vltro veniebant. quippe hîc præmia: & quidam ex iis, quibus (vt Taciti verba vsurpem) ingenium & audacia erat, etiam que natura denegauisset, per artem tentare. Sed primus aut præcipuus Decoris huius auctor Augustus, qui vrbem, vt Suetonius ait, neque pro maiestate imperij ornatam, & inundationibus incendiis que obnoxiam, excoluit adeò, vt iure sit gloriatus, Marmoream se relinquere,



quam lateritiam accepisset. Alter ab eo, Nero Imperator. qui ambitione impulsus urbem incendit, ut nouam melioremq; repararet. Videbatur enim, ait Tacitus, condenda urbis noua, & cognomento suo appellanda, gloriam quarere. Itaque eius iussu, urbis domus, non ut post Gallica incendia, nullâ distinctione, nec passim erectæ, sed DIMENSIS VICORVM ORDINIBVS ET LATIS VIARVM SPATIIS, cohibita ædificiorum altitudine, ac patefactis areis, additisque PORTICIBVS quæ frontem insularum tegerent. Easque porticus Nero suâ pecuniâ exstructurum pollicitus est. Vides ibi quædam præclara & optanda in urbe, Ordines vicorum, Latitudines viarum, Porticus protegentes. Ut non temerè idem Tacitus TANTAM resurgentis urbis PVLCHRITVDINEM miretur, & scripto consignet. Quod tunc quidem publicè, sed & priuatim in omni incendio factum Seneca adnotauit: *Timagenes, felicitati urbis inimicus aiebat, Romæ sibi incendia ob hoc vnum dolori esse, quod sciret meliora resurrectura quàm arsissent.* Et sanè ita fuit, præsertim ad Traianum vsque; cum ab illo, & à Deo, culmen fuisse videtur pulchritudini urbanæ. AVD. Ain, tu, à Traiano? Constantino hanc laudem Nazarius tribuit, in Oratione ad ipsum: *Celeberrima quæque urbis nouis operibus enitescunt, nec obsoleta modò per vetustatem rediuiuo cultu insigniuntur, sed illa ipsa quæ ANTEHAC MAGNIFICENTISSIMA putabantur, NUNC AVRI LVCE fulgentia, INDECORAM MAIORVM PARCIMONIAM prodiderunt.* Vides quanto anteferat hæc noua, aut nouata, omnibus antiquis. Lips. Ita, sed nempe apud Constantinum. Fidem autem laudationibus istis qui fideliter constare putat, ignarus est oratorij moris. Struxisse & instaurasse quædam illum Principem, lubens credo; ad veterem artem aut splendorem, da veniam, hodie non credam. Sed nos *Decorem* nostrum videamus, quem Plinius communiter sic dilaudat: *Ad urbis nostræ miracula transferre conuenit, & sic quoque TERRARVM ORBEM VICTVM ostendere. quod accidisse toties penè, quot referentur miracula, apparebit. Vniuersitate verò aceruatâ, & in quemdam vnum cumulum collectâ, non alia MAGNITVDO exsurget, quàm si MVNDVS ALIVS QUIDAM in vno loco narretur.* Notentur ea & ad Decorem, & ad Magnitudinem malè controuersam. Sed & Cassiodorus vero & magno ore, de istâc urbe: *Ferunt prisci sæculi narratores, fabricarum septem*

Lib. xxxvi.

Lib. vii.



Septem tantum terris attributa miracula. Ephesi Diana templum, regis Mausoli pulcherrimum monumentum, Rhodi Solis aeneum signum, quod Colossus vocatur; Iovis Olympici simulacrum, quod Phidias formavit; Cyri Medorum regis domum, quam Memnon fabricavit; Babylonie muros, quos Semiramis construxit; Pyramides in Aegypto. Sed quis illa ulterius precipua putabit, cum in una vrbe tot stupenda conspexerit? Habuerunt honores, quia precesserunt tempore: & in rudi saeculo quidquid emerisset novum, per ora hominum iure ferebatur eximium. Nunc autem potest esse veridicum, si VNIVERSA ROMA dicature esse MIRACVLVM. Ecce consona vtriusque iudicia, sed & voces: & Romam totam, ac per partes, Miraculum esse, & inter prima mundi spectacula, iure censent. Vis autem paullò distinctius membra pulcherrimi huius corporis videamus? AVD. Te hoc quærere? non volo, sed aueo, sed ardeo, ut vero verbo dicam. LIPS. Atqui ne nimis ardesce. nam ego non flumine te perfundam, sed leuiter aliquid aspergam è summis aquis. Tu te ingurgitabis, si voles, postea: viam designabo & præibe. Ego autem? an ducem potius alium quæram ex ipsâ antiquitate, qui ostendat? Esto Ammianus, qui Constantij ingressum in urbem Romam describens, ipsum intuentem & mirantem præcipua operum facit, atque ait: Proinde Romam ingressus, imperij virtutumque omnium laudem, cum venisset ad ROSTRA, perspectissimum priscae potentiae FORVM obstupuit: perque omne latus, quò se oculi contulissent, MIRACVLORVM DENSITATE præstrictus, allocutus nobilitatem in CVRIA, populumque pro tribunali, in PALATIVM receptus fauore multiplici, latitiâ fruebatur optatâ. Deinde intra septem montium culmina, per accliuitates planiciemque posita vrbis membra collustrans, & suburbana, quidquid erat primum, id eminere inter alia cuncta sperabat: IOVIS TARPEII delubra, quantum terrena diuinis præcellunt; LAVACRA in modum prouinciarum exstructa; AMPHITHEATRI molem solidatam Lapidis Tyburtini compage; PANTHEON velut regionem tere-tem spaciosâ celsitudine fornicatam; elatosque vertice scansili SVGGESTVS consulum, & priorum Principum imitamenta portantes, & VRBIS templum, FORVMQUE PACIS, & POMPEII THEATRVM, & ODAEVM, & STADIVM, aliaque inter hæc DECORA vrbis æternæ. En habes, qui digitum intendat, & ducat: tu sequere, & ardorem (ita loquebaris) restingue. AVD. Iam risui & ioco me



habes palàm. Lips. Egóne? Avd. Tu, tu, & si noctua sim, sapius cantem. Nam nomenclatorem mihi das locorum, & paucorum quidem: vbi designator, enarrator, interpres? Lips. Adest: ego pro copiâ & scientiâ aliquid dicam, sed nec ordine quidem Ammiani. Nam etsi præcipua ille tetigit, non placet tamen ordiri à *Foro* aut *Rostris*, sed potius à *Templis*. Diuina, à quibus rerum hominumque ortus, præeant, & totum hoc pulchritudinis agmen ipsa ducant. Nominat ille quattuor templa, *Iouis Tarpeij*, *Panthéon*, *Vrbis*, *Pacis*. Quàm pauca è multis: nam primum hoc moneo, *quadringenta vigintiquattuor templa Romæ* fuisse, quod in *Notitiâ imperij* proditum leges. Noli ambigere, quia pleraque ex his magnifica, & aliter atque aliter structa, vel instructa: sed Ammianus satis habuit, dignitate vel opere primæorum dare. Itaque à *Tarpeio* exorsus est, siue *Capitolino*: non quia pulcherrimum fortasse, sed quia primarium, & Dei principis; itemque quia multâ substructionum mole, & opibus ac tempore pleraque præibat. Alioqui Plinius, vbi magnifica operum recenset, hoc omittit: imò idem quasi irridet veteres, quòd

Lib. xxxvj. *Aggeris vastum spatium, & Capitolij insanas substructiones mirabantur.* Sed id non eâ mente dictum, quâ videri possit, non, inquam, deminuit aut abiicit Capitoli j ipsum opus, sed substructiones tangit, quas L. Tarquinius Priscus magnas, & *insanas*, vt ipse loquitur, circum collem fecit: dum prærupta eius adæquat, ab imo solo ingentibus lapidibus muro educto suffulcit, complanat denique in vertice, & fundamenta iacit. Hæc Plinius tangit, & Dionysius clarè exsequitur: quem vide. Alioqui ipsum opus & ædificium non miratur mirabile visum: quid id possit? cum semper inter eximia fuerit, & vrbis prima. Præter Ammianum in verbis dictis, etiã Cassiodorus sic attollit: *Capitolia celsa conscendere, hoc est* INGENIA HUMANA SUPERATA vidisse. Et res sanè dicit & facies, quam etsi tenuiter, lineis aliquot adumbrabo. Mons *Saturnius* primò dictus fuit, in quo hæc ædes, tum *Tarpeius*, & mox *Capitolinus*, à capite hominis (cui viuo *Toli* nomen fuisse Arnobius tradidit) inueto, dum fundamenta moliuntur. Sed hæc nota, non vulgo nimis illud, duplex *Capitolium* fuisse, *Vetus & Nouum*. Illud in *Regione sextâ Circi Flaminij Victor* & *Notitiâ Imperij* locant, istud in *Regione octauâ Fori Romani*



Romani. Valerius illud intellexit certò, cùm inter sacerrima & vetustissima loca, adiurans nominat: *Per Romulicam, perque VETERIS Capitoli humilia tecta, & æternos Veste ignes.* Ait *Vetus*, Lib. 1117. cap. 1111. ait *humili tecto*: quod vltimum nullo modo in *Novum* & sublimè illud conuenire potest. Puto & Martialem hæc distinguere, cùm in hominem ludit plurifariam habitantem:

*Esquiliis domus est, domus est tibi colle Dianæ,*

*Et tua Patricius culmina vicus habet.*

*Hinc viduæ Cybeles, illinc sacraria Veste,*

*Inde NOVVM, VETEREM prospicis inde Iouem.*

Cerni ab eo vtrumque Capitolium vult: *Vetus* è colle Auentino siue Dianæ, *Novum* ex Esquiliis & Vico patricio. Etsi fortasse *Novum* Iouem Domitianum suum vocat, eiusque Palatium intellegit. Sed Varro de vtroque apertius: *Capitolium Vetus*, quòd ibi Sacellum Iouis, Iunonis, Mineræ: & id antiquius, quàm ædis quæ in Capitolio facta. Ecce, dicit illud *Vetus*, æuo prius esse quàm hoc *Novum*, & ostendit in alio item loco fuisse. Sed dices, si prius, si alibi: unde *Capitolium*? nam vox ea non conuenit, cùm nec mons tunc nomē istud habuerit, nec ipsum illud templum in monte. Respondeo, Varronem hoc occupasse & soluisse lectori vigilant. Nam ideò, inquit, *Capitolium* non auctor aut conditor, sed posteritas dixit; quia vt in nouo & nobili illo Capitolio, tres illi dii Præsides item colebantur. A similitudine igitur & hoc *Capitolium* est dictum, sed cum discrimine, *Vetus*. Quæras amplius, quis autem condidit? & hoc dicam, suggerente Cassiodoro. Nam ille in Chronico, Numæ rebus: *Capitolium quoque à fundamentis construxit.* Ignaro lectori tenebræ sint, & falsi Cassiodorum arguat. quis enim vnquam prodidit Numam auctorem Capitoli? Et sanè distinguere debebat, & addere, *Vetus*. Ita enim est: ille auctor illius, unde de hoc hauserit Cassiodorus, sicut *Novi*, Tarquinius Priscus. Is complanato, vt dixi, monte, struere cœpit, ex voto quod voverat bello Sabino: idq; opido Apiolis capto, vt Plinius ex Antiate refert, è manubiis & prædâ. Sed fato præuentus, absolvendum nepoti L. Tarquinio Superbo reliquit, regum vltimo: etsi Seruium quoque Tullium aliquid addidisse, sociorum studio adiutum, Tacitus (sed solus, opinor) dixit. Præcipuus tamen auctor



ctor operis Superbus. qui, vt Liuius inquit, *Suesſâ Pometiâ è Vol-*  
*ſcis captâ, diuenditâ prædâ, cùm quadraginta talenta argenti auriq̃ue*  
*recepisset, concepit animo eam AMPLITVDINEM Iouis templi, quæ di-*  
*gna deum hominumq̃ue rege, quæ Romano imperio, quæ ipsius etiam loci*  
*maiestate esset. Scribit quadraginta talenta: quæ nobis xxiiii. mil-*  
*lia Philippæorum essent: sed an non quadringenta rescriben-*  
*dum, aliquis ex Dionysio iure controuertat. Nam ille, vt in re*  
*non dubiâ: tantum prædæ, inquit, repperit, vt quinque minæ argenti*  
*obuenerint singulis militibus, decimæ autem diis sacratæ fuerint non*  
*minus\* quadringenta talenta. Ea essent, ducenta quadraginta millia*  
*Philippæorum: pecunia, haud nego, fatis grandis, præsertim*  
*è solis decimis: sed res Italiæ & Latij tunc vberes & florentes*  
*(quod & alibi videre est) hoc persuadent, tum & ipsum opus*  
*eâ amplitudine institutum, quam Liuius deprædicat, & quam*  
*exiguâ summâ nemo fabricetur. Nec tamen vel Tarquinius*  
*supremam manum imposuit: & gloria operis (ait Tacitus) liber-*  
*tati reſeruata. Pulsis regibus, Horatius Puluillus Consul dedicauit, eâ*  
*MAGNIFICENTIA, quam immenſe poſteâ populi Romani opes orna-*  
*rent potiùs, quàm auerent. Vides & à Tacito laudari, & consum-*  
*matum hoc opus Puluillo adſcribi. Quid igitur est, quod in Li-*  
*uio, multis annis poſt lego, in Tribunorum militarium impe-*  
*rio? Eodem anno, ne priuatorum tantùm operibus vrbs creſceret, Ca-*  
*pitoliũ quoque ſaxo quadrato ſubſtructum eſt, opus VEL IN HAC*  
*MAGNIFICENTIA VRBIS CONSPICIENDVM. Hoc narrat, poſt*  
*Romam à Gallis captam, & cùm ea inſtaurata à ciuibus fuit.*  
*Ergone tunc denique Capitoliũ ſaxo quadrato ſtructum? ne-*  
*go de ipſo ædificio, fateor de monte. Itaque attende, ſubſtructum*  
*dicit, non exſtructum. Eſt illud ipſum opus, de quo prædixi,*  
*L. Tarquiniij: quod tamen rudi lapide factum, nunc mutarunt,*  
*& ſectò quadratoq̃ue ſplendidius confecerunt. Igitur Pliniana*  
*illa, de quibus item antea, magis fuerit ad hoc poſterius opus*  
*referri: & iſtæ ſunt inſanæ illæ ſubſtructiones, è quarum ruinis*  
*vaſtos lapides erutos patrum etiam ætas vidit. Sed ipſum Tar-*  
*quiniij Capitoliũ quale fuit? Deſcribit his ferè verbis Diony-*  
*ſius: Situm eſt in altâ crepidine, habetq̃ue in ambitu octo iugera: ſic vt*  
*latera ſingula ducentorum ferè pedum ſint, exiguâ latitudinis & longi-*  
*tudinis differentiâ, niſi quòd iſta illam vincit vix pedibus quindenis.*

Qua



Quâ parte frons eius meridiem spectat, triplici columnarum ordine circumcingitur, ab aliis lateribus, duplici. In ipso sunt tres cellæ, ex ordine, à lateribus cōmunionē parietum clausæ. Media est Iouis, & utrimque altera Iunonis, altera Mineræ, sub eodem laqueari eodemq; tecto. Ita Dionysius: & verba, si placet, examinemus. Octo iugerum ambitu fuisse dicit: id est pedum octingentorū: sed sic ut quadrum esset, imò pæne quadratum, nisi quod longitudo quindecim pedibus superaret. Fuit egregia capacitas, si consideras, & aptâ proportionē. Ait, frontem ad meridiem spectasse: id est, Forum Romanū & Palatium versus, frequentissimam vrbis partem. Ergo ab eâ quoque parte centum gradus, quibus (ut Tacitus, atque alij) superbè adibatur. Quos tamen continuos fuisse non arbitror, & retractiones suas habuisse, ut Vitruvius appellat: id est, areolas, ubi fessi pedem figerent, & respirarent. quas post singulos septem aut novem graduum ordines solere interponi, architecti notarunt. Gradus autem isti haud dubiè ad maiestatem: eoq; & in aliis templis, etsi pauciores, soliti vsurpari. Sed ibi ratio, hîc necessitas & locus editior voluerunt. Addit columnarum triplicem ordinem: quas L. Sullam Athenis aduexisse, è templo Iouis Olympij, Plinius nos docet. Atque eas Dionysij tempore ipsas existisse, facile arbitror: post incendium, à Vespasiano mutatas, verbum Plinij dat suspicari. Quàm multæ eæ fuerint, haud dixerim: quia varia proportio in collocandis, de quâ Vitruvius videndus. An tamen eiusdem locus non huc facit? Lib. III. cap. III. Format Pycnostylos, Systylos, Diastylos, Araostylos, Eustylos ædium species: iis enim Græcis vocibus utuntur: & in Araostylis, inquit, nec marmoreis nec lapideis epistylis uti datur, sed imponenda sunt trabes de materiâ perpetuâ: & ipsarum ædium species sunt barycæ, barycephalæ, humiles, latæ, ornantq; signis fictilibus, aut æreis inauratis fastigia earum, Tuscanico more. uti est ad Circum maximum Cereris, & Herculis, Pompeiani item Capitoli. Sanè Pompeianum Capitolium nemo legit, opinor; nec ipse Pompeius manum admouit, aut potuit: nisi quis accipit de Capitolio, quod Pompeiis fuerit Campaniæ opido. Nam & coloniæ, uti scimus, Capitolia sua habebant. Sed tamen, quia utitur hîc Romanis exemplis (vide alia:) non displiceat distinguere, Herculis Pompeiani, item Capitoli. Itaque Capitolium fuerit inter Araostyla, id est raris

Lib. XXXV.  
cap. VI.

Q

column-



columnis distincta. Pergit Dionysius, *tres in ipso cellas esse, siue ut ipse appellat* \* οὐκ ἔστι. Ea res nota est, & versus Aufonij,

\* Hefych.  
Σενός, ἐν δὲ  
τρεῖς τὰ  
πρὸς τὴν ἱερῆν.

*Trina in Tarpeio fulgent consortia templo.*

Quod imitabantur item in coloniis: eoque Arnobius scripsit: *Nōne vides in Capitolis omnibus virginales esse species Minerarum?* duos alios deos ibi omittit. An autem non alij dij in Capitolio? non quidem in isto templo; excipio Iuuentutem, & Terminum: qui cedere scilicet noluerunt exaugurantibus. *Itaque eorum ara* (ait alibi Dionysius) *continentur templi ambitu, atque vna in vestibulo cella Mineræ est, altera in ipsa cella iuxta puluinar.*

Lib. 111.

De Spectac.

Quod igitur in Tertulliano legitur: *Capitolium omnium demonum templum est.* itemque in P. Victore: *Capitolium, vbi omnium Deorum simulacra celebrantur.* in Cicerone: *Deorum domicilium:* ea inquam omnia, de ipso monte capienda sunt, qui passim & pænè totus deorum aris, statuis, templis infessus: quod facile tibi inter legendum obseruitare. Sed dixerat etiam Dionysius, *cellas istas à lateribus communi pariete clausas.* Quid hoc est? ut nullum discrimen aut interpositio parietum fuerit? imò opinor fuisse, aut certè columnarum, & sacelli atque ædiculæ speciem singulas habuisse. Nam ita ipse Dionysius, *ἀπὸ τοῦ τῆς ἀδελφῆς* (in verbis, quæ iam verti) *vestibulum ædis Mineræ, & ut sic dicam protempelum.* Ita & Liuius: *Quadrigæ inauratæ positæ in Capitolio, in cella Iouis, supra fastigium ædiculæ.* Plinius verò & *Delubrum dixit: Proserpine tabula fuit in Capitolio, in Mineræ delubro, supra ædiculam Iuuentutis.* Distinctio igitur: sed mens Dionysij, tres ipsas tamen cellas communi totius templi pariete clausas. Nisi quis etiam censet, *Ædículas* istas fuisse non nisi caua quædam in ipso pariete, ad statuas illocandas: quod in Panthéo videmus: quibus non accedam. Ista ex Dionysio: an & à me aliquid addo? faciam, si prius distinxero inter Capitolia, quæ quattuor in hoc ipso loco, ex ordine, fuere. Nam primum illud Tarquiniorum, bello ciuili Sullano, incendio periit, negligentia custodum. Alterum ipse Sulla instruxit. sed nō dedicauit: quod vnum Felicitati suæ defuisse, ipse apud Plinium fatetur, & Tacitus adnotauit. *Lutatij Catuli nomen,* ait Tacitus, *inter tanta Cæsarum opera, usque ad Vitellium mansit.* Etsi Dio tamē scribit, Cæsari Iulio, inter alia honorum, decretum à Senatu: *ut nomen eius Capitolio inscriberetur,*



*scriberetur, deleta Catuli: idque eum admisisse.* Sed Taciti assertio fir-  
 mior, mihi quidem, fideliorque. Tertium fuit à Vespasiano. nam  
 illud Catuli arsit civili iterum bello Vitelliano: atque iste repa-  
 ravit iisdem vestigiis, sed & dedicavit. Dedicavit inquam, &  
 Plutarcho scribenti hoc accredo: magis quàm Victori, qui Do-  
 mitiano tribuit: *Multa, inquit, opera inchoata per patrem, vel fra-*  
*tris studio, atque in primis Capitolium, absoluit.* Non vinces hoc, ô Vi-  
 ctor. Vespasianus absoluit, dedicavit: sed à morte eius, sub Tito,  
 statim arsit (Suetonius, & Dio in Tito:) atque ita quartum Do-  
 mitianus instauravit. Habes igitur quaterna Capitolia, sed in  
 eodem loco reposita semper, & innouata. Tacitus & Dionysius  
 quoque, id notarunt: sed verba illius: *Iisdem rursus vestigiis situm* 111. Hist.  
*est, postquam interiecto ccccxxv. annorū spatio, L. Scipione, C. Nor-*  
*bano Cos. flagrauerat.* Hoc de Sullano: de Vespasiani, idem: *Pas-*  
*sim iniecta fundamentis argenti auriq̃ue stipes, & metallorum primitiæ*  
*nullis fornacibus victæ. Prædicere haruspices, ne temeraretur opus sa-*  
*xo aurōve in aliud destinato.* ALTITVDO ædibus adiecta. id SOLVM re-  
 ligio annuere, & prioris templi magnificentie defuisse creditum, quo  
 tanta vis hominum retinenda erat. Noto obiter religionem Ro-  
 manorum, qui liberaliter contulerunt ad opus faciendum, sti-  
 pibus coniectis. Ille enim finis. sicut & in Cicerone scriptum  
 de illo Sullano: *id Capitolium publicè coactis fabris, operisque impe-*  
*ratis, GRATIS exædificatum atque effectum esse, ita ut ex arario nihil*  
*darent.* Quod equidem miror satis, sed quinto in Verrem ita  
 scripsit. *AVD.* Religiosum sæculum, præ nostro. sed quæ aut  
 quanta illa multitudo hominum est, quam Tacitus retineri  
 vult? LIPS. Haud difficilis collectu. Si enim latera pedum du-  
 centorum, reddentur fientque in areâ pedes quadraginta millia. Dâ  
 singulis insistentibus pedes quaternos (sufficiunt, cum militi in  
 acie locato & armato Polybius det non nisi senos) da inquam  
 quaternos: nōne vides decem millia potuisse retineri? Sed tolle ali-  
 quid, si vis, in columnas & alium apparatus: largiter tamē super-  
 erit pro octo millibus. *AVD.* Hem! magna capacitas, & rara talia  
 nostra templa. LIPS. Semel omitte de nostris: vincimur, si com-  
 paramur. Et tamen de mole aut magnitudine, tale aliquid esse  
 potest, aut & excedere: de arte, materie, ornatu quî potest? Sed  
 Tacitus *Altitudinem* adiectâ, super priorem, disertè scribit: quæ



fuit? haud diuino: pro symmetriâ latitudinis oportet ingentem fuisse. Et Silius ita indicat, apud quem Iupiter prædicit de illo Domitiani:

*Aurea Tarpeia ponet Capitolia rupe,*

*Et iunget nostro templorum CULMINA CAELO.*

In cælum educit: sicut & Tertullianus, Apologetico: *Nam etsi à Numâ concepta religio est, nondum tamen aut simulacris aut templis res diuina apud Romanos constabat: & nulla CAPITOLIA CAELO CERTANTIA, sed temeraria de cespite altaria, & vasa adhuc Samia, & Deus ipse nusquam.* AVD. Et tu hæc recitas Lipsi? LIPS. Quid ni recitem? AVD. Et attendis? LIPS. Quidni? AVD. Atqui euerunt paulloantè à te dicta, de Capitolio Numæ. Nam quomodo illud sit, & cum tribus suis diis, si tunc nulla templa, si nullæ statux? LIPS. Benè obseruasti, & de industriâ plura illa verba (vide quàm fallere voluerim) adduxi. Adduxi, vt expedirem: & ecce. Non negat vlla Capitolia fuisse, sed illa alta & *cælo certantia*: nostra humilia cur destruat? Nam vt dem statuas nondum fuisse (quod alibi & Varro tradidit:) tamen de templis idem dicere anceps sit, & Liuius, Dionysius, Plutarchus refellant. qui disertè *Termino, Fidei, Vestæ* templa à Numâ posita adfirmant. Et verò si priuatæ domus, si curiæ publicæ, cur non & ea diis essent? ratio videtur velle, præsertim apud homines cultui deorum sic addictos. Sed de altitudine certiora non habeo: quæ minima esse potuit, fuit *pedum ducentorum*: sicut in Panthéo Agrippæ, par item latitudo & altitudo. AVD. Heus tu, in loco Taciti etiam me tenuit, quòd ait *altitudinem adiectam*: & debuisse, quòd *tanta vis hominum retineretur*. Quid ergo altitudo facit ad laxandum locum? non intellego, nisi si porticus aut inædificationes superiores aliquæ, vt hodie in quibusdâ templis. LIPS. Apage, nihil difforme in vniformi isto opere: sed Taciti mens, iuuisse & decuisse altitudinem vbi multitudo, vt aër laxior ac liberior, ad respirandum, ad refrigerandum. Alioqui, vbi arctatio & compressio, scimus quàm subito animo malè fiat. Quod tamen ad Porticus, non in ipso templo, sed circà fuisse, pro communi structurâ, facilè credam: & Tacitus indicium facit. Sed ab ædificiis iam ad Ornatum pergo: qui tamen varius in vario isto opere. Quis in Tarquinij? aliquid è Liuiio haurire



haurire est sparsim. vt libro X. Fœneratores aliquot mulctati, & ex eo quod in publicum redactum est, ÆNEA in Capitolio LIMINA, & trium MENSARVM ARGENTEA VASA in cellâ Iouis, Iouemque in CVLMINE cum QVADRIGIS Ædiles posuerunt. Iterum libro XXIX. Quadrigæ AVREAE eo anno in Capitolio posite ab Ædilibus. Et libro XXXV. Ædiles multos pecuarios damnarunt. ex eâ pecuniâ clypea inaurata in fastigio Iouis ædis posuerunt. Denique libro XXXVIII. Seiu- ges in Capitolio AVRATI ab Cn. Cornelio positi: Consulem dedisse, inscri- ptum est. Et duodecim clypea ærata (lego aurata) ab Ædilibus sunt po- sita ex pecuniâ quâ frumentarios damnarunt ob annonam compressam. & duo item signa aurata. Hæc ex Liuiio: istud è Plinio, post Cartha- Lib. xxxij. ginem euer sam, laquearia in Capitolio inaurata esse: id est, totum il- lud internum cælum & camerationem. Nec plura, dici quidem digna, notauī. Quid verò in Catuli? omnia haud dubiè, in istis iam opibus, opulentiora: illud notabile reperio, quòd sua ætas (Plinij verba) variè de Catulo existimauerit, quòd TEGVLAS Capito- lij AEREAS INAVRASSET primus. De quibus & in Senecâ patre: Fastigiatis suprâ tectis, auro puro fulgens, præluce Capitolium. Sanè hoc magnificum & verè splendidum fuit: & quis ille fulgor, Sole irradiante? Fuit & ad firmitatem aptum æs, & contra eru- ginem aut rubiginem inductum aurum. Cetera donorum & ornamentorum varia, Coronæ aureæ, Victoriæ aureæ, Candelabra, Vasa, & quæ tu tibi subiicias: sed quod ex Dione omnino ob- Lib. 21. seruandum, omnibus his detractis, ex Egyptiacâ prædâ alia victor Augustus reposuit: detractis ex Sc. & vt tam multis his nouis & melioribus locus fieret. Etsi quædam veterum retenta, non ambi- go: sed ordine & iudicio Augusti disposita, vt apta & concors tota facies esset. Id verò ipsum tempus fuit, quo vnâ donatione in cellam Iouis Capitolini contulit \* XVI. millia pondo auri, & \* quingen- \*160000  
Philip.  
\*1250000.  
Phil. ties HS. in gemmis: quod in Suetonio leges. In cellam dico Iouis, quid censes in duas alias? nam & eas dona sua accepisse Dio di- fertim dicit. Et vel ex eo disce opes & ornatū Capitolinum: qui quàm ingens & ADMIRANDVS fuit, si vnus modò Principis, & vno tempore, tot dona? Pleraque tamen horum periêre incen- diis, vt opinor: & videamus vltimum Domitiani. In eo colum- nas Pentelicas fuisse, quæ Athenis aduectæ item essent (vt & illæ Sullanæ) Plutarchus in Poplicolâ scribit: cum hoc iudicio, quòd



*pulchriores Athenis visa sibi essent, quoniam Romæ dum nimis secant & poliant, nitorem addidissent, symmetriam detraxissent. Cetera quæ & quanta, ex eiusdem Plutarchi verbis suspicemur: qui ait in solam inaurationem, priuatum omnem modum excedentes opes impensas, nempe supra duodecim millia talentorum. Ea sunt nobis septuagies bis centena millia Philippæorum; siue septem milliones, & quod excedit. AVD. Hui! verberas me. LIPS. Semper tiro? mirum te viuere. AVD. Quid iam? LIPS. Nam assiduè vulnera accipis, & oportebat iam confectum. AVD. Tua hasta Pelias est, & vulnerat & sanat: perge. LIPS. Tanti igitur inauratio: quæ fuit non in Lacunaribus solùm, sed in Tegulis æreis, vt illo Catuli. de quibus Epigramma Græcum in Anthologiâ, vbi Æream domum in Palatio Byzantino laudat:*

*Εἴζον ἀρειότεροι χάλεις κατωρολίδ ὦ ὦλῆς,*

*Εἰ καὶ χαλκίων δεσφῶν ἀμαρῦγματα πέμπεις:*

*Cede etiam melioribus ô Tarpeïa rupes,*

*Et si ex æratis iacis aurea fulmina tectis.*

*Et Procopius adnotauit, Gizerichum regem Vandalorum, cum alia decora Romana secum in Africam vexisse, tum & partem regularum Iouis Capitolini inauratarum dimidiam. Nec tecta modò inaurata, sed ipsæ Fores auratæ, & crassis laminis obductæ: quæ mansêre ad Honorij Imp. æuum. Tunc in pecuniæ inopiâ, Stilicho mandasse perhibetur (scribit Zosimus) vt fores in Capitolio Romano, quæ auro MAGNI PONDERIS erant obductæ, laminis iis spoliarentur. Cùm autem qui hoc facere iussi erant, id agerent; in parte forum scriptum reppererunt, INFELICI REGI SERVANTVR. Quod euentus docuit. nam Stilicho paullo pòst infelicitèr periit. Ita Zosimus: nec velim nimis te, vt singularia, hæc mirari: putò in pluribus templis fuisse. Poëtæ sanè aurea templa non semel appellant: & auctor libelli De causis corruptæ eloquentiæ: Quid enim si infirmiora horum temporum templa credas, quia non rudi cemento, & informibus tegulis exstruuntur, sed marmore nitent, & auro radiantur? Marmore in parietibus, auro in tectis. Ideò Micantia Rutilianus dixit:*

*Confunduntque vagos delubra micantia visus,*

*Ipsos crediderim sic habitare deos.*

*Et de Templis in eâ laudatiunculâ concludam.*



## CAPVT VI.

*Item de templo Panthei, Urbis, & Pacis.*

**A**VD. Ego aperiam, & laxabo. Nam quid me tam fluxâ memoriâ censes, vt oblitus sim Ammianum plura laudasse? & nominatim *Panthéon, Urbis, Pacis*. Dic de singulis, nec excide tuâ lineâ, quam ipse duxisti. LIPS. Sed ex vno illo specimine, facile de aliis iudicare. Tamen fidei meæ causâ, cape. *Panthéon* ab Agrippâ genero Augusti structû fuit, & opus notum est, hodieque (etsi ornamentis omnibus spoliatum) ipsum corpus exstat. Struxit in tertio Consulatu suo, quod inscriptio frontis indicat: sed perfecit biennio post & dedicauit, anno urbis DCCXXIX. vt est in Dione. Quæ causâ nominis, ipse Dio dubitat, & scribit: *Panthéon sic fortasse dicitur, quia plures deorum imagines in simulacris Veneris & Martis complecteretur; vel vt ego censeo, à formâ illâ deuexæ rotunditatis, & quia calum referret*. Prior explicatio pluribus placita, etsi non ipsi Dioni: & lego in Glossis illis priscis, *πᾶσι θεῶν, omnium deorum*. Sed & Athenis, atque alibi, *τὸ κοινὸν τῶν θεῶν* fuisse, commune Deorum templum, ex Pausaniâ disco. Cui & origo esse apud Romanos potuit, ex communi deorum sacro: de quo Festus. *Pandicularis*, inquit, *dies dicebatur, idem & Communicarius, in quo omnibus diis communiter sacrificabatur*. Sed Dio tamen aliter: & mouit eum, credo, quòd pauca & certæ in eo statux essent, neque diis communiter positæ. Fuit enim *Martis*, \* *Veneris*, & *Cesaris Iulij*: ipsius Augusti in vestibulo cum suâ posuit Agrippa. Ita Dio. quem miror *Iouis* omisisse: cum Plinius scribat, *Panthéon Ioui Vltori ab Agrippâ factum*. Itaque ille præcipuus, & præses ibi Deus, fuisse videtur: sed & plures alij, eoque nomine haud malè *Panthéon*, etsi Dio à cæli formâ magis petit; quoniam id scilicet receptaculum & sedes Deorum. Lego autem & *Pantheus* & *Panthea*, pro ipsis Diis: sed aliâ significatione, itemq; scripturâ, nec aliud est, quàm omnino-Deus, aut Dea. Idem Dio scribit, sororē Caligulæ *Drusillam consecratam ab eo, & ab omnibus Pantheam dictam*. In lapide item veteri exstat: DIVO. PANTHEO. EX\*. V. Sed de nomine satis: in re ipsâ etiam quid me diffundâ? nisi si lingua potest in istis, quod non oculus: atque ecce Romæ exstat, & imagines circûferuntur.

AVD.

\* In cuius  
antribus se-  
cus famo-  
sus ille vni-  
Cleopatra.  
Plin. lib.  
XXV.

\* Voto.



AVD. Ita est. sed de ornatu qui periit, ecquid habes? LIPS. Pauca. sed tamen hoc inter *pulcherrima operum* Plinius recensuit: quid mirum vel ab ipso isto corpore, sic spoliato & nudo? Nam artificium & symmetria per omnes partes maximas, minimas, in eo mirabilis; decor, ordo, deuinctio singularis; vt Sebastianus Serlius, vir peritissimus talium, habendum censeat hoc velut vnicum exemplar consummatae Architecturae. Latitudo atque altitudo par est, pedum CXLIII. Amisit de specie, quod rudera locum sustulerunt, & gradibus in templum nunc descenditur: atqui ante à ascendebatur. Tectum & ipsum æreis tegulis, quæ prægrandes aliquot in fornice repertæ: nec dubitandum & has auratas fuisse. Plura haud dixerim; & omnia membra eius descripsit & mensus est Serlius, quem fas videre. Admoneo exustum fuisse, magno illo incendio sub Tito, cum & Capitolium tertio arsit. Id ita in Dionis compendio scriptum: & refecit Domitianus. de quo Cassiodorus capiendus in Consulatu eius IX. *Insignissima Romæ facta sunt, Forum Traiani, Therma Traiani, Meta sudans, & Panthéon.* Sed nec diu post, Traiani anno XIII. (quod in Eusebij Chronico est) fulmine ictum conflagrauit: & ab Hadriano restitutum, Spartianus dixit in eius vitâ. Itaque non soli ij restituerunt, qui in fronte operis hodieque insculpti leguntur, *L. Septimius Severus, & M. Aurelius Antoninus*: sed iam dicti. Mutauit & transiit in melioris templi vsum, & à Venere ad nostram Virginem, faciente Bonifacio quarto Pontifice, sub annum Christi DCVII. Is petiit Phocam, ait Regino, vt in veteri fano, quod Panthéon vocabatur, & à Domitiano fuerat exstructum, Ecclesiam sibi facere liceret; quod annuit Imperator. Ista de Romano Panthéo. sed reperio & in prouinciis alibi, ad hoc exemplum. Sozomenus certè in pago Betheliâ (vnde ipse oriundus) ditionis Gazensum, Panthéon fuisse ait, antiquum & apparatus templum, quod in cliuo manufacto, velut in arce situm, totum pagum despectabat: atque addit arbitrari se Syricâ voce Betheliam inde dictam, quod Græcè *ωαυδεϊον* sonat, siue *δεων οικονομειον*, deorum domicilium. Ita ille scriptor Eccles. Hist. lib. v. cap. XIII. Sed transeo iam & lustro obiter templum VRBIS. Quod istud est? inquires. nempe *Domina vrbis*, illius *Æternæ, & Cælestis*. O insaniam! ædificiis & inanimato corpori non vitam solum attribuere, sed numen! Atqui



Atq; ceciderunt, & vrbs hæc, in quâ sedes tanti imperij, tanquam in eâ potentia & diuinitas, sic culta. Prudentius meritò irridet:

— colitur nam sanguine & ipsa

*More Deæ, NOMEN QVELOCI, CEU NVMEN, adorant.*

Inuentio & adulatio à Græcis Asiaticis est: apud quos Smyrnei (quod ipsi gloriantur, & Romanis imputant, apud Tacitum) <sup>111. Hist.</sup> *primi templum VRBIS ROMAE statuerunt.* Nec defuerunt alij <sup>\* Circa annum vrbs DLV111.</sup> sequi exemplum: statimque Alabandenses in suâ vrbe struxere. Quo fine? vt propitiam sibi non Urbem, sed Urbis incolas & rectores haberent. Itaque nolunt eos hoc nescire, & in Liuius, apud Senatum *Alabandenses templum ROMAE se fecisse commemorant, & ludos anniuersarios instituisse ei Diuæ.* Etiamne ludos? ita sanè, & isti sunt pulcherrimi, quos vel nunc in Senatu edunt. Quàm credis risisse quosdam Patrum, in his ineptis & verè Græcanicis adulationibus? ego haud minùs censeo, quàm cùm Prusias rex ab illâ Asiâ, veniret ad curiam raso capite, & pileatus, limen curiæ oscularetur, adoraret Senatum, & *Libertum* se clamaret *populi Romani.* Ita igitur initium, sed in prouinciis. imò nec sub Principibus statim Romæ, in ipsâ Româ, templum. Lego in Hadriani rebus: *Ædem Bonæ deæ transtulit, & Colossum stantem atque suspensum, per Demetrianum architectum, de eo loco in quo NVNC templum VRBIS est, ingenti molimine, ita vt operi XXIIII. elephantes exhiberet.* Ait, Colossus stetit in loco vbi nunc Urbis templum: non ergo tunc adhuc erat. Sed ille ipse tamen Princeps fecit: imò hanc causam arbitramur translati Colossi. In Dionis Compendio est: *Hadrianum struxisse Veneris & Romæ templum, atque eius designationem & diagramma missum ab eo ad Apollodorum insignem architectum (cui tunc offensior erat) vt ostenderet & absque eo INSIGNE OPVS posse perfici. quasiuitque ecquid placeret structura? Ille verò liberè respondit, & de Templo, quod sublimius & magis cauum capaxque fieri debuisset: vt & in viam Sacram conspectius ex alto emeretur, & in cauum Machinas acciperet, quæ in occulto ibi compactæ, subito & ex improviso in Theatrum induci possent.* Hæc ita in Græco. nam interpretes, quod mirere, solum *Veneris templum* posuit, *Romæ* omisit. Atqui iunctæ deæ fuere: & sic *Notitia imperij, Templum Veneris & Romæ* nominat, Prudentius:

R

Atque



*Atque Urbis Venerisq̃ue pari se culmine tollunt  
Templa, simul geminis adolentur thura deabus.*

Nec ineptè Venus iuncta, Æneadum mater, cum suâ prole. Vbi fuerit, ex Dione licet coniiicere, qui *Via Sacra* adiungit: & Notitia in *Regione templi Pacis* ponit. Claudianus in *monte Palatino*. Nam de illo capiendum est, cùm in laudibus Stiliconis facit Prouincias venisse, & adisse supplices ipsam Romam:

Lib. 11.

*Conueniunt ad tecta Deæ, quæ candida lucent  
Monte Palatino.*

Crederem igitur ad radices montis fuisse, circa aut in Comitio: & in diuisione tamen urbis accensitum *Regioni Pacis*. De *Marchinis* autem, quod in Dione est, ad *Pegmata* pertinet: de quibus in Amphitheatro olim scripsimus: & videntur in templis opportunis disposita, composita occultè (quò admirabiliora ex inopinato essent) & sub tempus educta. Sed sequitur nunc *Templum ipsum PACIS*. AVD. Paulisper mane. & nōne *Genij publici* templum etiam lego? LIPS. Legis, sed distinctum ab isto urbis: & hoc verecundiùs paullò & minùs insolenter excogitatum. Nam *Genium* locis, regionibus, ciuitatibus tribui, satis est frequens & notum. Itaque in Dione *ἡ τοῦ τοῦ γένου τοῦ δήμου, templum Genij populi*, aliquoties nominatur: sed diu antè *Urbis*, & quidem ab anno DCCXLI. ante Principatum Augusti. Sed & *Antiochiæ*, *Alexandriæ*, atque alibi *Templum Genij* leges. AVD. Amplius etiam, ruminor Spartiani verba de Hadriano: qui *Bonæ deæ* *adem* transtulit, & *Colossum*: Sed quæ ista *adis translatio*? si communis, vt alibi dirutam poneret, quid miri aut narradi est? siquid ab arte aut nouum latet, me doce. LIPS. Nescio. sed ædes totas transferri, mihi nouum non est, & in *Batauis* vidi factum. Quid, quod *Tiberij* æuo architectus fuit, qui *maximam porticum iacentem & inclinatham, lanâ & centonibus circumdatam* (credo, ne videri artificium posset) *funibus & machinis, multorumque hominum manibus admotis, in pristinum restituit, firmam & rectam*? Quod *Tiberius* aliique nimis mirati sunt: etsi ille inuidiâ motus, nec nomē quidem eius *Actis* inferi sit passus. Quod ad *Colossum* autem, nōne *Roma* nuper in *Obeliscis* simile vidit? Sed hoc hîc notabile, quòd iste architectus, nec inclinauit eum quidem, sed *stantem*, vt ait, transtulit & *sussum*. At tu ex-



tra oleas me ducis: *Pacem* autem ego iam afferebam, tu distulisti. *AVD.* Egone illam? ô ubi es, non Dea quidem, sed summum à Deo bonum. Veni, veni, reuise miseros Belgas, tot iam lustra ciuilibus exterisque bellis iactatos. *LIPS.* Iam venit, confide: sed Iuno aliqua eam ducit aut præit. Hanc Vespasianus Romæ consecrauit, magnâ spe & animo mansuram, post ciuilia tunc quoque bella. Id à Claudio incohatû aliqui tradunt: sed abnuit Suetonius, & *Fecit NOVA opera Vespasianus*, inquit, *templum Pacis, foro proximum.* Habes & locum: ac nunc vestigia exstant, & ex iis operis ipsius forma. Grande fuit, & longitudo trecentos pedes attingit, latitudo ducentos: igitur supra Capitolium ipsum. Hac causâ meritò Herodianus id appellat μέγιστον καὶ κάλλιστον ἔργον ἐν τῇ πόλει ἔργων: *MAXIMUM & pulcherrimum omnium in vrbe operum.* Additque: *ditissimum* item fuisse, *ornamentis auri & argenti excultum.* Fecisse id sub initia imperij, & post triumphum, ex Iosepho discas: cuius verba lubet dare, ad vniuersam eius notificationem. Libro VII. Excidij ait: *Post triumphos, & firmam imperij constitutionem, statuit templum facere Paci: fecitque citò admodum, & pulchrius meliusque omni opinione perfecit.* Magnis enim opibus in hanc rem usus, & priscorum etiam præclara omnia adhibens, picturis & statuâ pulcherrimis adornauit. *OMNIA* enim in hoc templum collata & disposita sunt, ob quæ homines, videndi cupiditate, antea per TOTVM ORBEM vagabantur. Posuit & hic è Iudæorum templo vasa aurea, in iis sibi placens: etsi Legem ipsorum, & vela tabernaculi aurea, in Regiâ suâ posuerit, ibi custodienda. Hæc Iosephus; & Plinius consonat, qui passim pulcherrima aut rarissima operum adnotat fuisse in templo Pacis. Vno etiam loco scribit: *Ex*

Lib. xxiiiij.  
cap. viii.



periit & Bibliotheca quæ in ambitu eius templi erat: cuius in A. Gellio memoria exstat.

## CAPVT VII.

*Fora Romana descripta, & distinctè Romanum, Iulium, Augustum, Transitorium, Vlpium.*

**D**E Templis peregrimus: ex eodem Ammiano *Fora* nunc excerpo. Quid opus est? inquires. aut quid magni operis in apertâ planicie? Hoc enim, pro nostris moribus hodie, tu aut alius dixerit: quia hæc *Fora* parum, aut nihil, ornati profectò habent. Area tantùm est, & ædificia cingunt, alta, humilia, splendida, vilia; denique vt priuatorum solent. Quàm aliud in Romanis Foris, sed & Græcis? de quibus Vitruuium licet audire: *Græci in quadrato* AMPLISSIMIS & DVPLICIBVS PORTICIBVS *fora* constituunt, CREBRISQVE COLUMNIS, & lapideis aut marmoreis epistylis adornant, & suprâ AMBVLATIONES in con-tignationibus faciunt. Atque hæc ipsa, vt addit, Romani, nisi quòd non quadrata equaliter, sed oblonga magis faciunt, nec nisi ter-tiâ latitudinis parte. Sed nec columnas tam crebras interpo-nunt: & (vt ego hoc addam) Romæ etiam magnis circumposi-tis ædificiis, vt *Templis, Basilicis, Chalcidicis*, magis ornabant. Vt tamen formam aliquam capias, ambitus ipse *Fori* porticibus claudebatur, viis relictis & spatiis ad intrandum: exterius deinde, *Templa*, & quæ dixi circumponebantur, & latè super Por-ticus illas eminebant. In paruo exemplo, nōne *Bursam*, vt vo-cant, Antuerpiensium vidisti? fac maiorem, & oblongam esse: habes (quod ad Porticus attinet) imaginem prisci alicuius *Fori*. Sed membra singula iam videamus. Ait Vitruuius, *duplices Porticus* fuisse: in altitudinem, aut latitudinem? vtrumque po-tuit: sed credo magis in latitudinem fuisse, vt latiùs inambula-retur. Tamen nec de illâ nego, cùm satis clarè addat, & præci-piat: vt superiores columnæ, quartâ parte minores, quàm inferiores con-stituantur: propterea, quòd oneri ferundo, quæ sunt inferiora, firmiora debent esse, quàm superiora. Ergo & duplex columnatio in altum solita vsurpari: sed in latum sæpissimè, atque adeò triplex, qua-druplex, quintuplexque: quàm pulchrâ tot columnarum serie, & super-



& superbâ facie? Capitolinus in Galieno scribit: *quod is Porticum Flaminiam, usque ad Pontem Muluium parauerat ducere, ut te-  
trastiche fieret, aut etiam pentastiche.* Intellegit quaternos aut quinos  
istos ordines: qui tamen rari haud dubiè erant. Iam super istas  
Porticus, Ambulationes erant: quod ipsum in Antuerpiensi  
Bursâ. At reliqua iam, quam imaginem hodiernam admittunt,  
*Basilica & Tempia?* nullam. *Quid statuae,* & interior ille ornatus?  
nullam. Talia igitur Fora, ut communiter hoc præmiserim: ve-  
niamus ad ea magis singillatim. Fora duorum generum Ro-  
mæ: & in vniuersum xvii. numerant descriptores Urbis. Erant  
*Ciuiia*, erant *Venalia*: illa, in quibus res & lites agebantur, hæc,  
in quibus merces aut species certæ vænales. ut *Suarium Forum*,  
*Piscatorium*, *Pistorium*, *Boarium*, *Holitorium*, & talia. In vtrisque &  
cœtus, ac circuli, ac sermones hominum erant, ut solet in va-  
cuïs: sed magis in Ciuilibus illis. quæ scito olim fuisse tria, Ro-  
*manum*, *Iulium*, *Augustum*. Seneca ad hunc numerum: *Infirmitatio-  
nes, furta, fraudes, quibus trina non sufficiunt fora.* Martialis:

*Atque erit in triplici par mihi nemo foro.*

Et si idem Martialis quartum etiam vidit. Nam Domitianus  
Imp. incohauit *Forum*, quod *Transitorium* vocabant, & postea  
Nerua absoluit, ab eo *Nervæ* etiam dictum. Quintum denique  
addidit *Traianus*, ab ipso sic appellatum. Labet breuiter lustra-  
re singula, & quædam in iis, leui oculorum iniectu, præcipua  
obseruare. ROMANVM igitur est, quod *Vetus* appellant, ad-  
spectu ad hæc posteriora; itemque *Magnum*, quia, ut videtur,  
spatio superauit. Id à Romulo institutum, inter Capitolinum  
& Palatinum montes, ad huius finem: sic ut templa Capitoli-  
na ei imminerent, Palatij variæ structuræ, & varia in ambitu  
templa. Sed hæc postea fuere: Romuli æuo, simplex planicies;  
L. Tarquinius Priscus postea exornauit, & *Tabernis ac Porticibus*  
cinxit. Alij deinde tam multa & varia (quia quisque opus suum  
in conspicuâ maximè & celebri parte exstare cupiebat) addide-  
runt: ut multæ & curiosæ curæ sit singillatim recensere. & iam  
Antiquarij nostri in parte maximâ fecere. Strabonis hoc audi.  
qui vbi *Campum Martium* valde laudasset, addidit, *Quæ omnia si-  
quis viderit, dicat censeatque reliquam urbem, non nisi additamentum  
campi huius esse.* At idem si in FORVM VETVS deinde progressus, alia aliis



hærentia & consequentia videat, Basilicas, Porticus, Tempia, tum Capitolum ipsum, & in eo templa, tum Palatium, & Livia Ambulacra: is facile priorum obliuiscatur, & omnium quæ viderat extra urbem. Sed & Statius quædam recensuit, in Equo Domitiani. Ille enim ex ære colossæum illum, & se in sefforem constituit in hoc Foro, narratque & laudat poëta in primo suo carmine:

*Quæ super imposito moles gemmata colosso*

*Stat Latium complexa forum?*

Nam Latium Forum, hoc nostrum Romanum est: sed quæ moles gemmata? nam gemmas & lapides in ære isto fuisse, nugæ. An igitur, nitida & splendens? ut idem alibi, — *nitidis gemmantia saxis Balnea*: & alij, *gemmantæ alas pauonis*. Etsi alia in his causis & aspectus, & quod olim diuinaui, in libro scripto etiam reperi, *geminata*. Omnino geminata & duplex illa moles, ipsa crepido siue basis altior, tum vir cum equo impositus super eam. Verba qui pensitatè examinat, assentietur. Sed reliqua etiam carmina poëtæ notanda antiquariis, ad sedem certam aliquot hîc ædificiorum. Nam ait:

*Par operi sedes. hinc obuia limina pandis,*

*Qui seffus bellis, assertæ munere prolis,*

*Primus iter nostris ostendit in æthera Diuis.*

*At laterum passus, hinc Iulia templa tuentur,*

*Illinc belligeri sublimis Regia Paulli,*

*Terga pater, blandoque videt Concordia vultu.*

A fronte facit fuisse *Limina Iulia*. nam de Iulio Cæsare hæc capienda quis ambiget, cum à prole adoptiuâ consecratum, primum Cæsarum, dicat? Et est ipsum templum Iulij, nisi fallor. A latere deinde *Basilica Iulia*, quam Festus ad Seruilium lacum ponit. Nam quod vulgò legitur, & ego recitaui, *Iulia teſta*. Enimuerò hæc *Ædes Iulij* in medio circiter Foro fuit: quod etiam factum in aliis Foris, & ut medium aliquod templū decorè esset, mox disces. Adiungo IULIVM FORVM, quod C. Cæsar, etiam priuatus, & Proconsul adhuc Galliæ concepit, atque adeò cœpit. Nam locum & aream emit, ac purgauit. magno sanè, & Suetonius dignum notari putauit ipsum pretium: *Forum, inquit, de manubiis incohatum, cuius area super HS. millies consti-*

*tisset.*



eisset. Ea summa est nobis (repeto, etsi meminisse te æstimatio-  
 nes iam oportuit) *vicies quinquies centenũ millium*. Tantũ ne in  
 solam aream? inquires. Tantum. nec mouet, quod viri docti, sed  
 trepidi in talibus, diffidunt & mutare aut minuere vellent: fal-  
 luntur. Quid? Plinio non erit etiam fides, in eadem re sic nu-  
 meranti? *Pyramides regum miramur opera, cũ solum tantũ foro*  
*exstruẽdo HS. millies Cæsar Dictator emerit*. Nõne ipsa narratione  
 & comparatione ostẽdit ingentem aliquam, nec in simili re tri-  
 tam summam? ostendit. nec mirum, cũ ædes plures in vrbe  
 intima emerit, disiecerit, ad aream purgandam. Ne diffidamus  
 igitur, sed faueamus magno huic Cæsari, qui & antequam tan-  
 tus, concipit hæc magna. Imò verò *Dictator* tunc erat, dices: er-  
 go iam Princeps. Nego fuisse. nec Plinij ea mens est, qui addidit  
 quidem illũ titulum, sed vt hominem designaret & discerneret,  
 non vt emptionis tẽpus. Credamus Suetonio, palam hoc inter  
 Gallicanæ liberalitatis exempla referenti. Tunc igitur emit, sed  
 bellis impeditus aut tardatus, non nisi post bellũ Africum per-  
 fecit. Appianus: *Cæsar, post triũpbos, Veneri Genetrici templũ struxit,* 11. Ciuit.  
*quod vouerat in prælio Pharsalico: & aream circum templum addidit,*  
*ibiq; voluit Romanis Forum esse. non id quidẽ rerum venalium, sed ad*  
*LITES aut negotia conuenientium, sicut & Persis forum erat quoddam*  
*vel iuris petendi dicendiq; causã, vel & discendi.* Dio Cassius de eo-  
 dem sub idem tempus narrat: *Cæsar forum, quod ab ipso dictum est,* Lib. XLIII.  
*exstruxit. quod PVLCHRVS ROMANO est, et si dignitas illius auxit ex*  
*isto, factumq; vt MAGNVM diceretur. Atque hoc Forum, vnã cum æde*  
*Veneris Genetricis, auctoris sui generis, dedicauit.* Nota in eius ver-  
 bis, *pulchrius Romano* fuisse: quod equidẽ credo, vel quia à Cæsa-  
 re, vel quia posteriora opera prioribus ferẽ antecellunt. Quod  
 tamen ex Ammiano vix dixeris: qui *Iulium* hoc silet, *Romanũ* ex-  
 tollit: & *prisce potentie forũ* appellauit, & *Cõstanti* ioculos in eo, *mi-*  
*raculorum densitate, prestriẽtos.* Fuit autẽ hoc *Iulium* haud longẽ ni-  
 mis à Romano, post tẽpla *Pacis & Faustine*. Transeo ad *AVGV-*  
*STI FORVM*: quod nominatim Plinius inter maxima operũ collo-  
 cauit. Profectò gradatim scãdimus, & meliora ac maiora in his  
 damus. De isto Suetonius: *Forũ cũ æde Martis Vltoris struxit. Caus-* Aug. cap.  
*sa exstruẽdi, hominũ & iudiciorum multitudo, quæ videbatur, nõ suffi-* XXIX.  
*ciẽtibz duobus, etiam tertio indigere.* Ergo Mars hĩc Vltor in medio,  
 vt an-



vt antè *Iulius*, aut *Venus*. Ouidius *Bisultorem* cognominat: quia & ob vindicatam patris necem hoc cognomen Augustus imposuit; & ob Crassianam cladem, signis à Partho receptis. Porticus in eo, de more, ad latera: sed hoc in iis singulare, & ab Augusti inuento. quòd in alterâ, ordine omnes Latini reges à capite & principe Æneâ essent, in alterâ, Romani Reges, aut Duces clari, à Romulo ipso. Ouidius de Marte illo:

v. Fast.

*Hinc videt ÆNEAN oneratum pondere caro,*

*Et tot IULAEAE nobilitatis auos.*

*Hinc videt ILIADEN, humero Ducis arma ferentem,*

*Claraque dispositis ACTA subesse viris.*

\* Tropae-  
phorū spo-  
lius Acro-  
nis onustū.

Aug. cap.  
XXXI.

Ille ab utroque igitur latere hæc videbat: & de hac re Suetonius. Proximum à Diis immortalibus honorem memorie Ducum præstitit, qui imperium populi Romani ex minimo maximum reddidissent: & STATVAS OMNIUM, triumphali effigie, in VTRAQUE fori sui PORTICV dedicauit. Nam etsi Romanos Duces modò nominat, sanè & illos intellegi Latinos par est, & poëta iuber: Inter eos & ipse Augustus locum habuit, atque eius Tituli & Acta. Velleius: *Diuus Augustus, præter Hispanias aliasque gentes, quarum TITVLIS FORVM EIVS prænitet.* Ergo illuc sub quoque viro aut statuâ, suæ res gestæ breuiter & Index; quod Acta poëta dixit. Atque istæ nouæ statuæ: quot deinde veteres, & priscæ raræque artis? Pausanias prodidit, *Minervæ Alexæ signum, ex ebore totum, in aditu Fori Augusti stetisse:* additque in eâ occasione, & ipsum, & reliquos Principes, pleraque ornamentorum talium vndique auexisse, & ad opera sua ornanda traduxisse. Situm autem hoc forum, supra ipsum Romanum, ad latus Capitolij, post eodem hodie *Diua Martina.* Quartum iam est, *Nervæ.* quod Domitianus incohauit, iste perfecit & agnominauit. Suetonius in Domitiano: *Novam eadem in Capitolio excitauit Iouicustodi; & Forum, quod nunc Nervæ vocatur.* Quomodo igitur tunc? *Transitorium*, vt opinor. Nam sic Lampridius, in Alexandro: *Statuas colossas, vel pedestres nudas, vel equestres, Diuis Imperatoribus in Foro Diui Nervæ, quod TRANSITORIVM dicitur, locauit: omnibus cum Titulis & Columnis AEREIS, quæ gestorum ordinem continerent. exemplo Augusti, qui summorum virorum statuas, in foro suo, è MARMORE collocauit, additis GESTIS.* Locus & ad ista, & priora, notabilis. videsque imitari Augu-

In Acad.



Augustum in ornando hoc Foro Alexandrum voluisse: quid imitari? vincere volui dicere. & cum ille statuas non nisi è marmore fecisset, iste ex ære, cum titulis etiam & columnis. Quæ autem istæ columnæ? an quibus, loco basium, insisterent, & Acta inscripta essent? an & alias intellegit, quæ seorsum Porticus sustinerent? Non de nihilo ambigo, quoniam in Pausaniâ lego, de quibusdam ædificiis ex ære solido, disserente: lego, inquam, fuisse talia, ut Mineruæ templum Spartæ, quod Chalcidæcon idèò dicitur, atque item alibi. Sed tum addit in fidem, presentaneum & sui æui exemplum, καὶ ῥωμαίοις, inquit, ἡ ἀγορὰ μέχρι θούρας ἔνευα, καὶ καὶ ἑσπερίῃς τῆς ἀλλοτρίας, θαῦμα οὖσα, παρέχεται τὸν ὄρεον χαλκῶν: Romanis Forum, quod & magnitudine & alio apparatu omni instar miraculi est, exhibet tectum & camerationem æream. Quod istud Forum tecto æreo, vellem nominasset. nunc suspicari tamen fas est, de isto Neruæ capiendum: nisi de alio ædificio, quod Chalcidicum appellabant, quodq; Foris solet adiungi. Nam de tecto suspicari, æreis saltem tegulis, nihil est: nec hoc inter rara aut suspicienda. Istud porrò fuit situm, inter Capitolinum & Quirinalem colles: dictumque idèò Transitorium, quòd per id in alia opportunè velut transitus esset. An & quia Iani in eo templum? quod quatuor portarum ibi fuisse Seruius tradidit: & Martialis libro x. de eo capiendus:

PERVIVS exiguos habitabas antè penates,  
Plurima quàm medium Romaterebat iter:  
Nunc tua Cæsareis cinguntur limina donis,  
Et fora tot numeras Iane quot ora geris.

Dicit in angusto olim, quadrifariam peruium, hūc Ianum fuisse, nunc in foro Neruæ, cingi porticibus, & quæ alia ipse struxit: sed & ab eo iter & ad spectus ad alia fora esse. A V D. Vide Lipsi. non enim Iani in medio foro templum, sed Mineruæ fuit. Nam ita Victor clarè: Nerua imperio se abdicavit, dedicato prius Foro, quod appellatur Peruium: quo ædes Mineruæ eminentior consurgit, & magnificentior. Lips. Sistis, & pænè retroāgis me profectò. An igitur ad latus alibi Iani illud templum? an hoc Mineruæ non in ipso medio? tale dicendum sit. sed pergamus ad Quintum Forum, VLPIVM siue Traiani. Quis fecit? ipse Traianus: nec dabo hoc Cassiodoro, Domitianum vel cœpisse. Nam is quidem



dem in Domitiani IX. consulatu, facit eum *excitasse opera, Forum Traiani, & Thermas Traiani*, voluit *Nervæ* dicere: & iam à nobis demonstratum. Quale autem hoc fuit? Ammianus paucis verbis dixerit, clamitans SINGVLAREM *sub omni celo* STRVCTVRAM. Quid amplius? *etiam* NVMINVM ASSENSIONE MIRABILEM. Deus bone! an & cælites terrestria hæc mirentur? etiam timeant fortasse. nam addit, GYGANTAEOS *contextus fuisse, nec relatu effabiles, nec rursus mortalibus* \* appetendos. Satis ostendit victa hoc opere, omnia illa quæ inuicta antea habebamus. Quid autem Cassiodorus? consentit. & *Traiani forum*, inquit, *vel sub* ASSIDVITATE *videre, miraculum est*. Nihil potest efficacius dici aut concipi ad elegantiam, & raritatem: quæ rara scilicet & elegans esset, etiam in assiduo aspectu. Hæc communiter adferre possum: quid per partes? *Apollo-dorum* architectum fuisse, summum in arte virum, & quem Hadrianus postea, liuore quodam ductus, occidit. Porticus & columnas fuisse, satis scitum est: & puto in altum plures. vnde enim alioqui *gygantæos contextus* Ammianus diceret? Et sane altitudo *Columnæ*, quæ in medio sita fuit, hodieque apparet, est pedum CXXVIII: cum inscriptione, TANTAE. ALTITVDINIS. MONTEM. ET. LOCVM. TANTIS. OPERIBVS. ESSE. EGESTVM. Credo aut tam altas igitur, aut non longè infra, Porticus ipsas fuisse. In quarum fastigiis simulacra equorum, & signorum militarium de quibus Agellius: *In fastigiis fori Traiani SIMVLACRA sunt sita, CIRCVM VNDIQUE, INAVRATA equorum, ac signorum militarium: subscriptumque est, Ex manubiis*. Nota hæc omnia inaurata fuisse: & probabiliter etiam Statuas quæ subter Porticus collocatæ. Quas M. Antoninus numero auxit: *qui nobilibus viris (in Capitolino) bello Germanico defunctis, statuas in Foro Vlpio collocavit*. Ibidem & *Templum*, & *Equum æneum* fuisse, Victor ostendit, & circum *Bibliothecam*, alij. Sed de *Equo* etiam Ammianus. cum scribit attonitum *Constantium* hæsisse, *omni spe huiusmodi quidquam conandi depulsâ: Traiani tamen EQVVM solum, in atrij medio locatum, qui ipsum Principem vehebat, imitari se velle dictabat*. Cui propè *astans regalis Hormisdas, respondit gestu gentili, ANTE, inquit, IMPERATOR STABVLVM TALE CONDI IVBETO, SI VALES*. Liberè hoc Hormisdas, & verè. quid autem posterij manibus tale

\* Id est,  
imitandos,  
aut tentan-  
dos.

Lib. XII.  
cap. XII.



tale aliquid conderent? vercor ut nos, & nostri architecti, vix mente.

## CAP. VIII.

*De Balneis Thermisq̃ue, & breuiter de Rostris.*

**A**VD. Profectò, Lipsi, oculos mihi aperis ad hæc suspicienda: quæ ego non in magno antea habebam. LIPS. Fortasse nec ea quæ de *Lauacris*, idest Balneis aut Thermis Ammianus adiunxit. AVD. Haud nego. magna fuisse, hoc ruinæ me docent, ornata valdè aut magnifica, nòdum agnosco. LIPS. Licet per me breuiter. Et de magnitudine quidem, nòne ea ipsa miranda in tot partium ædificio & membrorum? Ammianus ad eam, puto, respicit, cùm scribit *Lauacra in modum prouinciarum exstructa*: & quasi quæ, non vrbes, sed regiones totas æmularentur. Satis audax elatumq̃; dictum, fateor: sed causam habuit. & Cassiodorus item signatè laudat & suggerit MIRABLEM MAGNITVDINEM THERMARVM. Et vidisti illas parietinas hodie *Antonini* Thermarum, aut magis *Diocletiani*? mira laxitas, & hæc Olympiodori dicent. Ἦσαν δὲ, inquit, λεῖζὰ δημόσια παρμεγέθη. αἱ δὲ Ἀντωνιαναὶ ἔπεσιν καλούμεναι, εἰς χρεῖαν τῶν λυομένων κατέδρας εἶχον τῶν πεποιημένων χιλίας ἑξακοσίας, ἐν μαρμάρεσσιν κατασκευασμένας ἕξ ἑξ, αἱ δὲ Διοκλητιαναὶ, ἐγγύς διπλασίαις: *Erant lauacra publica INGENTIA. sicut Antoniniane Thermæ dictæ, in vsum lauantium SELLAS habebant mille sexcentas, è polito marmore factas. Diocletiani autem, circiter BIS TANTVM.* Audin' tu? *Diocletiani habuerint Sellas (alijs \* Solia maluerunt reddere) ter mille ducentas*: quid nisi igitur tot personæ inibi simul lauari potuère? Vbi iam reliquum Thermarum corpus? Cellæ, Solia, Piscinæ? Vbi capaces & longæ illæ Porticus, Xysti, Nemora, Sphæristeria, & reliquæ partes? Certè Ammianum iam capio & admitto, in tot ædificiis & varietatibus, cum Prouinciis comparantem. Ipsum etiam Flauium Blondum, qui fortiter asseruit, nec QVATTVOR MAXIMA ITALIAE PALATIA, simul iuncta, posse illas vnas *Diocletiani adæquare*. Ecce igitur magnitudinem: & distinctè in partibus quædam, \* Sidonij epistola tibi dicet (lege, si lubido est) & Hieronymi Mercurialis, eruditi amici nostri, scripta, *Gymnastica artis*. De splendore porrò

\* Vide No. 180.

\* Lib. 11. ep. 11.



& paraturâ earum, audi hæc Senecæ: *Pauper sibi videtur ac sordidus, nisi parietes magnis ac pretiosis ORBIBVS refulserint: nisi ALEXANDRINA marmora NUMIDICIS crustis distincta sint: nisi illis undique, & in PICTURAE modum variata CIRCVMLITIO pratexatur: nisi VITRO condatur camera: nisi PARIVS & THASIVS lapis, quondam rarum in aliquo templo spectaculum, Piscinas nostras circumdederit: nisi aquam ARGENTEA epitonia fuderint. Et adhuc plebeias fistulas loquor: quid cum ad balnea libertinorum peruenero? quantum STATVARVM, quantum COLUMNARVM est, nihil sustinentium, sed in ornamentum positarum, & impensæ causâ? quantum AQVARVM per gradus cum fragore labentium? Eò deliciarum venimus, ut nisi GEMMAS calcare nolimus. Ea verò Senecæ increpatio aut delineatio, quàm clarè sub oculos dat & ponit, non Balneas aliquas, sed Principum dixeris Aulas? Et quædam ex istis Statius, in Balneo Etrusci:*

*Nil ibi plebeium, nusquam Temesea notabis  
Æra, sed ARGENTO felix propellitur unda,  
ARGENTOQ. cadit, Labrisque nitentibus instat  
Delitias mirata suas.*

Significat fistulas & canales argenteos fuisse, ipsa etiam Labra. Idem de Vitro:

*Effulgent camerae, vario fastigia Vitro  
In species animosque nitent.*

Lib. xxxij.  
cap. xii.  
\* Fibulas  
intellegit.

Quid autem Plinius? narrat & culpat cum Senecâ: *Iam verò pedagogia ad transitum virilitatis\* custodiantur argento; femina laentur, & nisi ARGENTEA solia fastidiant, eademque materia & probris seruiat, & cibis. Videret hæc Fabricius, & STRATAS ARGENTO mulierum balneas, ita ut vestigio locus non sit cum viris lauantium. Sed de argento parum est: nonne & de gemmis substratis Seneca dixit? Quod si igitur Priuata hæc ita culta: credo equidem & Principes in suis, quæ publicabant, parcos aut sordidos non fuisse. Eiusmodi Publica & Gratuita balnea, duodecim P. Victor agnoscit Romæ fuisse: omitto alia Publica, quæ Meritoria licet agnominare. Nam paruo ære, & Quadrante, ad ea lautum ibant. Quid, quod Plinius scribit M. Agrippam in Ædilitate suâ, gratuita præbuisse balnea centum septuaginta? atque addit Plinius: quæ nunc Romæ ad INFINITVM auxere numerum. AVD. Hem! tot igitur &*

Lib. xxxvi.

*Priuata*



*Privata & Publica balnea? & quo fine? LIPS. Quæris? ad equitandum scilicet. & quis nescit, quòd ad lauandum? AVD. Ne sic increpa. ego hoc rogatum volebam, cur tam multa, & an tam assidua lautio? LIPS. Assidua. & cottidie, de more, lauabant ituri iam ad cœnam. Artemidorus scripsit, Balneum nihil aliud suo æuo fuisse, quàm TRANSITVM ad cœnam. Itaque qui sæpius etiam cibum capiebant, sæpius lauabant. Commodus Imp. notatur septies aut octies in die lauisse. Etiam inter Christianos, Sisinnius quidam Episcopus bis in die: non sine suspitione intemperantiæ & voluptatum. Sed ille dicitur culpanter illudit, rogatusque Cur Episcopus cum esset, bis lauaret? Quia ter, inquit, non possum. Significabat bis se comedere, bis igitur lauare; tertio non ferre valetudinem. AVD. Noua hæc nobis. LIPS. Noua, qui desimus hunc morem: nec scio an rectè, quòd totum. Credam valetudini & vitæ profuturum, si in parte seruassemus, & cum modo: quem ingestum vetus Epigramma voluit, alibi in lapide sculptum.*

\* *B. V. V. corrumpunt corpora nostra,  
Conseruant eadem B. V. V.*

\* *Balnea,  
Vina, Ven-  
nus.*

Tria intellegit, quæ modicè habenda; aut cum damno habenda, vel non habenda. Sed Ammiano duce satis vidimus: abeamus. AVD. Maneamus. quid tu nescis, aut dissimulas, de *Theatro, Amphitheatro, Odéo, Stadio, Suggestu consulari*? LIPS. Scio, & memini: sed hæc per te satis te opinor scire. De *Amphitheatro* quidem scorsim libellum ego olim scripsi: idem in *Theatro & Circo* sit, si coner. Libri, inquam, res: quæso nunc omitte. Nec in *Odéo* aut *Stadio* multa dicenda: atque illud Plutarchus in *Pericle* tibi describet, ad *Musica certamina spectanda structum fuisse, interiore formâ sedilibus instructâ, & multis columnis: tecto declui, & ad imaginem atque instar tabernaculi regis Persarum*. AVD. Non aulam vltra te ducere. LIPS. Nec debes, fatigor. AVD. Tamen de *Suggestu* tria verba. LIPS. *Rostra* intellegi arbitror; sed ea quæ *Iulia* dicebant, siue *Noua*. Nam *Vetera* illa non in tanto nunc honore, vel usu. Sed cur *Suggestum* ea dicit? à formâ, quam ostendit per gradus surrexisse cum dicit *vertice scansili* fuisse. Dicit & *imitamenta priorum Principum portasse*: id est vultus & statuas eorum, quas equidem arbitror in gradibus, ad extrema latera,



Lib. vi.

dispositas in ordine fuisse. Eorum basim, siue ima, *ornata rostris nauium, ex Actiacâ victoriâ*, Dio Cassius me docuit: & inde igitur *Rostrorum* nomen. AVD. Sed *Consulum suggestum* cur appellat Ammianus? LIPS. Quia initio magistratus eò conscendere solent, & populum salutare: eòdem iterum, cùm deponerent magistratum. Mos ab antiquo mansit: qui & adire, & orare illuc ac gratias agere populo solent, pro honore. Sed inferiori & Principum æuo, nihil factum, nisi vt conscenderent, salutarerent; itemque iurarent, aut eiurarent. Plinius de Traiano: *Iam toties procedere in Rostra, hic suscipere, hic ponere magistratus, quàm dignum te fuit?* Præiuit etiam: *In Rostris, simili religione, legibus te subiecisti: iurasti in legem, attendentibus Diis.* Denique Claudianus de Stilicone Consule, inter sollemnia ponit:

*Circumfusa tuæ conscendant Rostra curules.*

Ergo & sedisse illic in Sellâ curuli videntur, & sic se ostendisse, quasi auspicij causâ.

## CAPVT IX.

*De Statuis, & earum custodelâ.*

Lib. vii.

AVD. Ah, quàm iuuant me hi aspectus! quàm doleo ab Ammiano ductore, aut te doctore, deferi! LIPS. Vide benignitatem, da manum, porro vel solus ego ducam. AVD. O hominem & verba mellea! non voluptatem meam te dicam, sed salutem. perge sic iuuare. LIPS. Vnum etiam in his omnibus operibus locisque monendum, de *Statuis*: quarum incredibilis multitudo, pretium, speciesque. Nullum publicum opus, quodcumque nomines; nullus adeò locus publicus aut vacuus, vbi non hæc ornamenta. Et credo equidem nihil magis in totâ vrbe ADMIRANDVM elegantioribus ingeniis fuisse. Earum originem & augmentum breuiter in Cassiodoro habes: *Statuas primùm Thusci in Italiâ inuenisse referuntur, quas amplexa posteritas, penè PAREM POPVLVM vrbi dedit, quàm Natura procreauit.* Ludit in verbo eleganter: nec minore copiâ factos ab arte illos homines in vrbe fuisse vult, quàm istos à naturâ. Ludit in verbo, in re seriò dicit. & P. Victor in fine Descriptionis suæ claudit, TABVLAE ET SIGNA SINE NUMERO. Planè sine numero. atque



atque ego tibi de *Tabulis* etiam oblitus eram dicere, sed hic monitor suggestit: quas scito magnorum illorum artificum fuisse, & ob quarum unam alteramque, vel Romam philocali & elegantes illi venirent. Iam de *Pretio* statuarum, quod tetigi, quis non vel è materie cernat? Omitto marmoreas illas & areas infinitas: dico *Argenteas, Aureas, Eburneas* fuisse. Et argenteæ quidem sub Augusto maximè increbuerunt, Plinio & Suetonio notatum: sed ille moderatus est, & suas confavit: non ita alij Principes, & nominatim Domitianus. qui superbo arbitrio (Suetonius scripsit) *statuas sibi in Capitolio, non nisi aureas argenteasque poni permisit, ac ponderis certi*. Nota materiem, nota pondus: & ex solido utroque igitur metallo fuisse. Fortasse autem pondus in his Statianis versibus expressum:

*Da CAPITOLINIS æternum sedibus aurum,  
Quo niteant sacri CENTENO pondere vultus.*

Statuam Domitiani consecrari poniq̃ue vult in *Capitolio*, & eam non minus *centum pondo*. In *Capitolio*, inquam. nam & hunc locum sacerrimum profanus Princeps statuis suis sedem eligebat. Plinius in Laudatione Traiani: *Itaque tuam statuam in vestibulo Iouis Opt. Max. unam alteramve, & hanc aream, cernimus: ac paullo antè ADITVS omnes, omnes GRADVS, totaque AREA, hinc AVRO, hinc ARGENTO relucebat, seu potius polluebatur, cum incesti Principis statuis permixta Deorum simulacra sorderent*. Quod autem ad illud pondus, aliæ etiam grauiiores, ne dubita. atque adeò Commodus Imp. *statuam millelibrarum auream habuit, cum tauro & vaccâ, quasi urbis conditor*: quod in Dionis compendio est scriptum. Itaque nec pro magno aut vero satis habeam, quod est in Trebellij Claudio: *Populus Romanus, sumptu suo, in Capitolio ante Iouis Opt. Max. templum, statuam auream decem pondo collocavit*. Quid? Principi suo totus populus, & in tali loco, tantillam statuam ponat? Scribe, scribe, ∞. pondo: id est mille, & hîc quoque nota, *millenariam* notam in *Denariam* mutasse. Eisdem Principi (idem Trebellius notat) *in Rostris posita columna est, & palmata statua superfixa; librarum argenti mille quingentarum*. Disce & hinc pondus grande in utroque meliore metallo: quod crebrum omnino fuit, & crebrius etiam misceri, & æs vel argentum inaurari. Ammianus de vulgo Romanorum

Cap. 13.

Lib. XVI.

nobi-



nobilium: *Ex his quidam eternitati se commendari posse per Statuas aestimantes, eas ardentè adfectant, atque AVRO curant IMBRACTEARI. quod Acilio Glabrioni delatum est primò. Inauratas intellegit, quod aliquoties in lapidum titulis expressum legi, SVB. AVRO. STATVAM. PONI. In eodem Ammiano, vides studium in eâ re Romanorum. quod & ante illum Dio aperuit, & simul repressum ostendit. Vrbs, inquit, statuis implebatur. quia licebat cuique passim in Tabulâ, Ære, Marmore, se publicare. quod Claudius Imp. vetuit, & plerasque iam positas loco movit, & aliò transtulit; edixitq; ne quis in posterum PRIVATVS poneret, nisi Senatus permissu: excepto, si quod OPVS PVBLICVM faceret, reficeretve. Coercere igitur Princeps ille voluit, quia nimia iam copia: & urbem, vias, vicos, non ornabant, sed stipabant & arctabant. Atqui exceptio quam ponit, & permissio item à Senatu, fræna iterum laxant: & in vrbe qui non potuit, is se in villis aut agris publicabat. Ad summam, mi Auditor, hæc vna res ad Opes item est Romanas ostendendas: & maximè si varias species Statuarum cogitas, Colossæas quasdam, Curules, Equestres, Pedestres, & habitu variante & diuerso. Quid quod equorum, leonum, sphynghum, & variorum animalium? vt Obeliscos, & hæc talia omittam. AVD. At enim mihi hîc cogitatio, & pænè cupiditas. LIPS. Quæ? AVD. Improbula. nam cur non fas è statuis illis aureis argenteisque Deorum vel Principum, aliquid transeuntem abraderè, vel refecare? LIPS. Nefas homo, nefas. Tu è statuis Principum? capite luisses violata illa sacra. Sed nec Priuatorum licuit. AVD. Nam quis sciisset, aut dixisset? de nocte. LIPS. Disce, imperitus es, custodiam & cautelam antiquam. Miles in vrbe excubabat, Urbanus ille & Vigilum ad templa, ad loca item publica: sed præterea certus etiam Præfectus huic Statuarum custodiæ, & qui militem haberet. Vocarunt id officij, Comitiam Romanam. & Formula eius hæc in Cassiodoro legitur: Si clausis domibus insidiari solet nequissimum votum, quanto magis in Romanâ ciuitate videtur illiciti, qui in PLATAEIS pretiosum reperit, quod possit auferri? Nam quidam POPVLVS COPIOSISSIMVS STATVARVM, greges etiam abundantissimi EQVORVM, tali sunt cautela seruandi, quali & curâ videntur affixi. Tum verò addit: Quare per indictionem illam COMITIVAE ROMANAE tibi concedimus dignitatem.*

Officium



*Officium tuum, & MILITES consuetos, noctibus potiùs inuigilare compelle: in die autem ciuitas seipsa custodit. Atque hic est qui Comes Romanus appellatus, quia Romam, & eius opera, seruabat.*

## CAP. X.

*De Viarum magnis operibus, & nominatim de Appiâ.*

**A**N & longiùs etiam eo? nec Romam solùm, sed quædam circa eam, ostendo? faciã, vt inter tantas Ope & animos, me quoque largum fieri videas & benignum. Tria occurrunt, præter Ammiano dicta, vel maximè ADMIRANDA, *Via, Aquæductus, Cloacæ.* AVD. Nō sustineo me, nec reprimo: tu *Cloacas* nobis inter magnifica, & sordes has inter illos splendores? Hoc verè est, quod poëta dixit: *stellis nebulam spargere cædidis.* LIPS. Non sic dices, vide & audi: imò & sub terrâ thesauros tibi ostēdam, & latentium quorundam operum moles. Sed ordine videamus: & primò iudicium de his tribus Dionysij. Scriptor ille sub Augusto Romæ fuit, & per viginti annos circiter vixit: ergo benè eã vidit, nouit, & (vt viri ingenium) diiudicauit. Profert & eloquitur: *Ego sanè in tribus MAGNIFICENTISSIMIS operibus* Lib. 111. *Romæ, & è quibus MAXIME APPARENT illius imperij OPEs, pono AQVAEDVCTVS, VIARVM munitiones, CLOACARVM structuras. Neque id solùm ad VTILITATEM eiusmodi operum respiciens, sed etiam ad IMPENDII sumptuumque modum. Ecce, hæc tria vult velut specimen & argumentum esse Romanæ opulentia & potentia: siue ab vsu consideres, siue ab impendiis & sumptu. Quod ille censuit, tu accensebis, cùm singula dispicies & intentè lustrabis. Primæ sunt *Via*, quas illi non in Vrbe solùm, sed extra eam, ad longissima spatia, plurimas, & plurimo opere, munierunt. Stupor me habet, cùm vel vnā Appiam considero: de quā Procopium, non me, audi. Belisarius, inquit, viā Latinā exercitum duxit, Appiā ad laeuam dimissā. Hanc Appius Romanorum Censor ante annos nongentos struxerat, & à se dederat nomen. Longitudinem eius quinque dierum spatium vir expeditus possit emetiri. Ab vrbe Romā Capuam pertinet, eā latitudine, vt duo currus ex aduerso obuij, liberè queant peruadere & commeare. Et est sanè hæc via, præter ceteras, spectabilis. siquidem Appius ex aliā & longinquā tunc,*

Lib. 1. de bello Goth.



vt reor, regione excisos lapides, & hos quidem siliceos, ac suo pte ingenio durissimos, in hanc viam vehendos curauit. Quos planos deinde ac laeues redditos, & quadratos incisione factos, iunxit & in ordine locauit, metalli nihil vel alterius rei inferendo. Sunt tamen ita connexi, & validè inter se haerent, vt speciem visentibus praebeant, non coniunctos ita, sed congenitos esse. Et quamuis tot iam saeculis atterantur, assiduus plaustris iumentis que: tamen neque serie suâ vel minimum exeunt & dimouentur, neque franguntur, aut leuorem suum amittunt. Hæc Græcus ille scriptor, & oculatus arbiter, extra argumentum historiæ suæ accuratè inseruit, admiratione inductus, quæ stylum eò traxit. Examinemus, & libremus. Ait, Appium ante annos nongentos struxisse. Imò octingentos quinquaginta circiter, quod Fasti dicent. Si autem strauit lapidibus Appius: quid est, quod in Liuiio legimus, Q. Fuluium Flaccum & A. Postumium Albinum Censores, vias sternendas silice in vrbe, & extra urbem glareâ substruendas, marginandas que, PRIMOS OMNIUM locauisse? Quomodo enim primi omnium, cum hi fuerint Censores anno Urbis DLXXX: at Appius aliquot ætatibus præcessit? Quid, quòd Flaminia via diu antè strata, & sub bellum Punicum secundum? An hoc Liuius sensit, glareâ tunc primùm stratas? an potius, primos ipsos locauisse? an denique ad Censores iunctim refert? per otium examinandum sit. Obserua autem in Liuij verbis, duplicem rationem sternendi, vel Glareâ, vel Silice. Quæ utraque & Tibullo notata, ad Messallam:

Namque opibus congesta tuis hîc GLAREA dura  
Sternitur, hîc aptâ iungitur arte SILEX.

Obserua amplius, marginari solere: quod caput sanè erat, & Agger ille viæ cum altiusculus, & instar puluilli esset (ita solet:) firmiter arctari & stringi lapidibus grandioribus ad oras debebat, ne diffunderet & spargeretur. Hoc marginari: & ibidem etiam alij lapides duplices, & ad vsum duplicem. Priores, Cippi quidam eminentes, in quibus insidere fessis, onera reclinare, aut & ascendere ex iis in equum fas esset. Ij crebriores dispositi per totam viam: alteri autem rariores, qui vt Columellæ exstabant, & notis numerorum incisi, milliaria notabant. Vtrumque hoc G. Gracchus instituit, Plutarcho notante: & gratum in vulgus fuit. Cur non esset? experti nos peregrinantes sumus, nihil magis



gis ad tædium, & fatigationem esse, quàm ignaros spatiorum oberrare: & cōtrā, refici animum ac vires eā signatione. Quintilianus benè: *Partitio reficit audientem, non aliter, quàm facientibus iter, multum detrahunt fatigationis* NOTATA INSCRIPTIS LAPIDIBVS *spatia*. Rutilius eodē pertinet:

*Interualla viæ fessis præstare videtur,*

*Qui notat inscriptus MILLIA multa Lapis.*

Hinc ille mos per *Lapides* computandi: quos Græci ab hac notatione *milliarium*, *Σημεία* vocant: id est *Signa*, siue *Notas*. Sed pergit Procopius, *Longitudinem viæ Appiæ, quinque dierum esse.*) Quid? vniuersæ eius Brundisium vsque? non opinor, nec res est: sed Capuam dumtaxat, quò & Appius produxit: & verba Procopij ita dicunt. Notauit & Frontinus: *Appia aqua induc̃ta est ab Appio Claudio Censore, qui & viam Appiam, à portâ Capenâ vsque ad urbem Capuam muniendam curauit.* Neque verò vltèrius ille potuit, cū nec vltèriores tūc Romani fines. Quis autem longiùs, & Brundisium vsque muniuerit, in obscuro est: munitam tamen id constat. Ecce Strabo, *Viam Appiam Tarracina facit mare* Lib. v. *primum attingere, & Brundisium vsque stratam esse.* Tacitus Libonem consultauiſſe: *vtrum habiturus esset opes, quis viam Appiam* Lib. II. *Brundisium vsque pecuniâ operiret.* Denique & Horatius: Ann.

*Brundisium meliùs Numici viâ ducat, an Appi?*

Producta igitur: an à Iulio Cæsare, quem Plutarchus scripsit, *Appiæ Curatorem factum, plurimum pecuniæ in eam impendisse?* an ab Augusto, qui plerasque omnes vias per Italiā ipse, aut per alios, muniuit? Nam Plinio accedere, siue is Nepos est, *de Viris illustribus*, non possum: qui *Appium viam Brundisium vsque lapidibus strauisse* scribit, vnde illa *Appia dicta*. Nam hoc sanè certum, loca ea id æui, hostilia aut aliena Romanis fuisse. Tota autem hæc longitudo est, *milliarium circiter CCCL*: nequis de *quinque diebus* Procopio dictum, huc trahat. AVD. Atqui nec Capuam vsque tanti sunt, nisi ignauo & parū accincto viatori. LIPS. Fateor, sed flexus etiā suos & declinationes scito viam habuisse. Addit de latitudine, *ut duo currus peruaderent.*) Nescio, neque dimensus sum (alibi tamen potest, & exstat:) sed opinor igitur haud minus viginti quinque pedes patuisse. Ampliùs, de materie, *ex longinquâ regione lapides aduectos, eosque siliceos.*) Silicem



intellegit, durum asperumque lapidem, & è rupibus: non illum minutum & tenuem, quem vulgò vocamus, & qui in *Glaream* potiùs vènit. Illo modo Plinius, Liuius, atque alij locuti. Sed è quâ regione petiti? in viciniâ tales non esse, hoc Procopius indicauit. Onufrius Panuius hoc ampliùs, *montes ostendit duos, ad Sinuessam vnum, alterum inter Puteolos & Neapolim, è quibus saxa ea, colore & duritie FERRVM referentia, videantur excisa.* Fides penes illum sit, rerum veterum tamen curiosum, & satis peritum. AVD. Quid, quod apud nos simile? LIPS. Vbi? cupio audire. AVD. In *Hannoniâ*, vt nos vocamus (nam patres *Hannoniam* dicebant) ad opidum *Bauacum*. Columna illîc milliaria in Foro medio est, vt illa Romæ, ad quam viæ istæ finiunt, siue ordiuntur. Sunt autem glareâ & minutis silicibus strata, & ducunt in præcipuas Galliæ partes. Vestigia & reliquæ multis locis comparent. Quod autem dictum volebam simile, est non nihil dissimile: sed tamen & simile. Nam glarea & lapilli vnde aduecta, difficilis indagatio est: cùm in vicinis agris nō gignantur. adeò vt Bouillus quidam, qui vidit & inquisiuit, censeat *vel ab humo ebullisse silices, vel ab alto æthere depluisse, vel deniq; non humanâ manu aduectos.* Quod postremum & vulgus censeat, feruntque *magicum opus*, & à reginâ *Brunechilde* exstructas: cuius & \* nomen ferunt. LIPS. Ah, ignaros & incredulos Romanorum operum! qui hæc talia militari manu, & prouincialium item subsidio, supra omnem fidem patrabant. At in Procopio pergamus, qui addit, *Lapides planos quadratosque fuisse.*) Conspiciuntur hodie tales, diuersâ magnitudine, *trium, quattuor, quinque* etiam pedum quaquauerfus. Cetera de *iuncturâ & firmitate*, vtque *vnum corpus* appareant: sunt miranda magis, quàm explicanda. AVD. Certè mirifica hæc Via: sed tu nempe vnâ & eximiam eligis, de quâ poëta,

\* vocantur  
Chausées  
de Brune-  
childe.

*Appia LONGARVM teritur REGINA viarum.*

aliæ non ad istam. LIPS. Mihi crede, ad istam. et si hæc celebritate, & longitudine eminuit: quia à Româ in Græciam, Asiam, & trans mare ducebat. Sed quid *Flaminia* via, an breuior? quæ Româ Ariminum vsque, & inde porrò Aquileiam ducebat? Nam quod ad munitionem, pleræque similes: nec in Italiâ solùm plurimæ, sed in prouinciis ipsis. Isidorus scripsit: *Pænos primos lapidibus*



*lapidibus vias strauisse, quas postea Romani penè per TOTVM ORBEM disposuerunt. Et quomodo? excisis sæpe montibus, complanatis vallibus, vt æquabiles, & faciliores ita viæ essent. Strabo: Εσρωσαν δὲ καὶ τὰς ὁδοὺς, πορθεύοντες ἐνκοπὰς τε λόφων, καὶ ἐγχαύσεις κοιλάδων, ὥστε τὰς ἀρμαμάζας δέχεσθαι πορθεύων φορτία: Strauerunt & Vias, excisis montibus, vallibus repletis, vt currus vehere possint & suscipere nauium onera* Habes vias, & ornatum: mentior, & itane præcipuum me fugiat: præcipuum dico, si non in vsu, at splendore & voluptate. Id fuit, quòd monumenta & sepulchra passim ad viam assita, & latus vtrumque prætexebant. Quàm pulcher ille aspectus viantibus? quanta & feriorum, & iocorū, materies? Illic illustrium ingeniorum, aut clarorum virorum memoria & inscriptio: alibi libertorum, seruorum, scortorum superba monumenta. Mirari, dolere, illudere, etiam detestari occasio erat: & quid in tot titulis & inscriptionibus pasci? Quædam enim à meliore ingenio, & scitæ; quædam aliquâ notâ aut inuentiunculâ spectabiles, & istæ quæ hodie exstant, dicent. AVD. Ita me Deus, iucundum aspectum! & ego si in tali viâ, remorer, subsistam, indormiam. LIPS. An non & hoc sapienter cogites, omnium illorum qui disparibus monumentis teguntur, parem in exitu sortem fuisse? *Æquat omnes cinis. impares nasci-* SEN.  
*mur, pares morimur.*

## CAPVT XI.

*Aquæductuum mira.*

**S**ED *Aquæductus* iam nostros videamus, & puluerem fordesque, si quas è Viâ contraximus, abluamus. Quid in iis tamen hæream? Iulius Frontinus est in manibus, qui olim *Aquarum Curator*, pulcherrimos libellos duos de totâ re scripsit, & ad nos venerunt. Ex illo, aut aliis, quædam libabo. Diu igitur Roma sine Aquæductibus, & Tiberis, ac si qui fontes natiui erant, sufficiebant populo, sed nondum sic aucto. Vrbe dein magnâ, plenâ, & cùm in collibus, procul à flumine, degerent; *Optimum rerum aqua*, vt poëta canebat, quæ sita, & per tubos ac Pind.  
canales, in fornicibus lateritiis, Romam aduecta. Id factum primo, anno Urbis CCCCXLI. cùm Ap. Claudius Censor, idem qui



Vias sternere instituit, hoc quoque bonum inuenit. Ab eo est *Aqua Appia*, per miliaria circiter *vndecim* deducta. Hoc initium: sed Deus bone, quæ mox incremēta? Nam egebat sanè ille populus aquis, non solùm ad potum, sed ad balnea, ad fullonicas, ad Naumachias & Circos. Atque ita vbertim inducta fuit, ut quisque domi, aut in vicino, haberet copiam: scribitq; Strabo, FLVMINA per urbem & Cloacas videri fluere, atque VNAM QVAMQUE DOMVM propemodum habere fistulas (&) canales, quibus aquam inducat. De eadem re Plinius: Siquis diligentius aestimauerit AQUARVM ABVNDANTIAM in publico, Balneis, Piscinis, Domibus, Euripis, Hortis, Suburbanis villis, spatioque aduenientium exstructos ARCVS, montes perfossos, conualles equatas, fatebitur NIHIL MAGIS MIRANDVM fuisse in TOTO ORBE terrarum. Copiam habes, molem in adducendo habes, miraculum super omnia mira orbis, Plinio quidem iudice, habes. Quid Cassiodorus de istis! *Formas* ipse appellat hos Ductus, quod & Iurisconsulti, atque inferior ætas fecit. De iis igitur: In Formis Romanis utrumque precipuum est, ut & FABRICA sit mirabilis, & aquarum SALVBRITAS singularis. Quot enim illic FLVMINA quasi constructis MONTIBVS perducuntur? naturales credas alueos, soliditates saxorum: quando tantus impetus fluminis tet seculis potuit susineri. Credamus hoc ergo iam Frontino, paucis fidisque verbis effanti: MAGNITVDINIS Romani imperij, id PRAECIPVVM esse indicium. Benè & verè. quia non Romæ tantùm, sed incoloniis plerisque, & maioribus opidis, hæc fuere. Sed norimus Romanos, & alios, ab his exemplis. Ij fuere in urbem perducti quattuordecim (ut Procopius eos numerat) coctili laterculo per priscos illos edificati, eâ LATITVDINE ac simul ALTITVDINE, ut vir eques commodè per eos possit incedere. Vide an non verè aluei quidam fluminum dicatur, cùm tam magnis amplisque canalibus aquas vehant. Sed hæc altitudo, de ipsis modò est: quid Arcus & Fornices arbitraris? quos in quibusdam locis subleuatos centum nouem pedes, Iulius Frontinus affirmat. O rem stupendam! & magis, quòd à tot miliaribus continuo opere (etsi non vbique sic alto) perducebant. Reperies quosdam à QVADRAGESIMO milliari perductos esse: & nèpe per valles, per montes, per tot inæqualia, supra, infra terram: ô iterũ rem stupendam! & Rutilium audi:

Quid



*Quid loquar AERIO pendentes fornice riuos?*

*Quâ vix IMBRIFERAS TOLLERET IRIS AQVAS.*

*Hos potius dicas creuissè in sidera MONTES.*

*Tale GYGANTAEVM Gracia laudat opus.*

Sunt certè, aut videantur, opera Gygantum, an Geniorum aliquis dicat? & mens obnubilat Architectis nostris, cum vel reliquias paucas & ruinas vident. Exstant iuxta Sublaqueum *Aqueductus Claudiani* fornices, & ingentes pilæ sustentantes: quas Albertus Leander sedulò vidit & scrutatus est. erumpit deinde in hæc verba: *Fieri profectò non posse scio, quin omnino incredibilis sit, nisi oculis vsurpetur, operis huius ratio ADMIRANDA. Nec enim MAIUS QUIDQVAM excogitari posse HVMANO INGENIO arbitror, quàm quod hîc Romani, effossis tanto spatio MONTIVM intimis visceribus, fecerunt. Ad quæ opera patranda NVNC TOTVS ORBIS infirmus futurus videatur.* Siquis veterum hæc dixisset, blanditus scilicet æuo suo aut suis fuisset: quid iste vir nouitius? quid in talibus & curiosus vnicè, & peritus? Loquitur autem, vt dixi, de *Claudij Aquæductu*, de quo & Plinius: *Vicit antecedentes aquarum ductus nouissimum impendium operis, inchoati à Caio Cesare (Caligulam intellegit) & peracti à Claudio. Quippe à quadragésimo lapide, ad eam EXCELSITATEM, vt in OMNES VRBIS MONTES leuantur, influxere Curtius atque Cæruleus fontes. Erogatum in id opus HS. ter millies. Notabile valdè, & vtile, quòd in summos Urbis colles aqua inde & deriuari, & dispensari posset: adeò in altum educta erat. Hoc ipsum Cassiodorus notat, Claudiam, per tantam fastigij molem, sic ad Auentini caput esse perductam, vt cum ibi ex alto lapsa ceciderit, cacumen illud excelsum, quasi in am vallem, irrigare videatur.* De pecuniâ autem in id opus imputatâ (fuerunt, ex Plinio, septem nostri milliones, & semis) valdè miror Budæum nutare, & pænè mutare. Per fidem, quæ causâ est? imò augendi causâ, si quis benè examinet: & planè, nisi aliqua militaris, aut & seruilis manus ad opera damnatorum (vt Romanis mos) accessisset. Iure igitur, vt claudam, exclamat Frontinus: *Tot aquarum, tam multis NECESSARIIS molibus, Pyramides videlicet otiosas comparem, aut cetera inertia, sed famâ celebrata opera?* Non compares Frontine, minimè: hæc sunt, vt Plinius appellat, verâ estimatione INVICTA MIRACVLA, & quibus alius orbis



orbis tam æquo animo victum se à Romanis, quàm armis, fateri debet. Dixi autem ex Procopio supra, Aquæductus istos XIII. fuisse: sed auget P. Victor, & XX. numerauit. Plinius quædam de *Lacubus* aliisque additamentis Aquæductuum scripsit, non sine miraculo etiam audienda. *Agrippa in Ædilitate suâ, adiecit Virgine aquâ, ceteris corriuat, atque emendatis, LACVS septingentos fecit, præterea SALIENTES centum quinque, CASTELLA centum triginta: complura etiam CVLTV magnifica. Operibus iis SIGNA trecenta ærea aut marmorea imposuit, COLUMNAS ex marmore quadringentas: eaque omnia ANNO SPATIO. Hæc vnus Agrippa, & vno anno. O virum Augusto Principe dignum! O virum vel Principatu dignum! & non credo benignius & publicè vtilius ingenium, nō item modestius & Principi aptius, exstitisse. Tales, tales sint vobis O magni Reges consiliarij & ministri: qui opibus per vos aucti, eas in publicum refundant, & gratiam gloriamque simul, operibus suis, apud posteros, imperij vestri propagent. At scripsit Plinius *Lacus septingentos* ab eo factos: rectè, *ab eo*: sed plures longè fuere in vniuersum, & *mille trecentos quinquagintaduos* Notitia imperij collegit. Isti non aliud, quàm aquarum in publico receptacula: è quibus petere omnibus fas esset. etsi gravior æstimatorque è *Salientibus* ipsis sumpta. Nota autem in Plinio, tot *Signa*, tot *Columnas*, ad ornatum *Lacuum, Salientium, Castellorum*: atque ea ab vno Agrippâ: quid arbitraris ab aliis prioribus & secutis fuisse? Atque alia etiam assidua multa impendia circa has aquas: quarum *Curatores* ab Augusto instituti, *cum lictoribus, seruis, scribis, librariis, accensis, præconibus*: vt Frontinus scripsit, ipse inter *Curatores*. Sed præcipuum, quod familiæ & homines certi ad tuenda hæc opera, sumptu publico tolerati. Quod idem Frontinus ita prodidit. & Agrippam primò, *per seruos priuatos suos hæc fecisse, eamque familiam Augusto morientem legasse. Augustum deinde publicasse, & deinceps mansisse: atque habuisse homines circiter CCXL. Erat autem & altera, inquit, Familia Cesaris dicta, & numerus eius CCCLX. quam Claudius, cum aquas in urbem perduceret, instituit. Addit, in vtrâque varia ministeria fuisse, Villicos, Castellarios, Curatores, Silicarios, Tectores, aliosque opifices. Habes igitur perpetuos homines sexcentos, ad Aquarum tuitionem.**



## CAPVT XII.

*Cloacarum mira.*

**Q**UAS Aquas nunc dimitto, & ad *Cloacas* te duco. Eas scito à Tarquinio Prisco rege structas, quo nemo Regum plura aut meliora. Structæ autem ad munditiem, quod clarum est, sordesque omnes vel abluendas, vel euehendas: sed & ad sanitatem, quæ illam amat. De magnitudine huius operis, quia mirabaris nos mirari, Plinij & Cassiodori verba danda sunt: qui vterque satis firmiter dicet, quid magni rarique in opere isto fuit. Ille igitur: *Cloaca*, inquit, OPERVM OMNIVM MAXIMUM, suffossis montibus, atque vrbe pensili, subterque NAVIGATA. Fecit id Agrippa in *Ædilitate*, per meatus corruatis VII. annibus, cursuque præcipiti, TORRENTIVM modo, rapere omnia atque auferre coactis. Qui insuper mole imbrium concitati, vada ac latera quatiant, aliquando Tiberis retrò infusi recipiunt fluctus, pugnantque diuersi aquarum impetus intus: & tamen OBNIXA FIRMITAS resistit. Trahuntur moles interne tantæ, non succumbentibus caussis operis, pulsant ruinæ sponte præcipientes, aut impactæ incendiis; quatitur solum terræ motibus: durant tamen à Tarquinio Prisco annis propè octingentis INEXPVGNABILES. Initio audis, operum omnium maximum fuisse: atque ego ac tu fortasse ridemus. AVD. Non audeo, etsi gestio: sed vereor turbare. LIPS. At aliâ atque aliâ causâ etiam rideamus. Tu, quia res vilis attolli videtur: ego, quia toties iam audio, operum omnium maximum, aut maximè admirandum. Quid? semper ista maxima? & tamen res sic habet: vt quidque in manus sumis & examinas, super omnia admiraris: & caussas iudicij eius dones. Vno verbo, omnia miraculum: nostrum nunc videamus, & Plinij verba pensitemus. Air, aut indicat, *navigatas has Cloacas.*] Quid magni, si tam magnæ vt vehem scæni onustam largè transmitterent? Id enim non Plinius solum ita scripsit, sed & Strabo. cum Romanos ait trium maximè operum curam gessisse, quæ neglecta videbantur à Græcis: *Viarum, Aquæductuum, Cloacarum.* Additque: *Cloacas istas, LAPIDIBVS SECTIS ET AD NORMAM POSITIS suffultas, spatium etiam currui scæno onusto ad transitum præbuisse.* Enimverò Marlianus, qui diuensus est, prodidit, pedum XVI. latitudinem se repperisse: de altitudine vellem etiam addidisset.



diſſet. nec minor ſanè fuit. Dixit ampliùs Plinius, *Corriuatos VII. annes.*) Intellegi opinor, ipſas ſeptem Cloacas præcipuas, tot quot ſunt montes. Nam ex iis deſluebant & deriuabantur aquæ ac ſordes, & in magnam vnam conſluebant. Quin enim plures minutæ fuerint, non ambigendum eſt: ſed iſtæ tot fuère quaſi flumina, & alueo grandiore, atque eæ per plana vrbiſ fe-  
 Lib. 1. rebantur. Liuium ſic interpretor, de Tarquinio Priſco: *INFIMA vrbiſ loca circa Forum, ALIASQVE interiectas collibus CONVALLES, quia ex planis locis haud facilè euehebant aquas, Cloacis è faſtigio in Tiberim ductis, ſiccat.* Has olim per publicum ductas idem Liuius  
 Lib. v. alibi ſcripſit: *ſed vrbe inquit, incenſa à Gallis, feſtinatio curam exem- mit vicos dirigendi, atque ita CLOACAE paſſim priuata etiam ſubeunt teſta.* Pergit deinde Plinius firmitatem commendare. & cauſſas concutientes quattuor commemorat: quarum vel ſingulæ fir- miſſima opera euertant, at non labefactant iſtud. Sunt, Pugna aquarum & copia intus; Moles & columnæ vaſtæ, quæ per vias, & ſuper illas, trahuntur, Ruinæ variæ & pondera incidentium ædificiorum, denique validi aliquot Terræmotus. Quidni igitur firmum & rarâ duritiæ opus, quod omnibus reſiſtit? & id per tot ſæcula? Et ſi tamè repararunt, aut fulſerūt interim, quod  
 Lib. xxxix. omnino necesse fuit. notatque Liuius, *Cenſores detergendas Cloac- cas, & in Auentino atque aliis partibus, quæ nondum eſſent, faciendas locauiffe.* Quàm ſumptuoſa illa, aut ſimilis reparatio, dicit apud  
 Lib. lxxxi. Dionyſium C. Aquillius. qui ſcripſit, *neglectis aliquando cloacis, & non deſluentibus, Cenſores in earum inſtaurationem mille talenta im- pendiffe in redemptores.* Ea ſunt ſexcenta millia Philipperorum: quid igitur & quanti paratio vniuerſa, ſi tanti in partibus reparatio? Sed audiamus & Caſſiodorum de iſtis, ac finiamus. SPLENDI-  
 DAE Romanæ ciuitatis CLOACAE, tantum viſentibus conferunt STU- POREM, vt aliarum CIVITATVM poſſint MIRACVLA ſuperare. Videas illic FLVVIOS, quaſi montibus concauis clauſos, per ingentia ſtagna de- currere. Videas ſtructis NAVIBVS per aquas rapidas, non minimâ ſolli- citudine, nauigari, ne præcipitato torrenti, marina poſſint naufragia ſu- ſtinere. Hinc ô ROMA SINGVLARIS, quanta in te ſit poteſt colligi MA- GNITVDO. quæ enim vrbiū audeat tuis culminibus contendere, quan- do nec IMA tua poſſunt ſimilitudinem reperire? Pulchra conſuſio, & in ſcito eo dicto conquieſco.



*Traiani Pons in Danubio.*

**A**VD. Non patiar, & te excito. Quid enim? tu & ego destituamur in his Cloacis? quæ ut sint, magnæ, operosæ, mirabiles; tamen Cloacæ sunt, & oletum suum habent. Exime nos, & mundiùs alibi pone. LIPS. Hem! bona monitio. sequere me ad Danubium, & illuc in eius aquis lauemur. AVD. AT Tiberi ad Danubium? bonus saltus, quis Pegasus nos vehet? LIPS. Ille Mentis: quæ momento summa, ima, propinqua, dissita, permeat & peruadit. Nec ad Barbaros tamen imus, ne metue. AVD. Ego verò metuo, & iam cor meum vasa colligat atque abit. Nescis tu pugnas illuc cum maximè nunc pugnari? & in quibus vita, libertas, religio aguntur? LIPS. Scio, securus esto. Romanus imperator, atque is Traianus, aderit, cum legionibus suis copiisque. Utinam nunc tales ibi decem, tali disciplinâ? ô quàm Victoria mox applaudat & circumuolet purpureis suis pennis? Sed ecce in Danubio *Pontem* libet memorare, quem dictus ille Imperator struxit: operum omnium fortasse, arte & difficultate maximum, si non sumptu. Describit graphicè Dio Cassius, & gratia sectori eius Xiphilino esto, quòd hanc partem non recidit. O quàm pulchras valentesque ille alias? nihil penè nos fugeret in rebus Romanis (tanta diligentia & accuratio fuit) si scriptor ille totus exstaret. Sed de Ponte, sunt verba è Compendio Dionis: *Traianus Imperator pontem lapideum super Istrum statuit, quem* EGO NEC DIGNE QUIDEM HABEO ADMIRARI. Nam et si alia pulcherrima Principis eius opera exstant, tamen hoc est SUPER OMNIA. *Pila igitur eius sunt viginti, è lapide secto & quadrato, quæ altitudinem habent CL. pedum, latitudinem LX. Distant inter se CLXX. pedes, fornicibus deuinctæ. Quomodo autem non aliquis SUMPTVM in istas admiretur? quomodo non & destituendi firmandique modum? idque in flumine MAGNO ET VORTICOSO, & fundo ipso infido & limoso. nam nec auertere quidem cursum fluminis licuit ullo modo. Nec verò de magnitudine fluminis ideò dixi, tanquam ibi maximum sit (imò verò alibi duplo maius est aut triplo, atque instar pelagi se diffundit:) sed quia locus ille artificissimus ibi locorum, & aptissimus ponte iungi, est tantus. Quo autem*



magis in arctum illud ex lato contrahitur, & rursum in latum se effundit, tanto nimirum & rapidius fluit, & profundius exsistit. Vt hoc quoque difficultatem atque arduum operis valdè auxerit. Magnitudo igitur animi Traiani ex eo quidem constat, non tamen vsum nobis nunc præbet: sed pilæ dumtaxat stant, quasi in eum finem modò structæ, ut documento sint NIHIL ESSE QVOD INGENIO HVMANO NON POSSIT EFFICI. Additque deinde, Hadrianum Imp. metu ne Barbari eâ transirent, an æmulatione in Optimum Principem, iussisse superiora Pontis dirui: atque ita Pilas solas mansisse. Quid autem ego aut tu hîc dignè miremur? negat ab illo æuo Dio, se id posse. Atqui plura magna & magnifica viderat, quàm nos mente concipere aut deformare possimus. Putat tamen & censet, omnia ab hoc opere superata: quod leuiter adhistamus, & inspectemus. Ait, Pilas viginti fuisse: atqui Paulus Iouius, florentis ingenij & stili scriptor, dicit etiam nunc triginta sex exstare & conspici, in confinio Valachiae & Transilvaniae, ad opidum *Seuerinum*. Vtri credam? sanè si oculi nunc conuincunt ita esse, manus & herbam do; videant modò & dicant, qui adsident & possunt arbitrari. Sin rationem & scriptionem Dionis sequor; adferam audacter de viginti: quia signanter notat, fluuium ibi arctissimum (vt in iis locis) esse. Atqui descriptio ista viginti Pilarum, quæ sexaginta pedes latæ sint, quarum fornices, centum septuaginta: quid efficit & colligit, nisi fluuij latitudinem quattuor mille septingentorum septuaginta fuisse? id est, paullò minus, vnius miliaris. Si aliter, aut si grandius; videbunt ij qui accolunt & docebunt: tum nobis opus rescribere & reformare ipsum Dionem. Nam quod aliquis dicat eum nescisse, aut de opinione ista scripsisse, ipse opinetur & erret. cùm vir ille insignis peritiâ rerum & honoribus, in ipsis iis locis Præses fuerit Dalmatiae, Pannoniaeque. Itaque scire omnino potuit, & debuit, incurâ istâ rerum scribendarum. Vereor vt Iouius sit, quod etiam alibi, auditionum facilis, & parum diligens examinis aut veri. Sed vt dixi, vicini aut inspectores arbitrantor. Ait Dio amplius: *Pilarum intervallum fuisse centum septuaginta pedum.* Ita me Deus (nam exclamo) grande hoc concamerationis spatium, nec efficiendum, nisi altitudo illa Pilarum accessisset, & tardè ac lentâ inclinatione fornix surrexisset. Prætereà, mirari se quomodo in tali profun-



*profundo flumine & verticibus Pile firmata.*) Ego tecum, ô Dio, miror: & maximè, cùm neges auerti flumen potuisse aut deriuatione exhauriri. Difficile omnino opus, & fundamentorum molitio talis è lapide: si sublicarum & materiæ res esset, aliud esset. Sed heus tu Hadriane! si citare Imperatorem fas, dica & lis tibi apud me sit, fortasse & punitio: quòd talem pontem vix benè structum destruxisti. Dicam tibi verum vel mortuo? Inuidisti optimo maximoque Principi, & habere super omnes gloriam voluisti magis, quàm meruisti. Valete *Opera publica*: quin tu etiam, mi Auditor, in crastinum vale aut salue.

## CAP. XIII.

*Privatorum hominum Urbana aut Rustica ædes.*

**A** V D. Ego verè nec valeo nec salueo (da veniam immodeliæ:) nec amoliris me, nisi nomine plenè persoluto. An non, post *Publica opera*, pollicebaris *Privata*? & certè ita disponebas; nec tam madidâ memoriâ sum, vt hoc effluerit. LIPS. Disposui, haud nego: sed fatigor, nisi quòd in extremâ tamen calce, vt cursores, spiritus & vires excitabo ad spectu ipso metæ. *Privatis igitur Operibus* duo nunc considero, *Domos & Villas*. Illæ fuerunt in tam splendidâ & nitenti vrbe, pro ipsâ vrbe, & vt pulchri corporis apta ac decora membra. Domus dico magnificæ, ornata, instructæ, columnis, marmore, auro, statuis: & quidquid excogitare ambitio aut luxuria poterat. Sed eadem etiam laxæ, patentes: quod docuerint satis Valerij hæc verba, de Cincinnato, cui *quattuor sola iugera aranti non solum* (vt Lib. 1171. inquit) *dignitas patris familie constitit, sed etiam Dictatura delata est.* cap. 1171. Et tum comparatione quadam & indignatione addit: *Angustè se habitare nunc putat, cuius domus tantum patet, quantum Cincinrati rura patuerunt.* Nec est in sermone supergressio: reuera amplæ domus, & præsertim magnatium virorum procerumque. Quas & P. Victor ac Notitia imperij propriè *Domos* appellant, & ab *Insulis* distinguunt. Itaque computant, *Insulas totâ vrbe quadraginta sex millia sexcentas duas, Domos mille septingentas octoginta* fuisse: harum longè minore numero, vt quæ tanto grandiores, instructioresque essent. Enimverò grandes instructæque: &



De Deco So-  
crati.

Apuleij hæc attende. Igitur illas ædificiorum species, in quas PATRIMONIA SVA profuderunt, amœnissimas & exstructissimasprehendas: aulas AEMVLAS VRBIVM conditas, domos VICE TEMPLO-  
RVM exornatas. Sed clariùs Olympiodorus (in Bibliotheca Photij:) Ο'τι ἐκαστος τῶν μεγάλων οἰκῶν τῆς Ῥώμης, ἀπαντα εἶχει ἐν ἑαυτῷ, ὁπόσα πόλις σύμμεξεν ἡδυνάτο εἶχει ἱπποδρόμον, καὶ φόρους, καὶ ναοὺς, καὶ πηγὰς, καὶ λυτὰ δέματα. διὸ καὶ ὁ συγγραφεὺς ἀπεφθέξατο.

Εἰς δὲ οὗτοι ἄςυ πᾶσι πόλις ἄστια μὲν ἔσονται.

Quæque magnarum domuum omnia in se ipsa habet, quæcumque MEDIOCRIS VRBS possit continere: nempe Circum, Fora, Tempia, Fontes, Balnea diuersa. Ideò & poëta dixit,

Vna domus VRBS est. vrbs OPIDA PLVRIA claudit.

Lib. XII.

Examina & nota, mira sunt: sed Martiali etiam paucis versibus comprehensa, In habentem amœnas ædes:

Daphnonas, platanonas, & aërias cyparissos,

Et non vnus Balnea solus habes.

Et tua centenis stat Porticus alta columnis,

Calcatusque tuo sub pede lucet onyx.

Pulueremque sagax Hippodromon vngula plaudit,

Et pereuntis aquæ fluctus vbique sonat.

Sunt ipsa, quæ Olympiodorus dixit, exceptis Foris: quæ intelligas fuisse hypæthra quædam & subdiualia, inter illas Porticus, & statuis alioque ornatu, in Fori faciem. Plinius: Mox Forum & in domibus priuatis factum, atque in atriis. Honos cliētium instituit sic colere patronos. Hoc ille, vbi de Statuis, in priuato ita dispositis. Sed vt in re maneam, talis igitur laxitas: quid Apparatus & in-

Epist. xcvi

structio? Communiter ita Seneca: Quid inter pueros & nos interest? nisi quod nos circa Tabulas & Statuas insanimus, carius inepti. Illos reperti in litore calculi laues & aliquid habentes varietatis delectant; nos ingentium macule COLUMNARVM, siue ex Ægyptiis arenis, siue ex Africa solitudinibus aduectæ, porticum aliquam vel CAPACEM POPVLI cenationem ferunt. Miramur parietes tenui MARMORE inductos, cum sciamus quale sit quod absconditur: oculis nostris imponimus. Et cum AVRO tecta perfundimus, quid aliud quàm mendacio gaudemus? scimus enim sub illo auro fæda ligna latitare. Primum in ipsâ domo est, Columnarum dispositio, & è lōginquis petitarum: de quibus Plinij obiurgationes, si quis volet, legito, & de generibus



ribus pretiisq̃ue earum totus liber eius existit. Et quidem notat in vnâ Cænatione *Callisti*, Claudiani liberti, *triginta* se vidisse, easq̃ue è Sudine lapide Germanico, cui ingens tunc pretium & nouitas. Idem, in atrio Scauri collocatas maximas, atque adeò duodequadragenûm pedum, *Lucullai marmoris*. Vide hanc altitudinem in vno atrio, quam multæ domus totæ vix æquant. Alterum in Senecâ, *Parietes marmore inducti*: quod genus *Incrustationes* Latini, Græci *Μαρμαρώσεις* dicunt. Primum autem Romæ *parietes crustâ marmoris operuisse totius domus suæ, in Celio monte, Mamurram equitem Rom. Præfectum fabrûm Caesaris*, Plinius tradidit auctore Nepote. Id non aliud fuit, quàm marmor in tenues crustas sectum parieti imponere scitè, & pro tectorio ei dare.

Lucanus: *Nec summis crustata domus sectisq̃ue nitebat Marmoribus.*

Declamator apud Senecam patrem: *In hos ergo exitus varius ille secatur lapis, vt tenui fronte parietem tegat.* Secandi autem ratio (in Plinio, & Isidoro) *arenâ, & ferrâ, in prætenui lineâ versante arenas, tractuq̃ue secante.* Et nos in Italiâ hodie vidimus fieri. Tertium, *Auro tectâ perfundi.* Significat laquearia inaurari tota solere, quod passim scriptores & tradunt & damnant. Musonius apud Stobæum: *τί δ' αἱ ἐξέσσυλοι αὐλαί, τί δ' αἱ ποικίλαι χεῖσεις, τί δ' αἱ χρυσόφοροι σέζαι;* Quò pertinent hæc atria Columnata? quò varia istæ colorationes? quò aurata lacunaria? In secundo enim membro (vt mea versio est) *χεῖσεις* legi cupiam, & ad marmora variegata parietibus imposita referam, vel etiam ad Musium opus. Nam ita & Mamertinus, ad Iulianû: *Neque ei comparandæ sunt PICTVRATAE marmorum crustæ, & SOLIDO AVRO tectâ laquearia, qui maiorem anni partem in nudâ humo cubat.* Ibidem & solidum aurum in Lacunaribus notes: quod passim in poëtis, vt in Statio:

*Et nondum CRASSO laquearia fulua METALLO,  
Montibus aut altè Graijs effulta nitebant  
Atria.*

Qui montes etiam Graios poëticè nominat, grandes illas sublimésq̃ue columnas. Idem de vtroque:

*Pendent innumeris fastigia nixa columnis,  
Robora Dalmatico lucent sociata metallo.*

Sed & Lucanus, de Cleopatrá regiâ:

\* Vulgò  
satiata.

*Ipsæ*



*Ipse locus, templi (quod vix corruptior ætas  
Exstruat) instar erat, laqueataque tecta ferebant  
Diuitias, crassumque trabes absconderat aurum.*

Quibus versibus tamen plusculum etiam latet, & trabes quidem auratas fuisse vult: sed cameram gemmatam, eboratam. Vtrumque enim & horum fiebat, ad splendorem & varietatem: præsertim in templis (cum templo autem Lucanus comparat) ut quasi cælum imitarentur. Arnobius de templis ipsis differens: *Sint ergo hæc licet aut ex molibus marmoreis structa, laquearibus aut renideant aureis, splendeant hic gemmae, & sidereos euomant variatâ interpositione fulgores: terra sunt hæc omnia, & ex fece vilioris materia concreta.* Et tu, mi Auditor, obiter & hoc adde ad templorum supra ornatum. De ebore autem, in Ciceronis Paradoxis: *Tecta ebore & auro fulgentia.* In Propertio:

*Quod non Tenariis domus est mihi sulta columnis,  
Nec camera auratas inter eburna trabes.*

Ad Gau-  
dent.

Epist. xci.

Non leues porro inductiones, aut ut poëta loquitur, sputa fuisse, Panegyricus ostendit: qui *SOLIDO AVRO tecta laquearia commemorat*, & poëtæ supra, *Crassum aurum* dixerunt. Hieronymus autem in Epistola quadam, longius etiam hoc producit, & ad parietes ac columnas. *Viuimus quasi alterâ die morituri, & edificamus quasi semper in hoc sæculo victuri. Auro parietes, auro laquearia, auro fulgent capita columnarum.* Sed alia hîc etiam & ingeniosa luxuria. nam lacunaria ista versatilia faciebant, & aliâ atque aliâ subinde facie conuiuas delectabant. Seneca alibi: *Versatilia canationum laquearia ita coagmentant, ut subinde alia atque alia facies succedat, & toties tecta, quoties fercula, mutantur.* En, priuata ingenia & luxuriam: quid existimas Principes tētas & fecisse? Nero Cæsar in vestibulo ædium suarum *Colossum centum viginti pedum* posuit. Hoc principiū: deinde porticus triplices milliaria, item stagnum, maris instar, circumseptum ædificiis ad urbium speciem. Rura insuper, aruis, atque vinetis, & pascuis, siluisq; varia, cum multitudine omnis generis pecudum ac ferarum. In ceteris partibus, cuncta auro lita, distincta gemmis, vnionumque conchis erant. Canationes laqueata tabulis eburneis versatilibus, \* ut flores, & fistulatis, ut vnguenta desuper spargerentur. Præcipua canationum rotunda, quæ perpetuò, diebus ac noctibus, vicem mundi circumageretur. Ita verbatim ista Suetonius:

\* Ita iam-  
pridē publi-  
cè legēdum  
docuimus.



nus: multa ADMIRANDA, si tu singillatim explicas & in rem ducis. Sed vnum in hac Principum insaniâ (ita appellanda est) Plutarchi testimonium suffecerit, qui de Capitolij magnificâ & impendiosâ structurâ cum disseruisset, addidit. *Quod si quis hunc Capitolij magnificum instructum miretur, idem si Domitiani in aulâ vnam Porticum, vel Basilicam, vel Balneum, vel pellicum Dietam viderit; exclamet cum Epicharmo,*

*Non liberalis aut benignus tu clues,*

*Profusione gaudes.*

Dicit satis clarè, omnia illa Capitolina (quæ & quanta, antè diximus) nugas & quisquiliâs videri, præ vno membro aliquo Palatinæ domus. Quod mihi quidem stuporem incutit, non dissimulo: & iam lingua hæret. AVD. Soluam eam quæstiunculâ. Dixti auro distincta vel ebore laquearia, an non & siluis? id est, an non ibi tales species, & intermixtæ veræ aues? Nam Rutilius Gallicanus hoc dicere videatur, in Romæ laudibus.

*Quid loquar INCLVSAS inter laquearia SILVAS,*

*Vernula quâ vario carmine ludit auis?*

LIPS. Poëtæ, aut poëtarum potius, vulgatam phrasim non attendis: nec inter laquearia propriè, sed *οὐρανὸς ὀχλῶς* inter tecta & domos includit eas silvas. Luci enim & arbuta in magnis istis ædibus erant: imò & super ædes, quod mireris, erant. Senecam auctorem do, qui, vt solet, castigans & increpans suum æuam: Pomaria, inquit, *in summis turribus serunt, quorum silvæ in* Epist. CXXIII. *tectis ac domorum fastigiis nutant, inde ortus radicibus, quò improbè cacumina egissent.* Atque ego Bruxellæ meæ (quam vt alteram patriam colo) hoc vidisse memini, sponsione ita factū, sed in breue aliquod tempus, & cum domus oneri illi non diu esset. Satis de Domibus: ad Villas eamus. vtinam, vtinam! sed hæc pericula & latrocinia, domo & vrbe nos claudunt. O Iscanum meum, cur non liberè te fruor & interuiso? cur natali illo aëre & aquis non me recreo? Da deus hoc ante obitum, & pedem atque animum vagum per rura & hortos illos ferre. Sed Villas tamen Romanas animo & memoriâ lustremus, vt vel disposui antea, vel promissi. De iis hoc vniuersè Strabo pronunciat, vbi de Pisis & Liguriâ scribit: *Esse ibi lapidinas & materiem ad ædificia vberem, sed quam Romani ad ædificia ferè sua in vrbe aut & Villis consumunt:*



*Villis, inquit, in quibus velut more Persarum REGIAS QVASDAM struunt. En, Prætoria aut Villæ totæ eorum, Regias, & quidem Persarum, referunt: quid maius ampliusq; in hanc rem dicam? Vis specimen tamen aliquod in vnâ Villâ? Capitolinum audi: Exstat Gordianorum villa viâ Prænestinâ, DVCENTAS COLUMNAS vno peristilo habens, quarum quinquaginta Carysteæ Claudianæ, quinquaginta Sienitides, quinquaginta Numidicæ, pari mensurâ sunt. In quâ BASILICAE CENTENARIAE tres: cetera HVIC OPERI CONVENIENTIA: & THERMAE, quales, præter urbem, nusquam in orbe terrarum. Tu si lubet, per te singillatim lustra: ductorem me vltra non habes. Sed nec Hadriani Villam in Tiburtino ingero, cuius superbæ reliquæ exstant: quid tot aliarum in solo Latio, & circa Romam? Vidimus ipsi apud Ostiam & Ardeam rudera: & per siluas illas aut vepreta, quot Columnæ, aut earum fragmina, cryptæ, porticus, & disiecta ædium membra? O Deus, quæ mutatio? quàm hæc cogitatio me ad te trahit, infirma & incerta hæc omnia humana spectantem, & spernentem? Sed desinimus de Operibus & Româ: quam decoramus Constantij Imp. elogio, apud Ammianum. Is enim visis plerisque cum STVPORE HORRENDO, de Famâ querebatur ut inualidâ vel malignâ, quòd augens omnia semper in maius, ERGA HAEC EXPLICANDA, QVAE ROMAE SVNT, OBSOLESCIT. Si fama non potuit adæquare, multiplici suo ore & linguâ: quid ego meo sermone tenui, sine sensuum subsidio, per tenuous coniecturas eunte? Sed tu, aliiq; nec dicta suspicamini: & quidquid maximum conceperitis, fortasse nec id par erit. Philosophemur autem breuiter, duce Hormisdâ: qui regij Persarum sanguinis, à Constantio interrogatus in re præsentî, Quid de Româ sentiret? Id tantum sibi placuisse dicebat, quòd didicisset IBI QVOQVE HOMINES MORI. Mori mi Auditor, mori: & vbi hæc omnia præclara, ampla, ADMIRANDA? quæri vides, vbi qui fecerunt ea, aut moliti sunt? periisse vides. Cogita, & tibi applica. nos ipsi, qui hæc meditamur aut loquimur, post aliquot annos, dies, horas, puluis, vmbra, nihil. Nunc vale, & abi.*



I. L I P S I  
 DE MAGNITVDINE  
 R O M A N A  
 LIBER IIII.

C A P V T I.

*Transitum ad Virtutem Romanorum, & ea in genere prædicata.*



V D. Meridies abiit, ego me tibi sisto. LIPS. Video, sed quid ita tristiore vultu? AVD. Nec læta adfero. LIPS. Quæ? AVD. Tibi. LIPS. Quæ inquam? AVD. Vereor dicere. LIPS. Aude. nec ego ex his fatuis, qui ignorare mala, mederi censent. AVD. Obiit tibi ex amicis tuis. LIPS. Hem! ex amicis? effare. AVD. In Galliâ. LIPS. Quis ibi? AVD. Vir doctus. LIPS. Ede nomen. AVD. Et probus quoque. LIPS. Enecas. etsi ab his notis propemodum iam scio *Petrum Pythæum* esse. AVD. Diuina sti. obiit. LIPS. At tu me vulnerasti. sed quo fato? AVD. Suo, & illâ quam Augustus optabat, \* *Β. Δ. α. ν. α. σ. ι. α.* \* *morte facili.* LIPS. Virum magnum Gallia amisit, & inter publicas clades aut iacturas hanc quoque licet ponas. Sed ab exemplo disce, quàm non temerè heri clausurim & monuerim de morte. AVD. Profectò præsagium fuit: sed tu perge ad nostra. LIPS. Inter hæc tristitia, ad illa amœna? durus es. AVD. Quid ergo? dum viuo, non vis me viuere? Et ego Pythæo nostro benè esse spero, & gaudere ac ridere in beatis illis locis: cur doleam? Theodosius Imperator, qui variè in imperio iactatus, cùm mors instaret, inscribi sepulchro suo hoc vnum verbum iussit, ΥΓΕΙΑ: id est, *Sanitas*. Profectò illa medicina morborum, refugium & asylum malorum est: & in mundi his fluctibus portus, quem sapiens nunquam fugiat, imò (Deo vocante) totis velis in eum feratur. Tu autem hoc magis perge, quòd iam non amœna, vt aiebas, sed potius vtilia aut sapientia dices, & vt partitio erat, de *Viris ac Virtutibus* Romanorum. LIPS. Ita est, quartus hic noster limes: & libentiùs insistam ac decurram, quia tali argumento.



Cur apud te dissimulem? finis & fructus præcipuus mihi studiorum aut lectionum, hæc talia excerpere, & exempla aut dicta enotare ad sapientiam ac virtutem. Fabulemur autem, si placet, ambulantes. Amat valetudo, & lingua hæc magis soluitur in motu. Cōmuniter igitur primū (nec ordo hoc abnuit) laudemus *Romanos*: tum & distinctiūs quædam addamus. Plinij enunciatio est: *Gentium in toto orbe præstantissima vna, & in omni virtute, haud dubiè Romana exstitit.* Appellas ab hoc iudice, & suspectum de Romanis Romanum habes? Accipe Græcum, & Ammianus prodeat, qui breuibus & grauibz verbis, *Romam imperij VIRTVTVM QVE OMNIVM larem* dixit. Quid homo Gothici sanguinis, Cassiodorus? *Roma VIRTVTVM OMNIVM latissimum templum.* Profectò sedes suas per aliquot sæcula ibi habuere, nec iniuriâ ipsi Romani templum struxere HONORI pariter ac VIRTVTI. Vtramque colebant: sed & *Fortunam* etiam: id est (vt rectè interpretemur) Prouidentiam & Fata ab alto, quæ incredibile est, quàm presso nec tardanti pede secuta sint Virtutem. His duobus incrementa sua Roma debuit, his duobus statum suum & firmitatem. Nullum imperium mihi dabis, & tam magnum simul, & tam diuturnum. Iure igitur Ammianus: *Roma vt augeretur sublimibus incrementis, fœdere pacis æternæ VIRTVS CONVENIT atque FORTVNA, quarum si altera defuisset, ad perfectam non venerat summitatem.* Conuenerunt autem ita, vt vtraque suum opus facere niteretur, & pænè dissidium esset in euehendo. Plutarchus alibi hoc vbertim edisseruit: & breuiter ac neruosè Annæus Florus extulit, *Ad constituendum Romanum imperium, VIRTVTEM ac FORTVNAM contendisse videri.* Sed amica contentio fuit: in quâ tamen vicit, si Rutilium iudicem capis; ipsa Virtus. Nam ille sic Romam adfatur:

*Quot regnas, minus est, quàm quod regnare mereris,*

*Excedis FACTIS grandia FATA tuis.*

Pulchrè. & habuit igitur Fortunam, siue cælitum illum fauorem; sed habuit à causis, quas iidem cælites, per virtutum gradus nexusque, præstruxerunt. Vt id liqueat, videamus primū vniuersè qui *Viri* in imperio illo fuerint, & tum quæ *Virtutes.*



## CAP. II.

*Triplex ordo in populo ostensus, & quisque in suâ parte laudabilis.*

**V**Iros confidero dupliciter, & eos qui in Magistratu, Imperiis, Consiliis fuerunt, id est *Capita reipublicæ*: & parte alterâ, *minora etiam membra*, id est Populum & eos qui paruerunt. Dico utrosque egregios fuisse, nec quibus alia gens facile aut ex vero (de Religione, hîc non est sermo aut quæsitio) comparatur. Primores igitur illi in duplici discrimine sunt, *Senatores Equitesque*. Illos si inspicias, qui propriè sedebant ad clauum: proh Deus, quanta grauitas, sapientia, maiestas? Ut qui ordinem eum *Ex REGIBVS constare dixit, vnus veram eius speciem cepisse*, Liuius videatur. Is fuit Cyneas legatus Pyrrhi regis: vir nec mentis nec oris egens, qui cum urbem lustrasset, atque etiam blandiloquentiâ & munificentiâ variè tentasset, vndique repulsus, ad Regem rediit: & interroganti *Quid de hostium sede sentiret? Urbem* **TEMPLVM** *sibi visum, Senatum* **REGVM** *esse confessum fatebatur*. Profectò talis fuit, & nec sub Principum imperio nimis degenerauit. Cassiodorus de suo æuo: *Vrbs ornata tot EXIMIIS SENATORIBVS, beata tam nobilibus populis*: etsi tunc quidem fateor discessisse ab illâ præstantiâ, & ut grande ædificium, paulatim mole suâ defedissee, & mox ruisse. Erant autem in illo Senatu, ut cum Lucretio hoc dicam,

*Ductores Danaûm dilecti*, **PRIMA VIRORVM**: eximij, inquam, ciuium, genere, censu, virtute. Nam hæc spectabant: nec temerè viles aut sordidos (etsi plebeios interdum, quos magna virtus eueheret:) inopes numquam, & improbos rarò admittebant, aut si tales, non tenebant. Censores enim (ô laudabile & diuinum institutum!) legebant hunc Senatum: atque iidem per singula lustra examinabant, ac relegabant: & si quis loco eo indignus, aut siquid in priuatâ etiam vitâ turpe aut maculosum, notabant & emouebant. Quomodo id fiebat? silentio, & sine accusatione vllâ, aut causâ apud iudices dictione Dumtaxat in recitando Senatu, quod publicè & sollemniter fiebat, nomen eius præteribant, quem motum Senatu vellent. Ita cum in albo illo non esset, nec in Senatu censebatur. Causa



quidem iis mouendi semper erat, & hanc subsignabant, & volentibus edebant: sed certare de eâ lite, nihil opus erat. iudicium sufficiebat: quod à tam grauibus viris (nam primores ferè Senatus erant) bonum meruisse, laus & approbatio habebatur, culpâ & damnatio, trille. AvD. Pulchrum, bis pulchrum: sed cum eâ lege, si viri illi boni essent. quid si per affectum iudicassent? LIPS. Rarenter, aut vix euenisse legimus. Nam voces statim omnium damnassent, & exagitassent: & fac tamen semel iterumq. euenisse, quid magni mali, præ magno illo bono, erit? Non enim alia pœna, quàm Ignominia: facillè aut contemnenda, aut eluenda, qui publica iudicia aut testimonia pro se haberet. Denique alij Censores mox reponebant. Nam & hoc scire debes, non in grauibus & grâdibus peccatis hanc Censuram interuenisse: ea enim legibus & iudiciis seruabantur: sed minoribus delictis, aut domesticis flagitiis. à quibus vacare & castos esse primos illos Ordines maximè volebât, & quorum vita erat in exemplum. AvD. Iterum exclamo, Pulchrum! Sed dic sodes, multi igitur isti tam electi in Senatu? LIPS. Initio à Romulo *centum* facti, & *Patres*, iidemq. *Senatores*, vel à curâ, vel ab ætate dicti. Postea ad *trecentos* creuere, & in liberâ Republicâ sic mansere, vsque ad Liuium Drusum. Is in Tribunatu, cum opes Senatus vellet extollere, eosdem iudiciis etiam præponere, numerum auxit, & ad *sexcentos* fecit. Mansisse ita ad Cæsarem opinor, qui per bella ciuilia non opes solum, sed honores multis largiturus, amplificauit, & vel ad *mille* allegit. Displicuit Augusto, & magnâ curâ, atque iteratâ aliquoties recensitione, purgavit: & denique ad modum veterem, id est *sexcentos*, redegit. Qui sanè satis amplus numerus, etsi in amplo illo imperio: atque ex his plerique, non solum consiliis publicis semper adhibebântur, sed etiam in prouincias, ad imperia, aut exercitus mittebantur. Itaque curia hæc velut promptuarium erat, è quo statim Princeps caperet viros, ad omnia ciuilia aut militaria munia aptos, & suffecturos. Et hoc aspectu tenuerunt Senatum, grande vel vnicum fulcrum illius Principatus. Otho Imperator ipse, apud Tacitum: *Quid? vos pulcherrimam hanc urbem, domibus & tectis, & congestu lapidum, stare creditis? Muta istæ & inanimata intercidere, ac reparari, possunt: AETERNITAS RERVM, & PAX GENTIVM*



GENTIVM, & MEA CVM VESTRA SALVS, *incolumitate* SENATVS *firmatur*. Et elogia ista de Senatu, res & veritas multis dictavit. In Cicerone leges: *Senatum* PRINCIPEM SALVTIS, PVBLICAEQVE MENTIS. In Ammiano, ASYLVM *mundi totius*. In Cassiodoro, *Gloriosum Senatum*, MORVMQVE LVMINA. In Petronio, RECTI BONIQVE PRAECEPTOREM. Iam in Tacito etiam dicitur, CAPVT IMPERII, & DECORA *omnium* PROVINCIARVM. Cur nominatim de *Prouinciis*? quia iam sub Principibus, ex omni regione capiebantur Senatores. Et vt ditissimi honestissimique Prouincialium ciuitate donabantur, Equites fiebant, ita & mox Senatores. Vtile inuentum, & ad populos sub vnum imperium firmiter colligandos. Symmachus eâ causâ scripsit: *Pars melior* HVMANI GENERIS *Senatus*. Cassiodorus: *Quidquid* HVMANI GENERIS *floris est*, habere Curiam. Et Panegyricus scriptor: *Sensisti* Roma te tandem arcem omnium gentium, & terrarum esse reginam, cùm ex OMNIBVS PROVINCIIS, *Optimates viros* Curiae tuae pigneraueris; vt *Senatus dignitas*, non nomine quàm re esset illustrior, cùm ex TOTIVS ORBIS *flore constaret*. Alter autem ab hoc ordo est *Equitum*: qui & ipsi ab illis notis tribus probati, aut probandi. Nam de Genere, multi erant è Senatoribus & Patribus orti: & certè liberti aut libertini, nec si Censum haberent (nisi beneficio Imperatorum) in hunc ordinem veniebant. Quod inferiore etiam æuo Alexander Imp. seruauit, de quo Lampridius: *Numquam libertinos in equestrem locum redegit, asserens* SENATORVM SEMINARIVM *equestrem locum esse*. Erant tamen ex ingenuis multi, & ferè omnes qui Censum equestrem haberent. Is fuit *Quadringentorum*: id est, decies mille Philippicorum. Igitur latus hic ordo & amplus, vt tunc opes plerisque amplæ erant: & ideò quod ad Vitam, coërcendus aut recidendus. Apud veteres id quoque Censores fecère, siue in *Transuectione* (quæ tamen eorum modò erat, qui *Equum publicum* habebant) siue per lustra singula, cùm ordines digerebant & recognoscebant. Nam hîc quoque Album erat, siue tabulæ, & recitabant: quiq; primus ex iis nominatus, *Princeps iuuentutis* dicebatur. planè, vt qui in Senatu primus recitatus, *Princeps item Senatus*, augusto titulo, dicebatur. Sed cur *Iuuentutis*? an omnes iuuenes? imò viri plures & senes



senes erant: sed caussa & origo, quòd olim & primâ republicâ, pauci Equites, nec ferè nisi filij Senatorum. Creuit paullatim largiter numerus, & magnam ciuitatis aut ciuium partem comprehendit: sed nomen tamen *Iuuenum* mansit. Sed & Iuuenes antiquis dicti ad annum XLV. AvD. Iam semel iterumque de Senatorum filiis: non ergo ij Senatorij, aut Senatores? Lips. Caue erres: distinctione hoc dicam. Aliud *Senatus*, si Principum tempora adspicias, aliud *Senatorius ordo*. Ille certo numero stetit, vt diximus, & intrâ *sexcentos*, sub Augusto quidem: at iste, latiùs patuit, & iuuenes quoque ac Senatorum filij, sed & alij equites in eum cooptati. Censebantur enim Senatorij, qui ius lati clauì à Principe impetrassent: id est, insigne ipsum Senatorum. & in Senatum quidem ij veniebant, sed sententiæ ius fuisse non putabis. Institutum enim Augusti fuit, quod ipsis Suetonij verbis dicam: *Liberis Senatorum, quòd celerius reip. assuescerent, protinus à virili togâ latum clauum induere, & Curia interesse permit.* Hoc ita Augustus, sed restrictè, in *Senatorum liberis*: postea Caligula etiam aliis quibusdam equitibus permisit. Permisit dico, aliique Principes, sed sic vt ab ipsis peteretur. Talis est ille Iulius Montanus apud Tacitum, *Senatorij ordinis, sed qui nondum honorem capeffisset*. Hos ipsos *Senatores* interdum dici reperio. vt in Tacito: vbi Togonius Gallus censet, *Principem diligere Senatores viginti, sorte ductos, ad custodiam sui*: & Tiberius custodes oblato hos amolens, *Nam quos omitte posse, quos eligi? honoribus perfunctos, an iuuenes?* Intellegit hos nostros *Iuuenes*, qui nondum propriè Senatores, sed, vt ita dicam, *Senaturiebant*. Hi sunt, qui *Illustres equites* à Tacito eodem, atque aliis, ad discrimen dicuntur: & palàm ipse Tacitus cum Senatoribus iungit, aut coæquat. *Augustus*, inquit, *inter alia dominationis arcana, seposuit Ægyptum, vetitis ingredi, nisi permissu, Senatoribus, aut illustribus equitibus Romanis*. Sed ne abducamur à nostris Equitibus: genus igitur diffusum, & in vario discrimine: erant qui *Equo publico*, erant qui *Iudices*, erant communinomine *Equites* dicti. Illi qui *Equo publico*, tempore Dionysij Halicarnassæi, id est Augusti, ad *quinque millia* erant, aut supra, vt ipse vidit ac numerauit. Qui in Iudicibus, haud pauciores: imò plures ex Plinio scribente, *Iudicum non nisi quattuor Decurias fuisse primò, vixque singula millia*

in De-



in Decuriis, nondum prouinciis ad hoc munus admissis. Quâ adiectiunculâ notat, largiter plures suo æuo fuisse: cum & Caligula Quintam Decuriam addidisset. Quid iam dicemus in reliquâ classe eorum, qui immunes, fuisse? Atque isti Equites, quos Perseus rex apud Liuium ita laudat & insignit: *Equites enim illis*, Lib. xlii.  
 PRINCIPES iuuentutis; equites SEMINARIUM Senatus; inde lectos in Patrum numerum, Consules, inde Imperatores creant. Quæ omnia satis clara tibi, ex iis quæ dixi. Superest tertius ordo Plebis, de quo quid singulariter dicam, nisi triplici discrimine fuisse, Ingenuos, Libertinos, Libertos? Et in militiâ discrimen erat ab hoc Genere; item quæ à Censu, sicut & in aliis muniis, si qua publicè subirent. Vita etiam Censuræ permixta: quam tamen neglexisse postea (malo sanè publico) Imperatores video, contentos duplicem illum priorem ordinem recognosse. AVD. Satis decora & utilis tota hæc Ordinum distinctio: sed vulgò & in occurſu poterântne agnosci? LIPS. Poterant, & statim quidem, ab habitu. Nam etsi toga communis omnium ciuium vestis esset: tamen discrimina alia, ab aliis notis. Vt solis Senatoribus, aut istis quasi Senatoribus, ius *Lati clauis* gestandi erat: quod non aliud, quàm velut bullæ è purpurâ, & capita clauorum intexta aut inserta. Equitibus autem Aurei annuli, qui hunc ordinem, vt Plinius ait, à plebe distinguebant. Qui his duabus notis carebant, Plebs erant.

## CAP. III.

*Iustitia & Clementia in bellis.*

VIROS igitur communiter iam vidisti, & in classes suas distinctos: ire per Magistratus & officia Ciuilia aut Militaria, longum sit, nec nostri nunc sermonis. Etsi omnia ea optimè & prudentissimè instituta, siquâ vnquam in Republicâ: sed omittantur, & quod propositum, de *Virtutibus* addamus. Nam viros illos laudabiles, vel potiùs ADMIRABILES fuisse dico, id quæ à duplici virtute, *Militari* vel *Ciuili*. Illam in imperio & republicâ iure considero, vt tutelam eius, imò augmentum: sine quâ frustrâ aliquis status aut commune se iactet. Præmitto igitur, & duo hîc in Romanis, *Iustitiam ac Fortitudinem*, miror.

Y

Quod



Quod ad illam, nescio an alia gens consideratiùs, & caussis in Rationis trutinâ libratis, bellû suscepit, quàm ista. Nam plerique, aut Regum suorum arbitrio arma induerunt, aut primorum aliquot in Republicâ, qui decernebant. Hîc aliter. & nec Senatui, nec populo toti, plenum hoc ius, nisi cognitio & iudicatio sacerdotum publicorum interuenisset, quos *Fetiales* dicebant. Eorum arbitrio sumpta arma, posita arma: & religio, non solû iustitia, ea temperabat. Laudat & probat hoc vnicè Dionysius: & *Græcos suos caruisse* eo dicit: & *se se ideò obiter expositurum, quid muneris & iuris habuerint*: ut, inquit, quibus ignota haec *tenus fuit Romanorum in bellis religio, mirari desinant felices euentus plerumque habuisse*. Nam omnium bellorum initia & causas, apparebit iustas fuisse: atque ideò Deos meritò propitios sensisse & fauentes. AVD. Prudēs & pia scriptio Dionysij, fateor: sed an vera Lipsi? Itâne omnia bella iusta, & à talibus caussis? Mirum sanè. cùm video tot regna aut regiones bello petitas, & subiectas, atque adeò in paucis annis, cùm extra Italiâ pugnare cœperunt, domitum pænè vniuersum orbem. Singularis hæc occasio vel opportunitas, si omnes sic ordine læserunt aut lacefferunt: & planè ponenda inter tua ADMIRANDA. Quin, quod res est, dicimus? Bella quædam iusta, non nego: plura à duobus malorum stirpibus nata, Ambitione & Auaritiâ. quod nec ipsi Romani scriptores negent. Vis Sallustium audire? *Romani arma in OMNES habet, in eos acerrima, quibus victis SPOLIA maxima sunt*. Et iterum: *Romanis cum nationibus, populis, regibus cunctis, VNA & VETVS bellandi causa est, CVPIDO profunda IMPERII & DIVITIARVM*. Quid Tacitus tunc, ille iudicij consideratus simul & liber? *RAPTORES ORBIS, postquam cuncta vastantibus defuere terre, & mare scrutantur*. Si locuples est hostis, AVARI; si pauper, AMBITIOSI. quos non ORIENS, non OCCIDENS satiauerit. Audis, Lipsi, præclara hæc elogia? & ab ipsis quidem Romanis: nec tu veste aut colore aliquo sermonis facilè hæc reges. LIPS. Suauiter rideo. AVD. Ita video, cur autem in re seriâ? LIPS. Nam tuam hanc malitiam (imperitiam dicere non possum) quî non rideam? qui verba tedare mihi censes, in his quasi Romanorum verbis, quæ reuera hostium esse non ignoro. Nōne priora illa Mithridates apud Sallustium profert, altera Galgacus apud Tacitum?

Mirum



Mirum autem, si ij benè honesteque de Romanis loquantur aut sentiant, qui viris & equis expugnatum eos eunt & eversum. O tuam dissimulationem! quasi nescias decorè hæc historiis inseri, non quia probè aut verè, sed quia probabiliter ab iis dicta. Nam talia non desunt, nec vnquam deerunt, magnis imperiis obiectari. Miserabiles enim ferè victi sunt, & fauimus imbecillis, & passi iniuriam videntur, quia non fecerunt. Atqui terras eorum inuaserunt, & ceperunt. Quid ergo? liberè & impunè læsisse vis? incipere bella, in alienâ manu est: non ponere cùm lubet, & vt lubet. Amittere sua non iniustè incipit, qui aliena aut alios iniustè læsit. Sed enim ordo iste mirificus, & inter mea ADMIRANDA referendus, vt aiebas. Ego tecum hoc sentio, & arripio: & admirabilem planè hîc habeo Prouidentiam diuinam. Itâne serie quadam bella ex bellis nata, prouinciæ ex prouinciis subactæ? Illa causas dedit, aut permisit: & semper duplici hoc titulo Romani vsi, vt aut pro *Salute* arma caperent, aut pro *Fide*. Pro illâ, vbi res eorum ageretur, pro istâ, vbi Sociorum Et hoc de Sociis latè patuit, & est illa catena, quæ bella & terras coniunxit aut subiunxit. Cicero verè & liberè: *Noster populus, sociis defendendis, TERRARVM OMNIVM potitus est*. Verè inquam: & vis pauca exempla? Ecce Carthaginenses validi sunt, imò æmuli virium Romanarum. obstant crescentibus: quid fit? remouendus ille obex, & causam ipsi præbebunt. Siciliam inuadunt, & Mamertinos: isti ad Romanos appellant, vt Socios. Veniunt, subueniunt, pellunt eos, & quæ sita iam ipsis ad se trahunt. Fit pax, & Sardinia etiam Sicilia adiicitur, concessu ipsorum. Vides augmentum? Sed enim iam sistimus, & illi manent ac florent? non. in Hispaniam malâ cupidine transcendunt, arma etiam Saguntinis inferant, & amicum sociumq; Romanis opidum euertant. Bellum ergo iterum iustum: quo fine, & fructu? Victi illi, & in Africam compulsi, Hispaniâ aucti Romani. At enim Græcia & Macedonia iam desunt. Vis iustè dari? Philippus Macedo fœdus cum Annibale coibit, Romanos & Græcos simul laceffet: atque isti eos aduocabunt, & sibi primum, mox & Macedonibus, imponent. Talia in Antiocho, Iugurthâ, ipso Mithridate. qui sceleratissimus non regum,



sed mortalium, quid de fraude vel iniustitiâ Romanorum queritur? ut volent, ipse ab illis & nobis audiet, *Vae victis*. Non dicam pereant, sed tamen pareant, qui vincere aut quiescere non potuerunt. AVD. Hem! acriter tu pro Romanis: sed ex animi tui sententiâ? LIPS. Ex sententiâ: saltem de antiquis illis Romanis, & ante Sullam civili bello nondum infectis &, ut sic loquar, decoloratis. Pleraque omnia tunc pura & iusta: & liceat cum Rutilio, verè de Româ dicere,

IVSTIS BELLORVM *caussis, nec PACE superbâ,*  
*Nobilis ad SVMMAS gloria venit OPES.*

At postea degenerarunt, Avaritia & Ambitio quædam dictarunt, ad hoc Rationis examen non dirigenda. AVD. Iam remissius, & laudo. quid tamen in Rutilio audio, nec *Pacem superbè* dedisse? Imò rarò dedit, aut impotenter & superbè dedit. LIPS. Neque id tibi dabo. Quosdam populos puniuit, fateor; sed non nisi imperio suo, & stipendiario illo iugo. Quàm multis autem & pacem indulsit, si uti eâ potuissent, aut voluissent? Ipsis Carthaginensibus bis: Philippo etiam, & Antiocho, & Tigrani: atque hos omnes cum pellere, terris in eorum manu esset; contenti fuerunt restringere, & ut imagine hac utar, pennas incidere, ne temerè & lasciue sic euolarent. Sed satis super iustitiâ.

#### CAPVT. IIII.

##### *Fortitudo Romanorum militaris.*

**F**ortitudinem in militiâ nunc consideremus. Quid tamen hîc diffundat? nōne satis in ROMANA MILITIA meâ feci? Opinor: sed argumenti & contextus etiam causâ, pauca dicantur. Aio igitur & *Milites* & *Duces* præstantissimos huic genti fuisse, & in omni ævo ADMIRANDOS. Vide mihi legiones illas, quæ binæ iunctæ, & cum totidem Sociis, equitatu autem *mille octingentorum*, ad quæcumque bella & hostem ibant: ibant, sed & victrices ferè redibant. Tota autem ea manus, quid amplius quàm *octodecim millium* erat? Iam si decem legiones iungeres, quod item factum: quid nisi Hirtij verbis dicam, *vel calum diruere* eas potuisse? Ecce gygantes novos, & veros, nec è fabulis petitos. An non tales tibi videbuntur, si in *Opere, Agmine, Acie,*  
 paulisper



paulisper eos consideras? Quod ad Opus, fodiebant, vallum & fossas ducebant; aggerem, testudines, turres struebant: omnia celeriter & industriè, vt fidem superet paucos homines tanta, in tantulo tempore, struxisse. In \* Poliorceticis meis dedi exempla. Iam de Agmine, quid istud est? arma omnia peditem ferre, cibos semestres aut menstruos, vtenilia, & septenos aut plures interdum vallos. Iumentum ita onerès, negabis par futurum. Adde ordinem in toto incessu, à signis non discedere, pari passu omnes ambulare, decurrere etiam, cùm opus esset, in plenis armis. Denique in acie quis par Romano miles erit? nam non fuisse quidem, id constat. Cum omnibus gentibus, omni genere armorum aut pugnarum, concurrerunt: ecquando victi sunt ignauia suâ aut culpa? nam hoc addendum est: & optimus ille miles semper potior, nisi mens & directio impediret imperiti aut temerarij Ducis. Liuius gloriatur: *Ab sit inuidia verbo, & ci-* Lib. ix.  
*uilia bella fileant, numquam ab EQVITE hoste, numquam à PEDITE, numquam APERTA acie, numquam aquis utique locis laborauimus.* Vera dictio, & trophæa victarum gentium adstipulantur. Grecos aut Macedonas aliquos mihi compones? Pyrrhus ipse Macedo refutabit: & cùm Romana militiæ periculum, sed cum suo periculo fecisset, vocem è pectore emisit: *O quàm facile erat orbis imperium occupare, aut mihi Romanis militibus, aut Romanis me rege!* Atqui si quisquam Regum bono & veterano milite instructus fuit, is fuit. Quid autem mirandum tales fuisse, apud quos, à primâ adolescentiâ, vita omnis in armis, honos omnis ab armis erat? Nemo honestiorum ad remp. accedere, aut magistratus capere poterat, nisi decem annos militasset. Et pedestris ipsa militia, viginti annorum decursu denique terminabatur. In ipsâ pace, an quietem egisse censes? exercitia assidua erant, vel in Campo illo Martio, vel in ipsis alibi castris. Aristidem operè pretium est in hac re audire: *Quinetiam in militari disciplinâ vos, ô Romani, omnium aliorum inscitiam coarguistis. Nec enim contra hostes dumtaxat milites vestros ac Duces, sed inter se primùm committitis & exercetis. Ita fit vt COTTIDIE STENT IN ACIE, nec vnquam quisquam LOCO CEDAT, sed vt in aeterno & caelestichoro, quisque stationem suam cognoscat & seruet.* Reuera ita est: & de statione quod ait, quis nescit locum in acie, vel in præsidio, militi seruandum,



vel moriendum fuisse? Leuiter ab eo discedere, à vitâ erat abire: vt seueritas quidem volebat saluberrimæ illius Disciplinæ. Inde contemptus periculorum & hostium: & in medios illos vel exiguam manum si Dux misisset, quis non sine cunctatione parabat? Exemplum illustre & notum, sed ADMIRABILE est, in bello Punico primo. Consul parum prouidè suos ductans, in locum humiliorem, & collibus vndique cinctum, insinuarat. Hostes aditus infederant, & sine ferro confectum bellum videbatur. Ibi Tribunus consilium suppeditat: *Consul, inquit, vides tu collem illum, ab hostibus nondum occupatum? illuc censeo mittendam cohortem aliquam militum, si te & alios vis saluos. Hostes enim in illos irruent, intercà tu, si vir es, te explicabis, & peruades.* Placuit Consuli sententia, & vera erat: nec de militis obedientiâ dubitabat, sed *Ducem, inquit, illum qui in certam mortem eat, quem habemus? Me ipsum,* ait ille. Dictum, factum, quadringenti ad moriendum proficiscuntur, & cadunt: solus Tribunus inter mortuos, semimortuus ipse, repertus conualuit, & sæpe vtilem operam reipublicæ postea nauauit. Viros istos tali robore, tali obedientiâ, alibi mihi dabis? Spartanos tamen excipio, solos dignos qui cùm Romanis comparentur, si vires & copiæ maiores fuissent. nam alia non degenerant. Sed hæc infelix audacia: illa lætior. cum Punico item bello, fugientem eorum classem, pedites in mare se coniicientes & natantes, quasi in camporum firmitate aggressi, manibus suis in litus retraxerunt. Paullò vetustiora ista sunt: ecce magis noua exempla. Bello Africano civili, Centurio Cæsaris cum aliquot veteranis in mari captus, ad Scipionem aduersarium Ducem perductus fuit. Ibi Scipio clementer vitam statim offerre & honorem, si deficere à Cæsare, & pro se stare vellet. Ille autem contrà, hortari vt ipse desisteret, neu contra tam inuictum virum & copias pugnaret: *Quæ, inquit, cuiusmodi sint, si minus antea expertus es, licet nunc cognoscas. Elige ex tuis cohortibus vnâ, quam putas esse FIRMISSIMAM, & constitue contra me. ego autem ex meis commilitonibus, quos nunc in tuâ tenes potestate, NON AMPLIUS DECEM sumam: tum ex virtute nostrâ intelleges, quid ex tuis copiis sperare debeas.* Ita Hirtius, siue Oppius, siue Balbus, castè & puriter hæc narrauit. AVD. Légi equidem, & memini: sed quid nisi militaria & vana hæc verba sunt?

Nam



Nam vt *decem* contra *quadringentos* consistant, nulla ratio aut exempla dicent. Lips. Rationem nunc omitto, etsi ea quoque in veterano isto robore est: sed exemplis hoc firmari potest. Non tu in eodem Hirtio legisti, *Numidarum copias, in corone modum, Caesaris copias cinxisse?* *Cæsariani interim,* inquit, *NON AMPLIUS TRES aut QVATTVOR milites veterani si se conuertissent, & PILA VIRIBVS CONTORTA in Numidas infestos coniecissent, AMPLIUS DVORVM MILLIVM, AD VNVM terga vertebant.* Hoc etsi mirum, tamen verum est: & nisi fallor, ipso illo scriptore arbitro & inspectore gestum. Sicut quod idem eodem bello, de Gallis nostris tradidit: *Accidit res incredibilis, vt equites MINVS TRIGINTA Galli, Maurorum equitum duo millia loco pellerent, vrgerentque in opidum.* Vis nominatim & L. Sicinium aliquem citem, qui *centies & vicies* in aciem descendit? *sex & triginta* spolia ex hostibus rettulit? *octo* ex prouocatione occidit? *quinque & quadraginta* vulnera pectore excepit, tergo nullum? Vis Cassium Scæuam? qui in Britannico litore, cum quattuor commilitonibus in scopulo relictus, cum mari abeunte hostibus adire fas esset, atque ij confertim irruerent, desertus ab aliis, solus impetum sustinuit, multos deiecit aut occidit, denique armis suis onustus, solo scuto abiecto, in mare se dedit, & ad Cæsarem natauit. Qui stupens ad viri virtutem, laudare parabat, at ille disciplinæ memor, *Da veniam Imperator,* inquit, *quòd scutum reliqui.* O dictum, factis illi ipsis laudabilius! & quid à tali animo, non enim iam manibus solùm, non speres? Idem Pompeiano bello, ad Dyrrhachium castello præpositus, solus in portâ consistens, contra Romanas, Romanas dico legiones & copias, id seruauit. Quo tempore oculus ei effusus, humeri traiectione & femur, scutum *centum triginta* ictibus perforatum. Fabellas recitare hodiernis militibus videamur: sed nos res dicimus, tam hercules quàm cum *Onera aut Opera* narramus, adeò non imitanda, vt nec credenda. Sed in victoriâ quid milites istos miror? magis pænè in clade & morte. Miles in Cannesi prælio, cum vulneribus confectus, manus etiam mutilatus esset, spoliare se conâti Numidæ ceruicem brachiis inuadens, ad se traxit, & naribus atq; auribus corrolis (cum alia tela non essent, aut tractare non posset) deforme cadauer aspicientibus



tibus reliquit. De vno loquor: sed *quínam illi viri fuerunt* (Flori verba dabo) quos ab elephantis obrutos Pyrrhi prælio accepimus? omnium vulnera in pectore, quidam hostibus suis immortui, omnium in manibus enses, & relictæ in vultibus minæ, & in ipsâ morte ira vivebat. Vide mihi istos, non homines, sed Martes, si fas dicere: & nec victos quidem, vincendos. Satis de Militibus, transeo ad Duces: etsi quomodo non isti omnes Duces? Imò quod Thucydides de Lacedæmoniis scitè dixit, ὅτι ἄρα, πλὴν ὀλίγων, τὸ στρατόπεδον αὐτοῖς ἀρχόντες ἀρχόντων εἴσι: quòd, paucis exceptis, exercitus eorum DUCES DUCVM essent: id profectò in Romanos conueniebat. Sed tamen Duces etiam aliqui eximij: vt parens ille *Romulus*, vt *M. Furius Camillus*, vt *L. Papirius Cursor*, quem vel *Alexandro* parem (si venisset) *Liuius* opponit, vt *M. Claudius Marcellus* igneo impetu, vt *Q. Fabius Maximus*, salubri tarditate; vt *P. Scipio Africanus* prior, diuinâ felicitate; & posterior, diuinâ virtute; vt denique (nam omnes quis numeret?) caput & culmen *C. Iulius Cæsar*: fortunâ, peritiâ, magnitudine & celeritate animi, super omnes qui arma tractarunt, aut tractabunt. Sed concludimus: si post Cæsarem, tamen vnum addidero, alterius Cæsaris ô fidum vtilemque ministrum! Is *M. Vipsanius Agrippa* fuit, vir bello prouidus & fortis, & vel caussa victoriarum Augusti, vel instrumentum. Nec post eum, flaccescente iam Romanâ indole, quos mirer habeo, nisi fortè *Germanicum Cæsarem*, sed properata mors eripuit; aut magis certè *Traianum*, suo & proprio elogio OPTIMVM MAXIMVM QVE.

## CAPVT V.

*Pietas, Probitas, Constantia Romanorum.*

SED ad *Ciuilem* iam Virtutem venio, domi & in togâ spectandam. Eam per omnes ordines diffusam triplicem maximè reperio, *Pietatem, Probitatem, Constantiam*. *Pietas* eminet, vana illa quidem dixerit aliquis, sed tamen in assiduo Numinis cultu (pro ipso captu) reuerenter occupata. Incredibile est, quàm omnia publicè & priuatim religiosè cœpta, administrata, patrata: vt totam ciuitatem sacris operatam & addictam possis arbitrari. Atque id secundùm vetera instituta, nec noui-

tati



tati aut mutationi dabant hîc locum. Miratur hoc Dionysius: quòd quanquam \* sexcentæ nationes penè in urbem fluxerant, quibus singulis sacra sua ritusque patrij essent; tamen ad suum ævum (inquit) nulla peregrina religio publicè suscepta; aut si qua oraculorum monitu introducta, ea ipsa Romano more culta, abdicatis fœdis vanitatibus, aut fabularum portentis. Quò valdè faciebat, quòd Sacris præessent, & ipsi non interpretarentur solùm, sed administrarent, viri in Republicâ primi, honoribus honesti: qui & exemplo plebem eò trahebant; & prudentiâ ac maturitate, noua aut nocitura spernebant. Ab hoc deinde capite alia Virtutum membra: & in primis illa *Probitas*, quam nominavi, id est animi morumque integritas quædam & candor. Sine fūco, sine fallaciâ diu mores illi fuerunt: & in prouerbiū abierat, *Homo Romani ingenij, Romana simplicitas, & Romana fides*. Incerti, sed Romani scriptoris, versus sunt:

CIVE ROMANO PER ORBEM nemo viuit IVSTIVS.

*Quippe malo vnum Catonem, quàm trecentos Socratas.*

Et sanè disserere alibi de virtute crebrum, hîc vsurpare. Quâ in re alienum testimonium audiamus, & Polybij, id est hominis Græci. Deus bone, quàm ille dilaudat, & suæ genti præfert! Apud nos, inquit, si cui talentum concreditum sit, & exstent decem syngraphæ, decem signa, bis totidem testes; tamen fidem vix est seruare. apud Romanos autem, cum in Imperiis aut Legationibus plurimum pecunie in manibus habeant & dispensent; tamen officium & fides constant, solâ iurifurandi religione inductis. Vides probitatem in hac parte? sed & in bello candoris fuit, & rarò astu aut fraudibus victoria quæsitæ aut parta. Tangit grauitè M. Aquillium Imperatorem noster Annæus Florus, quòd is bello Asiatico veneno fontes miscuisset, ad deditiōem quarundam urbium. *Quæres*, inquit, vt maturam, ita infarnem fecit victoriam. quippe cum contra fas Deum, MORESQUE MAIORVM, medicaminibus impuris, in id tempus SACROSANCTA Romana arma violasset. Iam & huic Probitati *Abstinentia*, siue etiam *Continentia*, adherent: non fœdè aut iniuste appetere alienum, parcè & modicè suo vti. Et illius quidem (*Abstinentiæ*, dico) quàm pulchrum, nec iactatum nimis, exemplum fuit ab vniuerso populo editum, Marianâ & Cinanâ proscriptione? Quippe cum ij hostium suorum penates,

Z

omni-

\* Nota ad  
copiam ex-  
teriorum.



omnibus opibus aut elegantiis plenos, vulgi manibus diripien-  
dos vltro obiecissent: nemo inuentus est, nemo, qui iniustam  
hanc prædam à ciuibus peteret, caperetve: sed, tanquam à sacris  
ædibus, omnes manus & cupidinem abstinuerunt. Et quid in  
togâ miramur hæc exempla, cum in ipso bello, & inter hostes,  
prædæ abstinētia fuerit? quæ non nisi permissu capta, & sic quo-  
que tota ad Duces relata. Iam in Continentiâ quàm laudabiles,  
si cibum, vestem, aut externa alia spectes? Plinium & Plautum  
testes habemus, populum Romanum per aliquot sæcula, non  
nisi farre & pulte vulgò vsum. Quod si nuptiæ, festiuitas, aut  
lētius conuiuiū esset, pro magno pauci pisciculi, & porcine ali-  
quot pondo, in obsonium adiecta. Similis in vestibus frugali-  
tas: & omnium, ditium pauperumque, è lanâ: atque eâ natiui  
& albidī coloris, nisi quod ditiorum splendentes paullo magis  
& nitidæ à fulloniâ arte essent. Nam Sericum, Holofericum,  
ipsa Lintea, serò innotuerunt, & timidè etiam in vsum pauco-  
rum venerunt. Adderem Modestiae laudem, & reuerentem Se-  
natus & procerum suorum populum: nisi Tribunicia interdum  
procellæ turbassent, quam ego pestem vnicam & labem  
reperio in re Romanâ. Denique & tertiam virtutem *Constan-*  
*tiam* feci: ô verè ADMIRANDAM in hac gente! Nam in aliis pa-  
res alios habeant: in hac nec comparandos. Mucius ille olim  
oraculum protulit: *Et facere, & PATI FORTIA, Romanum est:*  
quasi hæc in malis magnis Patientia (quæ ipsa est Constantia)  
peculiaris eorum virtus esset. Et tu dispice. Vmquàmne vnum  
aliquem hominem, plus inuicti, & obnixa in omnes casus, ro-  
boris ostendisse, quàm populū hunc vniuersum? Exemplis do-  
ceatur. Pyrrhus ille in Italiam venerat, cum noui generis gen-  
tisque copiis, & inprimis inaudito terrore elephantum. Victor  
grandibus præliis erat, Italiam percurrerat, & à trigesimo pænè  
lapide Romam prospexerat. Quid Romani? trepidant scilicet,  
& pacem petunt? Imò oblatam vltro respuunt, & legatos eius  
cum animoso hoc responso dimittunt: *Pyrrhus Italiâ cum copiis*  
*excedito. vbi excesserit, de pace si volet, agito. Ni excesserit, arma et vi-*  
*ros, & aciem expectato. Neque destituros ab incepto se, etiam si SEX-*  
*CENTOS LAEVINOS* (ea verba Plutarchus posuit) *pugna vicisset.*  
Qui animi isti, aut verba sunt: non contra Pyrrhum, sed contra  
fortu-



fortunam, & pænè dixerim cælum, dimicantium. Et si mos ille eorum semper in bellis (notandus & ADMIRANDVS) nihil largi-  
 ri armato hosti: sed vbi ea posita, & obsequiosi aut flexibiles il-  
 li visi, tunc denique conditiones ferre & æquas, & sæpe nec ex-  
 spectatas. Generosorum hoc est: ire in aduersos, parcere aut ab-  
 sistere iam abiectis. Fructus autem Constantiæ in Pyrrhū fuit,  
 spontè Italiā illum fugere, ipsos eius dominos & potentes fieri.  
 Vide & bellū Punicum primum. quot ibi clades, raræ aut no-  
 uæ? Rara in Africā ipsā, cum Atilius Regulus Consul, cum to-  
 to exercitu oppressus, & viuis venisset in hostium potestatem.  
 Nouæ aliquot in mari: cuius antea expertes & imperiti, classes  
 plures vel naufragio vel pugnā amiserant. Polybius scribit, &  
 ipse miratur, *septingentas quinqueremes eo bello amissas fuisse*. Satis  
 autem iacturam eam æstimas aut intellegis? in quaque earum  
 (Polybio sic ordināte) *trecenti* remiges ferme erant, milites \* cen- \* *Manipu-*  
*tum viginti*. Hos tu si vnā computas & colligis, videbis paullò *lus vnus:*  
 minus *trecentis hominum millibus* periisse. Et qui Romani tunc  
 erant? nec totā etiam Italiā plenè adhuc potiti. O constātiā, ô  
 robur, & ô fortunā! nam hæc se vertit, & puduit tam merētibus  
 non se dare. Iam ad mortem plaga, Punicum bellū tertium. An-  
 nibal summus ducū in Italiam ipsam venit, siluam exscindere  
 parat, in quā stabulabātur Martiales isti lupi: & pænè fecit. Tri-  
 bus præliis magnis victor, & vltimo illo Cannēsī, quid nisi to-  
 tum virilē sanguinem Romanum exhaustit? Heu cladem! *quin-*  
*quaginta millia* selectorū militum, vnā cum altero Consulū, cum  
 tot Tribunis & Centurionibus, tot Senatoribus & Equitibus  
 Romanis iacēt: & tu Roma adhuc spiras? quibus freta? senibus,  
 puerisq;, & feminis, quos solos pænè reliquos habes? Spiro, in-  
 quit, imò alta & vetera spiro. De pace nulla mentio: veniat vel  
 Romam Annibal, arx & Capitolium nos defendet, & è cinere  
 isto suscitabūtur *rerum domini Romani*. O insanas, dixerit aliquis,  
 cogitationes! sed res & exitus docuit, constātes & felices. *Magna*  
*populi Romani fortuna* (ait Florus) *sed SEMPER IN MALIS MAIOR;*  
*resurrexit:* & pueros, senes, vinctos, seruos armauit: & imbecillo  
 aut fœdo exercitu victrices illas copias profligauit. Plura pos-  
 sem. nam in omni Romanā historiā propriæ huius virtutis ex-  
 empla sunt: sed quid maius istis possum? Claudianus cōcludat:



NVMQVAM SVCCVBVIT DAMNIS, & *terrata nullo  
Vulnere, post CANNAS MAIOR Trebiamque fremebat.*

Et Liuius: MAGNITVDINEM *populi Romani, aduersis propè rebus* ADMIRABILIOREM, *quàm secundis esse.* AVD. Atqui vnum miror, & pænè doleo, à te omitti. LIPS. Quod illud est? AVD. De Varrone. nam quid admirabilius, quàm cùm ille auctor & caussa tantæ cladis (nec falsò) diceretur: Romam redeunti obviam itum ab omni ordine & populo, & *Gratias actas, quòd de Republicâ non desperasset?* Siqua alia hæc plebs fuisset, itane gratias funesto & furiali capiti? sputa, saxa, tela, nec vnam mortem. Illi fecerunt. quia hoc quoque Constantiæ proprium, mereri malis potiùs, quàm irasci. LIPS. Est & minutum aliud. Nam cùm urbem ipsam Annibal obsideret, & terreret: fundus, in quo castra eius posita, publicè sub hastâ Romæ vèniit: nec minoris, quàm si liber, nec in seffus ipse aut Italia ab hoste essent. Item alterum, eodem illo tempore, cùm ad vnam portam Annibal pugnaret & inuaderet, alterâ militem & auxilia in Hispaniam emisserunt. Fiducia hæc, vt verum dicam, humana non fuit: à Deo inspirante vènit.

## CAP. VI.

*Contra Probitatem & Abstinentiam dicta & obducta quadam.*

ET hæc sufficiunt, mi Auditor, de Virtute Ciuili: cuius tu stodes & sacerdotes si viritim recenseam, quando finiam? te, & certè me, fatigem. AVD. Numquam me, nec si Iliadem sermonis tui texas. Sed tamen si arbitrari me dicta tua vis, non solum audire: habeo quæ speciosè aut firmiter obducam tuis & opponam. Itane Virtutem hanc attollis? Pietatem omitto: etsi ea externa tota, & miseratione magis, quàm refutatione digna. Sed de candore & fide adiunxisti: an non ipso animo tuo alibi retinente, aut refragante? Proh sancta Fides, quæ igitur lego alibi aut video, contra tuum numen aut nomē admissa? *Caucaei* populus Hispaniæ satis potens & notus fuit. qui cùm pares Romanorum armis & violentiæ non essent, legatos supplices in castra ad Lucillum Imperatorem miserunt, pacem & fœdus quacunque lege facturos. Ille obsides imperat, & argenti statim \* talenta

centum



centum, equites auxiliares certo numero. Omnia fiunt sedulo & obnoxiè. Imperat tum amplius, vt *duo millia* militum in urbem suam accipiant, præsidij causâ. Id quoque factum. Sed illis occultò mandatum, vt muros portasque occuparent: atque ita Lucullus reliquum exercitum induxit, & tubâ signum datum, vt sine discrimine, senes, pueri, viri, feminae interficerentur. Ita opidum direptum, deletum: ipsa *viginti millia* hominum, per summum scelus, interempta. O candorem, ô simplicitatem! & ecce aliam, in eâdem Hispaniâ, similem. Sulpicius Galba Lusitaniam hostiliter ingressus vastabat, miratibus illis nec causæ aut culpæ satis consciis. Legatos mittunt, fœdera priora renouant: illo recipiente, & vltro miserante, quod sic affligerentur. Sed, inquit, *egeſtas fortasse vos impulit prædas agere, & belli speciem præbere: me debor. Tripartitò vos diuidam, & in agro ac solo pingui collocabo, ubi reliquum beati ac tuti agatis. Venite cum vxoribus, cum liberis: in talem vallem, talis illa pars. adsignabo.* Veniunt miseri, læti ac securi, & in triplici regione distincti. ad quorum primos cum accessisset, arma ponere quasi amicos sociosque iussit: & iis positis, milites immisit, & fidem ac deos implorantes, ad vnum omnes occidit. Idem alteris, tertiisque celeriter factum, & priusquam fama prioris facinoris ad eos venisset. Aspicio te Lipsi, & oculis vultum ac pectus verbero, si tale aliquid infidum & barbarum, in vllâ barbarie factum? Atqui nouitia hæc sunt, dicces, & reipublicæ inclinantis. Non nimis, nec longè à bello Punico secundo, cum Respublica moribus legibusque vel maxime floruisse censetur. Sed vis igitur antiquiora? accipe. Ausonum gens in Italiâ fuit, vno tempore, nullo satis certo crimine, excisa. Liuius ipse narrat, suspectos & delatos à paucis, quasi deficere ad Samnites vellent: præuentos autem à Romanis, qui occultè submissis militibus, quibusdam & togatis, portas trium opidorum occuparunt: & eâdem horâ, cædibus promiscue factis, vrbes & gentem deleuerunt. Audistu mi doctor? quid istis hominibus probius aut candidius? cedunt Gallicanæ nostræ niues. Iam & *Abstinentiam* ac *Continentiam* laudasti: & vt leuissimè dicam, subrisi, aut & irrisi. Nam quæ, aut vbi, hæc Abstinentia? Romæ & inter ciues fortasse? credo, & ex veteri dicto, *Coruus coruo oculum non eruit.* Sed an eadem in prouinciis, & vbi



occasio aut facultas peccandi? O dii deæq; (si fas sic exclamare)  
 quæ illuc occulta aut aperta furta, libidines, nundinationes, rap-  
 tus? Poëtæ Harpyas aliquas finxerunt, quæ cōtactu & vngu-  
 bus omnia diriperēt, aut fœdarent: in re, isti Romanorū Præsi-  
 des fuerūt. Optimus & bellissimus quisq; ita se gerebat, vt bel-  
 la omnia domū auferret. Demades olim dictitare solitus, cū  
 ad Tribunal aut Magistratum iret, *ad Auream messem se ire*: mihi  
 crede, isti ibant, & Colchos quisque Iason sibi spondebat. Le-  
 gisti tu Ciceronis illa de vno Verre? pleraque talia in aliis, & mi-  
 feri prouinciales non nisi præda & spoliū Præsidibus suis  
 erant. Quod si in pace talia: per bellū & arma quid suspi-  
 camur fuisse? & tu tamen illic quoque Abſtinentiam eorum lau-  
 das. O iustè, ô meritò! & tuâ veniâ, dabo exempla. Ecce L. Sulla  
 in Asiâ, cū communiter *viginti millia talentū* exegisset, priua-  
 tim edixit, vt hospes militi apud se diuertēti *sedecim drachmas* in  
 diem daret, cænā in super ipsi, & sodalibus quot vocasset, Cen-  
 turio autem acciperet in diem \* *quingenas drachmas*, vestem pre-  
 terea duplicem Domesticam & Forensē. Hæc Sulla, inquit,  
 homo nequam, & natus ad Disciplinam militarem dissoluen-  
 dam. Benè est, accipio excusationem: quid ergo L. Paulus qui  
 Macedoniam vicit, inter optimos ciuium? Destinatum ei Epi-  
 rum totam diripere, & in prædam militibus dare, quia cum Per-  
 seo rege sensissent. Quid facit? ipsis Livij verbis, *Centuriones in*  
*singulas vrbes submittit, qui se dicerent ad præsidia deducenda venisse,*  
*vt liberi Epirotæ, sicut Macedones essent. Denos principes è singulis*  
*euocauit ciuitatibus. Quibus cū denuntiasset, vt aurum & argentum*  
*in publicum proferretur, per omnes ciuitates cohortes dimisit, sic vt vno*  
*die in omnes peruenirent. Edicta Tribunis Centurionibusque erant, quæ*  
*agerētur. manè omne aurum argentūque collatum: horâ quartâ signum*  
*ad diripiendas vrbes. datum est militibus: tantaque præda fuit, vt in*  
 equitem \* *quadringenti Denarij, peditibus duceni diuiderentur. Centum*  
*quingenta millia capitum humanorū abducta. Muri deinde direpta-*  
*rum urbium diruti sunt: ea fuere opida circa LXX.* Quibus auribus  
 tu candoris, tu abſtinentiæ mirator, hæc audis? Centuriones  
 submittit, per speciem liberandi, decem primos euocat, vt con-  
 silio & ducibus spoliet: ô candidum factum! Milites deinde  
 immittit, diripit, cædit: ô clemens abſtinentisque factum! Sed  
 pulcher-

\* 50. Phil.

Lib. XLV.

\* 40. Phil.



pulcherrima claufula, tot millia capitum abducta: nec finis, in miseros muros & tecta sæuitum, & diruicæ iussa. In vicinâ Græciâ, quid Hortensius Prætor patrauit? Legati Abderitæ in ipsâ Româ audiantur, (Liuij item verbis) *Flentes ante Curiam, querentesque, opidum suum ab Hortensio expugnatum direptumque esse. Cassam excidij fuisse, quod cum \*centum millia \* 10000. Phil. denarium, & tritici quinquaginta millia modium imperaret, spatium petierant, quò de eâ re ad Hostilium consulem, & Romam, legatos mitterent. Vixdum ad Consulem se peruenisse, & audisse opidum expugnatum, principes securi percussos, sub coronâ ceteros vniisse. In ipsâ Italiâ, Locrorum opido Q. Pleminius, Legatus Scipionis Africani, cum milite præfuit. Sed quomodo? Liuius iterum dicet: In CORPORA, in LIBEROS, in CONIVGES, INFANDAE contumeliæ editæ. Libidines, & non dicenda habes: iam auaritia (inquit) ne sacrorum quidem spoliatione abstinuit. nec alia modò templa violata, sed Proserpine etiam intacti omni ætate thesauri. En religionem & pietatem, quam laudabas. Et quid ego Consules, Prætores, Legatos, nomino aut conquiro? ecce pusillus vnus Præfectus equitum, titulo tenus, Scaptius, cum pecuniam deberi sibi à Salaminis diceret, illi ad Senatum appellarent, eiusque consultum: homo probus & iustus, quinquaginta equites ab Appio Proconsule impetrat, inclusum in Curia Senatum habet in multos dies, adeò vt interierint nonnulli fame. Hæc Cicero ita narrat, & simul æquabile illud ius inter prouinciales & Romanos ostendit. Quid plura addo? claudat mihi Polybius testium agmen, qui scribit Scipionem, captâ Carthagine Nouâ, omnes obuios occidi iussisse, nec vt vlli parcerent. Tum addit, sollemnem hunc morem Romanis fuisse: Videntur enim, inquit, terroris gratiâ hoc illi facere. Itaque frequenter videre est, quando Romani ciuitates capiunt, non homines modò occidi, sed etiam canes diffecari, & aliarum animantium membra truncari. Heu, heu clementiam, candorem, probitatem, & omnia, quæ dixi, inter ADMIRANDA!*

Lib. vi.  
ad Attic.



*Pariter contra Continentiam; & de luxu Romano.*

**I**AM tu *Continentiam* etiam laudabas, in Victu & Veste: voluntate tuâ, aliquid opponam? LIPS. Valdè interest scilicet quid velim: tu mihi videris, vt Mithridates aliquis, non libero, sed hostili ore & animo, inuehi in Romanos. AVD. Non ita est: sed falsa si dicam, vterque parati erimus, tu refellere, ego refelli. Hoc iam agis, video: sed priùs & istæ audi. *Continentiam* igitur & frugalitatem veterum illorum, sed planè veterum, si laudas: ego succino, & Fabricios, Curios, Quinctios tecum miror. Sin longiùs trahis, vt non ego, lectio tua & obseruatio tacitè refellent. Quid? leges illæ *Sumptuariæ* ab antiquo latæ, & sub bellum Punicum secundum, non ostendunt morbos in eâ parte fuisse, cùm ad publica hæc remedia decurrendum? Ipsæ cænæ, & lautitiæ quæ narrantur, non id clamant? Reminiscere *Pontificiæ* illius cænæ apud Macrobiū, vbi incognita & nobis quærenda ciborum genera: reminiscere & Sallustij verborum de Metello Proconsule, in Hispaniâ: *Cænæ, vltra Romanorum, ac mortalium etiam, morem curabantur, exornatis adibus per aulea & insignia, scanisq̃ue ad ostentationem histrioniam fabricatis. Simul croco sparsa humus, & alia in modum celeberrimi templi. Præterea, sedenti in transfennâ demissum Victoriæ simulacrum, cum machinato strepitu tonitruum, coronam ei imponebat: tum venienti thure, quasi Deo, supplicabatur. Toga picta plerumque amiculo erat accumbenti. epulæ verò exquisitissimæ, neque per omnem modò prouinciam, sed trans maria, ex Mauretaniâ volucrum & ferarum, incognita antea, plura genera. Considera cænaculi apparatus, cænantis habitum aut honores, cænæ ipsius exotica fercula: quis ganeonum & lurconum, possit velausit imitari? Quis nostrum hodie aues aut feras trans mare, cænæ causâ, conquirat? Atqui olim non Metellus solum aliquis, sed iam vulgus lautiorum. Petronius Arbiter:*

*Ingenio sagula est, Siculo scarus æquore mersus  
Ad mensam viuis deducitur. inde Lucrinis  
Eruta litoribus vendunt conchyliæ cænis,  
Vt renouent per damna famem. iam Phasidos vnda*

*Orbata*



*Orbata est auibus, mutoque in litore tantum*

*Solæ desertis adspirant frondibus aura.*

Pulchrè & floridè, sed an poëticè & elatè? non opinor, imò Seneca, acer ille talium quæsitior & censor, auget & attollit. *Non est necesse* (inquit, ad sæculi sui mores) OMNE perscrutari profundum, ac strage animantium ventrem onerare, nec conchyliis VLTIMI MARIS ex ignoto litore eruere. *Dij deæque istos perdant, quorum luxuria tam inuidiosi IMPERII FINES transcendit. Ultra PHASIM capi volunt, quod ambitiosam popinam instruat: nec piget à PARTHIS, à quibus pœnas nondum repetimus, aues petere.* Vides affectum & stomachum viri, & sine bile hæc nec in sermone quidem usurpantis. Quid Latinus Pacatus, in Panegyrico? Laudat Theodosium Principem, quòd nihil tunc opus esset, ad penum regiam flagitare remotorum litorum piscem, peregrini aëris volucrem, alieni temporis florem. & tum addit imaginem prioris sæculi: Nam delicati illi ac fluentes, & quales sæpè tulit Respublica, parum se lautos putabant, nisi luxuria vertisset annum, nisi hibernæ poculis rosæ innatassent, nisi æstiuâ in gemmis capacibus glacie falerna fregissent. Horum gula angustus erat orbis noster. namque appositæ dapes, non sapore, sed sumptu æstimantes, illis demum cibis acquiescebant, quos EXTREMVS ORIENS, aut positus extra Romanum COLCHVS imperium, aut famosa naufragiis maria misissent. Ecce vitia & prodigiosum luxum, omnia fastidientem, nisi remota & sumptuosa. Sed inferioris tantum illa æui? imò verò, vt tetigi, à bello Punico secundo, aut circà: cùm ecce Cato Censorius publicè questus, *Non posse saluam esse urbem, in quâ piscis pluris, quàm bos, veniret.* Attende mi Lipsi. hocne nostro æuo sit? & tamen in luxum inuehimur, nec immeritò: at ego tibi dico, pluris quàm decem boues veniisse vnum piscem: piscem? pisciculum addo. Mulli in quo tunc pretio? putantur fuisse, quos Barbos hodie, aut Regulos marinos vocamus: sed quidquid fuit, pisciculus, & vix quinque aut sex librarum. O non delicias, sed insanias! vnum ex iis quinque, sex, octo, decem millibus HS. reperio emptum. Seneca iocosè narrat de Tiberio, se uero Principe, & luxui nec duce nec fautore. Mullum ingentis formæ (quare autem non pondus adicio, & aliorum gulam irritò? quattuor pondo & selibras fuisse aiebant) Tiberius Cæsar missum sibi, cùm in macellum deferri & venire iussisset. Amici,

a. inquit,

Consol. ad  
Heliu.

Epist. xcvi.



inquit, omnia me fallunt, nisi istum mullum aut Apicius emerit, aut P. Octavius. Ultra spem illi coniectura processit. Licitati sunt: vicit Octavius, & ingentem consecutus est inter suos gloriam, cum Hs.\* quinque millibus emisset piscem, quem Caesar vendiderat, ne Apicius quidem emerat. Notetur hic, quæso, non pretium solum piscis, sed Tiberij mirabilis continentia, qui in tantis opibus nec edere piscem voluit, nec donum alteri tradere, sed pretium ex eo fecit. quod sordes hodie aliquis fortasse (nescio an recto iudicio) interpretetur. At in Plinio, Asinius Celer, è consularibus, hoc pisce prodigius, vnum mercatus est\* octo millibus. Atque id quasi summum pretiū Plinius habet, cum tamen in Suetonij Tiberio sit, Principem cum grauitè questum, tres mullos triginta millibus nummum venisse. Si numeri recti, certum est excessisse, & singulos ducentis quinquaginta Philippicis stetit. An falsus aut mendax ergo tui, de bobus vel decem? Iam alia si conquiram, vereor non longus solum, sed vanus esse. Dicam tamen, vel tui iudicij explorandi causâ, & corriges, sicubi ego, aut testes mei, extra fines veri ibunt. De Apicio, quem iam nominaui, res nota est, hominem perditæ gulæ fuisse: de quo, vt alia sileantur, mors sola iudicabit, quam Senecæ verbis dicam. Apicius, inquit, nostrâ memoriâ (sub Tiberio) vixit, qui scientiam popinæ professus in eâ vrbe, è quâ quondam philosophi pulsi fuerant, disciplinâ suâ saculum infecit. cuius exitum nosse, operæ pretium est. Cum\* Hs. millies in culinam congefisset, ære alieno oppressus, rationes suas tunc primū coactus inspexit. Superfuturum sibi Hs. centies computauit, & velut in vltimâ fame victurus, veneno vitam finiuit. Quam luxuriam, & quam effusam vitam priuati hominis hanc fuisse putamus, cui centies Hs. (id est, ducenta quinquaginta millia Philippæorum) paupertas & desperatio fuit? O quā multorum millium improba vota hodie sint, vel quinquagies habere? Sed hunc omitto, & duos eodem nomine alios, qui in exemplar & nomen transferūt huius vitij: Claudium Æsopum addamus, histrionem. De eo Plinius: Maximè insignis est in hac memoriâ, Clodij Æsopi, tragici histrionis patina, sexcentis Hs. taxata. in quâ posuit aues, cantu aliquo aut sermone humano vocales, millibus sex singulas coemptas, nullâ aliâ inductus voluptate, nisi vt in his imitationem hominis manderet. Benè hæc postrema fortasse: sed an non acrius, imitatione hominem manderet?

\* centū viginti quinque Phil.

\* ducentis Philipp. cap. xxxiii.

\* Duo miliones & semis.



deret? Anthropophagum facere hunc Æsopum vult, qui aues comederet, cum hominem non posset, humanas. Æstimatio autem ea vnus patinæ est, *quindecim millium* Philippæorum.

Atque iste etiam fuit (alij ad eius filium referunt) qui *margaretas sorbere solitus* aceto solutas. O scelus, in mare deportandum!

LIPS. Ne nimis, ne nimis: & an me cò vis? nam ne nescias, & ego margaretas, vel potiùs margaréticas, arte liquefactas, valetudinis causâ, solco sorbere. Nec res magna aut impendiosa est.

AVD. At ego pretiosas aio, & mens eorum est, qui scripsere. Tu autem vel aurum & gemmas sorbe, vt viuas.

Sed quod ad illos gulones, de M. Antonij & Cleopatrar spon- sione non meministi, cum hæc se *centies* HS. vnâ cænâ dice- ret absumpturam?

Ille negare, & rem *ἀδύνατον* censere: ad <sup>\*qua fieri</sup> summum, iudex & sculna captus Munatius Plancus. Res <sup>non posset.</sup>

non differtur, sequenti die illa cænâ apparat pollucibilem, siquis vnquam, & denique vt Cleopatra, & Ægypti regina.

Nihil mirari Antonius, & calculos ad extremum poscere: cum illa arridens, Vnum, inquit, ferculum rem confecerit.

& simul ex composito, illatâ phialâ acris aceti plenâ, vnio- nem quem aure dextrâ gestabat, singulare naturæ opus, de- tractum in phialam demisit, eumque, vt natura est, statim

liquefactum absorbuit: parata & in alterum, quem sinistrâ gerebat, manum iniicere, ni prouidè & properè Munatius,

victum Antonium clarè pronuntiaffet. Quidni victum? cum solae a gemma vel *centies* HS. esset? siue, vt nostra æstimatio,

*ducentis quinquaginta millibus* Philippæorum. Atque illa igitur arte hoc consecuta est, vel astu: an re ipsâ & simpliciter Ca-

ligula, de quo Seneca? C. Cæsar, quem mihi videtur Natura edidit-

se, vt ostenderet quid summa vitia in summâ fortunâ possent, *centies* HS. cenauit vno die, & in hoc omnium adiutus ingenio, vix repperit,

quomodo provinciarum tributum vna cænâ fieret. Nam si margarætæ vel lapilli absumendi, quid ingeniis magnis aut inuentis opus?

via strata & nota iam erat, per vestigia Cleopatrar. In Suetonio tamen sic lego, de ipso isto Caligulâ: *Commentus est portentosissima*

*genera ciborum; vnguentis calidis frigidisque lauabatur; pretiosissimas margaretas, aceto liquefactas sorbebat; conuiuiis ex auro panes & ob-*

*sonia apponebat.* Quid iam Vitellius, ille helluonum omnium

Consol. ad  
Helu.



Lib. XXV.  
\* 2500.  
Phil.

altissimus gurgēs? de quo Plinius: *Vitellius in principatu suo \* decies HS.* (ita libri veteres) condidit patinam, cui faciendae fornax in campis exaedificata erat. Ego malle (sed tu iudica) condidit patinam: quia non de ipsa lance, etsi grandi & pretiosa, sed de instructo eius & obsonio est sermo. Scripsit autem Suetonius: in hac scarorum iocinera, phasianorum & pauonum cerebella, linguas phœnicopterum, murenarum lactes, à Carpathio vsque, fretoque Hispaniæ, per nouarchos ac triremes petitarum, eum commiscuisse. Vbi optimus quidam liber à Parthiâ vsque (non à Carpathio) habet: & considerandum est, ex Senecæ & aliorum supra verbis. Etsi tamen structura videtur hæc ad *Murenarum lactes* referre. Idem verò Vitellius, non ipse solùm prodigus, sed alios impellens, indicebat aliis eadem die, ientacula, prandia, cenas, commissationes, ipse omnibus sufficiens, vomitandi consuetudine. Quod Suetonius cùm rettulisset, ita addit: *nec cuiquam minus singuli apparatus, quadringenis millibus nummum constiterunt.* Heu illud vel abusum, in alienis opibus! nam ea sunt decem millia Philippicorum, siue ipse census equester. Super hæc nihil reperio, nisi in Latini Panegyrico obscure quosdam Principum perstrictos: *Vt taceam, inquit, infami dilectu scriptos in provinciis aucupes, ductasque sub signis venatorum cohortes, militasse conuiuuiis: nonne cognouimus cuiusdam retrò Principis non prandia sepe, sed fercula, HS. milles æstimata, patrimoniorum equestrium pretia traxisse?* Nec satis firmiter scio, quem aut quos tangat: puto Vitellium tamen, si in verbis eius emēdes, HS. mille æstimata. Nam de illo milles, quis credat in vno ferculo absumptum? quod nec Cleopatræ aliquot, aut Caligulæ iuncti fecissent. Immane hoc nimis est: at illud mille planissimè conuenit, cum Plinij supra notâ de vnâ Vitellij patinâ decies HS. æstimatâ. Nam millena HS. & decies, Romanis idem sonant. Iam de Heligabalo quid dicam? de quo Lampridius: *Numquam minus \* centum HS. canasse, hoc est argenti libris xxx. Aliquando autem \* tribus millibus HS. canasse, omnibus supputatis quæ impendit. Cenas verò Vitellij & Apicij vicisse.* Vbi tamen non argenti libras xxx. legi calculus vllus admittit, vt paries cum centum HS. sed potius CCL. quæ pura veritas esset. Atque ego in isto super omnes stupeo. Lips. Quid ita? nam Cleopatra, imò Caligula superauit. A V D. At enim hoc mihi magnum & stupendum,

\* 2500.  
Phil.  
\* 75000.  
Phil.



dum, quod sumptus isti in Heligabalo cottidiani, & numquam minus (verba Lampridij) centum HS. cenauit. Essent septuagintaquinque millia Philippæorum in mensem: quid iam conuiuia, quæ eiusdem totius summæ, in vnum diem interposuit? Ita enim & Lampridius addidit factum. Sed iam monstra omitimus: aliquid ad communem morem quærimus, à quo non nimis Philippus, Hortensius, Lucullus, & hi tales, lumina reipublicæ, abiuerunt. Piscinæ & viuaria istorum nota sunt: cænæ, ex vnâ hac Lucullianâ. In famâ homo erat lautitiarum, & quòd esset *non ganeo & profligator, vt plerique sua haurientium, sed eruditoluxu.* Tacit. de Petronio. Cepit cupido Ciceronem & Pompeium cognoscendi, sed inopinatò, & vt seriò discerent quomodo in dies viveret. Inueniunt in foro, salutant, cænâ indicunt: Sed *heus tu,* aiunt, *eâ lege nequid præmandes. nam sumptum sumi in nos, non placet.* Ille tergiuersari primò per simulationem, & Cras potiùs, inquit: cum negarent, *Ergo nec hoc licet,* inquit, *famulo dicere in quo triclinio cenaturi simus?* Permittunt. Ille altâ voce, *Abi, dic in Apollinis cenaturum.* Mox sequuntur: omnia lauta, splendida, regia, cum stupore duorum conuiuiarum. Sed causam nesciebant scilicet, & totam vim habuerat ad apparatus, vnum illud Apollinis verbum. Nam homo ita disposuerat, vt cænacula suis nominibus distincta essent, & in quo quætales cibi, & impendia. Eminebat autem illud Apollinis: atque ita cum Dispensator aut Coquus audissent id nomen, sciebant statim quid, & quantum, opus esset. Summa enim taxata huic cænaculo, ait Plutarchus, *quingenta milliū drachmarum* erat: quæ sunt *quinque millia* Philippæorum. Quid plura ego adferam? vnum hoc Senecæ, ad æui sui mores aptum: *Quid est sumptuosâ cenâ flagitiosius, & EQVESTREM CENSVM absumente? & tricies tamen HS. adiciales cænæ frugalissimis viris constiterunt.* Hic vnus ictus, Lipsi, te conficit: vulgò census equestres insumpti: & ab ipsis frugalissimis viris, *tricies HS.* Quantum hoc postremum est? colligit septuagintaquinque millia Philippæorum. O frugalitas in vno conuiuio ADMIRANDA! & quis Principum hodie vel in nuptiali pænè epulo tantum prodigit? Silebam Lipsi, & stupebam: nisi quòd de Vestè etiam aliquid sit addendum. Sumam à Censore nostro Senecâ: *Quidquid est boni moris, exstinguimus leuitate &* Lib. vii. Nat. Quest.



politurâ corporum. Muliebres mundicias antecessimus, colores meretricios, matronis quidem non induendos, viri sumimus. Tenero & molli ingressu suspendimus gradum: non ambulamus, sed incedimus. Exornamus anulis digitos, in omni articulo gemma disponitur. Ista de viris: quid de iuuenibus? Pater illius Senecæ: Torpent ecce ingenia desidiose iuventutis, nec in ullius rei honestæ labore vigilatur. Cantandi saltandique obscæna studia effeminatos tenent: & capillum frangere, & ad muliebres blanditias vocem extenuare, mollitiæ corporis certare cum feminis, & immundissimis se excolere mundiciis, nostrorâ adolescentium specimen est. Quis aequalium vestrorum, quid dicam satis ingeniosus, satis studiosus, imò quis satis vir est? Emolliti eneruesque, quod nati sunt, inuiti manent, expugnatores aliena pudicitia, negligentes suæ. Dei fidem! luculenter vtramque ætatem, ab utroque scriptore, laudatam! Fortasse de feminis addam, quas fecimus cum veniâ peccare, ubi viri gradum struunt? Tamen quid Propertius?

*Matrona incedit census induta nepotum.*

Seneca iterum: Video uniones non singulos singulis auribus comparatos: iunguntur inter se, & in super alij bini superponuntur. Non satis muliebris insania viros subiecerat, nisi BINA AC TERNA PATRIMONIA auribus singulis pependissent. Ille de auribus queritur: alius de toto corpore. ut Manilius:

*Perque caput ducti lapides, per colla, manusque,  
Et pedibus niueis fulserunt aurea vincla.*

Pedibus etiam aurum, ut ait, sed & gemmæ: ac Plinius scribit, non crepidarum tantum obstragulis, sed & totis socculis addi. Neque enim (inquit) gestare iam margaritas, nisi calcent, ac per uniones etiam ambulent, satis est. Addit pro fastigio insaniæ, Visam à se Lolliam Paullinam, ne serio quidem ac sollenni carimoniarum aliquo apparatu, sed mediocrium etiam sponsalium cenâ, smaragdis margaritisque opertam, alterno textu fulgentibus, toto capite, crinibus, spiris, auribus, collo, manibus, digitisque, quæ summam quadringentes Hs. colligebant, ipsâ confestim paratâ mancipationum tabulis probare. O monstra! ô aruspice, non te vindice Lipsi, digna! Vna mulier, in vno cultu decies centenaria millia Philippicûm habeat? habuit: & pauca hæc satis ad Vestem & cultum. Nam cingi te iam aut suspicor, aut vereor: neque fortasse deceat nos iuvenes non dicam tam liberè, sed

tam.



tam liberaliter, nec in vos, sed apud vos loqui. At tu si peccavi, puni: quomodo? contemptu & silentio, quæ poena maxima mihi erit.

## CAPVT VIII.

*Excusati Romani à prioribus: & primùm in Raptu vel Sati-  
etia, obiter.*

**N**EVTRVM ego faciam, ò mi Auditor. Contemnam vel te, vel tuum hoc discendi studium: nam ita oppositionem hanc interpretor. Vel silcam etiam? quod non aliud sit, quàm causam non solùm perdere, sed prodere: quod esse non potest, nisi aut improbi, aut diffidentis. Atqui non est magnum hoc opus, ne erra: quæ tu coaceruasti, vnus alteriusque manus impulsu deruam, nec machinâ aut ariete alio adhibito cadent infirmi isti muri. Triplex accusatio à te structa, in Probitatem, in Abstinenciam, in Continentiam: & videamus. Fraudulenti quidam aut perfidi fuere; rapaces quidam aut crudeles; luxuriosi in cibis aliqui aut veste: sed quidam, sed aliqui: & hæc prima responsio sit, & scutum pro me firmum. Quid pungis aut inuadis gentem totam, ob pauculos à te, tot sæculis, alios vitiososque nominatos? Fuisse non miror: nec id prodigium aut monstrum, vt tu aliquoties dixisti, imò esset, si non fuissent. An tu in hac fæce nostri hominum, puram meramque virtutem aliquam vis? soles nobis imperiorum lucere, sine nube, aut tonitru, aut procellâ? nec fuere ista, nec erunt: & Deus in superis illis locis & liquido æthere, serenum hoc habet, & seruat; cetera omnia inferiora, miscentur, & turbant. Galbam aut Lucillum aliquem in Hispaniâ nominas, Hortensium, aut Pleminium alibi: quid ista sunt, in tot millenis Præsidibus, qui boni & innoxij fuerunt? Vt si guttas aliquot aceti in magnū vas aquæ mellis iaciam, non ipsum corrumpam, sed gratiam fortasse magis ab acore aliquo addam: sic in magnis istis imperiis, magis sentitur bonorum bonitas, si pauci interueniant, acidi aut amari. Vis tibi Taciti mei verbis hoc dicam? Cerialis apud eum rebelles Gallos sic mitigat & componit: *Quomodo sterilitatē aut nimios imbres, & cetera natura mala, sic luxum, vel auaritiam dominantium, tolerate.*



*tolerate. VITIA ERVNT DONEC HOMINES: sed neque hæc continua, & meliorum interuentu pensantur.* Hæ sunt non Cerialis, aut Taciti, sed Sapientiæ voces: tu, & alij isti queruli, audite. Atque hæc si locum in exiguo aliquo nec diti imperio habeant (cotidie enim occurrunt:) quidni magis in illo amplo, diffuso, opulento? Magna peccandi materies & illecebra erat, & quod procul ab vrbe dominâ & Senatu agerent, & vbi vix cerni vel nosci vitia sua posse arbitrabantur. Et tamen (quæ altera responsio) aduersa sæpe fuere, atque etiam animaduersa. Hoc excuset Senatum & imperij præsides, quod legibus pœnas dederunt, quicunque conuicti sunt leges alibi violasse. Nõne id in Galbâ, Hortensio, Pleminio, Verre, & talibus? Nec Romanis igitur vniuersis fraudi aut culpæ sit, peccasse aliquos, sed impunè & liberè peccasse. Paullum Æmilium mihi etiam attulisti, magnum virum, fateor, & vno illo vel colore culpæ, nõ enim culpâ, indignum. Cur tamen cum inuidiosè rem totam narras, hoc callidè files, Senatum ei iussisse? Ex præscripto id fecit: & qualemque est, non iam ipse, sed Senatus potius accusetur. Cur tamen vel iste? audi & disce. Epirotæ illi omnes firmiter pro Perse steterant, Romanos oppugnaverant: quæ iniuria est, si hostes hostium pœnas luant? At nimias, inquires. Nollem factum, si me consulis, & clementia placeat: sed ad coërcendas rebelliones aut defectiones, talia quædam à modestissimis Regibus aut Rebus publicis facta, possim docere. Addis sollennem sæuitiam Romanorum, vt putas, in expugnatione opidorum: homines occidi, canes dissecari, animantes truncari. Miseranda sunt, non nego: nec tamen, vt tu censes, referenda inter mea ADMIRANDA. Quid dissimulas? non herè & hodie hæc fiunt in puberes & viros omnes, vbi vis vltima expectata? Et caussa aliqua huic rei est, *Terror*, quod Polybius dixit: & non facile aliqui manum & finem bellis imponere, nisi hæc interdum, frangendæ pertinaciæ, vsurpentur. At canes etiam dissecti. ô ridiculum te, si in canes non licet, quod in homines! & amo ego quoque hoc genus, sed absit vt supra nostrum genus. Hæc dici & excusari possunt, & verè possunt: non infiteor tamen, sub Sullâ aliquo, Mario, aut Cæsare, & præsertim per ciuilia bella, ius omne & fas neglectum aut calcatum: sed mox attollendum ab Augusto,



gusto, aut si quem bonum Principem Deus dedit. Illo medico opus fuisse fateor Rep. iam tam laxâ & opulentâ: & inter pares, seueritas aut terror esse non poterat ad satis reprimendum. Leges erant: sed *inualidum earum auxilium*, ait Tacitus: *quæ vi, ambitu, postremò pecuniâ turbabantur*. Itaque sub Principe status iam melior, maximè quod ad Prouincias attinet: nec eæ auaritiam aut rapinas Præsidum sic impunè sentiebant.

## CAP. IX.

*Factum idem in Luxu mensarum, aut vestium.*

**S**ATIS, quod ad priora duo attinet, excusauit: venio ad *Continentiam* asserendam, in quâ conuellendâ valdè te iactasti. Argumenta in eam præcipua duo erant, Leges Sumptuariæ ab antiquo latae; & Exempla aliquot luxus. Quod ad Leges, vide quàm ego à te abeam: aio & adfirmo, non firmitus pro frugalitate argumentum esse. Nam quod eæ cõercent aut emendant, quale est? ex emendatione apparet, quam videamus. *Fannia* ecce lex, sub bellum Punicum tertium lata fuit, in hanc sententiam: *permitti diebus festis centenos æris, ceteris, denos*. O verè ADMIRANDA æui continentia, cui satis esse potuit finitio iam dicta! Nam attendisti hoc mi Auditor? *centeni* illi æris, decem drachmas nobis reddunt, *deni*, vnâ. O nuptias, repotia, natales, apparatu celebri, quibus Philippæus vnus sufficeret in potum, in cibum! Quis de viâ aut ponte mendicus pænè, non plus hodie absumpserit? Atqui Respublica tunc satis opulenta & florens erat: & maximè autem sub Sullâ. Tunc & Græcanicæ, & Asiaticæ deliciæ cognitæ: videamus igitur, & laxè lauteq; iam epulemur. Ita opinor. nam ecce tulit Sulla, vt *feriis sollēnibus triginta sestertios* liceret insumere, *ceteris diebus, ternos*. Hem, hem, hem quid istud est: ita te regredimur, & recidimus? ego autem iure progredi, & accedere aliquid debere censebam. *Triginta* Hs. sunt, meo calculo, *septem* drachmæ & semis, id est, nondum Philippius: *terni* autem, nec drachma. AVD. Ego hæc non credo Lipsi, nec fero: ridenda & explodenda sunt. Tales leges, tam arctas, ferat ille, qui sic copiosè vixit? LIPS. Rem habes, & verba ipsa Lib. I. I.  
cap. XIII. apud Agellium: tu vide. AVD. Corrigenda sunt: & Hs. *trecenos* legendum,



legendum, non *tricenos*. LIPS. O bonum promptumque Criticum! sagacitas magna est, viceris vel Luceium. Sed desine, desine homo: & manum tuam coërceat lex Licinia quæ præiuit, in quâ non nisi *triginta asses* (tres denarij) *permisi diebus festis*. Laxauit igitur & auxit Sulla. Sed quid hîc sistimus? Augustus ille, qui Romam opibus & gazâ Ægyptiâ repleuit, & sub quo illa in ipso flore, Cibariam legem hanc tulit: *quâ profestis diebus ducenti sestertij; Kalendis, Idibus, & alijs quibusdam festiuis, trecenti; nuptiis autem & repotiis, milleni finiuntur*. Sunt quinque Philippæi, profestis, festis, *septem cum dimidio*, nuptiis, *viginti quinque*. Quid tu, cum hæc legis, non cogitas, tot illos illustres Equites & Senatores, & censum eorum vel Principum opibus hodie comparandum? Atqui quàm coërceantur, vides: & ego tibi hodie adfirmo, rarò sollennius paullò conuiuium dari, quod nuptialem illam summam non excedat. En, abi nunc, & luxum obiice: quem totum satis reieci argumento ipso tuo legum. quia (vt veterum aliquis ait) *indiciu[m] sobrii seculi est, vbi tali præscripto legum, coërcetur expensa canarum*. Atquin Apicios, Lucullos, Caligulas, aut Vitellios adduxisti. Quid ad me? cum Rempubicam laudau, plurimos in eâ laudau, nec adspicere debui, siquæ in tanto & tam vberi agro malæ alibi & nocentes herbæ. Non obstant, quo minùs hæc seges bona & laudabilis sit: nec tales certè mihi dabis ante labentem Remp. id est Sullanum æuum. AVD. Imò dedi Lipsi. nōne Cato de pisce exclamauit supra bouem? nōne *frugalissimis etiam viris*, vt Seneca dixit, cænæ *tricies* constiterunt? Hæc purganda sunt, si potes: aut labitur tuum illud legibus solis nixum. LIPS. Vah, quomodo potero? quò me vertam? Bos ille Catonis occurrat: & planè, ex Græcorum verbo veteri, *Bouem nunc habeo in linguâ*. Sed audi quod verum est, nec nimium in boue te iactes. Bos & alia, minimi tunc pretij, nec credo equidem vèniisse vltra *quaternas aut quinas* drachmas. AVD. Totum bouem? LIPS. Totum. AVD. Quaternas? LIPS. Ipsas. AVD. Si hoc doces, tum ego dixerim vel me bouem esse. LIPS. Quid si amplius doceo, & ad Drachmam vnâ te duco? AVD. Habebo hoc caput & culmen inter omnia hodie, heri, & nudius tertius, quartusque, ADMIRANDA. LIPS. Da te mihi, discas, & credes. Plinius



ita scribit. nam ipsa verba recitanda sunt: *M. Varro auctor est, cum L. Metellus in triumpho plurimos duxit elephantos, ASSIBVS SINGVLIS farris modios fuisse, item vini congios, ficique siccae pondo triginta, olei pondo decem, CARNIS pondo duodecim.* Hoc ille bono auctore, & omnis antiquitatis indagatore, Varrone protulit: & obseruasti? AVD. Nihil respondeo, stupeo: & tamen nihil etiam de boue. LIPS. Vel maximè, sed non attendisti. Nam ait, *Carnis pondo duodecim, singulis assibus vanisse:* & fac igitur bouem pependisse quadringentas aut quingentas libras: quid erunt nisi *quaternae* aut circiter drachmæ? Sed illa nimis vetera sunt, inquires. Nec id quidem, sed bello \* *Punico primo* euenerunt: haud longè à Catonis æuo. Et demus postea aliquid mutasse, paullatim tamen nec enormiter: & hoc Polybius nobis dicet. Ille, ipso Catonis æuo, scribit de fertilitate & copiâ Galliae Cisalpinæ: *suis etiam saepe temporibus, medimnum frumenti Siculum, quattuor obolis vanisse, hordei, duobus, metretam autem vini, tantidem quanti hordeum.* Ista magis mira ADMIRANDA sunt, medimnum Siculum (sex modios continet) non nisi duabus Drachmæ partibus vanisse; metretam vini (\* duodecim congij sunt, si Atticam, quod opinor, intellegit) tertiâ parte. Addit etiam facetum corollarium, *Viatores in iis locis, nihil cum diuersitore aut hospite pacisci, sed benè & lautè habitum, abeuntem soluere dimidiatum Assen.* O si nobis peregrinari ita fas! tota iuuentus dilabatur, & abeat in beatas illas oras. Sed ego tibi promissum meum plenè soluam, & bouem reducam ad Drachmam. Factum bello Mithridatico, cum Lucullus prædas è Ponto egit, sic abundanter, ut *mancipium quattuor drachmis venale esset; bos, vna, capra, oues, vestes, alia, pari vilitate.* In Appiani Mithridatico hoc leges. Quid tu iam? AVD. Sileo, & bos à tuâ linguâ transit in meam. LIPS. Imò tu, ut volebas, in bouem. Nec tamen, ut seriò loquamur, sentio vel assero, tam grandem vilitatem hanc semper fuisse: sed analogiâ talem, & quam leges illæ Sumptuariæ satis ostendunt. Absque eâ enim, quid nisi irrisio & illusio eæ sint? facit huc, quod de Pomponio Attico, insigni viro & prædiuite, ac digno cui Agrippa gener esset, & progener Tiberius Princeps, Cornelius Nepos in vitâ eius scribit. *Cum, inquit, in primis lautus esset eques Romanus, & non parû liberaliter in*

Lib. xviii.  
cap. 111.

\* Anno V.  
bis D 11.

Lib. 11.

\* Libra mē.  
surales 120.



domum suam omnium ordinum homines inuitaret, scimus non amplius quàm terna millia æris, per æquè in singulos menses, ex ephemeride, eum expensum sumptui ferre solitum: atque hoc non auditum, sed cognitum prædicamus. Hæc notanda profectò. Atticus inter planè diuites erat, inquit, idem inter liberales, & domus eius ac mensa cortidie omnibus patebant, etiam è Senatu: & tamen non plus in mensem, quàm tria millia æris absumpsit. Sunt triginta Philippici: ergo in diem, Philippicus vnus. Hæc in florentissimâ re Romanâ facta: & Martialis æuo non dissimilis etiam vilitas, sed, vt opinor, in anni aliquâ vbertate:

*Amphora vigessis, modius datur ære quaterno:*

*Ebrius & crudus nil habet agricola.*

Obserua. amphora XLVIII. sextarios continet, siue congios octo: itaque congius hac ratione sit duorum assium & semis, non longè nimis à Varronianâ vilitate. Et simile in Modio. Sed iam ad tuum illud, ne subterfugere videar, de Frugalissimis viris, qui Tricies absumpsere. Sed heus tu, fatin' plenè & ex fide Senecæ verba attulisti? Ego faciam, & pluscula recitanda sunt, vt de sententiâ constet. Ait, cōtra luxuriam differens: *Non in facto laus est, sed in eo, quemadmodum fiat. Quid est cenâ sumptuosâ flagitiosus, & equestrem censum cōsumente? Quid tam dignū censoriâ notâ, si quis, vt isti ganeones loquūtur, sibi hæc & genio suo præstet? & tricies tamen HS. adiciales cenæ frugalissimis viris constiterunt. Eadem res si gule datur, turpis est, sin honori, reprehensionē effugit.* Mens huius viri, non in re peccatum sæpe esse, sed in causâ & fine. Tu epulum sumptuosum das, sed gulæ aut vanitatis causâ: alius dat, sed legis & moris causâ: ille peccat, hic minimè, quia nō cupidini, sed consuetudini est obsecutus. Sicut, inquit, in *Adicialibus epulis*, viri etiam frugales multū impenderunt, sed quia debebant. Totum in eo, vt sciamus seriò, quæ sint istæ *Adiciales*: ego nullas arbitror (pace eorum, qui aliter) & *Aditiales* omnino scribo. Intellego eas, quæ in *aditu* honoris, & auspiciis quasi primis, etiam nunc dari solent: sed olim maximè Sacerdotiorum. Inde *Pontificiæ, Saliaræ, Augurales, Diales* cenæ prouerbiis celebratæ: & Seneca hîc apertè de *Aditialibus* scripsit, *honori eas dari*. Talis illa apud Macrobiū, ex Indice Metelli Pontificis transcripta: *Ante diem IX. Kal. Septembres, quo die Lentulus FLAMEN INAVGV RATVS est.*

*Data*



Data igitur in ipsâ inauguratione & aditu, vt dixi: & qui Ini sic *Aditiales*, vt *Initiales*? Tranquilli nostri simile, in Claudio: *Sesterium* \* octogies PRO INTROITV noui sacerdotij coactus impendere: \* 100000 Phil.  
 etsi Dio videtur hoc aliò ducere, & in summâ mutat. Sed tu ne aliò igitur traxeris ea Senecæ, nec à sollennibus sacrisque epulis, ad communem sæculi luxum. Sed addidisti etiam in fine de Vestibus, & viros feminasque lasciuiisse. De his, non nimis nego, nec excuso: concessu omnium peccet in nugis ille sexus, ad seria non aptus. Sed viri, parum aut nihil in veteri Republicâ: sub Principibus cœpere, nec Principibus ipsis inuitis. Frangi aut mitigari altos & generosos animos, vestium, conuiuiorum, ludorum, deliciis aut remissionibus, haud abs re eorum est: nec Augustus & sagaciores illi ignorarunt. Itaque Tacitus scripsit, *Luxus mensæ, à fine Actiaci belli, vsque ad arma, quæ Ser. Galba rem Romanam adeptus est, per annos centum, profusis sumptibus exercitos fuisse.* Sed antea negamus: & cum Liuius totum hoc de Virtute claudimus, *Nulla unquam Respublica nec maior, nec SANCTIOR, nec BONIS EXEMPLIS ditior fuit: nec in quam tam SERAE Auaritia Luxuriaque immigrauerint, nec vbi tantus, ac TAM-DIV Paupertati ac Parcimonie honos fuerit.* III. Ann.

## CAPVT X.

*Doctrina studia Romæ, & Salaria in Doctores.*

**A**B SOLVI igitur de Virtute, nisi placet ornamentum vel adiuumentum eius me adtexere *Doctrinam*. Nam & ea Romæ viguit, atque adeò à conditâ ipsâ vrbe, vel potius ante eam, si Dionysio & Plutarcho credam, *Romulum & Remum litteris & omni liberali doctrinâ institutos Gabius fuisse.* Cur verò non credam? opera & facta non abnegant expolitum Romulum fuisse, & sequentes item Reges: & multa Græcanica instituta in moribus, verba ipsa in linguâ comparent. Atque adeò erat transfusa ipsa Græcia in magnam Italiæ partem, cui & nomen reliquit. Exoleuisse tamen hæc paullatim, fateri debemus, & vsque ad bellum Punicum secundum, raras Romæ vel elegantias, vel litteras fuisse: Mars & horrida virtus omnia obtinebant. Postea intrata & capta ipsa Græcia, victores iterum ce-



pit, & feliciter artes suas intulit & diffudit. Magno gradu tunc itum ad variam doctrinam, sed primò ad eloquentiam maximè: vt quæ coniuncta cum rebus gerendis, & aptissima gubernantibus esset. Mox & Historia successit, & Philosophia, & quidquid ad animos moresque colendos, aut honestè oblectandos, facere videretur. O hanc quoque curam laudabilem! & maximè, quia cum modo & temperie fuit: quod nec omnes passim se darent, nec nimis etiam darent. Non omnes, sed primores ferè & ij qui vel erant in Republicâ, vel ad eam se præparabant. E triplici illo ordine, Plebs ad militiam adspirabat, neque erat harum rerum, Senatus & Equites, præter illam, animi cultum adsumebant, & mente non manu solùm conspici volebant. Modum etiam plerique seruabant, nec vt mancipia quædam litterarum essent, sed vt quatenus opus, haurirent, & ad rem atque vsum transferrent. Talis Scipio ille posterior, talis Cornelius Sulla, Pompeius, Lucullus, Cæsar, alij vno verbo, quicumque in Rep. eminentes postea fuerunt. Quod Thucy-

Lib. 11.

dides Athenienses suos profiteri facit: φιλοκαλοῦμεν τε μετ' ὀψιλείας, καὶ φιλοσοφοῦμεν ἀντὶ μαλακίας: *Elegantes sumus, sed cum parcimoniâ; philosophamur, sed sine mollitie*: id, inquam, conuenientissimè Romani veteres sibi vindicarint. Itaque studium hoc Doctrinæ publicè viguit, & doctores paullatim, in priuatis primò Principum ædibus, mox & in publico, ac stipendiis publicis, audit, conducti, & præmiis variè affecti. Quis nescit C. Cæsarem

Sueton.

*omnes liberalium artium Doctores, qui Romæ essent, ciuitate donasse? Qui summus extero honos, & nullâ pecuniâ æstimandus. Et si nec hæc defuit, primò quasi è priuatis loculis data: mox è fisco annuatim appensa. Primus id Vespasianus firmiter instituit: qui Latinis Græcisque Rhetoribus annua centena constituit. Ea reddunt bis mille quingentos Philippæos: vbi hodie vel eximiis doctoribus largiēdos? Atqui & medicis quingena Hs. mercedem annuam fuisse Plinius docuit: quæ sunt duodecim millia & quingenti Philippæi: cur non igitur admittam vel sexcenta excellenti alicui honorarium fuisse? Imò fuerunt Eumenio Rhetori, & doctori in scholis Augustoduni: quem Constantius princeps sub Augustis Diocletiano ac Maximiano, salarium in sexcentis millibus nummum accipere iussit. Ita ipse semel iterumque profitetur in*

Sueton.

*Oratio-*



Oratione, quæ exstat: nec *sexagena* rescribi mihi aliquis persua-  
debit. Scilicet alienum nimis à *MAGNITVDINE ROMANA*  
est, *quindecim millia* Philippæorum, singulari doctore, & qui Ma-  
gister Palatij fuisset, dari? nihil est: & credent mecum, qui ve-  
teres opes & animos satis sciunt.

## CAP. XI.

*Diuturnitas Romani imperij, & in occasione de patriâ  
Constantini.*

**S**ED peregissem cursum meum sermonis videor, & vela col-  
ligo, & nauigo in portum. Vidisti quàm magnum hoc  
imperium à *Finibus, Copiis, Opibus, Operibus, Virtutibus Virisque*  
fuerit: & potuissem à *Tempore* addere, ac diuturno statu. Nam  
quod alibi imperium, modicè magnum, tam diu perseuerauit?  
Atque istud maximum, tot sæcula stetit: & reliquæ eius cum  
nomine, etiam nunc in Germaniâ & *AVSTRIACA* domo felici-  
ter ecce viuunt. Itaque Plutarchi verba liceat vsurpare: *Cum*  
*Fortuna alata sit ac vaga, & modò Assyrios, Medos, Persas, Macedo-*  
*nas, Carthaginienses lustrauerit, eosdè que reliquerit: videtur ad Ti-*  
*berim alas posuisse, volubilem globum reliquisse, & urbem quasi per-*  
*petim inhabitatura intrasse.* Quid Homeri iam olim vaticinium,  
quàm mirabile est?

*Nunc δὲ δὴ αἰεταὶ βίη τῶν αἰγῶν ἀνέξει,  
καὶ πᾶσι τοῖσι μετ' αὐτῆς γένωνται.*

*Iliad. γ.*

*Nunc autem Troiana Æneas sceptrum tenebit,  
Et nati natorum, & qui nascuntur ab illis.*

Ille verò tenuit, & nati eius; inter quos Romulus primus Re-  
gum, ex eo sanguine; & ô occultam decreti vim! primus Impe-  
ratorum, Cæsar. Etsi autem mutatio aliqua status interuenit,  
tamen imperium mansit: primò sub Regibus, tum Cōsulibus,  
tum Principibus: & sub istis, scissum diuulsumque, & caput al-  
terum in Thraciam aut Græciam translatum. Constantinus  
id fecit, quod non ignoras: & causam dedit ruinæ aut incli-  
nationi deinde rerum. *AVD.* Oro te mi doctor, benignè & ho-  
nestè de hoc viro loquamur, & qui ut sidus illustrauit vicinam  
nostram terram. *LIP S.* Ego verò loquor in omni aliâ re:  
& præ-



& præsertim quæ sacra & pietatem tangit. Quis nescit illum, Deo duce, depulisse tenebras, quæ orbem terræ densâ superstitionum nube obsidebant? Ille dissipauit, lucem intulit, templa nobis & Christo aperuit, vanis cultoribus & diis clausit. Magnus igitur laudatusque vir; sed quid tamen ea lux propriè ad vicinam nostram terram, vt dicebas? AVD. Nam quis nescit in Britannia ortum hunc esse, & gloriam etiam redundare ad natalem terram? LIPS. Ego verò nescio, & ambigo, & propior sum vt negem. AVD. Tunc, contra eruditissimis viris nuper asserta? & clarum hunc etiam Panegyrici scriptoris locum? Nam ille apud ipsum Constantinum hæc profert: *Pater tuus liberavit Britannias seruitute, tu etiam nobiles ILLIC ORIENDO fecisti*. Quod os tuum erit, contra verba tam expressa, euntis? Nisi hoc dices, xui eius oratorem nescisse Principis sui patriam, & in re tam nobili, ignauè & fœdè apud ipsum errasse. LIPS. Hoc non dicam, & os non abdicabo, imò nec perfricabo quidem. Fides apud me esto Panegyristæ: sed quid dicit igitur? *Ortum illic Constantinum*: at non in tuam sententiam fortasse, sed meam dicit. Ea est, non ipsum ibi, sed imperium eius ortum: non Constantinum, sed Principem. Verè tibi dicò, (siste, nec resiliās) hæc eius mens est: *Tu nobiles fecisti Britannias, quòd illic ortus factusque es Imperator*. Prima imperij tui lux illic, & illinc, fulsit. Nec dissimile nimis in verbo, quod paulloante idem Orator dixit, *Constantinæ oriens Imperator*. AVD. Percussisti me nouâ interpretatione: sed quid tu tamen contra communem omnium assensum? LIPS. Nego, communem: imò nemo veterum hoc scripsit. Mediæ aut nouellæ ætatis hæc assertio est, nec nisi ab illo imperij ortu orta. Quid? nōne Nicephorus, Ecclesiasticæ historiæ scriptor, de Bithyniâ palàm affirmat? *Nam patrem eius Constantium, cū ad Persas legatus iret, Drepanum Bithyniæ venisse, diuertisse, Helenam hospitis sui filiam nouisse, Constantinum hunc genuisse*. Cur autem ille hoc tam constanter, tam nihil ambigens, aut de varietate inserens, si varietum tamen fuit? Atque ego arbitror, verissima Nicephorum tradidisse. Quo teste? quem nemo respuat, veteri, & ab ipso Constantini æuo. Is est Iulius Firmicus, qui Matheſeon libros

Lib. vii.  
Eccl. Hist.  
cap. xvi. 11.



libros scripsit: & in eorum primo, hæc verba. *Dominus & Augustus noster ac TOTIVS orbis Imperator, Pius, Felix, ac Prouidus Princeps CONSTANTINVS scilicet MAXIMVS, DIVI CONSTANTII Filius, augustæ ac venerandæ memoriæ Principis. qui ad liberandum orbem à TYRANNICIS immoderationibus, & ad comprimenda domestica mala, fauore propitiæ maiestatis electus est. APVD THARSVM GENITVS, à primo ætatis gradu gubernacula imperij retinens, quæ prosperis nactus fuerat auspiciis, ROMANVM ORBEM salubri gubernationis moderamine sustentat.* Ea de Constantino nostro accipienda esse, primùm doceo, tum de re meâ addo. Aliquis enim dixerit *Constantinum eius filium* capiendum, quoniam in libris vulgatis legitur, *Diui Constantini filius*: sed perfectò id improbum est, & *Constantij*, vt recitavi, legendum. Multa docent clarè. primùm quòd ait, *Totius orbis Imperatorem* fuisse. atqui Constantinus ille, inter tres Constantini Magni filios, sorte duntaxat Gallias, Hispanias, Britanniasque habuit. Item, quòd *Maximum* agnominat: quòd, *Tyrannos* ab eo extinctos; & quòd *Romanum orbem* salubriter facit gubernantem. Atqui partem modò, vt dixi: nec eam ipsam diutenuit, intra triennium occisus. Quid, quòd disertè mox idem Firmicus, *Constantinum Maximum Principem, & eius INVICTISSIMOS LIBEROS, Dominos & CAESARES* appellat? Certè non habuit tales minor ille Constantinus, & palàm ad nostrum hunc spectant. Ista præmissi, si quis (vt sunt mores, aut ingenia) refragari vel calumniari vellet: nunc ad rem aptemus. Ait igitur, *Constantinum illum suum Principem apud Tharsum genitum.* Quæ illa est? an nobilis in Ciliciâ? non est, sed in Bithyniâ ego eam inueni. Nam Stephanus de Urbibus, Nicetas, Porphyrogennêta, *Tarsum* hanc (ita scribunt, sine adspirante litterâ) in Bithyniâ signatè ponunt, iuxta Nicomediam ipsam. Ego verò aio & infero eandem cum *Drepano* esse, quod Nicephorus nominauit. Quo argumento? quòd apud Nicomediam sinus & curuatura maris est, quæ loca talia communi nomine *Drepana* Græci, quasi *Falces*, à similitudine, vocabant. Inde passim *Drepani* hoc nomen in maritimis, & Ortelium nostrum vide. At proprium eius loci opidiq; nomen, & magis restrictum, *Tarsus* fuit. Mea hæc coniecta-



coniectatio est: nec moueor, si posteri, aut Britanni scriptores, aliter de totâ retradiderunt. Multo minùs Georgio Cedreno aurem præbeo, scribenti natum Constantinum *ὡς τὸν τῆς Δακίας πόλιν*, circa urbem Dacie. Corrupta, aut falsa sunt: & quoties vanitatum manifestus ille auctor? Pro nobis etiam validè facit, quòd ipsum istud Drepanum, *Helenopolis* appellatum postea, in honorem matris; & Pontus vicinus Polemoniachus, item *Helenopontus*: sed & sedes imperij in viciniâ translata, nōne affectum in patriam testatur? Ipsum denique æuum Constantini adiuuat, si consideras natum eum circa annū ∞ XXIII. urbis conditæ: quo tempore quietâ adhuc Britannia, & turbæ pōst motæ, & pater ad eas sedandas missus. Ergo verius antè, & alibi, natum esse. Sed tu, aut alius, vt volent: ego sine fraude censui, & Sermonem meum totum finiui.

## CAP. XII.

*Conclusio, & Laudatio magni Imperij.*

**A**VD. O sermonem æternū mihi vtilem, & iucundum! & clarâ voce fateor, nunc denique admittere & concipere me cogitationes tanto illo imperio dignas. Inter quas tamen & istam: Fueritne vtile gentibus sub tam magno illo esse? an non nimia & aspera ista seruitus, sine vindice & domino quem appellares? **LIPS.** Haud inepta nec importuna quæstio: & scio esse, quæ illud damnare aut certè accusare possint; sed plura ac grauiora, quæ absolvere & alleuare. Inprimis quanti facias, sub magno tali imperio pacem ac quietem gentium vbique fuisse? Nusquam arma, hostis, prædo; arabant, serebant, metebant, conuiuia, coniugia inibant, liberos gignebant, educabant: omnia securè, & nec auribus quidem levis rumore belli. Nam si quod tale erat; cum barbaris nempe & longinquis, & quod velut ludicrum aut fabellam, tuti limitibus & præsidiis suis, audirent. Pulchrè Aristides: *Bella verò vix unquam nunc creduntur exstitisse, ac pro commentis habentur à plerisque. Quòd si alicubi ad limites conflictus fuerit, (vt in magno & immenso imperio facile fit, ob Getarum insaniam, vel Afrorum miseriam, vel rubri maris accolarum infelicitatem, qui commodis bonisque suis nesciunt*



runt vti) mox ista, tamquam fabule, cum omni memoria euanuerunt. Tanta pax apud vos viget, ô Romani, et si militiam bellumque habetis inter patria instituta. Atque iterum idem (quomodo enim melius certiusque vetera repræsentem, quam veteris scriptoris verbis?) idem in eam laudem: *Uniuersus orbis sub vobis, tamquam festum dum agnans, quos olim gerere solebat gladios deposuit, ad conuiuia autem & reliquam omnem letitiam liberè se conuertit. Et alie quidem contentiones aut certamina vrbes reliquerunt, vnum omnes habet, vt earum quæque pulcherrima & iucundissimo aspectu appareat. Itaque omnia plena gymnasiis, fontibus siue aquaductibus, porticibus, templis, tabernis, scholis: vt aliquis verè dixerit inclinantem & labantem mundum, restitutum à vobis esse. Nec vrbes solum splendore & decore lucent, sed tota adeò terra, instar horti aut paradisi, conspicitur exulta. Vt miseratione planè digni videantur, si qui imperio vestro non subiacent (qui pauci tamen sunt:) vt qui tantis bonis careant. Hæc verè & floridè dicuntur, & capiunt me recitantem: etsi non minùs vno ictu penetrat Cornelij nostri breuiloquium: Quippe immota, aut modicè lacescita pax: quod ille de Principum æuo scripsit. Iam verò alterum bonum, quanti est, Communicatio inter se hominum & rerum, viis vndique liberis commerciisque? In animo tuo cogita, si tutò nunc Byzantium, Persarum aut Sinarum regionem videre liceret: quàm tu ipse fortasse atque alij libenter & auidè iretis? per tot terras & maria oculos pedesque ferretis? A V D. Affectum meum tangis. capior vnice peregrinatiunculis, & animum innouat ac vires nouitatum ille aspectus. L I P S. Optimus quisque in hac cupidine: & alti æthereique animi, vt ipse æther, gaudent motu. Sed sub tali igitur imperio, quàm id licuit? tutius quàm Belgis nobis hodie, non dicam ab vrbe ad vrbe, sed pænè per vrbe, aut circa eam ire. Visere illuc licebat magna aut nobilia illa opida, clara & inclyta ingenia; Athenas, Alexandriam, Rhodum; disertos aut sapiètes ibi viros; denique ad alia terrarum se conferre, discipline aut animi causâ. At mercatores, & quibus aliarum opum cupiditas, ij per maria omnia nauigabant, ij per terras circuibant: vnicos prædones aut piratas placantes, siue metuentes, Publicanos. Sed vno & certo pretio placantes, nec eo graui sub Principe aliquo moderato & æquo. Itaque res*



Lib. II.  
cap. V.

Lib. XXVII.  
cap. I.

longinquæ aduchebantur, ignotæ antea ostendebantur: & totus orbis eâ communione, quasi vna ciuitas, fiebat. Quid dicam artes barbaris traditas aut inuectas? quid elegantiam, litteras, & cultum animorum? Cùm etiam omnes linguis diuisi, vnâ Romanâ iungerentur, atque ea cum imperio quaquauerſum se propagaret. Plinius hæc grauitè & meritò attollit, in Italiâ dilaudandâ: *Numine Deum electa, quæ calum ipsum clarius faceret, sparsa congregaret imperia, ritusque molliret, & tot populorum discordes ferasque linguas sermonis commercio contraheret ad colloquia, & humanitatem homini daret: breuiterque, vna cunctarum gentium in toto orbe patria fieret. Iterumque alibi idem: Videmus, inquit, alia aliundè, vltro citroque, humanæ salutis (nam de herbis & re medicâ illuc loquitur) in toto orbe portari, IMMENSA ROMANÆ PACIS MAIESTATE, NON HOMINES MODO, DIVERSIS IN TERRIS GENTIBVSQVE, verumetiam MONTES & excedentia in nubes iuga, PARTVSQVE eorum & herbas quoque inuicem ostentante. Nec minùs Strabo: Romani multas gentes antea feras, ob montes aut locorum naturam asperam, aut ob frigus aliâve causſam, sub imperium assumentes; eas ipsas ex diſiunctis & insociabilibus, vnâ commercii iunxerunt, & pro agresti vitâ, civilem agere docuerunt. Sed & Claudianus magnificè:*

*Huius pacificis debemus moribus omnes,  
Quòd veluti patriis regionibus utitur hospes,  
Quòd sedem mutare licet; quòd cernere Thulen,  
Rursus & horrendos quondam penetrare recessus.  
Quòd bibimus passim Rhodanum, potamus Orontem,  
Quòd CUNCTI GENS VNA SVMVS.*

Overba & res pulchræ! & potestne maior esse voluptas, aut commoditas? Omitto gubernationem & leges ferè eadem; pondera, & mensuras, & numos: & plura, quorum bonorum sensus etiam hodie aliquis in Turcarum imperio est, & esset maior, si leges & politia illuc meliores. At nostra Europa misera, quàm iam à multis sæculis expers eorum est? iactatur assiduus bellis aut dissidiis. quare? quia regna aut dynastiæ paruis aut modicis finibus inclusæ, semper in vicinos causſam habent timendi vel sperandi, querendi vel vlciscèdi. Idem & ante Roma-



Romanum imperium erat, quod Plutarchus asseruit : & pulchrâ imagine addidit, *Istud velut ANCHORAM fuisse fluctuanti mundo*. Quid propriè de nostrâ Galliâ triplici Cerialis apud Tacitum? *Regna bellaque per Gallias semper fuere, donec in nostrum ius concederetur*. Fuere mi Auditor, & nunc erunt, donec talis aliquis euentus. AVD. Per ignem sermones tui eunt, & vide ne amburare. LIPS. Ego verò apud te liberè, & vt Philosophi in scholis, de Republicâ dissero : neque sunt ista, neque erunt fortasse, & ( dicet aliquis ) nec debent. Deo euentus permitto : ego arbitror & ad Religionis vnitatem, & ad subditorum omnium vsum, & denique contra communem Turcarum hostem fore, potens & validum caput vnum. Tu DEUS SALVS ET TVTELA RERVVM, da quod expedit, da, si non imperio, saltem fœdere coire ac iungi, da latus & pacatos ad latus & pacata loca tua venire. In quo finio, & te mi Adolefcens, dimitto.





## NOTÆ IN LIB. I.

## CAPVT II.

Pag. 16.  
lin. 8.

*Ποσειδωνος.*] Pro versu fortasse melius, *ἡρώδης* diuissim. Sed hoc leue: illud momentum habet, quod monitus à viro doctissimo sum, totum hoc Carmen videri scriptum, non in ipsam urbem Romam, sed *εἰς πόλιν* (nam Græca ambigua) id est, in *Valeriam* siue *Fortitudinem*, quasi Deam. Acutum est: & argumentum habet, quod Erinna illa celebris vixerit circa Sapphus tempora, id est Tarquinij Prisci, priusquam Roma nostra sic magna & admiranda. Sed mihi tamen seriò inspicienti, carmen in urbem & imperium nostrum scriptum videtur: & plures Erinnas fuisse, quod in textu indicatum volui, indicio est dissensus in eius patriâ, de quo Suidas.

## CAP. V.

Pag. 31.  
lin. 33.

*Sed ubi, ignoro.*] Ego verò firmiter nondum repperi, et si Theodosiæ in Bosphoro, portum fuisse vel centum nauum capacem, Strabo me doceat libro VII. Sed an ibi, an alibi (plures enim portus) si quis eruit, ostender.

## CAP. VI.

Pag. 35.  
lin. 26.

*Sed nec Velleij iudicium valdè probo.*] Cui tamen causam aliquam esse, etiam hodie Hispani experiuntur: sed non illam propriè, quam Velleius suspicatur aut timet. Hoc usus docuerit, longinquas aut externas colonias, si coniugiis & stirpe cum indigenis misceantur, paulatim ipsos aut posteros transire in mores & affectus eius regionis. Cauere hoc malum vis? vnica ratio, à coniugiis, & (si potest) à mixtione arcendi: quod Iudæi olim & nunc seruât. Nec alia magis intima causa est, cur crescat assidue ea gens, & in veteri lege & institutis, aliena à populis, perseueret.

## LIB. II.

## CAP. II.

Pag. 43.  
lin. 26.

*In agros & in corpora eorum.*] Illud ipsum conqueritur & exaggerat Bûndica regina Britannorum, in Dionis Nerone: *ὃς ὅπως καὶ τὰ ἄλλα πάντα καὶ νέμειν καὶ ζωοποιεῖν ἐθέλοις, καὶ τῶν σωμάτων αὐτῶν διαμὸν ἐτήσιον φερόμενοι; Νόννε, præter cetera omnia, & pascitis & aratis Romanis, corporum etiam ANNVM tributum pendentes?*

## CAP. III.

Pag. 50.  
lin. 2.

*Pluscula cogitani aut collegi.*] Imò & quædam edidi, Commentario ad Taciti librum I. Eruditissimus etiam Brissonus videatur, in voce *Capita*, De verborum significatione. Veritas tamen, opinor, est, indicationes fuisse in capita pro modo opum: quod genus hodie Galli *Tailles*, nos *Impositiones* aut *Estimationes* linguâ nostrâ vocamus.

Pag. 51.  
lin. 3.

*Qui diuinandi artem tenet.*] Nec ego inter istos: tamen peragrandogentes



gentes prouinciasque subditas, & ratione colligendo, subdixi non infra trecentos millones hominum fuisse in Romano orbe. Et causas sententiae possim dare.

*Supra centum quinquaginta millones.] Percussit hoc quosdam, qui* Pag. 53.  
nostra aut noua cogitant tantum: sed ratiocinando facile quiuis adstruat lin. 1.  
ex iis quæ dixi, & non etiam dixi. Pro magnis quidem istis vedigalibus, nonne satis fecerit vel Suetonij locus, de Vespasiano? *qui initio statim Principatus professus est, quadringenties millies opus esse, ut Respublica stare possit.* Sunt ipsi (horresco dicere) mille millones nostro ritu: vnde sic subito parandi, si non tales tantique redditus? Sed & nostro æuo, ut desinant isti miriones obloqui, Rex Sinarum accipere in tributo annuo asseritur *centum viginti millones.* Et Sinas aliquis ad totum Romanum orbem comparet?

## C A P. VIII.

*Si verè Plutarchus, viginti millia talentum intulisse.] Verba Plutarchi* Pag. 65.  
non ambigua: *Αναφέρεται δὲ εἰς τὸ δημόσιον ἑμεῖον ἐν νομισματι, καὶ κατὰ* lin. 14.  
*συναῖς ἀργυρεῖς καὶ χρυσῆς, διαμύρια τέσσαρα, πᾶσι τῶν εἰς τοὺς στρατώτας δεδομένων. ὧν ὁ ἑλάχιστον αἶρον, κατὰ λόγον δραχμᾶς εἴληφε χιλίας πεντακοσίας.* Intulit in ærarium publicum in pecuniâ signatâ, itemq; auro & argento facto, viginti millia talentorum, præter ea quæ in milites expendit. Quorum is qui minimum accepit, habuit drachmas mille quingentas. Ergo gregarius quisque miles accepit Philippicos centum quinquaginta. Magna sanè donatio, in liberâ illâ republicâ: sed quam minuit Plinius, vti & summam illati publice argenti, si eum audimus. Valdè, inquam, minuit. nam scribit lib. xxxvii. cap. ii. Cetera triumphus eiusdem (Pompeij de Asia & Mithridate) quàm virilis? Reipublicæ datum mille talentum, Legatis & Quæstoribus, qui oras maris defendissent, HS. bina millia, comilitibus singulis quinquaginta. Sanè hæc nullo modo cōueniunt, neque sana sunt; quamuis audacter id dicam. Primum, de mille talentis illatis in ærarium; nugæ, & minuti gurguliuiculi, ut ille inquit: & in Textu docuimus. Quid iam de Legatis & Quæstoribus? dumtaxat bina millia HS? ea essent, quinquaginta Philippai: atqui gregariis plus datum, non Plutarchus solum, sed Appianus (qui ex eo ferè haurit) ostēdit. Et omnino pro magnis illis exiguum est. quid in milites singulos? ait, quinquaginta HS. ij essent, duodecim denarij & semis. Abiice hæc omnia, & indignū est in Plinio tolerari aut legi. Primo numero legendum sit ex Plutarcho, id est ex vero, Reipublicæ datum vicies mille talentum. Hoc ex coniecturâ: in alijs libri adiuuant, & adaugent. Nam scripti habent: *Quæstoribus, qui oras maris defendissent, datum mille talentum: militibus singulis sena millia sestertiorum.* In quibus mirum est, & iuuat, sic concorditer consentire cum Græcanicâ summâ illud vltimum, de senis millibus HS. Nam ij sunt, ipsæ centum quinquaginta drachma. At prius illud de Quæstoribus, non rectum, nec potest: exorbitat. Scribo, data decem talenta: quæ sunt, sex millia Philippum: & error est ex



est ex notis ortus, denariâ millenariâque : quæ nimis sæpe alternarunt. Examinanti hæc apud Plinium, & cum nostris ac ratione conferenti, vera erunt: aut si quis aliunde firmiora, doceat, innitemur.

## CAP. I X.

Pag. 67.  
lin. 24.

*Et si non ad usum tales.*] Sicut & in torque aureo, quem centum pondo *Dino Augusto Galli dederunt*, ut est in *Quintiliano*. Hæc in speciem tantum: imò plerumque nudo nomine, Pecunia ipsa data.

Pag. 68.  
lin. 1.

*Hoc prætexit rapinas extorsionesq; usurpatas.*] Ita & Plinius igitur in *Traiani laudibus* ponit, non *spoliis prouinciarum*, & *extorto sociis auro*, sed *hostilibus armis*, *captorumq; regum catenis triumphum grauem*. Nec aliud ab hoc coronario auro intellegit.

## L I B. I I I.

## CAP. I I I.

Pag. 113.  
lin. 6.

*Paullatim Italia parè deserta esset.*] Vel *Lucanum* audi:

*At nunc semirutis pendent quod mœnia tectis,  
Rarus & antiquæ habitator in urbibus errat,  
Horrida quod dumis, multosq; inarata per annos  
Hesperia est, desuntq; manus poscentibus aruis.*

Idem *Liuius*: *partem Italiae ergastula à solitudine vindicare*. Sed & *Dionysius* pleraque opida olim frequentia, suo æuo lapsa aut vacua fatetur. Causa profecto ipsa est, quam dixi, quod *Roma* omnia ad se traxit & abduxit. Itaque (confidera) vicina vrbi loca maximè in hac causâ reperiēs, longinqua pleniora.

## CAP. V I I I.

Pag. 139.  
lin. 24.

*Alij solia maluerunt reddere.*] In Græco est *καθίσπας*, ut vides: quod magis est ut *Sellas* reddas. *Sellæ* autem in *Frigidariis* maximè, ex *Sidonio*: *Hinc Frigidaria dilatantur, ita ut ministeriorum sese non impediēte famulatu, tot possint recipere Sellas, quot Solij sigma personas*. Quæ lectio mihi recta est, etsi alij mutant. Nam ita hic *Sigma solij*, ut postea idem, *Solij capaxis hemicyclum*. Quod planè dat intellegi formam *Soliarum*: & fallor, aut in ruinis *Thermarum* hodieque vestigia & *ἱερογραφία* sic apparent. Si tamen aliter, parum est: hoc addo, *Solia*, à Græcis solere reddi *ἐμβαταὶς* vel *ἐμβασεις*: quod in ea lauandi causâ descenderent. Nec aliud initio fuere, quàm lignea quædam vasa siue aluei, nostris quoque moribus noti: quod genus *Augustus* (in *Suetonio*) *Hispanico verbo Duretas* appellabat, atque ipse utebatur. Eiusdem tamen æuo alia reperta, in ipsâ terrâ effossa, & magnificè structa, in quibus fas esset, sedere, stare, natare. Inuentio tributa, nisi fallor, *Mæcenati* à *Dione Cassio*. *ἡρώες*, inquit, *καλυμμένησαν θερμῆ ὕδατος ἐν τῇ πόλει κατεσκευάσται*: *Primus Solium* (siue *Natorium*) *aqua calida in vrbe struxit*. Planè huc pertinet, & notandum est. *Solia* autem hæc *capacia* fuere, ut *Sidonij* verbum erat; & *Martialis* ostendit, plures simul solitos lauari. Quid, quod *Oceani solium* postea, magni



magni maris nomine & quasi imagine dictum? Itaque nullo modo probabile, tot illa *millena Solia* in Thermis vnis fuisse.

## L I B. I I I I.

## C A P. X I.

*Helenam hospitii sui filiam.*] Itaque ipsam istam Helenam *Bithynam* Pag. 200.  
lin. 32. faciunt *Acta Syluestri Papa*, quæ in Symeone Metaphraste habes. At alia Chronica mirè vacillant. vt Godefridi Viterbiensis: *Hanc Helenam*, inquit, *quidam ex patria Treuironum oriundam faciunt, alius de regno Persarum, ubi Constantius ad tributa colligenda transmissus eam legitur contigisse.* Miror de Treuiris, & quod idem nihil de Britannis. Sed nec Beda in Historiâ, cum occasio vel maximè esset, & de patre atque eo scriberet, inclytum Principem asseruit suæ genti. At enim Galfridus Monumetensis, & alij Britannici scriptores, id fecêre. Fateor, sed fidei nec hîc, nec in aliis, satis certî. De *Cælo* regulo fabulantur, cuius filiam Helenam duxerit Constantius, & undecimo post anno mortem obierit, relicto imperio, quem ex eâ genuerat, huic Constantino. Ergo ex hac narratione, decem modò annos natus Constantinus fuerit, aut circiter, cum imperium accepit: at constat ex Eusebio aliisque, supra triginta fuisse. Sed nec Guilielmus Cambdenus ( accuratus scriptor, & qui omnia Britanniae scrinia excussit ) quidquam repperisse prodit de nato ibi Constantino: imò fabulam totam de *Cælo*, & hominem ipsum, explodit. Itaque videndum vnde alij adstruant: nam Panegyrici locus, meâ interpretatione, destruit. quam alius item firmat, ibidem: *Omibus beatiôr terris Britannia, quæ Constantinum Casarem prima vidit.* Vidit prima, sed non genuit.





# INDEX CAPITVM

## LIBRI PRIMI.

- O**CCASIO & ingressio sermonis.  
Cap. i. Pag. 13.  
Communiter Roma & eius Potentia  
laudata, per elogia pauca veterum.  
Cap. ii. 14.  
Fines imperij Romani, quando maximi;  
& Prouinciæ breuiter adnumeratæ.  
Cap. iii. 18.  
De Copiis & præsiidiis sparsim circa li-  
mites, itemque in ipsâ vrbe. Cap. iiii.  
pag. 22.  
De Copiis in mari aut fluminibus; de  
Classicis variis earumque sedibus.  
Cap. v. 28.  
De Coloniis, & modus fructusque de-  
ducendi. Cap. vi. 33.  
Multitudo Romanorum, & ratio adsci-  
scendi gentes, aut transferendi. Ca-  
put. vii. 36.

## LIBRI SECVNDI.

- De Priscis populi Romani vestigalibus,  
Decumis, Quintis, Scripturâ, Porto-  
riis. Cap. i. Pag. 41.  
De Tributis & Capitatione. tum iniqui-  
situm in Modum vestigalium, &  
quid videatur reddidisse. Cap. ii. 43.  
Inquisitum item in Capitationis mo-  
dum, & pensum vniuersorum Tribu-  
torum. Cap. iii. 48.  
De Aerario militari, & Vigesima, Vige-  
simaquintâ, Centesima ad id explen-  
dum. Cap. iiii. 53.  
De Metallis, & argenti, auri, aliarum-  
que rerum fodinis. Cap. v. 55.  
De Vrinario vestigali & Chrysargyro,  
item de Meretricio. Cap. vi. 57.  
De opibus Byzantini imperij: & clausu-  
la ac finis Tributorum. Cap. vii. 59.  
Pecunia è Triumphis, & aliquot eorum  
inspecti æstimatique Cap. viii. 64.  
De Auro Coronario, & Coronis di-  
ctum. Cap. ix. 66.  
Impensæ publicæ in Militem, Magistra-  
tus, Populum: & de Frumentatione.  
Cap. x. 70.

- Impensæ in Ludos obiter ostensæ. Ca-  
put xi. 76.  
Dona Principum effusa, & primò Iulij  
Cæsaris. Cap. xii. 80.  
Augusti Principis dona. Cap. xiii. 84.  
Aliorum Principum dona. Cap. xiiii.  
pag. 88.  
De priuatorum aliquot opibus, & mate-  
riæ huius finis. Cap. xv. 91.

## LIBRI TERTII.

- Ad Opera Romana transitum, & primò  
de ligneis aut temporariis dictum.  
Cap. i. Pag. 96.  
Diuturna opera, & caput omnium Ro-  
ma. De situ eius, & in primis de ma-  
gnitudine indagatum. Cap. ii. 100.  
Magnitudo Suburbiorum Romæ, & ho-  
minum in totâ Româ multitudo. Ca-  
put iii. 107.  
De ædificiis vrbis Romæ communiter,  
& eorum altitudo. Cap. iiii. 113.  
Decor & ornatus ædificiorum. Excer-  
pta quædam, & primò de templo  
Capitolino exactius dictum. Cap. v.  
pag. 115.  
Item de templo Panthei, Vrbis, & Pacis.  
Cap. vi. 127.  
Fora Romana descripta; & distinctè Ro-  
manum, Iulium, Augustum, Transi-  
torium, Vlpium. Cap. vii. 132.  
De Balneis Thermis que, & breuiter de  
Rostris. Cap. viii. 139.  
De Statuis, & earum custodelâ. Cap. ix.  
pag. 142.  
De viarum magnis operibus, & nomi-  
natim de Appiâ. Cap. x. 145.  
Aquæductuum mira. Cap. xi. 149.  
Cloacarum mira. Cap. xii. 153.  
Traiani pons in Danubio. Cap. xiii.  
pag. 155.  
Priuatorum hominum Urbanæ aut Ru-  
sticæ ædes. Cap. xiiii. 157.

## LIBRI QVARTI.

- Transitum ad Virtutē Romanorum, &  
ea in genere prædicata. Cap. i. 163.  
Triplex



# I N D E X.

Triplex ordo in populo ostensus, & quisque in suâ parte laudabilis. Caput 11.	165.	xu Romano. Cap. vii.	184.
Iustitia & Clementia in bellis. Cap. 111.	pag. 169.	Excusati Romani à prioribus: & primum in Raptu vel Sæuitia, obiter. Cap. viii.	191.
Fortitudo Romanorum militaris. Caput 1111.	172.	Factum idem in Luxu mensarum, aut vestium. Cap. ix.	193.
Pietas, Probitas, Constantia Romanorum. Cap. v.	176.	Doctrinæ studia Romæ, & Salaria in Doctores. Cap. x.	197.
Contra Probitatem & Abstinentiam dicta & obducta quædam. Cap. vi.	pag. 180.	Diurnitas Romani imperij, & in occasione de patriâ Constantini. Caput xi.	199.
Pariter contra Continentiam; & de Lu-		Conclusio, & Laudatio magni Imperij. Cap. xii.	201.

## F I N I S.

### A P P R O B A T I O.

*Quattuor hos I. Lipsij de Magnitudine Romana libros, prælo dignos censeo, quòd eruditi sint, & pulchra varietate mirificè afficiant oble-  
tentiæque, nec non ad illustrationem antiquitatum plurimum conse-  
vant, nihil interim continentes quod Catholicæ fidei aduersetur.*

Guiliel. Fabricius Nouiom. Apostolicus ac  
Regius librorum Censor.



## PRIVILEGIUM CÆSAREVM.

**R**V'DOLPHVS SECVNDVS diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclauoniæ Rex, Archidux Austriæ, Dux Burgundiæ, Stirii, Carinthiæ, Carniolæ & Wirtembergæ, &c. Comes Tirolis, &c. Nostro & Sacri Imperij fidei dilecto IUSTO LIPSIØ gratiam nostram Cæsaream. Postquam inter alia, quæ DEVS immortalis hominibus liberali manu dedit dona, illustria inprimis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudi etiam & imperito hominum vulgo ita distinguuntur, vt tanquam Dij quidam splendescere in terris videantur: rem sanè præclaram seque dignam illi præstant, qui diligentem iis ipsis in literis ac disciplinis operam ponunt; præclarissimam verò & Reipub. vtilissimam, qui eas ita excolunt, vt aliorum menti docendo, scribendo lumina præferant, eosque ex ignorantiae tenebris quasi manu educant. Quos excitare, quos amare atque animare ad dignitatis nostræ munus, ad quod Diuino vocati beneficio, concessuque sumus, inprimis pertinere existimamus. Cum itaque ab iis, quorum nobis spectata fides, qui que iudicare de Literis possint, acceperimus, insignes te animi ingenii que tui dotes tibi à natura insitas à primis temporibus ætatis tuæ ita literarum ac disciplinarum studiis excoluisse atque exornasse, vt olim iuuenilibus adhuc annis præclara florescentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituiisti, dum vetusta Latine antiquitatis rudera in nouam subinde structuram singulari artificio eleganter conuertisti: ad exquisitam adeò & raram doctrinam, quæ magnam de te apud doctos quosque viros opinionem excitari, peruenisse, eamque variis abs te libris acri & graui cum iudicio scriptis atque in lucem editis ostendisse, vt in eo quod tam feliciter tractes scriptiois genere paucos tibi pares hodie reperire sit: iam verò matura te ætate virum, viro magis magisque digna, & viris doctis grata ac Reipub. vtilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verseris, flores colligere, concinnare, quibus Lectores mirifice recrees, & eorum pectus ad prudentiam, probitatemque informes: haudquaquam prætermittere voluimus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animadum magis patrociniòque nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, accepimus, Diplomate hoc nostro priuilegioque te & Typographum tuum aduersus quorumcunque fraudem, qui lucri causa, quod fieri solet, eadem excudere aut typis imitari fortè velint, munitos cupimus. Quamobrem pro auctoritate nostra Cæsarea decernimus, statuimus, vetamusque, ne quis Typographorum, Bibliopolarum,

aut



aut aliorum, qui librariam negotiationem exercent, eos libros, quos tu editurus es, quocunque modo, caractere, aut forma, siue integros, siue aliquam eorum partem typis imitari, edere, excudere, aut venundare intra facti Romani Imperij, Regnorumq. ac Dominiorum nostrorum hæreditariorum fines triginta annis proximis à primo editionis die computandis, absque tuo tuorumve hæredum consensu audeat. Hac autem lege addita, uti tria ut minimum cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, cum non solum eiusmodi libris, tibi, hæredibusve tuis, auxilio Magistratus, ubicunq. reperti fuerint, vendicandis, priuari, sed triginta etiam Marcharum auri puri multa, cuius semissis quidem Fiscus nostri Procuratori, fraudis vindici: alter verò semissis, tibi hæredibusve tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quàm Politicis, cuiuscunque status, gradus aut ordinis extiterint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iustitiamve exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis multa, eos puniri & quibuscunque modis coerceri curent, ni & ipsimet grauissimam nostram in se conuertere indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti. Anno Domini Millesimo, Quingentesimo Nonagesimo secundo. Regnorum nostrorum Romani decimo septimo, Hungarici vigesimo, & Bohemici itidem decimo septimo.

*Subsign.*

R V D O L P H V S.

Jacobus Curtius à Senftenaw.

*Ad mandatum sacre Cæsareæ M<sup>is</sup> proprium.*

Io. Baruitius.

*Additum sigillum Cæs. M<sup>is</sup> in cerâ rubrâ.*



SVMMA PRIVILEGII REGII

**P**HILIPPVS Dei gratia Hispaniarum, &c. Rex Catholicus, diplomate suo sanxit, nequis, Iusti Lipsij Historiarum in alma Vniuersitate Louanienſi Profefſoris, & item Historiographi ſui libros quosunque, à Cenſoribus legitimis approbatos, præter ipſius, heredumve eius, voluntatem, intra triginta annos à prima ſingulorum librorum editione computandos imprimat, aut alibi terrarum impreſſos, in has inferioris Germaniæ ditiones importet, venalẽſve habeat. Qui ſecũs faxit, præter librorum conſiſcationem triginta marcharum auri puri illatione mulctabitur. Vt latiũs patet in litteris, datis Bruxellæ xiv. Feb. M. D. xcvii.

Signat.

*Verreycken.*


**T**ibi JOANNES MORETE, pro amicitia quæ mihi cum Plantino (heu, quondam meo) & Plantinianis eſt ac fuit, tibi, inquam, permitto, uti hos DE MAGNITVDINE ROMANA libros quattuor, typis tuis excudas ac diuulges. Nequis alibi alius præter te, cupio ſiue iubeo, ex lege quam magnus Caſar & Rex meus dixerunt.

Iuſtus Lipſius.




ANTVERPIÆ,  
EX OFFICINA PLANTINIANA,  
APVD IOANNEM MORETVM.  
M. D. XCIX.















1830825



